

DE STATV
HOMINIS,
VETERISSIMVL
AC NOVÆ ECCLESIAE.
ET INFIDELIVM
CONVERSIONE.
LIBRI TRES.

Authore DAVIDE CAMERARIO Presbytero Scoto.




CATALAVNI,
Apud IACOBVM THEVENYM, Typographum
& Bibliopolam.
M. DC. XXVII.
CVM APPROBATIONE.

1

LIBER · PRIMVS.
DE STATV
HOMINIS,
VETERIS SIMVL
AC NOVÆ ECCLESIAE,
ET SANCTIS REGNI SCOTIÆ.

Autore DAVIDE CÂMERARIO Presbytero Scoto
Ad sanctissimum D. N. Vrbanum viii.
Pont. Opt. Max.



CATALAVNI,
Apud IACOBVM THEVENIM, Typographum
& Bibliopolam.
M. DC. XXVII.
Cum Approbatione.



SANCTISSIMO
DOMINO NOSTRO

VRBANO VIII. PONTIF. OPT.

MAX. DAVID CAMERARIUS

Presbyter Scotus in mira hac
gubernandi vigilantia.

Salutem plurimam & æternam felicitatem.



A est nobilium indoles animorum:
Beatissime Pater, ut altissimos
assequuti dignitatum gradus, ar-
etiori complectantur humanitate il-
los, quos suam antea receperant in
fidem ac patrocinium; maximum in
imperio suo commodum alienis com-
modis prolixius inferuire posse existimantes. Videmus sum-
ma cum animi nostri latitiâ hoc^{in te}, in quo omnia videmus
exaggerata virtutis ornamenta. Tuæ siquidem clientelæ cre-
ditos iam pridem Scotos, ab excelso summi sacerdotij fastigio,
ita foves, ut quò in altius remotiusque ab omnibus dignita-
tum culmen virtute tua diuinaque magnificentia euasisti, cò
propius ad illos accessisse videaris benignitate; hac etiam in
re (ut assoles summa quæque non minùs feliciter quàm ani-
mosè emulari) solem imitatus, qui altissimum cæli verti-

cem affectus, clariùs omnia illustrat, & maximam quâ intercedit distantiam, lucis ac calorìs copiâ rependit. Notum sanè est Leonem IX. pro suo in pristinam sedem à sancto Mansueto Scoto Apostolorum Principis auditore fundatam amore non Romani solum sed Tullensis etiam Episcopi nomen usurpasse. Tu verò qui regni nostri patronum diutius egeras, non modò insitam erga nos benevolentiam non dissoluisti, verùm inter publicam quoque munditotius administrationem, in Scotos sæpius exhibuisti Romanorum verè dignam Pastore charitatem. Testes sunt aureæ illæ voces, quibus mihi non raro significasti, libenter te de rebus Scotorum differentem audire, utpote qui in fide Catholica conseruanda olim constantissimi fuerunt, & in eadem propaganda diligentissimi. Quo tanti Pontificis iudicio ac benevolentia adductus sum, ut meas tuo numini dicarem lucubrationes. Ascipe igitur populi verè tui res gestas: videbis hic quatuordecim ipsis sæculis Scotorum in suscepta religione constantiam, ipsorum etiam Regum sanctimoniâ ac sanguine purpuratam. Videbis eorum industriam, qui in Angliam, Germaniam, Galliam, Hiberniam, lumen intulerunt, dumque antiquam regni illius pietatem aspicias, aspicias etiam miserrimam hoc tempore nostræ religionis conditionem, quæ usque adeò tenebris obducitur, ut præter unam, Urbani VIII. clementiam, nullam agnoscat auroram ex quâ inco-limitatis suæ diem sperare possit.

Vale.

IN OPVS DE STATV HOMINIS
VETERIS SIMVL AC NOVÆ ECCLESIAE,
& infidelium conuersione , Perillustis &
clarissimi viri D. Dauidis Camerarij.

EPIGRAMMA.



*Amatum immani prostrauit mole gigantem
Exiguus nuda dexteritate Dauid.
Funda, lapis, teneri monstrum domuere lacerti;
Viribus at paruis vim Deus ipse dedit:
Sic monstris dum bella paras, succurrit Iesus,
Speratámque pijs nisibus addit opem.
Sunt tua scripta manus, lapides, & funda rotata:
Hæresis est Goliath, tu Dauid esque Dauid.*

G. C. S. F.

A L I V D.

E I D E M.

Mirabar, Latias aquilas cnr repulit olim
Sola Caledonia stirps generosa plagæ,
Donec in aethereo solers Camerarius axe
Indigites Scotos mille videre dedit.
Tunc egomet mecum: ergo sanctum Scotia calum est;
Quid mirum, in Scotos si potuere nihil?
O genus Heroum, sanctorum inclita proles,
Sis quod eras quondam (Scotia) nilque time.

L. M. G. P.

E I D E M.

Doctus piusque iuxta Camerarius
Caliginosa nocte sanctimoniam
Cernens auitam scelerum & errorum premij
Factamque vero nomine esse Scotiam,
Eheu: tot olim splendidam virtutibus,
Stylo diserto sparsit ut rutila face:
Ter mille amores & patriæ honores suæ
Sacrisque amicam Scoticis lucem dedit.

W. C.

EPISTOLA AD LECTOREM.

DE consilio nostro in hoc opere non est, Amice Lector, quod te moneamus, cum ex se apertum nimis, & manifestum sit. Vnum tamen in huius operis editione contigit, quod te latere noluimus, commississe nempe nos horum librorum editionem quibusdam, qui nobis inscijs, Deum testamur, multa abstulerunt plerâque etiam addiderunt, quæ nec ablata, nec addita libenter vellemus; ut in secunda quàm meditamur editione ostendemus: inter alia, addita sunt quædam §. 1. cap. 2. partis 2. libri 1. nimis acerba, & in magnos viros, seuera; illa cum legeris, Amice Lector, nostra ea non esse, memineris. *Vale.*



PARS PRIMA

CAPVT PRIMVM.

§. I.^{us}.

DE MVNDI CREATIONE EIVSQVE AVCTORE DEO.



VM ab omni æternitate absolutissima perpetuaque
fuisse omnis felicitatis communicatio ipse Patrem
Filium & Spiritum Sanctum qui tres vnum Deum
constituunt, Deus ipse nullius rei indigus, sed per se
felicissim^{us}, nulla naturæ necessitate cōpulsus, sed sponte
& arbitrato suo mundum hunc non de hile liue mate-
ria increata vt falso existimauit Plato, nec ab æterno vt Aristoteles eius
discipulus censuit, nec denique ex atomis fortuitaue aliqua cōcursione
vt Democritus, sed è nihilo hoc est ex nulla antecedente materia in tem-
pore condidit. Docet hoc Catholica nostra fides, estque articulus fidei in
Apostolorum Synbolo expressus, cui omnes fideles absque alia mentis
agitatione subscribere tenentur, Deum scilicet vniuersi creatorem esse
Pro quo etiam stat inconcussa diuinæ scripturæ auctoritas tum alibi sæ-
pe, tum Gene. 1. Deum principio cælum & terram procreasse, suffra-
gaturque naturalis ratio, qua remoto lumine fidei notia mundi produ-
cto probari potest. Ex eo quod si mundus re ipsa esset æternus, factæ
iam essent infinite generationes & corruptiones, & ita nunc re ipsa nati
essent & mortui infiniti homines vt per se manifestū est: at si nati essent
infiniti homines, iam essent actu infiniti numero animæ rationales, eo
quod illæ sint immortales etiam secundum rationem naturalem vt ipse
met Aristoteles qui mundi creationem in tempore negauit agnoscere
& admittere visus est, vnde si mundus re ipsa esset æternus iam re ipsa
esset infinitum actu in animabus rationalibus: hoc autem est contra
Philosophiam naturalem & Aristotelem qui orane infinitum actu &

simpliciter impossibile esse contendit. Adde quod cum in dies crescat animarum numerus, sequeretur dari infinito infinitum maius & quod consequens est infinitum, esse finitum. Denique vt alia omittam tam euidentis est mundi in tempore productio, vt omnes penè antiqui Philosophi ante Aristotelem lumine rationis conuicti in tempore esse factum communi sensu decreuerint, vt ipsemet fatetur Aristoteles, 1. Cæli tex. 102. *πάντων μὴ ἀπ' αἰῶνος ἐκείνης*. Genitum igitur (inquit) omnes esse dicunt, supple mundum, vbi vides fateri Aristotelem se huius sententiæ in quali auctorem fuisse, vnde & apud Hierophontē sacerdotem duplici de crimine aliquando legitur accusatus, 1. quod in Lycro contra receptam omnium sententiam vnum esse Deū docuisset. 2. quod asseruisset mundum fuisse æternum. Sed de hoc satis.

§. 2^{us}

QVO ANNI TEMPORE MVNDI CONDITOR
MVNDVM PRODVXERIT.

Vidimus superiori § mundam in tempore esse productum, superest hoc § disceptandum quo anni tempore mundi conditor mundum produxerit, & quidem variæ sunt hac de re auctorum sententiæ, Augustinus enim Tornellus in Annalibus sacris veteris testamenti sequutus aliquos ex Hebræorum Rabbiniis & ex Catholicis Abulensem super cap. 1. Genes. quæst. 21. Nicolaū de Lyra, Ariam montanum, & alios, existimauit mundum in autumnali æquinoctio mense Septembri conditum esse, eo quod statim initio creationis mundi fuerint poma in paradiso quæ tamen non sunt nisi in autumno, vnde inferunt hi auctores non verno sed autumnali tempore creatum esse mundum.

Ego tamen longe probabilius existimo verno tempore id est mense Martio creatum fuisse. Sensus huius nostræ sententiæ est: Solem creatum fuisse in æquinoctiali circulo, in primo gradu arietis ac proinde primum signum quod percurrit sol, & à quo initium fecit dierum, mensium, & annorum fuisse signum arietis, atque ita primū mensium fuisse cum, quæ modo appellamus martium; Traditur hæc nostra sententia ab omnibus fere ss. PP. & scriptoribus Ecclesiasticis, Athanasio in responsione ad quæst. 17. Anthiochi, Basilio in hexameron Gregorio Nazianzeno in oratione in nouā dominicā, Cyrillō Hierosolimit. cateches. 17. Damasceno lib. de fide orthodoxa cap. 7. Synodo Palæstina à Theophilo episcopo Cæsariensi iussu Victoris Papæ congregata. Et ex latinis à sancto

Leone Papa sermon. 9. de Passione. Domini, sancto Isidoro lib. 9. Etimot. cap. de temporibus, Rabano Mauro super Exod. cap. 12. in libro de ratione temporum cap. 28. & 40. Sed neque hoc tantum Patribus visum est, sed antiquis etiam Astrologis, qui propterea solarem motum à principio arietis auspicantur, imò & Pœtis quorum inter Latinos princeps Virgilius 2. Georgic. ita cecinit.

*Non alios prima nascentis origine mundi
Illum sedes, aliumue habuisse tenorem
Crediderim: ver illud erat, ver magnus agebat
Orbis, & hybernis parcebat statibus Euri.*

Accedit his omnibus ratio ipsa nostram sententiam valde confirmans, quia inde decebat mundi nascentis exordium sumi, unde commodior rebus generandis ac conservandis temperies haberetur, talis autem maxime est verna temperies, in qua etiam deinceps initium semper fuit omnium generationum, incipiunt enim omnia verno tempore germinare ac florere, suosque fructus fundere, ut nemini sit dubium istud tempus rebus generandis ac fouendis aptissimum esse, Decuit igitur tali tempore mundum creati; *Decebat enim* (inquit Ambrosius lib. 1. hexam. cap. 4.) *inde capi mundi exordium ubi erat opportuna omnibus verna temperies &c. Decebat scilicet principium anni principium esse generationis, & ipsam generationem melioribus auris foueri, neque enim possent tenera rerum exordia aut asperioris laborem tolerare frigoris aut torrentis æstus iniurias sustinere.* Hæc ille ex quibus novam nostræ sententiæ probationem colligo, nam credibile & rationabile est res omnes recurrente anni circulo inde principium novæ generationis resumere unde primum diuinum præceptum acceperunt, Genes. cap. 1. Versu. 11. *Germinet terra herbam viuentem & facientem semen & lignum promiserum faciens fructum iuxta genus suum.*

Cum ergo cernamus recurrente vere initia generationum instaurari, omnino credibile est inde primam generationem incœpisse. *dedit ergo* (inquit Ambrosius) *formam fructus annorum curvulus, mundi primus exortus, ut ea lege annorum vicesurgerent, atque initio cuiusque anni produceret terra nova senyuum genera quo primum Dominus Deus dixerat, germinet terra herbam. &c.*

Tandem roboratur nostra sententia quia rationi consonum valde est eo mense mundum creatum esse, quo est reparatus, initio autem verni temporis inchoata & perfecta reparatio est (Initio enim veris Christus carnem in utero virginis assumpsit, & eodem tempore sanguinem in

cruce profudit) igitur etiam credibile est eodem verno tempore mundum fuisse creatum. Adde quod Exod. 12. præcepit Deus Israelitico populo exeunti ex *Aegypto* vt à mense martio sumptum esset anni initium, sed quia Israeliticus ille populus quamdiu fuerat in *Aegypto* more gentis solitus erat ab autumno anni principium facere, ideo iussi sunt pristinam consuetudinem repetere eamque in omne posterum tempus conseruare. Hoc igitur præcepto Deus docere voluit mensem martium esse verum anni initium ac proinde tali mense primò mundum esse creatum. Atque hæc breuiter in nostræ sententiæ confirmatiōnem dicta sufficiant.

Superest vt ad aduersæ sententiæ fundamentum respondeamus responsio autem duplex esse potest 1. multas arbores etiam verno tempore sanctus producere, vt sicus & similes arbores, quarum omnium fructus more loquendi scripturæ poma nominantur, vnde valde communis sententia est primos parentes esu ficum peccasse. 2. spectasse ad diuinam prouidentiam vt quandoquidem homines tunc non vescabantur carnibus iam inde a principio mundi fructus quosdam produceret quibus alerentur verum ad hoc non fuit necessarium mundum in autumno creari.

Sed quæres quonam die creatus fuerit mundus? respondeo creatum fuisse die quem nos dominicum vocamus: deducere hoc mihi videor ex Moysis historia Gen. 1. vbi habetur Deum sex diebus perfecisse creationem mundi & septimo quieuisse: dies autem septimus quo quieuit fuit dies Sabbathi. Nam Iudæis præceptum est vt abstinere ab omni opere die Sabbathi, eo quod illo die requieisset Deus ab opere suo, Creationis scilicet mundi, vt habetur. Exod. 12. non quod Deus quasi defatigatus indiguerit quie sed quia cessauerit nouas rerum species in mundo producere: quod si dies septimus in quo Deus cessauit ab opere fuit dies Sabbathi consequens est die dominico mundi creationem incepisse, & ita receptum videtur ab Ecclesia affirmante eodem die creatum esse mundum quo Christus a mortuis resurrexit, ita enim canit.

Primo dierum omnium,

Quo mundus extat conditus

Vel quo resurgens conditor

Nos morte tristia liberat.

Constat autem Christum Dominum resurrexisse die dominico, immo non aliunde quàm à resurrectione Domini dies iste dominicus dictus est. Igitur etiam mundus eodem die, hoc est die dominico creatus est.

§ 3^{us}

AN MYNDVS SIT CREATVS SPATIO 6. DIERVM
VBI ETIAM DE HOMINIS CREATIONE.



X dictis superiori §. facile colligi potest mandum non esse creatum in instanti vt sibi persuasit S. Augustinus i. de Genesi ad literam: qui senarium illum dierum numerum quo narrat Moyses mundum esse creatum traducit ad mysticas interpretationes & varias Angelorum cognitiones, nam quamvis dubium non sit quin Deus potuisset vnico instanti totam mundi creationem facere, tamen nimis clara & aperta est Moysis historia, vt minime conueniens & opportunum sit eam ad occultos & mysticos sensus traducere & detorquere, vnde Augustino contradicitur vulgo ab omnibus qui eodem consensu varijs rationibus ostendunt Augustini sententiam non posse cum historia sacra conciliari. Nobis hoc loco sufficiat argumentum superiori § ex diuino præcepto Exod. 20. petum, nunquam enim præcepisset Deus Sabbathum obseruari aut certe pro ratione sue voluntatis nunquam addidisset, quod Deus eo die ab omni opere quieuisset, nisi ad literam Moysis historia accipienda foret, & sex diebus mundi creatione ad finem perducta septimo die, id est, Sabbatho quieuisset, aliter enim intelligi merito non potest quomodo ideo sanctificari debeat Sabbathum quod ideo quieuisset Deus ab omni opere quod patrarat. Tenendum igitur absque vlla dubitatione est, mundum sex diebus fuisse creatum, septimoque nempe Sabbatho Deum ab opere cessasse, ac proinde creationem die dominico inchoasse.

Quod ad seriem & ordinem creationis attinet sic se habet; Primo die fecit Deus lucem virtute cuius tenebras effugauit, die vero secundo firmamentum in medio aquarum constituit, quo aquas superiores ab inferioribus diuisit, aquas die tertio in locum vnum coercuit, & aridam apparere mandauit & aridam vocauit terram, aquas autem quia congregatas maria nominauit. Postea autem incipit terra herbam viridem & ligna fructifera germinare lignaque & herbe coeperunt fructus & semina procreare. Deinde die quarto Deus duo luminaria magna in firmamento posuit: duoque luminaria magna, scilicet Solem & Lunam, vt alter diei altera nocti præset, formauit, quinto vero die in aquis creauit pisces, qui in aqua remanserunt, & volucres quæ suum ad æra volauerunt, sexto

autem die Deus in terra iumenta, reptilia, & bestias, tandem que hominem creauit, ipsumque in paradiso locauit, & sic sex diebus sua opera consummauit, & mundum secundum creaturarum distinctionem formauit, septimo die legitur quiescisse. Hæc breuiter de ordine creationis de qua variæ solent à sacris scripturæ interpretibus excitari quæstiones earque grauissimæ, quæ videri possunt apud Beccanum de opere sex dierum, etiam, Valent. tom. 1. Ludouicum Molinam in opere sex dierum Cornelium à lapide, Benedictum Pererium, Delrium, & alios. Nos igitur ijs omiſſis hoc loco de hominis tantum creatione disſeremus.

Hominem germen immortalitatis, delicias orbis terrarum, nexum, perfectionem ac finem omnium creaturarum, imaginem & similitudinem diuinæ maiestatis, filiumque omnipotentis Dei & heredem theſaurorum eius Deum optimum max. Sexto die post omnium animalium & rationabilium creationem fecisse, constans est Christianorum consensus. Magnum planè opus, neque enim vlla res est in ijs omnibus que sub aspectum cadunt, in qua plura diuinæ maiestatis attributa se prodant, nullaque magis quæ magis Angelos eam contemplantes mouere ad admirationem queat. Atque vtinam cum in honore esset, intellexisset, non comparatus esset iumentis insipientibus, & similis illis factus esset, qui similis & subpar conditus fuerat Angelorum. Vidit Deus (inquit sacer textus) die sexto post animalium terrestrium creationem, quod esset bonum, & ait: *Faciamus hominem ad imaginem & similitudinem nostram, & præſit piscibus maris, & volatilibus cæli, & bestijs vniuersæ terræ, omni que reptili quod mouetur in terra.* Quibus verbis duo continentur, vñ quod pertinet ad suscepti operis gloriam, alterum ad Dei opificis maiestatem. Est enim hoc quasi Dei consilium & deliberatio quadam super opere prestantissimo perpetrando qui tamen in cætera molitione rerum nuda iussione contentus fuit, vt egregie post Origenem notauit sanctus Ioannes Chryſo. *Vidisti (inquit) sermone solo & præcepto omni creaturæ 5. diebus formari? vide hodie quantæ verborum diuersitas, non enim iâ dicitur fiat homo, sed quid? faciamus hominem secundum imaginem nostram & secundum similitudinem.* Quid hoc noui? quid rari? quis nam ille qui formandus? ad quem faciendum opifici tanto consilio & circumspectione opus? ne mireris discede, homo enim inter visibilia omnia dignitate præcellit, propter quem condita sunt hæc omnia Cælum, Terra, Mare, Sol, Luna, Stella, Reptilia, lumen, brutæque Animalia. Et mox, *Figura verborum declarare volui, quem excellentem honorem homini qui formabatur impendat.* Quod ad alterum attinet: Notatur hic locus à ss. PP. tanquam sanctissimæ Trinitatis illustre testimonium, proposuit enim Pater

æternus quid facturus esset cum filio suo magni consilij Angelo per quæ facta sunt omnia, & Spiritu sancto qui bonitatis suæ thesauros in hominem præ cæteris animantibus, erat effusus. Nunc videamus quid fecit. Et creavit Deus hominem ad imaginem suam; ad imaginem Dei creavit illum, masculinum & feminam creavit eos. Hæc summatim de hominis creatione, sed mox distinctius de corporis formatione & animæ productione. Formavit igitur Dominus Deus hominem de limo terræ & inspiravit in faciem eius spiraculum vitæ, & factus est homo in animam viventem. Ne autem mulier minus viro suo habere videretur, de eius etiam creatione diuinum cogitur consilium. Adeo vero (inquit) non inueniebatur adiutor similis eius, in omnibus videlicet animantibus creatis. Dixit quoque Dominus Deus non est bonum esse hominem solum, faciamus ei adiutorem similem sibi, Immisit ergo Dominus soporem in Adam cumque obdormisset tulit unam de costis eius, & replevit carnem pro ea, & edificavit Dominus Deus costam quam tulerat de Adam in mulierem & adduxit eam ad Adam. Hæc sunt quæ de primorum parentum productione Moyses tradidit, cuius occasione possent plurima disputari, quia tamen commodius tractabuntur sequenti § ijs relictis superest hoc hoc loco discutiendum ubi & in quam hominis ætate ac corporis constitutione creatus fuerit Adam, & quidem de loco hoc solum affirmare possumus non fuisse in terrestri paradiso plasmatum, nam Genes. cap. 2. versu 13. hæc habentur: Tulit ergo Dominus Deus hominem, & posuit eum in paradiso voluptatis, &c. Si igitur Deus tulit seu transtulit utique de loco in quo eum creauerat, transtulit in paradysum voluptatis, & consequenter non in ipso paradiso sed alibi illum creauerat; ubi vero non exprimitur in sacris literis, communiter tamen creditur quod in agro Damasceno qui à Mesopotamia in qua paradysum terrestrem communius & probabilius ponunt auctores, non valde admodum aberat. Quod vero attinet ad ætatem, existimo in ætate virili & perfecta creatum fuisse, nã sicuti Deus plantas & animalia omnia non paulatim, vt sit naturaliter, singula ad perfectum propriæ naturæ statum perduxit, sed illico quæque in suo genere procreavit: ita etiam hominem non in puerili aut infantili, sed in virili ætate, eaque perfectissima fecisse procul dubio credendum est. Et quidem cum Adamo & Eve tunc a Domino dictum sit Crescite & multiplicamini, &c. oportet illos ex tunc ad minus iam fuisse adultos & ad generandum aptos. Quenam autem fuerit propria Adami ætas quando creatus est, plenè exploratum haberi non potest.

§. 4.^{us}DE DIGNITATE HOMINIS CREATI TAM QVO
AD ANIMAM QVAM QVO AD CORPVS.in psal.
60.libro de
republica
hominis
v. 110.

Cognitio humane dignitatis quam hoc in loco inquirimus: nihil aliud est quam perfecta & exquisita quædam cum animæ tum corporis noticia, quæ latitudine sua & complexu, tam huius quam illius perfectiones & dignitatum ornamenta complectatur & ambiat, quam quidem scientiam ex parte eius aliqua naturales intellectus nostri vires nobis pariunt, plenius autem & perfectius eam Christianæ fidei cœlitus immissum lumen patefecit & exposuit. Vt enim præclare Augustinus: Non noueramus nisi nati hominem & mori: resurgere hominem & vivere in æternum, non noueramus: suscepit (nimirum Christus) quod noueras & demonstrauerat quod non noueras. Nobis igitur (vt earumdem partium perfectionis rationem magis exploratam habeamus) de vtriusque bonis tam fidei lumine quam naturali ratione notis, summam agendum est. Atque cum nobilitatis habenda sit ratio primo loco de ipsa anima tractandum. Et maximum quidem animæ ornamentum quod nobis in anima sese considerandum offert, est Dei in ea imago quam ad solum hominis animum pertinere præclare post Patres docet Vestonius. Est igitur homo imago vel similitudo Dei, eaque non corporalis, sed spiritalis. Rursus hæc duplex, altera naturalis, altera supernaturalis. Naturalis quatenus animus noster incorporeus & indiuiduus, immortalis, intellectu & voluntate præditus, libero arbitrio pollens, capax sapientiæ, virtutis, diuinæque gratiæ, ac gloriæ, cunctorumque animalium dominus, ac præses est: quæ rationes desumptæ sunt è sanctis Patribus; quamuis illi vnam, aut alteram dumtaxat ad rationem Imaginis declarandam attulerint: & hæc ratio imaginis cum sit conaturalis homini, peccato eiusdem hominis nequiuit adimi & aboleri, nisi homo esse desineret. Porro secundum animam multiplex ratio apparet, vt ad imaginem & similitudinem Dei efformatus homo videatur vt disertissimè prosequitur Ambrosius tract. de dignitate hominis cap. 2. in hunc modum. Hæc imago diligentius ex interioris hominis nobilitate est consideranda, 1. quidem quod sicut Deus vnus semper & vbique totus est omnia reificans mouens & gubernans: sic anima in suo corpore vbique tota riget, reificans illud, mouens, gubernans, nec enim in maioribus corporis sui membris maior, & in minoribus minor, sed in minimis tota, & in maximis tota. Et hæc est imago

unitatis

unitatis omnipotentis Dei quam anima habet in se. Est enim ea Trinitatis imago, licet enim unus illa sit natura, tres tamen in se dignitates habet, id est, intellectum, voluntatem & memoriam. Atque in his tribus Dei imaginem mirabiliter gerit in sua natura noster interior homo, ex quibus quasi excellentioribus anime dignitatibus iubemur diligere conditorem, ut in quantum intelligitur diligitur, & quantum diligitur in memoria habeatur, ut sicut non potest esse momentum quo homo non utatur vel fruatur Dei bonitate & misericordia, ita nullum debeat esse momentum quo presentem eum non habeat memoria, idque in Evangelio Matthei 22. designatur, cum dicitur, Diliges Dominum Deum tuum ex toto corde tuo, & ex tota anima tua, & ex tota mente tua, id est, ex toto intellectu & ex tota voluntate & ex tota memoria. Ad hæc pete ex Theologia diuinas processiones in hominis anima mirabiliter adumbrari: ut enim Pater seipsum, ac suam omnem perfectionem intelligens per intellectum producit verbum, imaginem, & quasi conceptum sui qui secunda persona dicitur. Deinde Pater & Filius verbum suum, inuicem sese amando per voluntatem spirant amorem rationalem qui dicitur Spiritus sanctus, nec ultra in diuinis ad intra vlla alia intelligitur productio: sic ubi se anima intelligit verbum sui, imaginemque producat per intellectum, & per voluntatem ubi se amabit, spirabit amorem sui. In utraque enim actione productus existit terminus, verbum, & amor. Tametsi hoc inter alia intererit, utrobique discrimen, quia in anima propter sui imperfectionem multa sunt accidentia, ut sunt etiam illi duo termini productionum, verbum & amor: at in diuinis, cum nec imperfectio vlla, nec aliquid accidentium effingi queat, sed quidquid in Deo est substantia, essentia, Deus sit: consequenter & verbum à Patre se intelligente productum, & amor ab eodẽ Patre, verboque inuicem amantib⁹, spiratus Deus est. Ac sicut in diuinis ad intra, sic ad intra in anima seipsam & intelligente & amante concipi non possunt plures quam illæ duæ productiones. Sed hæc subtiliora Theologis relinquamus.

Supernaturalis vero imago, est accidentalis gratiæ & iustificationis quæ in patria perficietur, & consummabitur, quatenus pro libertate arbitrij potest in hac vita amitti, licet possit iterum accipi & restaurari. De qua secunda ratione imaginis dixit Paulus: Nos vero omnes reuelata facie gloriam Dei speculantes, in eandem imaginem transformamur à claritate in claritatem, tanquam à Domini Spiritu. Vbi D. Thomas explicat, quod cum omnis cognitio sit per assimilationem cognoscentis ad cognitum, oportet ut qui vident Deum, aliquo modo assimilentur Deo. Et iterum idem Paulus dixit: Renouamini autem spiritum mentis vestræ, & induite nouum ho-

2 ad
Cor. 3.

ad
Ephes.

4.

minem qui secundum Deum creatus est in iustitia & sanctitate veritatis, id est, sanctitate vera in qua similis Deo, conditus est Adam. Videndus in hanc sententiam D. Ambrosius tract. citato cap. 3. qui sic effatur: Sicut Deus creator, qui hominem ad imaginem & similitudinem suam creauit, est charitas, est bonus & iustus, patiens atque mitis, mundus & misericors, & cetera virtutum sanctarum insignia, quæ de eo leguntur, ita homo creatus est, ut charitatem haberet, ut bonus esset & iustus, ut patiens atque mitis, mundus & misericors foret, quas virtutes quanto plus quisque in seipso habet, tanto propius est Deo, & maiorem sui conditoris gerit similitudinem, &c. Qui maior honor potuit homini 'esse, quam ut ad similitudinem sui factoris conderetur, & iisdem virtutum vestimentis ornaretur quibus & conditor; de quo legitur, Dominus regnavit decorem indutus est, id est, omnium virtutum splendore & totius bonitatis decore ornatus. Vel quod maius homini potest esse dedecus, aut infelicitis miseria, quam ut hac similitudinis gloria sui conditoris amissa ad informem & irrationabilem Brutorum iumentorum delabatur similitudinem? iuxta illud psalmistæ. Homo cum in honore esset non intellexit, comparatus est iumentis insipientibus, & similis factus est illis. Quantum vero suæ dignitatis consciscius ac memor secundum essentialem Dei in seipso imaginem, ne à suo prototypo aberreret, ac degeneret, & quantum vigilans eiusdem conferuator secundum accidentariam similitudinem homo esse debeat, luculentè docet Diuus Ambrosius 6. Hexam. cap. 7. ubi sic hominem alloquitur: Tibi homo attende, & te ipsum scito, hoc est non quales lacertos habetas non quantam corporis fortitudinem non quantas possessiones, quantam potentiam, sed qualem animam ac mentem, unde omnia consilia proficiuntur, ad quam operum tuorum fructus refertur. Illa est enim plena sapientiæ, plena pietatis atque iustitiæ, quoniam omnis virtus à Deo est, cui dicit Deus: Ecce ego Hierusalem pinxi muros tuos. Illa anima à Deo pingitur qua habet in se virtutum gratiam venientem: splendoremque pietatis, illa anima bene picta est, in qua elucet diuina operationis effigies, illa anima bene picta est in qua est splendor gloriæ & paternæ imago substantia, secundum hanc imaginem que resulget pictura pretiosa est Adam ante peccatum: sed ubi lapsus est deposuit imaginem celestis, sumpsit terrestris effigiem. Hæc Ambrosi^o. Ex his verbis colliges (quod etiam commune est inter Patres & Doctores) imaginem & similitudinem Dei accidentalem quæque assumi deponique potest, esse gratiam iustificantem per quam homo sit diuinæ consors naturæ, ut loquitur D. Petrus. Huius ego hominis animæ in statu gratiæ sanctificantis dicitur à Domino, quod deinde cap. 8. repetit D. Ambrosius: Ecce ego Hierusalem pinxi muros tuos. Valida se allere homini murorum de disse præsidia, ut

si peruigil speculator in portis sit, obsidionis possit periculum propulsare. Habes in Isaia 27. quia iusti anima dicit: *Ego ciuitas munita, ego ciuitas obsessa*: munita per Christum, obsessa per diabolum. Sed non debet obsidionem vereri, cui Christus adiutor est, munitur enim gratia spiritali & secularibus periculis obsidetur. Cognosce ergo te decora anima, quia imago Dei es. Cognosce te homo qui gloria es Dei. Propheta dicit: *Mirabilis facta est cognitio tua ex me*, hoc est, in meo opere, tua mirabilis facta est maiestas, in consilio hominis tua sapientia prædicatur. Dum me intueor, quem tu in ipsis cogitationibus occultis, & internis affectibus deprehendis, scientiæ tuæ agnosco mysteria. Cognosce ergo te o homo quantus sis & attende tibi. Atque hæc de animæ dignitate dixisse sufficiat. Alia enim quæ de ipsius immaterialitate, immortalitate & natura, intellectus, voluntatis & memoriæ, alijsque similibus dici possunt, passim apud auctores inuenies. Videri possunt D. Ambrosius locis citatis D. Basilii homil. 10. de hominis dignitate. Salianus, & Tornielus in Annalibus veteris testamenti, ubi agunt de creatione hominis & Vestonius de triplici hominis officio.

Iam quod ad corpus attinet, præter omnia illa ornamenta quæ nunc quoque in humanis corporibus cernuntur, nobilitatis, pulchritudinis, roboris, staturæ, complexionis, optimæque dispositionis organorum, ut posset egregiè functionibus animi famulari, aliud etiam additum est, quod pene his omnibus preponderabat impassibilitas videlicet atque immortalitas. Et quidem immortalitatem homini a Deo concessam fuisse scribit Sapiens sap. 2. versu 13. Nobilitas certe terreno corpori maior optari non poterat, quam habere architectum & factorem ipsum Deum: nulla gloriosior affinitas quam animæ rationis compoti, quæ imaginem Dei indelebilem ferat esse quasi coniugio longe iucundissimo atque inseparabili copulatam: nulla pulchritudo maior Adamo, quam ut illi simillimus esset, qui fuit speciosus forma præ filiis hominū. Quantum vero fuerit eius robur, quæ firmitas laterum, quis neruorum vigor, docet non-gentorum & triginta annorum ætas. Statura non solum recta fuit & cælum ipetans ut eleganter his versibus expressit Ouidius 1. Metamorphoseon.


Prænaque cum spectent animalia cætera terram,

Os homini sublime dedit, cælumque videre

Inssit, & erectos ad sidera tollere vultus.

Sed etiam celsa atque erecta qualem decebat imperatorem orbis terrarum ut egregiè significat S. Gregor. Nyssen. lib. de opifice hominis, cap. 4. Iam illa attemperata humorum proportio si qua vnquam excel-

lens in aliquo mortalium fuit, in primo cetè atque secundo Adamo fuit quoniam uterque habuit immediatum fabricatorem Deum, cuius omnia perfecta sunt opera. Denique neque id dubitandum videtur, quin organa externis internisque sensibus necessaria perfectissimè digesta essent, ut quæ diutissimè vitæ functionibus rectè cõstanterque obeundis seruire oportebat. Quæ tamè necesse erat tandem aliquando marcescere & in interitum vergere propter elementorum inter se pugnantium cõiunctionem, nisi Deus illum singulari munere immortalitatis quæ maxime esu pomi vitalis arboris constabat, ab interitu vindicasset, ut propterea istiusmodi immortalitatis non esset impotentia moriendi qualis est in rebus spiritualibus, sed potentia non moriendi. Et hæc de corporis dignitate, quibus quâuis multa addi possent breuitatis tamen causa omittim⁹. Videri possunt præter supra citatos Philo de fabrica mûdi, Hippo. de hominis structura, Galenus, de vsu partiũ. Melesius de natura hominis, Lactatius de opificio Dei, Granatenfis lib. 1. in Symb. Andreas Vesalius, Ludouicus Molina, Benedict⁹ Pererius, Cornelius à lapide, & alij.



CAPVT SECVNDVM.


§. 1^{us}.

DE HOMINIS IN PECCATVM LAPSV.

EGI MV S huc vsque de mundi huius & hominis creatione, eiusque dignitate: videndum iam nobis est, quomodo ingratus homo erga Deum creatorem suum se gesserit, qui tot tantisque beneficijs ab eo acceptis cum vnicum dumtaxat præceptum positum, scilicet abstinendi à ligno scientiæ boni & mali, ab eodem Deo in recognitionem supremæ potestatis suæ accepisset, ne illud quidem obseruare, neque creatori suo, in re præsertim tam facili obedire sustinuit. Etenim Æua primum serpentina ac diabolica calliditate insipienter decepta, deinde Adam quoque, vxori suæ nimium credulus, de vetito ligno degustantes, seipsos sobolemque suam vniuersam in mala innumera præcipitauerunt. *Peremptores prius hominum quam progenitores effecti*, ut pulchrè Bernardus. Casum hunc, etiam nunc cunctis hominibus deplorandum sacra describit historia, Genes. 3. Est autem talis. Tentauit Satan Æuam, primo per se ipsum subtili quadam suggestione in ea excitando desiderium omnimodæ libertatis edendi de quolibet paradisi

ligno & quod hinc sequitur quādam etiam diuinæ prohibitionis displicentiam. Deinde medio serpente eam illis verbis interrogauit: *Cur præcepit vobis Deus vt non comederetis de omni ligno paradisi? vt quidnam interua illa suggestio operata esset cognosceret.* Vt autem illa respondit, imperasse illis Deum ne de ligno in medio paradisi existente velcerentur, & ne illud tangerent, ne fortè morentur, intellexit diabolus, iam aliquāter Eux displicere cœpisse Dei præceptum, quod clarè indicabant verba illa, per exaggerationem addita: *& ne tangeremus illud,* (nihil enim tale dixerat Deus) & insuper vidit eam circa futuram pœnam: transgressoribus indictam dubitare, *ne forte* (inquit) *moriāmur,* non obstante quod Deus absolute & simpliciter pronuntiasset: *in quacunque hora comederitis, moriemini,* itaque iam pœne victor dæmon audacter litationem excutit, & timorem mortis: displicentiā vero præcepti, per calumniam, vsque ad præcipientis odium conatur augere, quali is inuidia in ipsos motus scientia vehementer desiderabili, priuare ipsos voluerit. Nequaquam (inquit) *morte moriemini,* scit enim Deus quod in quocunque die comederitis ex eo aperientur oculi vestri & eritis sicut Dij, scientes bonum & malum. Quæ verba, si quis ea diligenter perpendebat, sophistica, ambigua, & fallaciæ plena sunt, serpenteque digna, vt hinc discere liceat, diabolum fuisse primarium sophisticarum deceptionum inuentorem, eique propterea antonomastice cōuenire illud Ecclesiastici, *qui sophisticè loquitur odibilis est.* Siquidem æquiucando, cuncta cōfundit, dum alio sensu loquitur versipellis, & alio sua dicta intelligi curat, nam quod ait, *nequaquam morte moriemini,* verum quidem est, si de subitanea morte corporali accipiat, (multum namque post peccatum superuixerunt) falsum tamen erat, quod ipse volebat intelligi, videlicet quod statim vita animæ, quæ Dei gratia est, non essent priuandi, & quod nunquam immortalitatem corporis, quam à Deo acceperant, amittere possent. Hinc patet quam verè de diabolo dixerit Dominus: *Non est veritas in eo: cum loquitur mendacium ex proprijs loquitur quia mendax est, & pater eius, nempe mendacij.* Nam & ea quæ sequuntur: *scit enim Deus, quod in quocunque die comederitis ex eo, aperientur oculi vestri:* manifesta continent mendacia, ingentemque blasphemiam in eo sensu accepta, quem diabolus mulieri persuadere intendebat. Sciebat enim nequissimus, illam oculorum apertionem non ad eos beatificandos, sed ad eos confundendos esse directam, quemadmodum re ipsa euenit, quando post lapsum se nudos conspexerunt his igitur captiosis verbis decepta mulier dat manus anhelās ad illam omni contentione expetendam Dei similitudinem, ad expetitā

libertatem, ad insolitam illam oculorum claritatem, ad scientiam boni & mali. Aufert de fructu arboris & comedit viroque suo comedendum tradit, qui pariter ad vxoris exemplum comedit; sicque vterque peccatum inobedientiæ consummatum admisit, peccatum inquam, grauissimum tum ob magnam facilitatem non peccandi, tum ob magnâ rationem etiam non peccandi propter tam ingentia beneficia recensâ deo accepta, & magnam pœnam peccanti propositam perniciemque in totû humanum genus diffundendâ. Sed nostri instituti non est hæc pluribus hoc loco disputare. Videri possunt Benedictus Pererius, & Corneli^{us} à lapide, ille lib. 6. Cômmentariorum in Genes. à principio, hic vero in cap. 3. genes. qui præclarè multa de hoc Adami peccato ijsq; quæ postea acciderût disputant. Hæc igitur dixisse sufficiat de ceteratione & lapsu primorum parentû. Restat aliquid de pœnis primis parētibus eorûque posteritatis propter hoc peccatum inflictis sequenti §. disceptandum. Sit igitur.

§. 2^{us}.

DE POENIS PRIMIS PARENTIBVS EORVMQVE POSTERITATI PROPTER PECCATVM INFLICTIS.

Peccatum primorum nostrorum parentum ob varias causas grauissimum fuisse in fine superioris § diximus, inter alias propter pœnam peccanti propositam perniciemque in vniuersum humanum genus ex peccato diffundendam, Reliquum est vt hoc loco aliquid de his peccatis pœnis dicamus.

Et quidem prima & omnium princeps, latissimeque patens, fuit amissio iustitiæ originalis, quæ vt Adamo totique posteritati data erat ita eius priuatio omnes constituit peccatores: porro hæc iustitia originalis non erat simplex aliqua qualitas, sed continebat varia dona supernaturalia, quorû aliqua erant in anima eiusque potentijs, aliqua in corpore: nam in anima erat gratia gratum faciens: in intellectu, fides: in voluntate, spes & charitas: in appetitu sensitiuo diuersi habitus; qui illi rationi subijciebant: denique in corpore qualitas quædam supernaturalis, quæ ipsum à morte & alijs nocumentis præseruabat, adiuucta tamen externa Dei protectione. Omnia autem dona hæc nobis per Adami peccatum sublata sunt, quamuis in ipso Adamo manserint fides & spes. Secunda pœna & quæ ex subtractione iustitiæ originalis sequitur in animæ potentijs, est ignorantia in intellectu, malitia in voluntate, con-

cupiscentia in appetitu concupiscibili: infirmitas in appetitu irascibili. Et hæc sunt quatuor vulnera quæ dicuntur esse inflicta naturæ humanæ per peccatum Adami. Quod autem vulnera hæc ex subtractione iustitiæ originalis sequantur: inde probatur, quia iustitia originalis efficiebat ut omnes potentia animæ essent bene dispositæ & ordinatæ, subtracta vero iustitia statim subsequuntur prædictæ imperfectiones. At iniquitas istarum imperfectiones naturales sunt, & fuissent etiam in statu puræ naturæ. Quomodo ergo sunt effectus peccati & vulnera per peccatum inflicta? Respondeo esse quidem naturales sed tamen per iustitiam originalem sublatis fuisse, & quia per peccatum iterum reuixerunt, ideo dicuntur esse effectus peccati.

Tertia pena effectusque peccati actualis primi parentis & qui etiam ex originalis iustitiæ subtractione sequitur in corpore, est mortalitas, morbus, mors, & alij defectus corporales quos patimur: qui quamvis sint etiam quodammodo naturales tamen per iustitiam originale amiserunt penitus sublatis, & quia postea per peccatum redierunt dicuntur esse effectus peccati. Et ex his datur intelligi quomodo capiendum sit quod ait Concil. Trident. sess. 5. totum hominem secundum corpus & animam per Adami prævaricationem in deterius esse mutatum: hoc enim verum est quia amisit iustitiam originalem, & sic in omnes istas corporis & animi enumeratas miseras incidit.

Præter hos tres effectus peccati primi parentis qui in nobis sunt, sunt etiam alij extra nos ut ira Dei, captiuitas sub diabolo, crudelitas hominum in alios homines, inimicitia & rebellio bestiarum; denique omnia mala quæ a cælo, mari, terra, cæterisque elementis patimur. His omnibus addunt nostri temporis hæretici amissionem liberi arbitrij, sed eos hac in re insani re fauente cælo lib. 3. ostendemus.

Quæres cum Deus hæc omnia mala præviderit ex peccato sequutura cur primis nostris parentibus præceptum iniunxerit permiseritque eisdem prævaricari & seipsos prolemque suam in tot tantaque mala precipitare? Respondeo causam huius permissionis fuisse ipsorum ingratitude, siquidem nusquam legitur quod quando creati sunt & in terrestri paradiso positi, & cunctis animantibus dominari cœperunt, & de omnibus terræ fructibus nullo ipsorum labore ipsi prouisum fuit, debitas de his Deo gratias egerint, neque quod in Dei laudes, ut par erat proruperint. Propterea sicut ad Rom. 1. Vers. 21. & deinceps de Ethnicis & infidelibus dicitur: *Quia cum (subaudi lumine naturali) cognouissent Deum, non sicut Deum glorificauerunt, aut gratias egerunt*: post pauca subiungitur propter

quod tradidit illos Deus in desideria cordis eorum. hoc est, vt ibidem præclare interpretatur T. Innannus, permisit illos Deus pertrahi à concupiscentijs prauis affectus. i. Et paucis interpositis, & in passionibus ignominia & in reprobum sensum, &c. ita & de nostris primis parentibus dici potest, quod quia Deo ingrati fuerunt nec pro tam immensis beneficijs ei debitas gratiarum actiones rependerunt, ideo iusto Dei iudicio permisi sunt ab infernali serpente decipi, & vnicum quod a Deo acceperunt præceptum violare, inque malorum profundum ruere. Ita ratiocinatur Rupertus lib. 2. in Genes. cap. 39.



CAPVT TERTIVM.

§. 1^{us}.

QVÆNAM ORIGO ET CAUSA FVERIT IDOLOLATRIÆ:
QVID PROPRIE SIT? ET QVANDONAM EXORTA?

IGNORANTIAM effectum esse peccati primorum parentum ex superioribus palam est, inque illam idcirco & merito penam delinquentes incidisse dubium non est propter insignem illam arrogantiam, & non nisi cum stultitia singulari coniunctam nequitiam qua ad scientiam boni malique præpostera quadam cupiditate, adspirare voluerunt. Vnde sicut in navis celeri cursu ad caute[m] allisæ ille præsertim partes dissiliunt comminutæ, quæ cursui vel maximè inferuunt: ita in ipsis animus ad peruersum quid delatus, in ipso intellectu perperussus est grauiissimum malum: cuius præsertim opera vitæ administratio perficitur. Ex hinc in ciuilibus stultitijs, in Phylis tarditas, in Theologicis error. Et quæ quæso maior & crassior in Theologicis & diuinis rebus (vt Phylis & ciuiles relinquam) ignorantia nebula hominū animos incellere potuit quam sibi similes in Deorum numerum referre & bruta animantia similiaque multa pro Dijs habere, quod ex Dei ignoracione cum stupiditate mentis coniuncta & quod hinc sequitur ex nimio erga creaturas affectu ortum habuit, vt docet Sapiens cap. 14. Versu 15. *Acerbo luctu* (inquit) *dolens Pater cito sibi rapti filij fecit imaginem & illum qui tunc quasi homo mortuus fuerat, nunc tanquam Deum colere cepit, &c. & cap. 13. Versu 1. Vani autem sunt omnes homines, in quibus non subest scientia Dei, & de his quæ videntur bona non potuerunt intelligere cum qui est, neque operibus attendentes agnouerunt quis esset artifex, sed aut ignem, aut spiritum, aut citatum aerem,*

aerem, aut girum stellarum, aut nimiam aquam, aut solem & lunam rectores orbis terrarum Deos putauerunt: quorum si specie delectati Deos putauerunt, sciamus quanto his dominator eorum speciosior est. Ex his ergo constat Dei ignorantiam cum mentis stupiditate coniunctam causam & originem dedisse idololatriæ & ob hanc ignorantiam facile fieri potuit ut specie ipsa creaturarum tanquam muscipula insipiens animus caperetur. Non equidem affirmo hanc esse adæquatam idololatriæ causam, scio enim etiam huius flagitij originem esse diabolum, diuinitatis ab initio æmulum, callidus enim serpens dum in simulachris vel per responsa vel per varia facinorosa motales illudit, sua Deum gloria priuare, eamque sibi vindicare intendit, & modis omnibus contendit. Vide Lactantium lib. 2. de Orig. error. cap. 17. Nazianzen. oratione 2. de Theol. quo factum est tandem ut omnes dii gentium fuerint dæmonia Psal. 95. 5. Atque hæc de origine & causa idololatriæ, iam quid illa sit breuiter est explicandum.

Est autem idololatria si vocem spectes idolorum cultura, si rem ipsam vel usum est abominabilis ille cultus quo honor soli Deo debitus sacrilegè tribuitur creaturæ: ita Apostolus: *Qui communiuerunt* (inquit) *veritatem Dei in mendacium, coluerunt & seruierunt creaturæ potius quam creatori* Ad Rom. 1. *qui est benedictus in sæcula.* Est enim *λατρεία* Theologicè loquendo, honorare seu adorare diuinitatem, eo cultu, qui soli Deo conuenit: *λατρία* vero est summus ille cultus, vel ut breuiter S. Ambrosius *honorificentia Dei quam idololatria usurpat & creaturæ vendicat.* Ad rationem ergo idololatriæ duo requiruntur; vnum ut quod honoris & cultus creaturæ tribuitur, id vni Deo debitum sit, alterum ut ille honor diuinus ita impendatur creaturæ, sicut cum Deo impendi oporteret, si alterutrum, vel utrumque desit idololatria non erit. Ex hac idololatriæ definitione euidentius redditur quam ineptè Nouatores velint idololatriam propriè esse omnem cultum etiam veri Dei qui sine Dei verbo & mandato usurpatur etiam si usurpetur cum intentione colendi verum Deum, Quam doctrinam habet Stigmaticus Perfuga Ioan. Caluinus: Lib. 1. Instit. cap. 11. ubi absurdissimè contendit Iudæos cum adorarent in deserto vitulum, non creaturam aliquam sed Deum ipsum verum in simulachro visibili voluisse adorare, & ideo commisisse idololatriam. Eandem doctrinam habet Melanc. in locis communibus tit. de Cæremoniis in Ecclesia ubi definit cultum Dei hoc modo. *Cultus Dei est opus mandatum à Deo, sub certo Dei testimonio institutum quo Deus pronuntiat se honore affici.* Vult ergo Melanc. ad verum Dei cultum requiri ipsius Dei mandatum in scripturis expressum; mandatum hoc nisi habueris, quantumuis verum Deum colere.


intenderis, non verus Dei cultor eris sed Idololatra.

Verum reiicitur insana hæc Nouatorū doctrina, i. Nam scripturæ ē diametro aduersatur, scriptura siquidem passim commendat cultum spontaneum & eos omnes qui operibus varijs nequaquam à Deo præceptis, Deum ipsum coluerunt eosque proponit nobis imitandos. Commendat Annam Prophetissam, cuius laus est in Euangelico à ieiunijs & assiduis orationibus: *non enim*, (ait scriptura) *discedat de templo ieiunijs & obsecrationibus seruans die & nocte*, & vt non dubitaremus hic esse sermonem de vero cultu Dei, ipsum expressit Euangelista ipso verbo λατρεύουσα; λατρεία enim cultum soli Deo debitum significat, vt nobiscum fatentur aduersarij iuxta illud Deuteronomij à Christo repetitū soli Deo serues. λατρεύουσας Itaque λατρεύουσαν ημετέρας χριστούς est seruire Deo, in ieiunijs & obsecrationibus, hoc est, per ieiunia & obsecrationes, Deum colere, honorare, opusq; illi gratum facere, hoc egregie præstidit Anna, & sine expresso Dei mandato præstidit. Sacri voluminis paginas à capite ad calcem reuoluant hæretici, & inuenient ibi non esse, quod credunt esse, hoc est definitionem idololatriæ quam adferunt. Inueniēt plurima, quibus sanctissimè colitur Deus, & tamen sine Dei mandato. Quis neget Abelem, Noémum, Abrahamum, Moysen quando ante legem Aras erigebant, sacrificia offerebant, & absque Dei iussu expresso offerebant verè & sanctè coluisse Deum? Lego aram super duodecim lapides ab Helia erectam, Deum id mandasse non lego. Rechabitas abstinuissè à vino reperio in scripturis, huius abstinentiæ præceptum à Deo datum non reperio. Magos munera Christo Mathæus scribit obtulisse, Deum autem hanc oblationem iussisse, non scribit: Lucas Magdalenam narrat vnxisse pedes Saluatoris & effudisse vnguentum pretiosum in caput eius, quod opus sibi gratum fuisse pronuntiat Saluator, de mandato autem nulla fit mentio. Ioannes docet Nicodemum balsamo condidisse corpus Domini; accepisse mandatum à Deo Nicodemum non docet. Alij tres Euangelistæ docent Iudæos ramis Palmarum, & stratis in via vestimentis Messiam excepisse honorificentissimè; mandatum omnino tacent. Quid amplius? scimus Hemorroissam tetigisse simbriam Saluatoris, & ab hoc tactu sanatam esse, de iussione nihil scimus. Laudantur primigenij Christiani, quod omnia sua ad pedes Apostolorum, vt omnia essent communia, posuerint, & tamen nusquam legimus hos esse iussos hoc facere. De Baptistæ abstinentia & Eremitica vita constat, de præcepto nihil constat. Paulus castigat corpus suum, & in seruitutem redigit, vbi Deus hoc mādāt Paulo? Deo sacrificat Dauid iniussus. *Voluntarie*,

(ait) sacrificabo tibi. Cōmendat Saluator votum Castitatis non pręceptum apud Mathæum cum ait : *Sunt Eunuchi qui seipfos castrauerunt propter regnum celo- rum, qui potest capere capiat.* id est, sunt qui Deo se sponte, & sine mandato per votum castitatis obstrinxerunt. Hoc confirmat Apostolus dicendo : *De virginibus autem pręceptum Domini non habeo, consilium autem do &c.* Beatior autem eris si sic permanferis secundum consilium meum, *puto autem quod & ego spiritum Dei habeam.* Consultit hic Apostolus continen- tiam, de qua pręceptum Dei non est, pręfert illam matrimonio, tanquam id quod melius est ei quod bonum est : *Siquidem benefacit qui virginem suam matrimonio iungit, sed melius facit qui non iungit,* teste eodem Apostolo. Ex his & alijs pluribus scripturę locis discant hæretici falsissimam esse suam idololatrię definitionem, quia contraria est Dei verbo quod docet Deum optimè coli spontaneis operibus sine expresso, in ipsa scripturis, mandato : discant vota ipsa esse communiter de rebus non pręceptis iuxta illud. *Omnia quę voveris & sponte offerre volueris, &c.* Discant denique votis religiosissimè coli Deum, & Deum ipsum hortari ad vouendum, *Vouete (ait) & reddite Domino Deo vestro omnes qui in circuitu eius offertis munera.* Reijcitur 2. hæc Nouatorum doctrina, quia ex ea sequitur omnem Dei cultum quacunque ex circumstantia prauum, & illicium propriè idololatriam esse, quia omnis cultus quomodocunque prauus, caret verbo Dei & mandato. Vnde hæc infero absurda. 1. Eum esse idololatram qui orat inani aliqua gloriola motus. 2. qui iurat temerè & inconsideratè. 3. qui vouet, cum de vouendi cultu non extet diuinum mandatū. 4. Ipsi hæretici erunt idololatrę, si euagentur orando. Idololatrę erunt & ministri verbi quia sine Dei mandato susceperunt ministerium. Sed quid magis ridiculum, quam dicere hæc esse idololatriz peccata? verum de his satis.

Videamus iam quo tempore peruersitas hæc cœperit. Philo lib. 1. Antiquit. Biblicarum tempore Tubalcain incœpisse, tuncque cœpisse homines sculptilia facere, eademque adorare affirmat. Verum hoc gratis & sine vlla ratione dicitur. Hoc igitur & similibus alijs figmentis omisiss, Existimo cum plerisque scriptoribus tam antiquis quam recentioribus, inter alios Hieronymo, Nini Assyriorum regis tempore circa mundi annum circiter 1000. originem habuisse. Hoc enim circiter tempore Ninus rex in frequenti Babyloniorum procerum conuentu, postquam patrem suum Belum, regni Babylonici ciuitatisque fundatorem, vehementius extulisset, eumque non solum immortalī apud posteros memoria, verum etiam apud superos immortalitate dignum prædi-

caisset, statuem, quæ eum ad viuum affabrè, eleganterque repræsentaret exhibuit, cui tanquam viuenti deferretur honos; ad quam si quis confugeret, abripi non posset ad pœnam, sed cuiuscunque criminis veniam consequeretur. Ea res defuncto facile diuinitatis opinionem conciliauit & sub titulo Iouis, siue ut alij volunt, Saturni Babylonij Deus factus est, eique templum magnificentissimum Babylone à filio excitatum, varijs etiam sacrificijs dedicatum est: quæ ipsi Belo offerebantur. Videantur de his sacrificijs Belo nouo Deo offerri solitis Hieronymus in cap. 46. Esaiæ, & Plinius qui lib. 37. cap. 10. scribit illi dicatam fuisse gemmam quandam Beli oculum nomine.

§. 2^{us}

AN EOVSQVE PROGRESSA FVERIT IDOLOLATRIA VT
DEI ECCLESIAM EVERTERIT ET QUENAM FVERIT
ante Christi aduentum Dei Ecclesia.

EXpugnata idololatriæ definitione quâ adferebant heretici, veraque itabilita. Superest hoc §. alius illorû error de idololatriæ progressu reiiciendus; Existimant enim ipsi, inter alios Calvinus in præfatione suarû Instit. & Beza cap. 5. suæ Confessionis tales progressus habuisse Idololatriam vt Dei Ecclesiam penitus euerterit inuisibilemque reddiderit, hocque euidenter probari autumant ex illis Helix prophætæ verbis:

3. Reg. 19. *Derelictus sum ego solus & querunt animam meam.* Hoc, inquit, loco con-

queritur Helias se de tota Ecclesia solum relictum qui veram Dei religionem publicè profiteretur.

Verum errant nescientes scripturas. Neque enim loquitur Helias de tota Ecclesia, sed tantum de regno Israël in quo regnabat tunc impius rex Achab: quanquam & in illo etiam fuerint septem millia virorum qui non curauerant genua ante Baal; quique constituebant visibilem Ecclesiam. Porro eo ipso tempore in Iuda regnabat Iosaphat rex pius, ibique erat Dei templum, erant Sacerdotes, sacrificia, & reliquus Dei cultus publicus, quotidianus & solemnis. Immo ex posteriori libro Paralip. scimus regem Iosaphat multum laborasse vt diuinum cultum conseruaret, augeretque. Sed neque exiguus fuit illorum numerus qui sub ipso publicè profitebantur veram religionem: nam in eodem libro Paralip. numerantur amplius vndecies centena millia robustorum

bellatorum præter mulieres & alios qui minus apti erant ad bellum. Ex quibus constat non perijisse nec inuisibilem fuisse tunc Ecclesiam in regno Iosaphat. Helias autem conquerebatur de solo regno Israël. *Dere- liquerunt* (inquit ad Deum) *pactum tuum filij Israel*: non ait, *filij Iudæ*, ne- que enim nego quin in vno aut altero regno possint esse aliquando nul- li aut paucissimi qui Deo debito modo inseruiant dum in plerisque alijs locis Ecclesia est perspicua: verum Ecclesiam nusquam in toto mundo apparere plane absurdum esse contendo & à nobis fuscè refelletur lib. 3. Supponendum est igitur hoc loco firmissimeque tenendum Ecclesiam semper fuisse visibilem à principio mundi vsque ad aduentum Christi. Cuius rei fastidiosiorem probationem si quis interim cupiat legat Eusebium in *chronicis*, Orosium in sua *historia*, Genebrardum in sua *Chronogra- phia*, Nicolauum Sanderum de visibili monarchia lib. 7. in principio Coccium tom. 1. lib. 8. art. 2. qui ex scripturis per singulas ætates huius rei veritatem egregie ostenderunt. Hic tamen diligenter animaduertendum est non negare me ante Christi aduentum in exiguum & angus- tum locum conclusam fuisse totam fere Dei Ecclesiam iuxta illa verba Prophetæ Davidis: *Notus in Iudæa Deus.* & rursus, *Non fecit taliter omni nationi, & iudicia sua non manifestauit eis.* Inter gentes enim rari admodum erant qui Deum agnoscerent & rectè colerent. Quare nonnunquã redige- batur vera Ecclesia ad paucos, visibiles tamen, atque admodum emi- nentes vt bene obseruauit Ecclesiæ lumen S. Augustinus tom. 4. Epist. 48. ad Vincentium, disputans contra Donatistas. Et ex his patet quæ nã fuerit ante Christi aduentum Dei Ecclesia, fuit enim Iudaica, vt ex iam citatis scripturæ locis constat, dilexit enim tantopere, charosque habuit Iudæos Deus, vt illos præ cæteris gentilibus in obscura impietatis nocte cælestiumque rerum ignoratione versantibus, suum populum haberet, eisque illustrem sui cognitionem exhiberet: nam cum per vniuersum pœne orbem, diuinæ voluntatis ignoratio, simul cum nefario cultu & impietate peruaderet, omniumque animi impia religione inuolueren- tur, Deus tamen filios Israël elegit quibus sese indicaret, diuinæque vo- luntatis suæ arcana patefaceret; Quæ Dei certa cognitio ita intra termi- nos Israelis conclusa fuit, vt in eius regionis viribus, domicilium col- locasse videretur.





CAPVT QVARTVM.

§. 1^{us}.

DE INCARNATIONE VERBI DIVINI, VBI ETIAM EIVS-
DEM VERITAS ET CHRISTI DIVINITAS SCRIPTVRIS
& ratione probatur.

DE IESU à Deo per peccatum genus humanum ex dictis initio huius libri facile constat, neque potuisse vnquam sine Deo resurgere, certum etiam est. Diuina tamen bonitas quæ omnia peccata & scelera nostra superat adueniente tempore constituto per secundæ sanctissimæ Trinitatis personæ incarnationem humanum genus ab hac miseria liberare & sanè conuenienter statuit, conueniens enim valde fuit rationiq; consonū, vt quod per Dei verbū formatū quōdam fuerat, per verbum idem reformari deberet. Per intellectualis enim verbi lucem depellenda erat caligo intellectus humani, per rationem Dei, rationale animal emendandum. Statutis ergo à diuina voluntate temporibus, creauit Deus per verbum, rationalem animam, quam eodem momento tenero sœtui virginalis vteri per diuinum spiritum cōcipientis coniunxit. Momento quoque eodem verbū ipsum naturam assumpsit humanam, atque firmè sicut ex anima illa immortalī & mortali corpore homo factus est vnus: ita ex homine illo ac dei verbo factus est Christus Deus & homo, sic infinita bonitas quæ se cōmunicare vult omnibus, tunc modo quodam aptissimo seipsam cunctis cōmunicauit, quando sibi coniunxit hominem, in quo tanquam in media rerum specie cuncta comprehenduntur. Veritatem hanc incarnationis ita explicatam, cōtra Ebionitas, Cerinthianos, Carpocratianos aliosque eiusdem farinae homines docet Catholica nostra fides, habeturque expresse in scriptura sacra multis in locis Christum verum Dei filium esse: Quibus ommissis duo tantum loca breuiter vrgebo. Primus, Petitur ex Ioanne Euangelista qui 1. Can. cap. vlt. sic de Christo loquitur: *Hic est verus Deus*, non contentus quod eum dixerit Deum, nisi verum Deum addidisset, vt egregiè notauit S. Augustinus 1. de Trinit. cap. 6. Et sanè hic locus tam clarus & apertus est ad Christi diuinitatem probandam vt nulla ratione videam quomodo homines sacram scripturam admittentes hac ia re tergiversari possint. Huic loco accedit & alius neutiquam

aspiciendus ex Math. 16. ubi S. Petrus Christo interroganti quem dicerent discipuli ipsum esse ita respondit. *Tu es Christus filius Dei vivi.* Quæ verba intelligi debent de substantia personæ Christi & de filio naturali Dei veri, ut manifeste patet, tum ex ijs quæ in eo loco antecedunt, & consequuntur in quibus referuntur aliorum hominum opiniones de substantia personæ Christi, quibusdam asserentibus esse Ioannem Baptistam, quibusdam Heliam quibusdam Hieremiam aut vnum ex prophetis, tum quia responsio illa Petri valde commendatur ut quæ à Christi Patre qui in cælis est peculiari reuelatione ortum habuerit, magis utiquam aliquid Christo tribuens quam quod alij eum nihilominus filium Dei per adoptionem, tanquam iustum scilicet & prophetam agnoscetes, & propterea à Christo obtinuerit insignem illam promissionem de Petri dignitate in Ecclesia Christi de qua nos in nostris controversijs lib. 3. disp. de Ecclesia.


Ex his itidem sufficienter manet probata veritas incarnationis contra hæreticos scripturam sacram admittentes, superest ut iam eandem veritatem contra gentiles probemus, hac autem ratione probatur incarnatio est possibilis, ergo non est unde de facto negent vlli illam esse factam. Consequentia clara est, quia cum incarnatio sit valde consentanea bonitati Dei infinitæ & summæ, non est neganda nisi ratio aliqua valida nos cogat quæ in præsentia nulla est. Antecedens probatur, quia nulla eiusmodi implicatio contradictionis quamvis diligentissimè quæsitā ab aduersarijs qui hoc mysterium incarnationis ut impossibile oppugnarunt: verbi gratia, Porphyrio, Celso, Iuliano & alijs, hæcenus inueniri & afferri potuit, cum præsertim ad infinitam perfectionem personalitatis diuini verbi spectet posse terminare substantialiter, atque ita substantiali quodam modo complere humanitatem singularem reiectis illis imperfectionibus, cum quibus hanc ipsam terminationem & complementum tribuit personalitas creata humanæ naturæ.

Sed quæres quare diuina bonitas tamdiu distulit incarnationem verbi diuini, præsertim cum plures homines saluati fuissent si Christus in principio mundi statim post Adæ peccatum venisset.

Respondeo, conueniens fuisse non statim fieri diuini verbi incarnationem tum ut homo virium suarum infirmitatem melius cognosceret, coniunctam etiam auxilio legis naturalis & scriptæ quæ ante Christi aduentum viguit, & tanquam medium aliquod concessa erat ad salutem humanam, tum ut intelligeret necessitatem Christi mediatoris seseque ad eum recipiendum melius disponderet per fidem & spem in eum.

per prophetias, ceremonias & sacrificia quæ Christum præfigurabant & promittebant, ut dilato beneficio & necessitate crescente desiderium Saluatoris cresceret. Ad id autem quod obijcebatur plures homines saluandos si Christus statim post peccatum fuisset incarnatus. Dico non sequi plures fuisse saluandos neque si sequeretur allerendum propterea Christum in principio mundi debuisse venire. Ratio primæ partis est, quia ex vna parte pauci tunc erant homines qui Christi præsentia fruerentur & doctrinam ab eius ore, gratiæque abundantiam in eius aduentu communicatam susciperent, atque ita spectandam conditionem hominum & ordinariam modum prouidentie diuinæ procedentibus temporibus primo illo seruiore doctrinæ & gratiæ facilius languescere quando genus humanum amplius propagatum esset, maiorque hominum multitudo tanto hoc remedio indigeret, obscurata admodum esset huius mysterij fides & impedita efficacitas illius. Ex alia parte etiam si plures essent, non propterea plures saluarentur cum maior audientium multitudo nec semper nec sæpius conuertatur ad Dei vocem & perseuerantiam in cultu Dei, unde Theophrastus in illud caput 9. ad Hebræos *Nunc autem semel in consummatione sæculorum ad destructionem peccati per hominem suum apparuit &c.* Diserte ait, hic arcani quidpiam reuelari cur in consummatione sæculorum post multa peccata reuelatus sit, si enim primo mortem subiisset quando peccatum non perinde effusum fuisset nemo credidisset, & paucis interpositis ad eandem questionem respondens ex Gregorio Niseno ait, infinitos medicos ut ægroto ex cibis auxilium adhibeant expectare tantisper dum malum ad summum increuerit, sic & nobiscum actum esse, expectauisse animarum medicum donec vniuersæ malitiæ egestudo panderetur. Ratio secundæ partis est, quia neque necessarium est, neque consuetum Deo id semper efficere ex quo plures homines re ipsa saluandi essent, ut patet ex eo quod pluribus imo etiam omnibus dari posset gratia re ipsa efficax unde quaque & adiunctam habens perseuerantiam finalem in sanctitate atque ita esse maior electorum siue saluandorum numerus, & tamen neque datur huiusmodi gratia, neque est numerus ille maior, ut constat ex ijs quæ de hac re à Theologis dicuntur iuxta illud Evangelicum. *Multi sunt vocati, pauci vero electi.* Cur autem in tanto numero & non in maiore electi saluandi sint, id vnum est ex ijs quæ in abditissimis iustissimisque consilij diuini arcanis latent, & de quibus merito dici debeat illud Apostoli ad Rom. 11. ab Augustino alijsque Patribus eadem in re sæpiissime usurpatum. *O altitudo diuinarum scientiæ & sapientiæ Dei quam incomprehensibilia*

beneficia sunt iudicia eius, quis enim cognovit sensum Domini aut quis consiliarius eius fuit. Augustini item quodam in loco. Desine iudicare si non vis errare.



§. 2^{us}.


DE PRÆDICATIONE EVANGELII A CHRISTO FACTA
ET NUM. IVERIT CONVENIENS CHRISTUM IUDÆIS
tantum & non gentibus prædicare.



Verumadmodum nemini dubium esse potest quin docere ad Prophetam ac Magistrum pertineat: ita dubium esse non debet quin cum potestate docere atque præcipere legislatori cōueniat. hinc est ut Math. 7. Legamus Christum Dominum nouę legis, quę veterem aboleret, autēctorem, cum potestate Iudęos docuisse. Erat (inquit Euangelista) docens eos sicut potestatem habens & non sicut Scribę eorum & Pharisei. Et sine dubio cōuenienter valde sibi incarnationis taliter docebat: exigebat enim incarnationis finis talem docendi modum, venerat enim Christus in mundum ad manifestandam veritatem. Ioan. 18. & ut homines à peccato liberaret, perque ipsum accessum haberent ad Deum quę omnia potestatem in Christo publicè prædicante requirunt. Adde quod excellenti doctore conueniat excellens modus docendi qui est ut docens potestatem habeat, Christum autem excellentissimum fuisse doctorem & consequenter illi hunc docendi modum competere debuisset. At cur inquires, Christus non prædicaui gentibus, sed tantum Iudęis si optimus prædicandi modus illi conueniebat, hic siquidem modus est ut omnibus veritas proponatur. Respondeo conueniens valde fuisse prædicationem Christi tam per seipsum quam Apostolos suos à principio solis Iudęis exhiberi. Math. 15. Non sum missus nisi ad oues quę perierunt domus Israel, primum, ut ostenderet per suū aduentū impleri promissiones diuinitus factas Iudęis, & non Gentibus. Deinde ut eius aduentus ostenderetur esse à Deo, à quo quę sunt, ordinata sunt, ordo autem requirebat, ut Deo propinquioribus prius Christi doctrina proponeretur & per eos transiret ad Gentes: postea ut auferretur Iudęis calumniandi materia, ideo se eū reiecit, quod ad alios suos misisset: ideo dixit Apostolis Math. 10. In viam gentium ne ieritis, & in ciuitates Samaritanorum ne intraueritis. Postremo, Christus per crucem meruit imperium omnium Gentium: propterea ante passionem noluit suam doctrinam Gentibus

D

prædicari, ideo Ioan. 22. dixit. *Nisi granum frumenti caderet in terram mortuum fuerit; &c.* granum mortificatum infidelitate Iudæorum, multiplicatum in fide populorum: Ex his ad quæsitum respondeo falsum esse optimum modum prædicandi, respectu Christi, fuisse etiam gentibus ante passionem suam legem Euangelicam vel per se vel per Apostolos suos prædicare, cuius responsionis veritas ex iam dictis clara est, sufficit enim quod Christus fuerit in lumen & salutem gentium post suam sanctissimam passionem, per suos discipulos quos misit ad gentes, Math. ult. dicens: *Data est mihi omnis potestas in cælo & in terra, euntes ergo docete omnes gentes, &c.*

§. 3^{us}.DE VOCATIONE GENTIVM APOSTOLORVMQVE IN
VARIIS MVNDI FLAGIS PRÆDICTIONE.

Cum ab initio Iudæis tantum non etiam gentibus cum Dominus tum Apostoli prædicarint §. superiori explicatum est. Superest hoc loco de gentium ad fidem conuersione aliquid dicendum. Et vero ipsæ referatum fuisse primò Euangelij ostium per Sanctum Petrum Apostolorum principem cui Dominus regni cælorum clauis tradiderat dubium esse non potest, quemadmodum & eundem antea Samaritis Ecclesiæ ostium referasse dubium non est. hoc enim tradit aperte Euan. S. Lucas ubi hist. totam capite 10 act. Apost. describens sic ait. *Ascendit Petrus in superiora ut oraret circa horam sextam & cum esuriret, voluit gustare. Parantibus autem illis, cecidit super eum mentis excessus, & vidit cælum apertum, & descendens vas quoddam, velut linteam magnum, quatuor initijs submitti de cælo in terram in quo erant omnia quadrupedia, & serpentina terræ, & volatilia cæli, & facta est vox ad eum: surge Petre, occide, & manduca: ait autem Petrus, absit Domine quia nunquam manducaui omne commune & immundum. Et vox iterum secundo ad eum: Quod Deus purificauit, tu commune ne dixeris, hoc autem factum est per te, & statim receptum est vas in cælum. Et dum intra se hæsitaret Petrus, quidnam esset visio quam vidisset. Ecce viri qui missi erant à Cornelio inquirentes domum Simonis, adstiterunt ad ianuam, & cum vocassent, interrogabant, si Simon qui cognominatur Petrus illic haberet hospitium. Petro autem cogitante de visione, dixit spiritus ei: Ecce viri tres querunt te, surge itaque & descende, & vade cum eis, nihil dubitans, quia ego misi illos. Descendens autem Petrus ad viros, dixit, Ecce ego sum quem quæritis, quæ causa est propter quam venistis? qui dixerunt: Cornelius Centurio vir iustus, & timens Deum, & testimonium habet*

ab una uersa gente Iudeorum, responsum accepit ab Angelo, sancto, accessit te in animam suam, & audire verba abs te. Intrudens erga te, recepit hospitio. Sequenti autem die surgens profectus est cum illis, & quidam ex fratribus ab Ioppe emissi sunt eum. Altera autem die introiuit Casaream. Cornelius vero expectabat illos, convocatis cognatis suis & necessarijs amicis. Et factum est cum introisset Petrus, obuius venit ei Cornelius, & procidens ad pedes eius, adorauit. Petrus vero eleuauit eum, dicens: surge, & ego ipse homo sum. Et loquens cum illo intrauit, & inuenit multos qui conuenerant; dixitque ad illos, Vos scitis quomodo abominatum sit viro Iudeo coniungi aut accedere ad alienigenam: sed mihi ostendit Deus neminem communem aut immundum dicere hominem. Propter quod sine dubitatione ueni accersitus. Interrogo ergo quam ob causam accersitis me. Et Cornelius ait, a nudius quarta die usque ad hanc horam orans eram hora nona in domo mea, & ecce uir stetit ante me in veste candida, & ait, Cornelius, exaudita est oratio tua & elemisina tua commemorata sunt in conspectu Dei. Mitte ergo in Ioppen, & accersi Simonem qui cognominatur Petrus, hic hospitatur in domo Simonis corarij iuxta mare. Consequimur ergo misi ad te, & tu bene fecisti ueniendo. Nunc ergo omnes nos in conspectu tuo adsumus, audire omnia quae cunctique tibi praecpta sunt a Domino: aperiens autem Petrus os suum, dixit: In ueritate comperi quia non est personarum acceptor Deus, sed in omni gente qui timet eum; & operatur iustitiam, acceptus est illi. Verbum misi Deus filijs Israel, annuntians pacem per Iesum Christum, hic est omnium dominus. Vos scitis quod factum est uerbum per uniuersam Iudeam: incipiens enim a Galilea post baptismum quod praedicauit Ioannes, Iesum a Nazareth, quomodo uinxit eum Deus Spiritu sancto & uirtute, qui pertransiit benefaciendo & sanando omnes oppressos a diabolo, quoniam Deus erat cum illo. Et nos testes sumus omnium quae fecit in regione Iudeorum & Ierusalem, quem occiderunt suspendentes in ligno. Hunc Deus suscitauit tertia die, & dedit eum manifestum fieri, non omni populo, sed testibus praedictis a Deo, nobis qui manducauimus & bibimus cum illo postquam resurrexit a mortuis. Et praecpit nobis praedicare populo, & testificari quia ipse est, qui constitutus est a Deo index uiuorum & mortuorum. Huic omnes Prophetae testimonium perhibent, remissionem peccatorum accipere per nomen eius omnes qui credunt in eum. Adhuc loquente Petro uerba haec, cecidit Spiritus sanctus super omnes qui audiebant uerbum. Et obinspuerunt ex circumcisione fideles qui uenerant cum Petro, quia & in nationes gratia Spiritus sancti effusa est. Audiebant enim illos loquentes linguis, & magnificantes Deum. Tunc respondit Petrus, nunquid aquam quis prohibere potest ut non baptizentur hi qui Spiritum sanctum acceperunt sicut & nos? & insit eos baptizari in nomine Domini Iesu Christi. Tunc rogauit eum ut maneret apud eos aliquot diebus. Hae facer textus de gentiliis con-

uersione, quæ cum plana sint omnibusque perspicua illi. A tantum difficultatem habere videtur quidam symbolicis illis figuris, quod lineam quatuor subimitur in initijs, quodque tertio factum sit significetur. Per lineam igitur quod linea non corrumpitur & nitore splendat, Ecclesiam significari non habentem maculam neque rugam, Augustinus, Ambrosius, alijque Patres sunt interpretati Ter de cælo submissum est, quia omnes gentes quæ pertinent ad quatuor partes orbis terræ quæ disseminatur Ecclesia, quam significabant quatuor lineæ quibus vas illud conuertebatur, in nomine Trinitatis baptizantur. Per immundas denique & feras bestias designabantur gentes omnes Deum verum ignorantes, ut quæ turpibus ferisque imbutæ moribus, nec mansuefecerunt nec pie recteque viuere nouerant. Atque hæc de gentium conuersione satis, de qua tamen quæ plura uolet adeat Illustrissimum Cardinalem Baronium. tom. 1. Annalium, Sanctum Ambrosium qui duos integros libros hac de re scripsit, Ioannem Lorinum aliosque qui Commentarios in act. Apostolorum ediderunt.

Sed quæres cum ex dictis constet per Sanctum Petrum gentibus reseratum fuisse Ecclesiæ ostium, quibus tandem Sanctus Petrus alijque Apostoli post suam dispersionem per varias mundi plagas prædicarint? Respondeo, Sanctum Petrum Italiam prædicasse, ipsum enim anno secundo Claudij imperatoris uenisse Romam communis omnium sententia est, id enim Hieronymus, Eusebius, ac ceteri omnes qui de ea re historiam conscripserunt, expressè testantur uerba Eusebij in chronico hæc sunt: *Anno secundo Claudij Petrus Apostolus cum primam Antiochenam fundasset Ecclesiam, Romam proficiscitur, ubi Euangelium prædicans, viginti quinque annis eiusdem urbis Episcopus perseuerat.* Et Hieronymus de Scripturis Ecclesiasticis in Petro: *Petrus post Episcopatum Antiochenis Ecclesiæ prædicationem dispersionis eorum qui de circumcisione crediderunt in Ponto, Galatia, Cappadocia, Asia, & Bythinia, secundo Claudij anno ad expugnandum Simonem Magum Romam pergit, ibique viginti quinque annis cathedram sacerdotalem tenuit, usque ad ultimum annum Neronis.* vide S. Ireneum lib. 3. cap. 1. Hippolytum apud Prudent. in Peristeph. Tertullianum de Præscript. S. Cyprianum de unitate Ecclesiæ, Arnobium aduersus gentes, & in Psal. 106. LaZantium lib. 4. cap. 21. Optatum contra Parmen. lib. 2. S. Ambrosii sermone in Natiuit. Apostol. & alibi. S. Augustinum serm. 7. in Natiuit. Apostol. & alijs locis. Seuerum hist. lib. 2. Prudentium in Peristeph. Philast. de hæres. cap. 30. Orosium lib. 7. cap. 6. Prosperum de præd. lib. cap. 13. Maximum Taurinensem sermone 1. & 5. in Natal.

Apostol. Petrum Chrysologum serm. in natal. Apostol. Chrysostom. homil. de Petro & Paulo. Cyrillum Alexandrinum Epist. ad Coelestin. Theodoretum, P. Alexandrinū, & alios; ac ne in re toto cælo perspicua laboremus, omnes scriptores id ipsum testantur, adeo vt nec quibus posfrictæ frontis hæreticus, vel schismaticus, eorum qui ante nostrum sæculum vixerint, ausus fuerit de eo vel leuiter quidem dubitationem mouere. Prædicauit ergo Romanis S. Petrus postquam Antiochenis prædicasset, prædicauit præterea Britannis eumque ex Scotia nostra secum eduxisse S. Mansuetum (quem Leuchorum vrbis primum Pontificem creauit) testantur sancti Mansueti acta, Franciscus de Rosier tom. 2. stemmæ Lotharingiæ, Arnoldus in theatro conuersionis gentium. Demochares in catalogo Episcoporum Tullensiū, breuiarium Tullense, Hunterus libro de sanctis Scotiae, & alij. S. Andreas qui sequitur ordine ad Scythas missus traditur ab Origene lib. 3. in Gen. & Eusebio lib. 3. cap. 1. In Græciam vero inde descendisse & in Epirum venisse testatur Greg. Nazianzen. orat. in Arian. atque Chrysostomus homil. de duodecim Apostol. & Iuniorū Græcorum Nicephorus historiæ lib. 2. cap. 39. hæc de S. Andrææ peregrinatione. *Sorte (inquit) ea prouincia obijt, vt ad gentes mitteretur, in Cappadaciam scilicet, Galatiam & Bithyniam, quibus peragratīs ad eam quoque accessit quæ Antropopageorum dicitur & ad Scytharum solitudines, ad vtrumque Pontum Euxinum & quæ septentrionales; ad ipsum quoque Byzantiæ solum, deinceps Thraciam, Macedoniam, Thessaliā & Achaia peragravit, in quibus prouincijs omnibus longo tempore sermonibus diuinis prodigijsque mirificis Christum glorificans tandem à Pæconisule Agea in crucem est actus. & lib. 8. cap. 6. Thraciam, Macedoniam & Euxinū prouincias sortitus Byzantijs Christum prædicauit, & cum à Zeugippo in amicum ibi tenente ad necem quæreretur, Argypolim transijt, atque ibi biennium agens conuentus, permultos ad Christi fidem perduxit: Cæterum sacra in eo loco fundata ade, Stachis Episcopo creato, Synopem conscendit. hæc Nicephorus. Porro quāuis Scotis nostris S. Andreas nunquam prædicauerit, ipsorum tamen totiusque Scotiae Regni Apostolus meritò habetur magnaue religione ab iisdem colitur. Et sanè multa contulisse Andræam Apostolum Scotis beneficia communis apud historicos nostros fama est. Quocirca Scotorum Reges S. Andræam Apostolum tutelarem idque à temporibus Achaij Regis Scotorum, & Hungi Pictorum agnouerunt, quibus hostes oppugnantur, scribunt auctores, lucidam in cælo apparuisse crucem illius instar in quam ipse Apostolus sublatus pro Christi nomine mortem oppetiit, victoriamque cæso Athelstano (nomen, pugna locus hæc*

nostra xate retinet ab Anglorum cælo rege Athelstain dictus) consequutos, atque vt tantæ victoriæ Mnemosynon nulla vnquam vetestate exerceatur, eligit illam crucis in armis & insignibus efformatam contra hostes semper deinde gestauit Achaius rex, quod & Scotiæ Reges in re gestæ fidem etiamnū religiose obseruant: hinc originem traxisse traditur ordo equestris diui Andræ Cardui titulo in Scotia nobilis cuius insigne seu colare ex cardnis confectum præferunt Gentilitia Regum arma nummique hoc addito Elogio: *Nemo me impunè lacerat*. Asperum quippe virgultum Carduus & aculeis armatum, & quod difficulter manibus atrectare possis sine doloris compunctione, quod frangas potius quam minimum flectas. Fuit autem huic militiæ baltheus aureus ex floribus Cardui, orbicellis aureis seu nodis rubescentibus annexi compositus, & infra præferens imaginem S. Andræ martyrij crucem ante se gestantis. Insignia vero quæ dicto baltheo ornantur, Leonem rubeum, primum l^o in hist^o & antiquum Fergusij regis insigne, prætexta cærule duplici textu rubeo contra-positis lilijis confita, circumdata in flamine aureo ostentant: ictūque Caroli Magni fœdus cum Scotis & Achaiis eorum rege quod in hunc vsque diem religiose perdurat, coniunctis duorum regum armis Gallus indicat. Addidit Carolus coronæ Scoticæ (quæ antiquitus formæ erat valli militaris) circa, quatuor lilia aurea, quatuor cum salutiferæ crucis aureis signis, paribus interualis discretis, lilijis paulo eminentibus: vnde Scotica Gens christianæ religionis inuiolatæ, atque fidei obseruationibus dignosceretur. Institutionem huius ordinis nonnulli sed inperitè Iom^o in referunt ad tempora Caroli vii. Francorum regis quibus Scoticum fœdus ob egregiam desperatis Franciæ rebus nauatam operam, regumq; Franciæ veterem ad fidem in omne Scotorum nomen beneuolentiam factum ferunt, Scoticaque insignia Gallicis aucta volunt. Verum vt dixi Episcopi imperitè & ex odio in Scotos non veritatis amore hoc ab iisdem asseritur. Fuit & regibus Scotiæ sodalitium Equitum vulgo Sertum Rutæ nuncupatum cuius insigne vt & regijs armis circumuolutum visitur. Fuit torquis ex rutæ ramulis seu folijs innumeris cui inferius effigies Diui Andræ cum cruce annexa erat, fabrefactus. Præterea in perpetuæ obseruantiz telleram eiga Diuum Andream Apostolum Scoti totius regni metropolim à diuo Andrea Sant-Androus nominatam voluere Kennethus quippe Rex, ait Boetius lib. 10. historiæ nostræ, pontificiam sedem Abernethi (fuit hæc vrbs Pictorum regia) transtulit Sant. Andream & qui ibidem sacrum gerebant magistratum, maximi Scotorum Episcopi apellabantur &c. Caterum subiungit idem tanta reuerentia

*Iacobus
Charro-
n. Gal
l^o in hist^o
jua vii
uersali.
pag. 796.
Thence
Gallus
lib. 16
Com. in
descript.
Scotiæ
Paulus
Iom^o in
descript.
Scotiæ
Iohannes
Lestius
Episcopi
Rutæ
in hist^o.
Scotiæ
Thomas
Deffie
rus. in
Acudi-
cabulis
repressi.
Haber-
norum.
Iohannes
W. A. 1011*

inter homines tantaque vite innocentia sacer Dni Andrea Pontificatus ab in-
stitutione sua longa Episcopatus serie ad annum vsque 1540. est continuatus. (sex
enim supra triginta Antistites & eorum complures inter diuos & bea-
tos relatos illic sedisse perhibent) vt nusquam gentium vera religionis cultus
morum consentiente probitate magis effulserit. hac ille.

S. Ioannes Zebedæi filius, Iacobi frater migravit in Asiam minorē
nempe, easque prouinciās in quibus Petrus vt vidimus, Euangelium
prædicauerat, & Ecclesias complures erexerat, prædicatione Euange-
licæ veritatis excoluit. Vnā vero cum Ioanne profectam esse sanctissimā
Dei genitricem Mariam virginem & Ephesi apud eum habitasse Epi-
stola, Synodica sacrosancti Concilij Ephesini ad Clerum Constantino-
politianum data, non obscure ab illo sancto Episcoporum cœtu signifi-
catur dum illic agitur de damnatione Nestorij, his verbis: Quare & Ne-
storius impij heresimæ insinuator, in Ephesorum ciuitate, quam Ioannes Theolo-
gus & sacra virgo Deipara Maria quandoque incoluerunt, constitutus à sancto-
rum Patrum & Episcoporum cœtu vtrò seipsum ab alienanti, malaque conscientie
reatu impeditus, ad illum sese adiungere non ausus; post trinam citationem,
sacra Synodi sententia diuinoque sanctorum Patrum iudicio condemnatus, omni-
um quoque sacerdotali dignitate exutus est. Magdalenam etiam vnā cum Lazarorum Re-
Ephesi egisse tradiderunt aliqui sed falsò, vt videre est apud Baronium
1. tom. Annal. Ecclesiast. ad annum Christi 44. Cæterum Ioannem non
semper in Asia perambulasse, sed & alias orientis regiones Euangelium
prædicando peragrassse, multa sunt testimonia. Ad Parthos enim ascen-
disse, titulus iux ipsius 1. Epistolæ quæ olim ad Parthios inscripta lege-
batur, facile monstrat. Sed adhuc vltiores orientis partes penetrasse,
& Bactras Christiana fide imbuisse, accepimus (inquit Baronius loco
citato) certa ac fide digna relatione religiosissimorum Patrum Societatis
Iesu, qui nostris temporibus ad Indos Euangelicæ prædicationis causa
profecti, hæc ex eiusdem populi à maioribus accepta traditione didice-
runt. hæc de Ioanne.

De Iacobo nihil est quod dicamus, quippe
qui ante professionem Apostolorum ad gentes, ab Herode Agrippa ne-
catus fuit.

Philippus quintus ordine Asiam superiorem Euan-
gelio traditur excoluisse, demum Hierapoli annos octoginta septem
martyrium subiisse, quod & S. Ioannes Chrysostomus tradidit, homil.
de 12. Apost. eundemque aliquam partem Scythiæ peragrassse, & vnā
cum Bartholomæo aliquo temporis spatio Euangelium annuntiasse fe-
runt Nicephorus lib. 2. cap. 39. & Metaphrast. ad diem 15. Nouembrii.
Apud Iudæorum de vita & obitu Sancti legitur S. Philippum Gallos

eum christiana fide imbuisse, sed Galatis loco Gallis restituendum esse rectè notauit Illustrissim^{us} Baronius in notationibus ad Martyrologium Romanum.

Thomas Apostolus in primis ad Parthos profectus est testibus Origene in Genes. lib. 3. & Eusebio lib. 3. cap. 1. Eundem Indos penetrasse, tradit S. Greg. Nazianzenus homil. ad Arian. in Æthiopiam quoque perrexisse testatur S. Chrysostomus homil. de 12. Apost. cum ait: *Thomas de albat Æthiops.* Thomæ adscribitur quod ait Theodoretus de verit. Euangel. lib. 9. Parthos, Persas, Medos, Brachmanos, Indos, aliasque nationes finitimas Christi Euangelium suscepisse, Ad Taprobanam quoque insulam venisse Nicephorus tradit lib. 2. cap. 40. Qui apud Indos reperti sunt Christiani in regione Narfingenium, firma certaque traditione affirmant Thomam Apostolum in illis regionibus Euangelium prædicasse, Ecclesias erexisse; ac cætera quæ ad Christianorum institutionem pertinent, consummasse. Id ipsum profiteri qui in Indiæ regione Chranganore dicta & alijs adiacentibus locis agunt, Oforius Syluensis Episcopus hist. lib. 3. testatur.

Bartholomæus in maiorem Armeniam profectus Lycaonas, eius prouinciæ populos, veritatem Euangelicam docuit, & ad pietatem instituit, teste Chrysostomo homil. de 12. Apostol. Albanos insuper fide Christiana imbuisse tradit Sophronius apud Hieronym. de scriptoribus Ecclesiasticis, ceterioremque Indiam penetrasse, Origenes in Genes. lib. 3. testatur. Certam fidem de his fecit Pantænus philosophus Christianus, qui peregrinatus ad Indos, memoriam de Bartholomæi prædicatione virentem adhuc reperit, quin & Mathæi Euangelium ab ipso antequam illuc proficisceretur descriptum, ibi inuentum ac acceptum secum detulit, cum Alexandriam redijt. Id Eusebius hist. lib. 5. cap. 10. Hieronymus de scriptoribus Ecclesiasticis in Pantæno affirmant.

Mathæum ad Æthiopiam missum esse testatur Socrates lib. 1. cap. 15. Origenes in Genes. lib. 3. Qui sequitur nonus ordine Iacobus Alphæi, frater Domini idemque iustus dictus, non legitur in externas profectus esse prouincias: sed cum Hierosolymorum creatus esset Episcopus, ne Iudæi, quorum causa munus illud susceperat, omnino derelicti haberentur, loco consistere nec sicut cæteri ad gentes in diuersas orbis partes abire permissus est. Tanta eum tamque conspicua sanctitate effuluisse tradunt, vtquamuis Iudæorum Magistratus in cæteros sequirent Apostolos, ipsi tamen nullum negotium facerent, sed honore potius prosequerentur. Id quidem non tantum Hegesippus apud Eusebium lib. 2. cap. 24. sed & Iosephus Iudæus testatur, dum Antiquitatum lib. 20. ait, tanta eum apud omnem

populum

æstimatione claruisse, vt propter illatam ipsi necem, existimauerit Hierosolymam excisam & Iudaicum populum acerbissima omnium clade afflictatum esse.

Simon Chananæus, qui & Zelotes reperitur dictus, quem & Iudam etiam nominatum esse Hieronymus in Epist. ad Galat. cap. 4. & contra Heluidium, testatur, in Mesopotamiâ profectus, populis illis Euangelium annuntiauit; in Persidem etiam tandem abiisse tradunt Beda in Retrac. in act. Apostol. & in Martyrolog. Addunt alij ex Isidoro de vit. & obitu Sancti. cap. 82. & 83. Egyptum, Africam, & Britanniam ex Nicephoro lib. 2. cap. 40. Dorotheo in Synopsi. Eifengrenio in conuersione Britannorum ad fidem.

Iudas vero, qui & Thaddæus est dictus, & ipse in Mesopotamia Euangelium prædicasse dicitur teste Nicephoro hist. lib. 2. cap. 4. multaue egisse in Arabia & Idumæa, alijsque adiacentibus regionibus.

Matthias, qui in locum Iudæ est subrogatus in Æthiopiam, post Iudæam Euangelij causa profectus esse traditur, id quippe Sophronius apud Hieronymum de scriptoribus Ecclesiasticis, Nicephorus hist. lib. 2. cap. 40 & alij hos sequuti dixerunt. Sed de diuisione & profectioe 12. Apostolorum ad prædicandum Euangelium Gentibus hætenus. Superest tantum hic aliquid de Pauli prædicatione dicendum.

Et quidem quibus Gentibus prædicauerit satis ferè per se patet ex ipsa scriptura sacra. Addam tantum ipsum apud Britannos nostros Christum prædicasse, quod Venantius Fortunatus Pictauiensis Episcopus (vt alios plurimos omittam) doctrina & sanctitate celebris de Paulo affirmat ipsius peregrinationes carmine enarrans.

Transijt Oceanum vel quâ facit Insula portum

Quasque Britannus habet terras, quasque vltima Thule.

Vbi vides asserere Fortunatum, Paulum Apostolum non tantum in Britannia nostra Christum prædicasse sed & in vltimis eiusdem Britanniz Insulis: Vixit porro Fortunatus anno 570.

E

LIBRI PRIMI PARS SECUNDA

CAPVT SECVNDVM.

§. 1^{us}.


DE EXORTV HÆRESEON ET SCHISMATVM VBI
ETIAM DE HÆRESIBVS NOSTRI TEMPORIS
earumque propagatione per Galliam, Germaniam,
Bohemiam, &c.



ACTENVS in prima huius libri parte de mundi hominisque Creatione, de lapsu primorum parentum pœnissimeque ijs propter idem peccatum inflictis, de Christi Incarnatione qui hominem per suam sanctissimam Passionem à captiuitate liberauit, de eiusdem prædicatione, de Gentium ad fidem vocatione, Apostolorumque apud eosdem

in varijs mundi plagis prædicatione. Superest in secunda huius libri parte aliquid de hæresibus hæreticisque præsertim nostri temporis ac eorum in principes suos Rebellionibus, ignorantia, impudicitia, alijsque similibus vitijs, dicendum. Et quidem hoc & de hæreseon exortu obiter hoc dico primam hæresim quæ Christi Ecclesiam Apostolorum tempore vexauit à Simone Mago inuentam fuisse eumque eiusdem auctorem fuisse communis est Auctorum sententia qui etiam tradunt S. Petrum Romam profectum ad eum expugnandum. Vide Hieronym. de scriptoribus Ecclesiasticis in Petro. Non defuerunt post hunc nequissimum hominem alij hæretici quales fuere Ariani, Ebionitæ, Nestoriani, Donatistæ, Pelagiani, & alij qui Ecclesiam Christi vexarent, quorum aliqui Asiam, aliqui Europam, alij Africam suis hæresibus & perniciosis ac prauis opinionibus infecerunt. Ex omnibus tamen pauci admodum fuerunt qui ita, ac nostri temporis hæretici, præsertim Calvinus & Lutherus, Ecclesiam Christi turbauerint, quorum primus sua hæresi Christianissimum Galliarum regnum miserè vexauit. Infecit præterea vnà cum

suo Beza per suos Scotiam nostram, ut inferius fusius explicabimus. Denique persuasit huius stigmatici perfugæ hæresis, Angliam, Dani-
niam, Suediam, Poloniam, Germaniam, aliasque Septentrionales
prouincias quarum miserum statum hodie deploramus. Lutherus vero
ita Saxoniam reliquasque Germaniæ & Bohemiæ partes sua hæresi in-
fecit ut ante paucos annos paucissimi Catholici principes in iisdem in-
uenirentur. Quæ omnia qui fusius cupit legat nostri temporis histori-
cos: nos enim ijs omissis in sequentibus agemus tantum de hæresis pro-
pagatione per Scotiæ nostræ & Angliæ regna.



§. 2^{us}

SPECIALIS NARRATIO DE PROPAGATIONE
HÆRESIS IN ANGLIA.

DE Propagatione Hæresis in Anglia acturus non aliter illam descri-
bam quam compendioſe ex Nicolao Sanderò in libro de Schismate
Anglicano per Henricum viii. inchoato.

Dum rebus Imperij Maximilianus Augustus, Hispanicis Ferdi-
nandus & Elizabetha Catholici Reges, Anglicanis Henricus vii. præſeſſet
præclare cum orbe Chriſtiano actum videbatur. Nihil enim Maximili-
ano Imperatore, ſeu bello, ſeu pace, illuſtrius, nihil Catholicis Princi-
pibus in utroque genere felicius: nihil Henrico vii. aut fortius aut pru-
dentius.

Iam ſuperſtitio Mahometana, per Iſmaëlis Sophi, ex
Aſſum caſſani filia nati, nouam interpretationem, quam occupati Regni
Perſici maietas commendatiorem populo reddidit, in varias ſectas abi-
bat. Iam Saraceni poſt Bæticam octingentis ſerè annis poſſeſſam tota
Hiſpania exterminabantur. Iam nouus orbis Principibus Chriſtianis ex
inſinita Dei miſericordia patefactus, Chriſti Euangelio parere cœperat.
Quæ omnia dum felici curſu progredierentur, anno ab Incarnatione
Chriſti 1500. inter Henricum vii. Angliæ, itemque Ferdinandum &
Elizabetham Hiſpaniæ reges, actum, annoque ſequenti tranſactum eſt,
ut Arthurus maior natu filius Henrici vii. Catharinam Catholicorum
Regum filiam, in uxorem acciperet. Nuptiæ Londini celebratæ ſunt 18
Kalend. Decemb. Principes ſumma nocte ad thalamum ſolemni ritu
deducti ſunt. Cæterum Henricus vii. de medicorum conſilio cauera, ut
grauis quædam marrona in eodem cum illis thalamo ſociata, videret, ne
carne coniungerentur, eo quod Arthurus decimum quintum ætatis an-

num vixdum attingens, ex lento præterea morbo laboraret, cuius tabe post quintum mensem confectus, ex hac vita migravit.

Mortuo iam Arthuro, cum Catholici Principes filiâ suam repeterent, noua nuptiarum conditio ab Henrico vii. proposita, & post maturam deliberationem, à Regibus Catholicis accepta est, vt impetrata summi Pontificis legitima dispensatione, Catharina Henrico, Arthuri Principis fratri, duodecimum ætatis annum agentis desponderetur. Causa domi primum per vtriusque regni Theologos & Iuriconsultos, an fieri honestè posset, examinata, deinde, cum de iure consilaret, per vtriusque Regis legatos relata est primum ad Alexandrum vi. deinde ad Pium iii. Sed cum vterque prius vita, quam hoc negotio defunctus esset, demum Iulius Papa ii. adiutis in consilium doctissimis viris, ob vtriusque regni publicum bonum, iuris humani quod solum obstabat, vinculum, in hac quidem causa locum non habere declarauit, & nuptias contrahendi veniam fecit. Nam diuinum ius, quod sacris literis consignatum extat, ad eò his nuptijs non ob stare Theologi asserabant, vt siue status naturæ spectetur Iudas Patriarcha iusserit secundo genitum suum Onan ad Thamarem primogeniti fratris absque liberis defuncti vxorẽ ingredi, vt semen fratri suo suscitaret: siue Mosaica lex consulatur, id ipsum fratri superstiti, etiam sub infamix pœna, præceptum reperiatur: fieri autem non potuisse, vt Deus qui legem naturalem totius naturæ humanæ perpetuam comitem, imò ducem & regulam esse voluerit, eandem in vilo vnquam, nêdum in ipso naturæ statu violari, non solum permitteret, sed etiam iuberet.

Hoc enim perinde videri, ac si naturam ab ipso ita conditam vt nūquam mutaretur, tamen ipse mutaret ac dissolueret, sibi que ipsi ea ratione contradiceret, ac seipsum negaret. Quod cum à Deo alienissimum sit, nihil certius credendum quàm quod superstitis fratris nuptiæ cum alterius fratris absque liberis defuncti vxore contractæ, nullo modo legi æternæ aut naturali repugnent, sed tantum imposititiæ & Ecclesiasticæ, cuius ex iusta causa relaxatio penes Pontificem Romanum sit. Nam turpitudinem vxoris fratris quam reuelari lex vetat, partim in hoc matrimonio reipsa nullam fuisse, quoniam Arthurus Catharinam vxorem nunquam cognouerat, partim si qua forsitan specie tenus extitisset, tum per mortem Arthuri iam dudum esse sublatam, tum præterea etiam post mortem eius adhuc perseverare posset, non tantam esse, quin publico pacis bono satis abundeque cooperiatur & compensetur. Quæ omnia cum Theologi grauissimis tam scripturæ sacræ quam sanctorum

Patrum testimonijs corroborassent, nec per totam Ecclesiam vel unus quispiam vir qui contradiceret, in vlla natione quæ sub cælo erat, repperitus esset, sponsalia, ob immaturam adhuc Henrici ætatem, inter illū & Catharinam ineuntur.

Dum autem nuptiarum tempus expectabatur Elizabetha Catharinæ mater in Hispania, itemque Henricus septimus in Anglia diem suum obierunt. At Henricus octauus, eximia corporis forma præditus, in qua etiam regis maiestatis augusta quædam species elucebat, iam decimum octauum ætatis annum ingressus, cum nec ipse iudicij expertus haberetur, nec defuncti Patris imperium amplius timeret, quanquam semel dixisset se à nuptijs Catharinæ abstenturum, tamen re accuratius perpenſa, & dispensatione Pontificis in omnium optimatum conspectu publicè recitata, nulla mortalium vel tantillum scrupuli opponente, de totius consilij sententia, Catharinam in uxorem, tertio Nonas Iunij palam accepit, ac die Ioannis Baptistæ proximè subsecuto, non minus uxori, quam sibi, regium diadema cum ingenti omnium læticia imponendum curcuit, apud sacrum S. Benedicti monasterium, quod Londino ad Solis occasum adiacet.

Genuit Henricus ex Catharina filios tres & duas filias, ex quibus maior natus filius (cui etiam Henrico nomen fuit) nono post natiuitatem mense à vita sublatus est. Cumque ceteri, etiam non diu postquam nati erant, vixissent; sola Maria, anno septimo Henrici octauij apud Grenwicum duodecimo Kalendas Martias in lucem edita, utrique parenti superstes mansit.

Fuit inter Henricum & Catharinam, tum aliqua ætatis, tum longè maior morum dissimilitudo. Superabat illa virum ætate, ad summum quinquennio: moribus verò, amplius quam mille annis. Catharina surgebat media nocte, ut nocturnis Religiosorum precibus interesset, mane hora quinta ornat se quam citissimè, nihil sibi temporis, præter hoc solum in quo vestiebatur, perire dictitans. Sub regio vestitu Diui Francisci habitu (ad cuius tertium ordinem sese ascripserat) utebatur. Omnibus sextis Ferijs & Sabbatis ieiunabat, omnibus B. Maris vigilijs solo pane & aqua vivebat, quartis & sextis ferijs peccata Sacerdoti confitebatur, Dominicis etiam sumebat Eucharistiam: Officium B. Virginis quotidie recitabat, sex horis continuis mane in templo sacris officijs vacabat, à prandio autem Sanctorum vitas, ancillis etiam astantibus legebat, ad duas fere horas: inde templum repetens, ibi fere manebat usque ad horam cœnæ, quam sumptis longe parcissimâ. Orabat semper

flexis genibus, absque puluinari, aut alia quapiam re inter ipsam & paui-
mentum interiecta. Quis iam miretur, si tam sancta scemina, maiore
quodam tribulationis igne probanda fuit, ut virtutum eius odor in totâ
orbem Christianum facilius diffunderetur?

Henricus interim omni luxu diffuens, ex ipsius Reginæ ancillâs
nunc duas, interdum tres, concubinarum loco habebat, ex quarum vna
cui nomen fuit Elizabethæ Bluntæ, genuit filium quem Rochmundiæ
Ducem creauit. Admirabatur quidem vxoris sanctitatem, sed deteriora
consilia & instituta sequebatur. Mariam filiam regio splendore educa-
tam, constituit Britannorum seu Vuallorum Principem, qui populus &
insulam primum occupauit, & ei nomen Britannię imposuit, & lingua
propria, quam nemo fere Anglorum intelligit, adhuc vitur, Germani
autem exteros vocant Vuallos. Itaque cum Anglos Saxones ex Ger-
mania in Britanniam ad fines Britannorum tuendos euocati, tandem
in ipsos Britannos arma conuertissent, eosque subiugassent, ut suum
populum ab alieno distinguerent, Britannos vocarunt Vuallos, hoc est,
non Germanos, sed præ Germanis, exteros & alienos. Huius autem
prouinciæ administratio & præfectura ei tantum Regis proli conceditur,
cui proximum regnandi ius ex hæreditaria lege debetur. Quod etiam
Cæsar apud Romanos, quodque Delphinus apud Gallos, hoc idem est
apud Anglos Vualliq; Princeps.

In Vualliam ergo quæ ad occidentalem Insulæ oram sub quatuor
Episcoporum Diocelibus longè latèque distenditur, Maria cum illustri
senatu & splendida familia delegatur, ut eam regionem suo iure mode-
retur ac gubernet. Mariæ nuptias vicini omnes Reges ac principes ma-
gnis studijs ambiebant. In primis Iacobus quintus Scotiæ Rex, deinde
Carolus Cæsar, totius Belgij possessionem se illi confestim traditurum
asserens. Tum autem, Galliarum Rex Franciscus, filijs suis duobus, hinc
Delphino inde Aurelianensi Duci, eandem in vxorem petijt. Quorum
reuerentiam ætatem cum Henricus non probaret: Rex Franciscus se ipsum
obtulit Mariam ducturum, nec Henricus abnuuit, si tamen, Carolus Cle-
mentem Papam, quem tunc captiuum obtinebat, liberum ac immunem
quamprimum non dimitteret. Alioqui enim & Mariam Gallo dare, &
Carolo bellum indicere cogitabat. Ac filio quidem primogenito Regis
Galliarum Maria tandem certis conditionibus despondebatur, quæ
sponsalia cum apud Grenuicū in Anglia, octauo Idus Octobris solenni
ritu fuissent dedicata, Eliensis Episcopus in Gallias trajiciens, præclarâ
de ea re orationem apud Franciscum Regem Galliarum habuit. Hinc

facile apparet quam constans apud omnes Principes Christianos fides ac sententia semper fuerit, de Catharinæ legitimis cum Henrico nuptijs, cum earum nuptiarum prolem, quæ non alia conditione, quam si legitima esset regnandi ius in Angliâ consequi debet, tanto studio in coniugē expetierint. Iam ad Henricum reuertatur oratio.

Cum ea Catharinæ grauitas & moderatio, eaque Henrici leuitas & libido esset, vt nihil magis repugnans & contrarium facile reperiri posset, atque ideo hominem petulantem & luxuriosum tam venerandæ matronæ prorsus cederet, nec ea res latere Palatinos diu posset, Thomas Volsæus homo præter cæteros ambitiosus & audax, cuius etiam opera erant Regis quam Reginæ operibus similia, omnes occasiones captabat, quibus & Regi placeret, & Reginam læderet, & suum negotium prouheret. Hic homo, non humili tantum loco sed & vili natus, cum in aulam irrepsisset, Regique à sacello factus esset, tandem Richardi Vintoniensis Episcopi opera Regijs Eleemosynis præficitur, mox Tornaco apud Morinos in potestatem Henrici redactō, Tornacensis Episcopatus vestigalia ex Regis donatione capit, paulo post, fit & ipse Episcopus, primum Lincolnienſis, deinde Dunelmensis, tum autem Vintoniensis, ac simul etiam Archiepiscopus Eboracensis, (nam Vintoniensē & Eboracensē duos locupletissimos Episcopatus simul possedit) demum fit totius regni Cancellarius, addo etiam Cardinalis, & ad vniuersum Angliæ regnum de latere legatus. Quid quod tum Francisci Galliarum regis, tum Caroli Cæsaris annuis præterea pensionibus & muneribus augebatur, vt omittam locupletissimas Abbacias in quas vbique terrarum inuolauit: quodque omnium caput erat, ipse Rex Angliæ totus erat in Volsæi potestate, omnia pro illius arbitratu distribuens atque administrans. Et tanquam hæc omnia parum eissent, primam totius Ecclesiæ sedem occupare, ac vnitatis Sacerdotalis fastigium conscendere, Satanz spiritu rebus nitebatur. Quod cum Carolus Imperator persentisceret, hominis ingenio ad suam rem abusus, Volsæum tanta obseruantia colere cœpit, vt & crebras ad eum litteras nec alterius quam Cæsareæ manu perscriptas, daret, suscriberetque in hæc verba: Filius vester & cognatus Carolus. Quin etiam spem maximam dedit, si Volsæus efficeret, vt Henricus Angliæ Rex perpetuum fœdus cum Cæsare coleret, Regemque Franciæ bello simul petendum decerneret, se ex altera parte effecturum, vt Volsæus mortuo Leone decimo fieret summus Pontifex. Implet Volsæus conditionem quam cupide: sed cum Carolus tantum ab eo quod obtulerat præstando abfuisse, vt potius magna cum

sua laude Adrianum sextum ei loco præficiendum curaret, Volsæus adhuc dissimulandum ratus, mortem etiam Adriani expectat. Porro cum ne tunc quidem rationem suâ à Carolo haberi animaduerneret, quin imo post Franciscum Regem Galliarum in bello Ticinensi captum, Cæsar & raro ad Volsæum, & non nisi aliena manu scriberet, nec aliud quam nudum Caroli nomen suscriptionis loco apponeret, tunc Volsæus apertè furere Carolo summis viribus aduersari, ad hostes Caroli transire & Christianissimo Regi se totum cœpit addicere.

Hac ergo ira inflammatus cum & Henricum Regem alieniore animo à Catharina, & ambitionem suam sanctissimæ fœminæ grauem ac molestam esse intelligeret, Ioannem Longlandum Lincolnensem Episcopum, qui Henrico Regi erat à confessionibus, ad se vocat, ei narrat, quantæ sibi curæ sit æterna regis salus. Nam nec sileri posse quod tanti sit momenti, nec alteri prius aperiri debere, quam ei viro qui omnia secreta Regis optimè nouerat. Quid multis? Demum ait, matrimonium Regis cum Catharina parum sibi firmum videri, & cur id sentiat, multas obrendit rationes. Longlandus hominem sincerè loqui arbitratus, nec ei ausus contradicere, sciens etiam hanc rem ingratam Regi accidere non posse, id tantum respondit, par esse, ut Rex tantæ rei, non ab alio prius, quam ab ipso Volsæo admoneatur. Hoc in se Volsæus recipit: quem simul ac Rex in eum sermonem venisse audiuit, *Cave* (inquit) *ne rem semel iudicatam iterum in controuersiam voces.* Triduo autem post Longlandus à Volsæo ad Regem ductus, id saltem petit, ut sua maiestas rem cognosci & examinari permittat. Cum Rex non abnueret, Volsæus intulit spectatæ formæ ac nobilitatis fœminam in Gallia esse, Margaritam Christianissimi Regis sororem, quæ Duci Alinsoniæ aliquando nupta fuerat, hanc regio thalamo in primis conuenire. De hoc (ait Rex) agemus postea, nunc silentium ante omnia necessarium est, ne res immaturè patefacta, honorem nostrum aliquo pacto læsisse videatur. Cum ergo silentium singuli promississent, Rex in hanc de suo repudio questionem totus incumbens, cum certis Theologis ea scripturæ sacræ loca quæ ad rem facere videbantur, maximè quæ in Leuitico & Deuteronomio scribuntur, studiosissimè perlegit diligenterque etiam Iulij secundi literas discussit, quæ ipsius cum Catharina matrimonium confirmabant. Vbi autem in hoc genere quæstionis examinando, integrum fere annū clam insumpsisset, nec quod eum iuuare posset quicquam reperisset, visum est illi & cæteris quos in consilium adhibuerat, nihil amplius in ea re tentandum esse, atque ita sanè euenisset, nisi quod partim Volsæus illum quiescere

Leuit. 18

Deut. 25

illum quiescere non patiebatur, partim animus Regis Catharinæ pertaxus, Annæ Bolenz potiundæ cupidus, & utramque ob causam diuortij audius, minimo quolibet momento, in nouam semper spem atque opinionem inclinabat.

Accidit eo tempore vt ex Francia legati adessent, qui Mariâ Vualliz principem Duci Aurelianensi nuptum dari peterent. In ijs erat Episcopus Tarbiensis. Rex igitur Henricus Volsæo auctor fuit vt Volsæus, non quidem Regis nomine, sed tanquam partis Gallicanæ fidelissimus amicus huic Episcopo controuersiam de Regis matrimonio insinuaret, diceretque si forte illud dissolui posset, spem certam esse Regis Galliarum sororem Margaritam in coniugem assumpturum, fecit Volsæus quod imperatum est, addiditque, talem esse hanc causam quæ ab Anglo quopiam tentari primum & proponi non deberet: quem enim subditum posse inuidiam tantam sustinere, vt Regis sui matrimonium accuset? æquum esse vt ipse Tarbiensis, tanquam & sui Regis causam agens, & commune vtriusque Regni bonum prouehere cupiens, hoc onus in se susciperet. Visa est Tarbiensi honesta oratio. Re igitur cum suis Collegis communicata, in senatu Regis Angliæ, ipso Rege præfente, dixit, non minus inter Anglos quam Gallos constare, nihil vtrique Regno magis expetendum quam pacem, hancque ob causam hactenus de nuptijs inter Aurelianensem Ducem & Vualliz principem actum esse, sed aliam subesse viam huic negotio expediendo longè opportuniorem, si eam sibi liceat proponere. Et cur (inquit) non liceat, cum non solum apud Christianos verum etiam apud optimos & prudentissimos viros agatur, qui omnia priuata publico bono postponenda iudicant? Addit deinde multa de Regis Henrici cum Catharina matrimonio, illud inualidum probans quod fratris vxor prius fuisset, quam ipsum habere iuxta Euangelium non liceret, exterasque nationes de his nuptijs liberius quam Angli, loquentes, vehementer dolere regiam adolescentiam ab aliorum quibus fidebat consilij in hanc fraudem esse inductam. Nunc autem Serenitatem ipsius modum longe optimum habere, quo se ab his nuptijs quamprimum exueret, & Christianissimi Regis sorore in locum Catharinæ assumpta, pacē inter hæc nobilissima regna firmam atque adeo perpetuam stabiliret.

Henricus hanc rem velut nouam, & inauditam admirari se atque etiam ægrè ferre simulans, tamen cum ad honorem salutemque ipsius æternam spectaret amplius deliberandum censuit, Tarbiensis vero vt reitam lætē insperatum nuntium Christianissimo Regi apparet, in

Galliam aduolauit.

Populus autem Anglicanus ubi hoc audiuiſſet, ſtatim & Galliarum Legatos maledictis, & Regis propoſitum omni vituperatione infeſtatus eſt. Nemo enim dubitabat quin de Regis conſilio hæc res excogitata & propoſita fuiſſet.

Hoc ipſo tempore Burbonius Princeps (quanquam ſua morte eam perfidiam luerat) urbem Romam occupalle, diripiſſe, incendiſſe, ſacra omnia prophanaſſe, ipſumque Pontificem Clementem ſeptimum obſidere, imo & captiuum tenere dicebatur. Volſæus, hac accepta occasione, Regem Henricum ad auxilium Pontifici ferendum ſtimulat: Nec aliter poſſe illum facere, quam ut deſenſorem fidei ſeſe exhibeat, cum nuper eum titulum (ob librum contra Lutheri hæreſes conſcriptum) ſibi & poſteris ſuis à ſede Apoſtolica donatum accepiſſet. Quid quod hac vna re Papam ſibi deuinceret? quem ob eam rem in cauſa diuortij ſui non modo propitium iudicem, verum etiam diligentem patronum habiturus eſſet, imò & Franciæ Regem, ac præſertim liberos eius perpetuo ſibi demeriturus, quos in Cæſaris poteſtate conſtitutos hac ratione in libertatem aſſerere poſſet.

His verbis Rex adductus eſt, ut Cardinalem in Gallias cum octoginta aureorum millibus & Collegis duobus mitteret, ac præter mandata generalia quæ tribus legatis ex æquo dabantur, ſolus Volſæus mandata quedam occulta ſeorſim acceperat, de Cathariſæ diuortio procurando, de matrimonio cum Alinſoniæ Duciffa contrahendo, & de filiis Chriſtianiffimi Regis ex Cæſaris manu eruendis. Ibat Volſæus regia pompa lætus & triumphans, cum ecce dum Caleti agit, nouas ab Henrico literas acceperat, ut ne ullum de nouo matrimonio cum Regis Galliarum ſorore incundo verbum faceret, ſed tantum de cæteris articulis. Iam enim Rex omnino ſtatuerat, ſi Cathariſam reiſcere poſſet Annam Bolenam in locum eius aſſumere. Indignari Volſæus, qui diuortium Cathariſæ non ob aliud magis vrſeret, quam ut Regem Chriſtianiffimum per nouas illas nuptias totum ſibi obſtringeret, atque obligaret. Non ignorabat quidem Volſæus Henricum miſere amare Annam Bolenam, atque adeo deperire: ſed illam putabat concubiniæ tantum, non etiam vxoris loco futuram, non ſecus ac eiufdem Aunæ primum mater, deinde & ſoror concubinarum loco iamdiu Regi fuerant, abſque vlla ſpe vxoris regiæ dignitatem conſequendi. Erat Anna Bolena, vxoris Thomæ Boleni, equitis aurati, filia: vxoris dico. Nam ipſius Thomæ Boleni filia eſſe non poterat, propterea quod illo in Francia legatum agente, & bi-

annum ibi commorante, Anna Bolena interim domi concepta est, & nata. Cum enim Rex Henricus Thomæ Boleni vxorem adamaret, vt ea liberius frueretur, virum sub specie honoris, in Franciam ablegauit. Interim Anna Bolena domi concipitur, & nascitur. Thomas autem Bolenus post biennium è Francia rediens, cum vxorem suam peperisse filiã vidisset, vlciscendi huius adulterij cupidus, vxorem apud Archiepiscopi Cantuariensis delegatos iudices in ius vocatam, repudiare in animo habuit, vxor huius rei certiozem reddit Henricum Regem. Is Marchionē Dorcestrię ad Thomam Bolenum mittit cum jis mandatis, vt abstineret à lite, condonaret vxori, eamque iterum in gratiam reciperet. Bolenus quanquam à Regis sibi ira timendum videret, tamen prius mandatis eius nõ paruit, quam ab vxore audisset ipsam à Rege sollicitatam fuisse, nec Annam Bolenam alterius quam Regis Henrici filiam esse, proinde in genua procumbens, rogabat virum, vt sibi parceret, de cætero se fidelē ei coniugem futuram: quod ipsum cum Marchio Dorcestrię, alijq; vñ primarij, tam suo, quam Regis nomine peterent, Thomas vxori conciliatus, Annam Bolenam filię loco educat. Iam prius Thomas Bolenus aliam filiam ex coniuge sua genuerat, cui nomen Marię imponebatur. In hanc Rex domi ad matrem ibat, oculos coniecerat, eandem post Thomæ Boleni reditum, in aulam suam, imò & in adulterinum thalamum traduxerat. Cum autē Henrici Regis domus ex perditissimo genere hominum constaret, cuiusmodi erant aleatores, adulteri, lenones, assentatores, periuri, blasphemij, rapaces, atq; adeò Hæretici: inter hos insignis quidam nepos extitit Franciscus Brianus eques auratus, ex gente & stirpe Bolenorum. Ab illo Rex quodam tempore quæsiuit, quale peccatum videretur, matrem primum, deinde filiam cognoscere, cui Brianus, Omnino (inquit) tale, o Rex, quale gallinam primum, deinde pullum eius gallinaceum comedere. Quod verbum cum Rex magno risu accepisset, ad Brianum dixisse fertur, nã tu meritò meus es inferni vicarius, Brianus enim iam prius ob impietatem notissimam vocabatur, Inferni vicarius, post hoc autem, & regius inferni vicarius, Rex igitur cum matrem prius & postea filiam Mariam Bolenam pro concubina tenuisset, demum ad alteram quoque filiam Annam Bolenam animum adijcere cœpit.

Fuit Anna Bolena procriorē corporis statura, capillo nigro, facie oblonga, colore subflauo, quasi istericię morbo laboraret, cui dens vnus in superiore gingiuo paululum prominebat, in dextera manu sextus agnoscebatur digitus, sub mēto etiã succrescebat turgidum nescio quid,

cuius deformitatis tegendæ causa, tam ipsa, quam ad illius imitationem, reliquæ regiz ancillæ colli & pectoris superiora quæ ante nuda gestabât operire cœperunt. Reliqua corporis proportio pulchrior videbatur, maxima venustas in labijs, in facietijs, in saltandi, & fidibus ludendi peritia, denique in vestitu, quem, quotidie & nouum excogitauit, & elegantissimum gessit, omnium aulicorum in ea re exemplar & speculum. Quod vero ad mentis imaginem attinebat, plena fuit superbiz, ambitionis, inuidiz, luxuriæ. Cum quindecim esset annorum, ab eo qui Thomæ Boleno à poculis, atque etiam ab altero, qui eidem à sacello fuit, sese deflorari passa, mox in Gallias mittitur, vbi regio sumptu, non longè à Briero apud nobilem quendam virum educata, paulo post ad Palatium Regis Galliarum se contulit. Ibi tam impudicè vixit, vt vulgo à Gallis appellaretur Hacnea, seu equa Anglicana. Cum autem & in Regis Galliarum familiaritatē ascita esset, cœpta est vocari mula regia. Hæresi etiam Lutheranz addicta erat, vt ne religio à vita discreparet, nec tamen à solennibus missarum Catholico ritu peractis abstinebat, quia Regis consuetudo, & ambitionis institutz ratio id ab illa extorquebat. In Angliam vero cum reuertisset, atque in familiam regiam cooptata esset, facile didicit, & quam tæderet Regem antiquæ vxoris, & quid Volsæus moliretur, & quantopere Henricus tum ipsam deperiret, tum alias concubinas subinde mutaret. Nam præter exempla externa tum matrem suam prius, tum deinde sororem viderat ex illa præcipua Regis gratia excidisse. Quid ergo & ipsi paulo post sperandū, nisi ab initio libi ipsa consuleret? Quod consilij cū cepisset, quāto magis Rex eius consuetudinem expetijt, tanto vehementius preces regias illa repulit, sanctè dictans, nemini se virginitatis florem præter quam viro suo dedicaturam. Colloqui, colludere, simul etiam cum Rege saltare, nunquā à sua modestia alienum iudicauit, tantum à concubitu abhorrere se finxit. Quibus artibus ita Regem inescabat, vt iam ei magis magisque fixum & constitutum esset, repudiata Catharina, tam sanctam virginem in vxorem accipere. Is rumor cum in Galliam perlatus fuisset, passim dictabant Regem Angliæ ducturum esse mulam Regis Galliarum.

Agebat etiam tunc in Gallijs Thomas Bolenus, qui pater Annæ putabatur, eo missus à Rege vnā cum nobilissimo Equite Antonio Branno, ad certa Regis negotia expedienda. Is ergo vbi audisset Henricum perditè amare Annam Bolenam, atque adeo velle eam in regni consortem assumere, inconsulto Rege, præter legatorum morem, citato cursu in Angliam venit, id Regi iuggesturus, quod nisi tempore aperiret,

postea per alios reuelatum ipsi Boleno periculum creare posset. Occurrit autem Boleno Henricus Norelius, qui Henrico Regi erat à cubiculis, hunc Bolenus rogat vt inopinatum eius aduentum apud Regem excuset, simulque secretam ei audientiam impetret. Introductus ad Regem Bolenus, rem ab initio repetit, dum ipse in Francia olim degeret, natam vxori suæ Annam Bolenam: ac se quidem voluisse vxorem ea de causa repudiare, nisi & Rex intercessisset, & vxor apertè falsa esset Annam Bolenam esse filiam Regis. Tace, ô stolide (inquit Rex) centum alij ex æquo tuam vxorem compresserunt: cuiuscunque illorum sit filia, certè quidem erit vxor mea. Tu ad legationem tuam reuertere, nec verbum cuiquam de hac re feceris. Hęc subridens Rex cum dixisset, è loco discessit Thoma Boleno adhuc in genua prouoluto.

Vt autem minus homines mirarentur, quæ causa tam subiti aduentus Thomæ Boleni extitisset, disseminatus est sermo, eum ad Regem attulisse depictam Ducisæ Alinsoniæ imaginem. Postquam vero Thomas Bolenus animaduertit Regem omnino decreuisse Annam Bolenam matrimonio sibi copulare, tam ipse, quam vxor ipsius omnem curam, laborem, cogitationem, in Anna Bolena instituenda posuerunt, vt, ne quo errore à tanta spe deciderent.

Volsæum iam ex Gallijs reuersum Rex monet, vt causam repudij, quantum potest apud Pontificem prouehat, tardius vero agentem, durius aliquantò excipit. Iam causa diuortij per omnium ora ferebatur. Iam omnes qui non nisi ex nouis rebus crescere se posse animaduertebant, cum ad summos honores aditum sibi per huius diuortij speciem fieri viderent, id omni ratione prouehabant. Contra verò, quos solus amor veritatis ad fidem consitendam impulit, illi quidem Reginz iam plant ab hominibus desertæ, æquissimam causam tuebantur: libri passim conscribuntur, alij pro Catharinæ matrimonio, alij contra illud. Qui autem Catharinæ matrimonium oppugnabant, eorum liber Henrico oblati, cum apud Cardinalem Volsæum præsentibus multis Episcopis lectus esset, nihil aut pro veritate clarius, aut in Regem durius dicere plerique Episcoporum ausi sunt, quam, ex ijs quæ illic in mediū proferebantur, iuste posse Regem de matrimonio suo cum Catharina iamdiu inito, scrupulum aliquem concipere.

Dum Rex ita esset affectus erga Annam Bolenam & Catharinæ repudium, statuit tam de sua quam Volsæi sententia Stephanum Gardinerum Iuris-consultissimum virum ad Papam vnà cum Frâncisco Briano mittendum. Hi vt gratiores Pontifici Clementi essent, in itinere cum

Venetis, Henrici Regis nomine egerunt, vt Rauennam redderent Sedi Apostolica, quod tamen Veneti facere tunc recusarunt. Inde ad urbem vbi Papa erat, accedentes, postquam de libertate ei reddita gratulati essent, hæc duo capita proposuerunt, prius, vt sua Sanctitas ad fœdus illud recens quod inter Anglum & Gallum percutiebatur, se ipsam adiungere dignaretur: posterius vt matrimonium Henrici cum Catharina fœmina quidem optima & nobilissima, sed tamen quondam germani fratris sui coniuge, præter legem naturæ (vt aiebant) contractum, auctoritate sua irritum declararet, nam in ea re obreptum Iulio secundo fuisse, cui contra ius diuinum dispensandi nullam fuisse potestatem. Qui scrupulus quanquam domi Episcoporum Angliæ iudicio ab animo Regis eximi potuisset, tamen vt ne qua suspicio Cæsari oboriretur, tanquā in solius Regis gratiam Episcopi Anglicani hoc fecissent, maluisse Regem hanc causam ad summum totius Ecclesiæ tribunal referre. Posse vero suam Sanctitatem huic morbo facillimam adhibere medicinam, propterea quod ea sit Catharinæ sanctitas, tale austerioris vitæ studium vt postquam mutuo consensu diuortium fuerit interpositum, illa non difficulter sit in monasterium aliquod sese abditura. Iudices vero huius negotij quos dari posse meliores, quam lectissimos Cardinales Campegiū & Volsæum, quorum alter in Anglia degens, causam optimè perspectam habeat, alter sub Leone x. in Angliam cum potestate Legati missus, res Anglorum non penitus ignoret? Papa vbi gratias & Regi & ipsis egisset, & cur in Gallicum fœdus intrandum sibi non putaret, rationem reddidisset, quod ad causam diuortij attinebat, eos cum certis Cardinalibus & Theologis de ea re agere voluit, professus, si hoc quod Rex petebat, legitimè fieri posse conitaret, se non modo id ipsum libenter facturum, sed etiam senio sibi gratulaturum, quod occasio esset oblata tanto principi gratias referendi, qui, & libro doctissimo pro septem Ecclesiæ sacramentis conscripto, de tota Ecclesia optimè esset meritus, & præterea Sedem Apostolicam nuper propugnasset, maximeque omnium, suam ipsius personam ex manibus hostium ereptam & vindictæ perpetuo sibi deuinxisset.

Cardinales & Theologi rationibus atque argumentis Legatorum perspectis vno consensu responderunt, matrimonium Henrici cum Catharina ratum & firmum esse, nec vllò diuino iure prohiberi. Nam quicquid in Leuitico, de turpitudine vxoris fratris non reuelanda, legatur, id necessariò ita interpretandum, vt, ne repugnet ei legi quæ postea in Deut. 25. Deuteronomio præcipit superstiti fratri, vt fratris absq; liberis defuncti

uxorem ducat. Aut enim has leges pulchrè consentire, & posteriorem nihil aliud quam prioris exceptionem quandam esse, aut si contrariæ essent, non priorem posteriori, sed posteriorem quæ in Deuteronomio extat, derogasse priori quæ in Leuitico traditur. Quod vero verbum Ioannis Baptistæ laudassent quod dixit ad Herodem: *Non licet tibi habere uxorem fratris tui*, Ioannem tunc egisse de tali Herodis fratre, qui & viveret, & Itureæ ac Traconitidis Tetrarcham ageret, & filium ex se reliquisset: in causa igitur tam perspicua iudices dando non esse, maxime in Anglia, ubi omnia in potestate Regis futura sint, & præsertim tales, qui ob multa beneficia de Regis Henrici manibus accepta, maiorem in modum ei sint obstricti.

Cum hoc responsum Doctori Stephano significatum esset, ad Papam reuersus dixit, primum alijs Theologis in vrbe aliud videri, deinde si matrimonium Henrici iure diuino interdictum non fuisset, tamen Regem ostensurum, ipsius Iulij dispensationem minimè fuisse Canonicam aut legitimam: illud se maxime omnium mirari, quod iudices qui priuatis non negarentur, tanto & tam bene merito Regi dando non esse dicatur. Benignius responsum se à sua Sanctitate expectare. Faciam (inquit Pontifex) Regis causa quicquid mihi facere licebit, Cæterum agitur iam non de causa humani iuris, verum de matrimonio fidelium, quod cum sit sacramentum à Christo institutum, nihil in eo nobis innouare licet: & agitur de matrimonio dissoluen-do, quod à Deo coniunctum homo non separat: & agitur de tali matrimonio dissoluen-do, quod auctoritate decessoris mei contractum, viginti annorum cohabitatione munitum, etiam prolis fructu sit corroboratum. Quid? nonne agitur etiam de honore tam Catharinæ principis quam Caroli Cæsaris? Et quis præstabit ne hoc diuortium magni alicuius belli causam præbeat? Mei autem officij est, videre, ne quid turbatum, quibus obitare queam, in Ecclesia Dei orisatur. Clemens ubi hæc dixisset, iterum Regis causam alijs Cardinalibus & Theologis cognoscendam commisit. Ibi quanquam nonnulli dicerent æquius hanc litem Romæ, ubi omnibus ex æquo ius dicebatur, quam in Anglia, ubi Regis arbitratu omnia fierent, decidendam esse: tamen alij, negotia Ecclesiastica Politicis rationibus interpolantes, multis verbis questi sunt de hæcibus nuper in Germania-obortis, deque cæterorum Principum in propugnanda fide, nimia tepiditate. Quare cum Henrico fidei Catholicæ acerrimo defensore clementius agendum, præsertim cum dicatur, ipsam Reginam in

monasterium ingredi paratam esse : & sanè illud videri durissimum, vt, ne iudices quidem ij dentur, quos tantus Rex petit, cum potius, dum lis apud eos agitur, sperandum sit Regis animum, si qua in re nunc sit deprauatior, ad officium paulatim reuocatum iri, saltem quid ob stare, quominus periculum fiat? semper enim Papæ integrum fore vt causam ad se reuocet.

Hæc autem posterior sententia valuit apud Clementem partim gratiæ Henrici nimium dantem, partim nihil omnino suspicatum, quod falsa essent illa omnia quæ de Catharinæ vel assensu, vel monastica vita obtenderentur. Dati sunt ergo iudices Laurentius Campegius, & Thomas Volsæus Præsbyteri & Episcopi Cardinales. Regina vero licet de his qui ad urbem mittebantur legatis, certior facta non esset, tamen simul ac tale quid suspectū habere cœpit, tum à Pōtifice per literas petijt ne qua legatio in Angliam de hoc diuortio cognitura mitteretur (nam hoc nihil esse aliud quam Regem in sua causâ iudicem facere) tum Imperatorem tam de Volsæi suggestionem, quam de Regis instituto certior fecit, summis precibus contendens, ne materterâ suam desereret, cui omnes istę inimicitie ob solius Cæsaris odium sustinendæ sint. Questus est apud Pontificem Cæsaris legatus tam de nuncijs à Rege Angliæ in urbem, inscia Regina, cuius tamen causâ hæc præcipue erat, clanculum missis, quam de iudicijs à Pontifice datis, antequam adhuc quid Serenissima Regina pro se allatura esset, audiuisset. Quæ scandala tunc oritura, cum Cæsar materteræ suæ causam contra iniurias Henrici propugnauerit? Quem statum rerum in ipso Angliæ regno expectandum, quando pessimi quique regiam libidinem fouentes, omnibus honorum gradibus præficientur, soli autem boni & fideles viri, ob solius Dei timorem causam Reginæ propugnantes, omni honoris gradu deturbati fuerint?

Pontifex cum intellexisset suggestionem Regis falsam fuisse, quatuor nuncios celerrimo cursu diuersis itineribus ad Campegium misit, per literas ei mandans, primum vt in itinere quam tardissimè progrediatur, deinde cum in Angliam venerit, omnem operam ad Regem cum Regina conciliandum interponat. Sin hoc obtineri non poterit, saltem ne vllam pro diuortio sententiam absque nouo & expresso ipsius Pontificis mandato ferat. Hoc (inquit) summum & maximum sit mandatum. Alijs vero literis Viterbio datis, planè significat, si de sua tantum persona ageretur, se omnia pericula in Regis Henrici gratiam subiturum : sed nunc illius voluntati absque iniustitia, & publico scandalo satisfieri non

transiri non posse.

Campegius Nonis Octobris Londinum ingressus, & à Volsæo ad Regem deductus, omnia studia & officia, Pontificis, Cardinalium, Cleri, ac populi Romani nomine, Henrico Regi tanquam liberatori vrbis contulit. Cui, Regis nomine, cum Foxius respondisset, Rex & duo Cardinales remotis arbitris, de suis rebus multum & diu collocuti sunt. Aduentus Campegij fuit vniuersis regni ordinibus longè ingratiſſimus, quod passim dicerent enim accessisse, vt Regem à sanctissima vxore sua disſiſſingeret. Przecipuè autem, Regina in luctu & ſachrimis nocte dieq; egit. Quam cum per occultos nuncios conſolari Campegius niteretur, eandemque, vt religionem aliquam ſponte ſuſciperet, vitæ ſaltem tuendæ cauſa, hortatus eſſet, illa intrepidè reſpondit, ſibi conſtitutum eſſe, matrimonium ſuum quod Eccleſia Romana legitimum ſemel iudicaſſet, conſantiſſimè tueri, nec illum recipere iudicem, qui per aperta mendaciapotiùs à Rege extortus quam à Pontifice miſſus fuiſſet. His verbis intellectis Campegius ad Pontificem ſcribit, tum quid animi Reginæ ſit, tum quantopere inſtet Rex vt cauſa abſoluatur, itemque, collegam ſuum Volsæum, qui prior ſit in ordine iudicum ſcriptus, totum ad matrimonium ſeparandum eſſe intentum: quare Sanctitatem ſuam debere primo quoque tempore, quid ei faciendum cenſeat, preſcribere. Diſſimulante autem Pontifice, nec aliud quam dilationes querente, ad ſex ſerè menſes, hoc eſt, à Nonis Octobris, vſque ad quintum Kalendas Iunij, à cauſæ cognitione ceſſatum eſt. Rex autem videns populum indignari quod potiùs meretriculæ cauſa vxorè tam illuſtrè repudiare conaretur: ſexto Idus Nouẽbris Principes ac plebem conuocans, iurato affirmat, ſe non alicuius fœminæ amore captum, ſed ſolo conſcientiæ ſcrupulo adductum, vt hanc litem intenderet. Nam quid ſua coniuge ſanctius? quid nobilius eſſe, nec ſibi aliud in ea diſplicere, quam quod fratris ſui vxor prius fuiſſet. Qui eum iurantem audiebant, impudentiâ viri ſatis admirari non poterant. Tot enim ſupra & adulteria quæ paſſim committebat, facile clamabant, eum non tam religioſè pium eſſe, vt ſcrupulis conſcientiæ ſuæ multum torqueretur.

Campegius Regi ſuaſit, vt hanc cauſam non inſmica litigatione decidi, ſed mutua gratia componi pateretur. Cum Regis conſilium placuiſſet, de illius voluntate accedunt Cardinales ad Reginam, acturi cum illa, vt aliquem religionis habitum ſuſciperet. Sed vix iam præſati erant ſe à Pontifice miſſos vt cognoscerent vtrum ipſius cum Rege matrimonium eſſet validum nec ne, cum illa orationem ipſorum inter-

pellans. Rem (inquit) actam agitis, & actam non solum in Senatu duorum Regum prudentissimorum, sed & in Romano consistorio, itemq; à Papa Iulio transactam, viginti annorum cohabitatione firmatâ, fructu prolis stabilitam, orbis Christiani gratulatione & iudicio corroboratam. Sed hanc gratiam meam tibi vni (Volsæ) acceptam fero, quam tu odio tanto prosequeris, vel quod ego ambitionem tuam & libidinem æquo animo ferre nunquam potuerim, vel quod Cæsar nepos meus tibi Papatum deferendum non curauerit. Cum vero illam & nimio dolore commotam, & mox in lachrymas resolutam conspicerent, ab ulteriore colloquio tunc sibi temperandum putarunt, cætera per nuncios confecturi.

Henricum, festa natalitia, ludis, epulis, & spectaculis ad quæ Cardinales inuitabantur, splendide transigentem, & Annam Bolenam, toto populo aspectante, in maximis delicijs habentem, Volsæus admonuit, vt saltem honoris sui memor, interim dum lis ageretur, illam pateretur apud patrem suum educari. Vix tandem concessit Rex, vt saltem per solemnes Quadagesimæ dies à conspectu suo abesset. Quibus transactis Rex Thomam Bolenum quem iam Baronem & Dominum Rupe-fortis creauerat, iubet Annam secreto ad comitatum suum reducere: simulq; rex ipse literas amoris plenas ad eam scribens, humanissime ad se inuitat. Cæterum illa negat se ad illum, qui eam semel tam indignè ablegauit, redituram, nec vllò modo mater potuit filiæ persuadere vt ad regem se conferret. Sed cum Thomas Bolenus, Principis indignationem mortis nuncium esse dictitans, monuisset eam, vt nisi & se ipsam, & domum Bolenorum vniuersam perdere in animo haberet, quamprimû accederet: Veniam (inquit Anna) sed vbi semel hominem intra vngues meos concludero, eum vt meritus est, tractabo. Tunc rex vt iratam placaret, multò magnificentius quam vnquam ante, nulla sui nominis aut honoris habita ratione excipit.

In causa vero diuortij sui, cum animaduerneret omnes Theologos & Iuris Pontificij Professores in eo conuenisse, quod absque Iulij Pontificis venia, qui leges Ecclesiasticas relaxabat, matrimonium Henrici cum Catharina nullo modo ratum fuisset: omnes neruos in Iulij dispensatione infirmenda intendit. Stephano igitur Gardinero & Francisco Briano qui Romæ agebant, mandatum est ante omnia, ne vlli pecuniæ parcerent, sed ingentia munera ijs Cardinalibus & Theologis, quorum opera illis vsui esse posset, vltro offerrent. Rex vero per Legatos à Pontifice petijt primum, vt Iulij Papæ dispensationem pronunti-

aret adulterinam, & ipso iure nullam: deinde ut potestatem faceret, quo Maria Henrici & Catharinæ filia cum Duce Richmundiæ eiusdem Henrici filio notho, successionis regis stabiliendæ causa, matrimonio coniungerentur. Illud vero tertium non Legatorum ore sed sua manu conscriptum & consignatum rex adiunxit, ut quæquam ipse Henricus Mariani Bolenam cognovisset, ex eoque legibus Ecclesiæ prohiberetur Annam Bolenam eiuſdem Mariæ sororem vterinam in coniugem assumere: tamen sua Sanctitas, quæ leges Ecclesiasticas moderatur & relaxat, gratiam ei huius rei auctoritate Apostolica faceret: quod ita conscriptum & petatum fuisse, non Caletanus modo insinuat, verum etiam Cardinalis Polus constanter affirmat, additque, Henricum ita demum hoc ultimum impetrasse, si ante constitisset Iulium Pontificem non habuisse ius, priore illa in causa (hoc est in nuptijs fratris) dispensandi. Hæc Polus. De primo autem postulato ea ratio inibatur, ut Legati Regis peterent Iulij decretum, in quo matrimonium Catharinæ cum Henrico ratum habuerat, circumduci & abrogari. Quæ res ut ritè atque ordine tractari posset Clemens, dixit se acturum cum Imperatore, ut authenticum illud Iulij decretum quod apud Cæsarem extabat, aut in urbem romam, aut certè in Angliam ad Legatos suos transmitteretur. Instabant Legati Regis, ut nisi Carolus intra duos menses proximè secuturos decretum Iulij exhiberet, sua Sanctitas illud pronuntiaret irritum ac nullum. De qua petitione cum Cardinales de Monte, & quatuor Coronatorum, Episcopus Simoneta, & Theologi quidam, ex mandato Pontificis cognovissent: visa est omnibus iniquissima, tam ob temporis præscripti brevitatem, quam ob inusitatum edicti modum. Itaque Pontifex interloquutus est, se hac de re ad Cæsarem scripturum, à quo non putabat se plus minis & summo iure, quam solo æquitatis nomine obtenturum: Contra verò Legati dicebant, nihil sibi curæ esse ut brevis Apostolicum exhiberetur, nisi ad constitutum diem id fieret.

Cum autem hæc res magnam Pontifici molestiam afferret, per litteras cum Legato suo Campegio exposulat, quod eiusmodi mandata romam perferri passus sit, quæ in Anglia præcidi oportuisset, nec spem ullam de rebus eiusmodi, quæ concedi nunquam possent, à Pontifice impetrandis fieri. In earum litterarum extremo questus est (qui Papæ fuerat à secretis) Ioannes Papista Sanga, Legatos Regis præ orationis vehementia, magnum malum Sedi Apostolicæ minitatos, nisi rex voti sui compos fieret. Quasi vero, ait, sua Sanctitas ab officio recedere deberet, etiamsi totum orbem lucratura esset, aut quasi minarum istiusmodi

executio non primum illis ipsis qui minantur, plurimum detrimenti *fit* allatura: si rex videlicet ob explendam libidinem suam, vt domi, suæ uxori, sic foris, Sedi Apostolicæ, hoc est, radici & matri Ecclesiæ Christianæ, libellum repudij daturus esset, atque hinc quidem certissimo constar Legatos eo vsque regis animum exploratum habuisse, vt potius fidem vnâ cum vxore abijcere vellet, quam Annæ amplexibus priuari.

Quapropter cum Henricus ex legatorum suorum literis intellexisset Papam nihil eorum quæ peteret, absque conditionibus adiunctis concessisse: timeret vero ne inter Christianos Principes generalis quædam pax (qua de re Cameraci tunc disceptabatur) componeretur, qua fieret, vt Papa illi minus deberet, & Imperator maiorem potentiam acquireret, & Galliarum rex, filijs receptis, Henrici ope minus indigeret, atque ita vndique desertus nec veterem vxorem repudiare, nec Annam ducere, saluis rebus suis posset: re prius cum Volsæo & aduocatis communicata, Campegiū renitentem, seque ob decretum Iulij nondum coram exhibitum, iustissimè excusantem, quin & à Pontifice absque nouis mandatis, de causâ illa vltius cognoscere prohibitum: tamen minis, blanditijs, muneribus, importunitate eo adegit, vt cum de vita etiam sua, nisi regis voluntati satisfaceret, in dubium veniret, tandem vnâ cum Volsæo, Londini quinto Kalendas Iunias, in Cœnaculo Fratrum ordinis D. Dominici, tribunal conscenderet. Mandatis igitur Papæ ante omnia recitatis, nominatim euocant primum regem Henricum cuius vice duo procuratores aderant, deinde reginam, quæ ipsa in medium prodiens, cum protestata esset, se in illos tanquam iudices suos non assentire, ad Papam prouocauit. Sed cum appellationem Legati non admitterent, nisi regina scripto quodam Apostolico doceret, mandata ipsorum esse reuocata, proximo die quo in iudicio confessum est, regina iterum affuit; ac tum quidem, proposita solemnī exceptione, rationes cur ad Pontificem prouocaret has expressit. Primum, quod locus iudicij parum æquus videretur, nam se in Hispanijs natam, ibi esse peregrinam: Henricum qui huius licis auctor sit, eundem esse totius Angliæ regem. Deinde personas iudicum non solum regi deuinctas, verum & subiectas esse, Volsæum, ob Vintoniensem & Eboracensem Episcopatus, ac multas Abbatias; Campegiū, ob Sarisburiensis Ecclesiæ ex dono regis adeptum Episcopatum. Postremò sanctissimè iurat, se non nisi timore iustissimo adduci, vt horum iudicio hoc in loco & hac in causâ stare recuset. Quanquam vero iudices in regis gratiam tollent appellationem Catharinæ recipere, tamen cum sententiam re-

judij non ferrent, nihil quod regi gratum esset facere videbantur. Itaque Henricus ipse in iudicio se ipsum sistens palam dixit non odio reginæ, sed scrupulo conscientiz & doctissimorum hominum iudicij se impulsus, ut quamquam domi haberet Cardinalem Eboracensem de latere legatum, cui soli potestas, ad litem hanc decidendam delegari potuisset, tamen declinandæ inuidiæ causâ, hos iudices à Pontifice Romano summo Ecclesiæ capite, impetraret, quorum sententiæ, quæcunque illa futura esset, se acquieturum contestabatur.

Postquam rex perorauerat, regina vrgebat, ut appellatio quam interposuisset, iudicibus probaretur. Illis negantibus, cum ad laevam subsedisset, de loco suo surgens, regem qui ad dexteram sub Conopso considebat, adiuit, genibusque flexis ab illo supplex precata est, ut quoniam in suo regno ageret, ipsa vero peregrina esset, liberam ei potestatem faceret Romæ, apud communem omnium Christianorum Patrem atque etiam iudicem ipsi regi probatû, litem istam persequendi. Assurgens rex & benignissimis oculis eam intuitus, hanc se illi potestatem facere dixit: populo interim qui vultum utriusque coniugis, & gestum spectabat, nimirum sibi à lachrimis temperante. Discedit ergo regina ex loco iudicij: cui cum statim esset nuntiatum, ipsam à rege & iudicibus reuocari. Parebo, (inquit) marito meo non item iudicibus. Sed cum à Procuratoribus suis admoneretur, si verba interpositæ appellationis, sua in iudicium reuersione oppugnaret, eam rem detrimentum causæ ipsius allaturam: hac proposita regis nuncio excusatione, ad Baynardi arcem, unde illuc venerat, reuersa: toti consilio suo dixit: Hodie primû, ne causæ mez nocerem Domino meo regi non parui: sed cum proximè cum videro, flexis genibus, hanc culpam deprecabor. O coniugem meliore marito dignam! nisi quod, hoc persecutionis genere, Deo visum erat immarcescibilem gloriæ coronam Catharinæ præparare.

Henricus vero qui tantum ne inurbanus videretur, ad temporis momentum precibus reginæ assenserat, è vestigio legatos ad sententiâ ferendam Iulijque Papæ decretum abrogandum omnibus modis promebat. Exemplum igitur Pontificiæ dispensationis cum in iudicio exhibitum esset, regis Procuratores ex multis capitibus contendebant, id satis firmum ad statuendas Henrici & Catharinæ nuptias non fuisse.

Primum, quod in eo Iulij decreto, de nuptijs quidem, non item de sponsalibus contrahendis, mentio haberetur: cum tamen & Principes sponsalia primum contraxerint, & in causâ quæ à Iure Canonico aliena fuerit, extensio nulla sit admittenda.

Deinde quod impubes Henrici ætas commemorata in decreto non fuisset, cum is non nisi duodecim annorum tunc esset.

Tum autem, quod Henricus iam factus pubes, protestatus esset, se nolle Catharinam ducere.

Præterea, quod cum hæ nuptiæ ob pacis bonum inter Ferdinandū atque Elizabetham Hispaniæ, & Henricum septimum Angliæ, reges, retinendum, permitterentur: eaque dispensationis Pontificiæ finalis causa fuerit, tamen nec Impubes Henricus octauus, de bono pacis cogitasset: nec Elizabetha & Henricus septimus tunc vixissent, cum nuptiæ celebrabantur.

Quid quod Catharinæ & impuberis Henrici nomine, preces Pontifici offerebantur, cum tamen istorum Principum nulla intercessissent mandata, quorum vi parentes eorum, hoc pro illis iure agerent. Falsæ vero narrationem totum id quod petitur vitare.

Postremò, istæ nuptiæ duplici obstaculo impedirentur, vno affinitatis, quod ex carnali copula Catharinæ & Arthuri oriebatur: altero iustitiæ publicæ honestatis, quod ex solo earum nuptiarum contractu, etiamsi nulla copula subsecuta esset, promanauit, in Iulij autem decreto solum affinitatis impedimentum relaxaretur, de impedimento autem iustitiæ publicæ honestatis ablato, nulla fieret mentio: hinc aiebāt effici vt hoc posterius impedimentum non ablatum, has Henrici & Catharinæ nuptias faceret illegitimas, & ipso iure nullas. Hæc illi.

Quamquam autem Regina nihil sibi negotij volebat cum illis Iudicibus esse: tamen Procuratores ipsius, vt ne iure aut equitate destituti putarentur, omnibus aduersariorum argumentis quamprimum responderunt. Dicebant igitur, sublato semel per Iulij Papæ auctoritatem, Ecclesiasticæ legis impedimento: affectum quoque omnem ex illo profectum, eadem opera sublatum fuisse; vt iam ipsis Principibus ex æquo licuerit, tam sponsalia, quam matrimonium, velut iure communi contrahere. Vbi enim quicquam ob grauem aliquam causam permittitur, omnia sine quibus ad illud perueniri non potest, simul permissa intelliguntur, ne alioqui nihil ageretur. Impuberem vero Henricum, non potuisse adhuc aliud quam sponsalia inire. Quid quod post matrimonium, Pontificis venia ritè contractum, stultè dubitari asserebant, vtum licuerit Principibus sponsalia contrahere, nec ne? Cum enim Sponsalia quæ matrimonium subsecuturum spondent, nec ad matrimonij constitutionem necessario requirantur: & tamen semel adhibita, eidem non aduersentur, sed maxime omnium subseruiant, partim concessio matri-

monio, etiam sponsalia intelliguntur concessa, & ideo valebant: partim etiam si non valuissent, nocere tamen subsequuto postea solemni matrimonio nunquam possent, cum & hoc sine illis per se constet, & quod superuacaneè adijcitur, nunquam id, quod suo iure subsistit, vitare debeat. Neque hanc causam à iure Canonico alienam fuisse, quin potius adeo plausibilem, ut si Canonis auctor de illa cogitasset, omnem operam daturus fuisset, ut tanto bono publico, nuptiæ inter fratrem superstitem & defuncti uxorem inirentur: & tamen, in qualibet odiosa causa, permissio matrimonio, sponsalia, quod nihil aliud sint, quam inchoatum quoddam matrimonium, non intelligerentur prohibita.

Ad rem vero non attinuisse, ut impuberis Henrici ætas describeretur, propterea quod ea sola cuiusque rei aut personæ qualitas necessariò exprimenda esset, quæ iuri obsteret, & cuius mentionem fieri manifestæ iuris ratio postularet. Ea fuit in hac causa, non impuberis ætas, quæ ad effectum à natura pendentem supplere Pontifex non poterat, sed affinitatis conditio, quæ nuptiis obstabat, & in diplomate expressa fuit.

Adde his, quod in causa matrimonij, in quo nihil aliud ad pubertatem necessarium est, quam ut coire cum fœmina quis possit, certum non est illum esse impuberem, qui sit duodecim annorum. Hieronymus enim ait, Salomonem & Achaz, ætatis undecimo ac duodecimo anno, filios genuisse. Imò etiam inter priuatos prætermittitur duodecim annorum ætas, decretum Papæ non vitiaisset, quia tam exigua & levis qualitas expressa, nunquam Pontificem à maiore aliquo bono prouehendo, retardasset, quantum minus putandum, quod inter potentissimos Principes, Papa, qui pacis conseruatorem se prædicat, tam ingens bonum publicæ pacis plurium regnorum, ob hoc solum impediturus esset, quod Henricus non nisi duodecim annorum haberetur? Principibus enim quod Deus ipse Legibus humanis videtur soluisse, maiora quædam merito à Pontificibus indulgeri solent.

Protestationem verò iam puberis Henrici, de qua Catharinam nunquam certiorem reddidit, nihil omnino Catharinæ obfuisse: quanquam cum nuptiæ solemnes postea subsecutæ, priorem protestationem quamlibet solemnem, irritam reddidissent, per quam ridiculè nunc, post nuptias contractas, obtendi, quod Henricus semel dixisset, se nolle Catharinam ducere: dixit, at duxit tamen. Potius facto publico, quam verbo priuato credendum esse, præsertim, cum factum hoc, & posterius fuerit, & in sacramentum Christi transierit, & tot annorum cohabitatione, & nobilissimo prolis pignore, stabilitum fuerit, & confirmatum?

Nam quod putarent impuberem adhuc Henricum de bono pacis minimè cogitasse, cur eum, qui ob duodecim annorum ætatem pubertati proximus, & doli capax erat, quinimo qui grauium etiam criminum reus esse poterat, solius virtutis, & sancti deluderij capacem negarent? Potuit, commissio etiam homicidio, mereri æternam mortem, & non potuit optare bonum publicum, aut ea quæ ad æternam vitam spectant? Hanc absurdam & irreligiosam opinionem boni mores condemnant, sanctæ Leges reiiciunt, pij iudices non admittunt, etiam si quis illam se testibus atque instrumentis probaturum affirmaret.

Præterea, si Filius bonum pacis non optauit, at Pater in cuius potestate erat, id pro illo & ad illius vtilitatem fecit, sicut & pro illo credidit, cum adhuc infanti sacramentum fidei conferendum curaret. Nec in his nuptijs permittendis, Pontifex priuatas Elizabethæ Hispaniarum Reginae, atque Henrici septimi personas, sed publica officia, & regiam conditionem spectauit, quæ vnà cum illis non est mortua, sed ad hæredes eorum Henricum octauum & Catharinam vnà cum regnandi iure in Anglia pertransiuit. Nam bonum pacis non certarum personarum, sed populi totius bonum est. Populus autem & ciuitas non moritur. Plus dicimus: satis est, quod Henricus & Elizabetha impetrati priuilegij tempore vixerunt, cum illa quæ ex gratia conceduntur, statim atque sunt concessa, vim suam & perfectionem ex sola concedentis voluntate consequantur. Vt interim nec illud omittamus, Catholicum Regem Ferdinandum, contracti matrimonij huius tempore, adhuc superstitem fuisse.

Quod vero filij parentibus non mandauerint, vt hanc illis coniugij veniam impetrarent: nihil referre. Quanquam enim Pontifex eum qui preces alterius nomine offert, nisi de mandato docuerit, repellere, si vult, potest, tamen si non repulerit, verum id quod petitur in causa plausibili & gratiosa concesserit; valet quod agitur, nec amplius quaeretur, à quo sunt preces porrectæ, sed tantum an rescriptum sit impetratum? quod multò magis in parentibus locum habet, cum pro filijs aliquid impetrant. Ipsa enim naturæ lex docet, parentes filijs thesaurizare debere, maximeque omnium in Regibus hoc eodem iure ac more vimur, qui multa suis liberis priuilegia per suos legatos impetrare solent. Nec fuisse fallam narrationem quæ his verbis concepta est, *Oblata nobis nuper pro parte vestra petitionis series continebat, &c.* pro parte enim Henrici octauæ & Catharinæ preces verè offerebantur, sicut narratio ipsa refert, cum ad eorum vtilitatem id totum quod petebatur, constet relatum esse.

reclatum esse. Nec unquam videri posse parentes, quibus ipse Deus filios commendauit, filiorum mandato in ijs quæ ad rem eorum spectant caruisse, cum ipsa filiorum ratio & natura perpetuo quodam gemitu & clamore, parentibus mandet, vt ipsis omni qua possunt ratione, consulant. *Qui enim suorum & maxime domesticorum curam non habet, fidem negant, & est infideli deterior.*

Veniamus iam ad vltimum caput, in quo vim maximam aduersarij sitam esse arbitrantur. In precibus Pontifici oblatis hæc verba continebantur. *Dudum inter Dominam Catharinam & Principem Arthurum Henrici fratrem, matrimonium per verba de presenti fuisse contractum*: nonne his verbis satis expresse proponitur iustitiæ publicæ honestatis impedimentum, quod ex solo nuptiarum contractu oriebatur; In ijsdem vero precibus mox sequitur. *Illud matrimonium carnali copula forsitan fuisse consummatum.* Nonne hinc etiam affinitatis impedimentum elicitur, si fortè carnalis copula intercessisset? Propterea enim adiectum est illud forsitan, vt in omnem euentum matrimonio consuleretur, etiam si carnalis copula, quæ reuera non intercessit, casu quopiam intercessisset. Cum ergo Papa eâ re narrata intellexerit, duas ad summum res obstitisse, quominus Catharina Henrico nuberet, vnâ, quod ea fœmina prius Arthuro Henrici fratri nupta fuisset: alterâ, quod ab eodem Arthuro forsitan fuisset cognita: idemque Pontifex totâ re intellecta, non modo affinitatis in toto genere, sed huius ipsius affinitatis impedimentum (quod inter Henricum & Catharinam ex nuptijs Catharinæ cum Arthuro prius contractis, & copula forsitan subsecuta consummatis interuenerat) auctoritate sua sustulerit, nonne eo ipso iustitiæ etiam publicæ honestatis impedimentum, multò magis sustulit? Nam si Henrico Regi permittitur, vt fratris vxorem etiam si carnali copula fuisset cognita, tamen ducat: nonne multò magis eam ducere permittitur, si nupta solum & non etiam cognita fuit? Hactenus Reginæ Procuratores.

Postquam verò carnalis copulæ mentio facta semel esset, Regis Procuratores nonnullas leues coniecturas in medium proferebant, quibus docere conabantur carnalem copulam inter Arthurum & Catharinam vere & absque forsitan intercessisse, verbi gratia quod nuper ex Ephebis ambo excessissent, quod ab epulis & delicijs ad thorum coniugalem summâ nocte deducti essent, quod mutuò inter se amarent, quod legitimis nuptijs coniuncti essent: deinde quod Arthurus manè posttridie potum flagitaret, idque (vt aiebant) quoniam diceret se illa nocte in calida Hispaniarum regione peregrinatum fuisse.

At Reginæ Aduocati has leuissimas coniecturas multis & firmissimis argumentis confutabant. Primum, quod Henricus septimus curauerat, vt matrona grauissima in eodem cum sponso thalamo adesset, quæ ob Arthuri morbum & infirmam valetudinem carne coniungi prohiberet. Denique quod serenissima Regina, quæ omnium optimè rem nouerat, apud notarium quendam publicum, cui nomen erat Ioanni Tolcarno, præsentibus multis Episcopis ac alijs testibus, inrato asseruisset, se post obitum Arthuri Principis, mansisse virginem, tum etiam quod cum D. Catharina palam in iudicio præsentì Henrico Regi dixisset ipsum scire, quod is eam virginem cognouisset: Rex nunquam id negasset, atque idè dum in re tanti præiudicij tacuisset, ei quod opponebatur assentiri præsumendus esset. Et hæc quidem illi dicebant, sed nos aliud insigne testimonium adiungamus ex eo libro Cardinalis Poli, quem Regi Henrico adhuc viuenti scripsit & inscripsit, in quo ait, ipsum Henricum octauum, nihil tunc minus quam de repudio cogitantem, Carolo quinto Imperatori vtrò falsum esse, quod Catharinam adhuc virginem cognouisset. Hæc Polus.

Rursus cum Regis Aduocati literas Adriani Cardinalis qui Pontificis quæstor in Anglia quondam fuerat, recitassent, in quibus dixerat se ex Papa Iulio audisse, cum diceret, sibi non videri quod in matrimonio Henrici & Catharinæ dispensationem posset interponere.

Ex altera parte Procuratores Reginæ in medium protulerunt ipsius Iulij Papæ literas ad Henricum septimum, de hoc sermone ad eiusdem Henrici rogatum conscriptas, in quibus hæc verba erant: De dispensatione matrimoniali nunquam negauimus, nec suspicionem præbuimus, quominus eam facere vellemus, vt aliqui minus verè dixerunt, sed respondimus nos expectare in illa concedenda tempus magis accommodatū, vt consultius & maturius fieret, cum huius sanctæ Sedis & vtriusque partis honore.

Erant autem serenissimæ Reginæ Aduocati totius Angliæ viri optimi & doctissimi. Primum Guillelmus Varamus Cantuariensis Archiepiscopus, deinde quinque Reuerendissimi Episcopi, Cuthbertus Tonsallus tunc Londinensis, postea verò Dunelmensis: Nicolaus Vestus Elyensis, Ioannes Clericus Bathonensis, Ioannes Fisherus Rossensis, Henricus Standicius Asaphensis, quibus Episcopis adiungebantur alij Theologi quatuor, Abelus, Fetherstonus, Pouellus, & Ridlayus.

His ergo rebus quæ ad Iuris Ecclesiastici controuersias pertinebant ita constitutis: Ioannes Fisherus Rossensis Episcopus, non Anglicanè

tantum regni sed & orbis Christiani lumen, exemplar sanctitatis, populi sal, Ecclesiæ doctor, in medium prodijt, & librum pro defensione matrimonij Regis & Catharinæ doctissime scriptum, Legatis exhibuit, grauiissima oratione illos admonens ne in Schponodum quærerent, neue aut scripturarum manifestam veritatem, aut leges Ecclesiasticas iam satis in hac causa perspectas eueri permitterent: quin imò iterum atq; iterum cogitarent, quanta mala ex hoc diuortio securura viderentur, videlicet Henrici Regis & Caroli Cæsaris odia, Principum qui eorum partibus adhærerent factiones, bella non tantum externa, sed & ciuilia, quodque omniū est grauiissimum, dissensiones in causa fidei, Schismata, hæreses, & sectæ infinitæ. Ego (inquit) pro eo ac in ista re laboris & industriz plurimum collocaui, affirmare ausim, idque non solum hoc in libro testimonijs & scripturarum, & sanctorum Patrum clarè docui, sed etiam mei sanguinis profusione testificari paratus sum nullam esse in terris potestatem, quæ hoc matrimonium à Deo ipso coniunctum dissoluere possit aut disiangere. Hoc vbi Ioannes Rossensis fama doctrine illustis, sanctitate vitæ conspicuus, Episcopali dignitate honorandus, ipsaque canitie venerabilis palam dixisset, quatuor vtriusque legis doctores librum à se conscriptum obtulerunt, in quo matrimonium Henrici & Catharinæ secundum leges Ecclesiasticas rite contractum esse planum faciebant. Mox tres libri, singuli à singulis Episcopis compositi, coram exhibitici sunt, quorum auctores fuerunt Clericus Barthonen- sis Episcopus, Cuthbertus Tonstallus Londinensis, (qui tunc legatione pro Rege vnà cum Thoma Moro Cameraci fungebatur) & Vestus Elyensis. Hos Episcopos secuti sunt quatuor Theologi, Abelus, Pouellus, Fetherstonus, & Rydlayus, qui affirmabant se Dei & veritatis amore ad- ductos, nihil aliud pro matrimonio Catharinæ scripsisse, quam quod secundum scientiam ipsis datam sciebant Euangelio & Scripturis sacris consentaneum esse, id quod liquido apparet, si libros ipsorum, (sicuti eos non dubitabant facturos) legere dignarentur. Ridlayus autem vir Catholicus & pius, atque ab omni assentatione alienissimus, palam questus est de Legatorum iniquitate, quod iusiurandum calumnie, solis Reginæ Procuratoribus & Aduocatis detulissent, nihil eos aut dicturos aut scripturos, aut in hoc genere facturos, quod non & diuinis & Eccle- siasticis legibus consentaneum esset. Quod si (inquit) Regis Procura- tores & Aduocati eadem iusiurandi religione constricti fuissent, iam causa esset acta, nec vel aduersarij veritatem à nobis stare negassent. Imò se quamlibet pernam subiturum, nisi qui regias partes tuebantur, ad

Reginam statim transirent, si hoc illis iusiurandum imponeretur. Tacerunt omnes qui erant ex parte Regis, ac verbum Rydlayi silentio suo confirmare visi sunt.

Volsæus libertatem dicendi, qua vsus est Rydlayus indignissimè tulit. Tam is verò, quam Cardinalis Campegius quemadmodum in causa progredirentur, non videbant: adeò cuncta iam erant clara & contestata pro D. Catharinæ matrimonio. Rex tamen more suo urgebat, vt ad sententiam secundùm se ferendam festinarent. Campegius vero cum nullam excusationem suam Regi probatam esse animaduerteteret, nec tamen contra tam claras probationes, contra certissimam Papæ voluntatem, contra iustissimam Reginæ appellationem auderet secundum Regem pronuntiare, tandem audacter libereque dixit, multis se annis in rebus agendis versatum, multis annis vnum ex duodecim Iudicibus qui causas in Rota Romana cognoscunt, extitisse, nec vnquam in causa etiam mediocri, (nèdum tanta & tam graui) tantam festinationem adhibitam fuisse, quin moris esse, vt cum ad locum sententiæ deuentum fuerit, triginta toti dies ad testimoniorum auctoritates & momenta examinanda vacui concedantur. Nunc autem vix totidem præterijisse, à quo primum die, causa Regis palam publiceque inchoata sit. Et qualis causa? quanti ponderis & momenti? quantæ offensionis & scandalis? nisi forte sacramenti legitimi subita disruptio, matrimonij per viginti annos corroborati repentina dissolutio, prolis generosæ atq; adeo Regis miseranda illegitimitas, potentissimi Monarchi irritata maiestas, Christiani populi diuulsa concordia, auctoritatis Pontificiæ contempta dispensatio, parui cuiuspiam ponderis aut leuis momenti esse videatur. Sibi quidem constitutum esse in re tam graui lento potius & securo, quam præpropere & præcipiti gradu incedere.

Hæc vbi Campegius dixisset, subito mutatos omnium vultus vidisset: alij eius libera oratione delectabantur, alij contra qui ex rebus nouis crescere optabant vehementer dolebant, alij cum tacite apud se lætarentur, tamen ore tenus dolorem simulabant, ex quibus erat Volsæus Cardinalis, qui licet idem quod Campegius sentire putaretur, nihil tamen perinde urgebat ac sententiæ ferendæ accelerationem.

Rex cum videret Campegium à re iudicanda tam alienum, vt nouas dilationes quotidie interponeret, iudiciumque præter omnium spem pœne ad finem mensis Iulij extraxisset, actum quidem Romani moris esse diceret, vt à iudicijs exercendis vsque ad mensem Octobris abstineretur. Brandonum & Hauardum Duces, hunc Norfolkicæ, illum Suffolciæ

ad Legatos misit, qui magno Principum virorum comitatu deducti, cum tertio Kalendas Augusti ad iudices pro tribunali sedentes venissent, tam Regis quam suo nomine ab eis magnopere contendebant, ne conscientiam Regis diutius implicatam tenerent, sed tandem aliquando rem totam deciderent, ac definirent. Hic autem Volsæus licet priore loco sedisset, conticuit. Magno enim timore concutiebatur. Campegius vero per eam fidem, qua Deo atque Ecclesiæ Romanæ obstrictus erat, contestabatur, moris esse Romanæ curiæ cuius ipse membrum esset, ut à fine mensis Iulij usque ad quartum Nonas Octobris nullum exerce-
retur iudicium: Sin contra factum fuisset, quicquid in eo genere tenta-
retur nullius roboris omnino futurum. Quod si Rex illum diem pro sua
patientia expectaret, nihil se dubitare, quin omnia ex eius voto succe-
ssura essent. Instare iterum Duces, ut eo ipso die, aut ad summum pos-
tridie sententia ferretur. Iterum Campegius cum respondisset, nullo
modo id sibi facere licere, Carolus Brandonus Suffolciæ Dux mensam
quæ proponebatur magno ictu concutiens, per sacram (inquit) Missam,
nemo unquam Legatorum aut Cardinalium quicquam boni ad Angliam
apportauit. quod ille quidem vel æstro quopiam percitus, vel fœdissimo
adulandi Regi studio ductus, dixit: Quam seuerè autem Deus horum
Ducum superbiam ac adulationem per eundem Regem & filios suos,
maximeque per prolem eam, quæ ex eo quod ipsi tantopere expetebant
nouo coniugio orta est, ultus sit: ea mala testantur, quæ ipsis ipsorum-
que familijs postea acciderunt.

Duces ex iudicio discedentes, ut ipsi omnibus iracundiæ flammis
urebantur, sic & Regem à libidine sua iam diu ambustum, nouis etiam
furoris & insanix facibus incenderunt. Papa interim iustissimam Re-
ginæ appellationem ratam habens, palam Volsæo & Campegio inter-
dixit, ne amplius huic negotio se immiscerent: causam vero totam
Paulo Capisuecho sacri Palatii Apostolici causarum auditori & Decano
cognoscendam, ipsique Pontifici demum referendam & explicandam
commisit, quem iussit tam Regi quam Reginæ diem certum præsci-
bere, quo causam apud ipsum per legitimos Procuratores dicerent. Quæ
Pontificis constitutio, non Romæ tantum, sed etiam Brugis & Tornaci
ac in alijs vicinis Flandriæ Ecclesijs promulgata, imò & in Angliam ad
serenissimam Reginam transmissa est, ut per eius operam Regi & Le-
gatis patefieret.

Regina illustrem Senatorem & tam ingenio ac doctrina quam pi-
etate celebrem Thomam Morum ad Regem legauit, qui diceret Papam

Legatorum mandata sustulisse, ipsumque Regem & Reginam ad causam in Rota ipsius per Procuratores suos dicendam euocasse, id se Regi significare, ut sciret, utrum hanc rem ipsi per viatorem aut eiusmodi publicum præconem nunciari vellet nec ne, rex quanquam ingenti dolore afficiebatur, tamen cum nihil aliud satis deliberatum haberet, cætera dissimulans, Thomæ Moro respondit, iamdudum constare sibi de his rebus, nolle autem, ut sue personæ fiat denunciatio, non recusare tamen quominus Legatis de more obnuncietur. Locum verò iudicii, tanquam utrique parti communem, vehementer sibi placere, daturumque se operam, ut causa Romæ decidatur: hæc quidem Rex dicebat, spei abbat vero se per nouos nuncios apud Papam breui effecturum, ut Legatorum mandata renouarentur, atque ea de causa, minus iniquo animo id quod agebatur tunc tulit. Hinc factum est, ut plures ex regni Procuratoribus ex regis vero vnus, vnà cum duobus notarijs ad Legatos qui duodecim à Londino lapide simul rusticabantur sese conferrent, & hanc rem totam Legatis exponeret: quo tempore is quem Rex miserat palam testatus est hanc regis voluntatem esse, ut in Angliam iam deinceps nihil in hac causa fieret, Romæ autem omnia expedirentur. Paruerunt Legati Pontificis decreto, iamque in spem venerant Regem quoque saniora capturum consilia, cum ecce, Campegius per literas Pontificis ad urbem omni cum festinatione reuocatur. Tunc primum rex omni spe rei ex animi sententia conficiendæ excidens, supra quam dici potest, excanduit, omnemque culpam in Volsæum huius diuortij primum auctorem merito conferens, se male illi velle non obscuris indicij declarauit. Quod cum multi ex principibus viris (qui Volsæo Cardinali omnia pro eo ac ipse voluit administranti iam diu inuidebant) intellexissent, collatis consilijs, multa criminum capita in illum collegerunt, eaque suis Chirographis obsignata regi tradiderunt. Rex eam rem sibi lucundam esse testatus, tantisper tamen dissimulauit, donec Campegius è regno discessisset, quod ad septimum Idus Septembris accidit. Cuius etiam discedentis sarcinas excuti iussit, non alia magis de causa, quam ut exploraret si quid forte literarum Volsæi deprehendere potuisset, nullas autem deprehendit. At Volsæus, qui nihil eorum quæ contra ipsum intentabantur, sciebat, ad regem iam propè S. Albanum in villa quadam agentem accedens, multa cum illo ac senatu eius, de iudicio quod Romæ suscipiendum erat, contulit. Stephanus autem Gardinerus qui regierat à secretis, cum tunc ibidem adesset, seque videret in suspicionem vocari, tanquam regi huius diuortij auctor fuisset, palam

Volsēum rogauit, vt veritatis contestandę causa, dignaretur coram Rege ac senatu ipsius planum facere, qui fuissent huius diuortii primi auctores. Nunquam (inquit Volsēus) negabo me solum fuisse. Cuius rei adeo me non pœnitet, vt si ea iam ante inchoata non esset, nunc primū inchoandam iudicarem. Quod quidem posterius Volsēi verbum aurib⁹ regis datum esse, ne mo igno-
rabat. Licet enim prima diuortij causa vere fuerat, tamen cum videret Regem ad Annam Bolenam animum adijcere, pœnituit hominem sui consilij à quo nunc resilire integrum ei non fuit, qui gloriam hominum magis quam Dei dilexerat. Rex autem eo tempore siluit. At cum Volsēus post Campegij discessum ad regium comitatum reuersus, ad colloquium illius non admitteretur, tunc demū sensit infensum sibi esse regem. Nec ita multo post iussu Regis à Thoma Duce Norfolcię apprehensus, cogitur se abdicare primum Cancellarię magistratu, (quem statim Rex insigni viro Thomę Moro contulit) Deinde Vintoniēsi Episcopatu, (quem Stephanus Gardinerus ex dono regis accepit). Tum autem Palatio Eboracensi quod rex ipse instruxit vt erat, ornatumque inuasit, denique pœnē omnibus bonis exutus, primum relegatur in villam Asheriemsem, mox in Eboracensem Ecclesiam cui pręerat dimittitur.

Quis iam non putasset Regem ab Improbio illo incępto suo desinere voluisse? Nunc autem obstupescite Cęli super hoc. Ob quod peccatum Henricus Volsēum tam seuerē punit, in eodem ipse pertinacissimē progreditur. Propter quod inexcusabilis es o rex. In quo enim iudicas alterum, te ipsum condemnas. Scimus enim quoniam iudicium Dei est secundum veritatem in eos qui talia agunt.

Rex ergo partim certos viros ad Papam Clementem mittit, qui causam diuortij sui Romę sustineant (inter quos erat Thomas Cranmerus qui postea factus est Cantuariensis Antistes) partim per totum Galliz regnum Theologos & Iuris-consultos conquerit, qui matrimonium ipsius cum Catharina constare non posse, ob signatis tabulis affirmant: vt si fortē summus Pontifex (quod iam planē apparebat) sententiam contra Henricum ferret, tamen fucata quędam Academicę auctoritatis species ad tenebras hominum oculis offundendas non deesset. Insuper & Reginaldo Polo viro planē eximio, & cum quo in toto Angliz regno nullus conferendus inueniebatur rex Archiepiscopalem pręrogatiuam Cantuariensis Ecclesię obtulit, si tamen disertis verbis anteponderet, se diuortium Regis omni studio prouecturum, Quam turpem conditionem adiectam vbi Polus audiuit, meritō recusauit is

pestilentia cathedra sedere. Hoc ubi Thomas Bolenus qui putabatur Annæ Bolenzæ pater, accepisset, regi suavit ut Cranmerum qui ipsi à sacello erat Archiepiscopum crearet ea conditione, ut etiam Romanus Pontifex secundum regis & Catharinæ matrimonium sententiam ferret, ille tamen ex aduerso pronuntiaret Catharinam necessario esse repudiendam. Dum autem ista fierent Henricus Rex, inaudita tyrannide litem vniuerso Clero intendendam curauit, qua ob Legatorum Pontificis Romani, exterrum (ut tunc ceptum est dici) potestatem contra placitum Regis agnitam & propugnatam Clericorum totius regni bona in commissum cecidisse, fiscoque Regis obnoxia esse pronuntiabantur. Cuius iniquissimi oneris terrore Clerus omnis depressus, atque ad terram usque deiectus (nam omnibus omnino bonis ac fortunis, quin & libertate omni priuandus, & perpetuis carceribus iam tunc addendus erat) cum quid ultra speraret, non haberet, victas manus dedit, herbam porrexit, conculcari se tanquam infatuatum salem permisit. Indictio igitur confessa publico, pœnæ omnes omnium ordinum Clerici vna voce Regi supplicarunt, ut cum aureorum ad quadringenta millia ei obtulissent, reliquam eis pœnam remittere & condonare dignaretur, idque pro summa illa potestate, quam in regno suo, eum solum tam in Clerum quam in reliquum populum habere, iam primum fatebantur. Ex qua dicendi formula, primam occasionem sumptam aiunt, ut Rex supremum caput Ecclesiæ Anglicanæ se ipsum habere ac nominare inciperet.

*Anno
Domini
1531.*

Interim rex Annam Bolenam ipsis Kalendis Septembribus Penbruchi Marchionissam constituit, ne parum nobilem personam duxisse videretur. Ad decimum vero & octauum diem Kalendas Decembris proximè insequentis, Rex longioris moræ impatiens, (quanquam omnia necdum ritè disposita essent,) omnino constituit cum Anna Bolena occultas nuptias contrahere: nuptias quidem, quod alias illa sui corporis potestatem regi facere nollet: occultas vero, quod nondum à Catharina per aliquam vllius omnino iudicis sententiam separatus esset. Rolandus ergo tunc Præbiter (quem postea Rex in Episcopum Lichfeldiensem cooptauit) accersitur, ac rem diuinam Catholico & Romano ritu facere iubetur. Ei Rex narrat, sententiam Romæ iam tandem secundum se pronuntiatam esse, factamque sibi esse potestatem nouam uxorem ducendi. Rolandus Reges non solere mentiri arbitratus, primum siluit, mox religione taesus, spero (inquit) Maiestatem tuam habere diploma Pontificium. Annuente Rege, vertit se ad altare: cum ecce, adhuc

ecce, adhuc dubius & timens ne quid illicitum committeret, omnino (inquit) Sacri Canones postulant, nostraque valde interest, ut litteræ Pontificis palam legantur & promulgentur. Tum rex, habere quidem se litteras affirmat, sed reclusas esse in secretiori loco, nec ab alio præterquam à se asferri posse: parum autem decere, ut eo tempore (nec enim adhuc illuxerat) solus prodiret. Acquiescit Rolandus, atque ita cõpletis ceremonijs, Henrico secundam vxorem tradit, prima non solum adhuc viuente, sed etiam per nullam omnino auctoritatem in villo hæcenus iudicio Ecclesiastico vel specie tenus interpositam, repudiata.

Impedimentum verò, cuius obtentu Henricus Catharinam repudiabat, tum in illam non omnino, tum in Annam Bolenam certissimo eadere, idem ipse Henricus exploratè sciebat. Nam eo statu rerum posito, qui tunc erat, certum est, non nisi duplex impedimentum interuenire potuisse, cur Henricus Catharinam non duceret. Alterum esse poterat affinitatis, si Arthurus Henrici frater, Catharinam cognouisset: alterum fuit, iustitiæ publicæ honestatis impedimentum. Illud non interuenisse rex Henricus probe sciebat. Nam Carolo Cæsari fassus est, se Catharinam adhuc virginem cognouisse, idque ipsum & Catharina sanctè semper iurabat, & res ipsa verum fuisse contestata est, cum & Henricus septimus grauem matronam in eodem lecto apposuerit, ut ne Arthurus Catharinam cognosceret; & tanta fuerit in recente adhuc Arthuri pubertate eiusdem infirmitas & valetudo, ut etiãsi maxime conatus esset Catharinam cognoscere, tamen vna caro facti non fuissent. Vbi autem carnalis copula non interuenit, affinitas nulla contrahitur. Et quanquam contracta fuisset, tamen per auctoritatem clauium regni eorum, id impedimentum ob maius publicæ pacis bonum ritè atque ordine sublatum extitisset. Quanquam enim Henricus malè asseruit Pontificem non potuisse id impedimenti auferre, tamen cum Lex Moisaica quæ mortem & damnationem ministravit, quæque euacuata est, non solum dispensandi, sed etiam præcipiendi facultatem habuerit, ut superstes frater, sui fratris absque liberis defuncti vxorem duceret; Quantò magis fatendum est, quod clauis Ecclesiæ Christi, quæ spiritum & iustitiam administrant, quæque non euacuantur per aliud aliquod testamentum, sed manent vsque ad consummationem sæculi, potestate firma & stabili non carent permittendi Christiano, ut ob publicam Ecclesiæ bonum fratris sui defuncti vxorem ducat? Impedimentum igitur affinitatis nec vllum inter Henricum & Catharinam fuit, & quanquam aliquod extitisset, per clauis Petri rectè sublatum erat.

Iam verò iustitiæ publicæ honestatis impedimentum, quod solum restat, cum (vt inter omnes constitit) non diuini aut naturalis, sed tantum Ecclesiastici iuris fuerit, ne Henricus quidem aut Aduocati eius negabant potestatem clauium Petri satis virium ad illud auferendum habuisse. Cum igitur nec affinitas vlla fuerit, & impedimentum iustitiæ publicæ honestatis, per Iulij Pontificis diploma idoneè ablatum constaret, nihil iam obstat, quominus Catharinam rex Henricus & ducere posset, & retinere deberet. Nam si quis ipsum Dei præceptum obstat e dicat, quod fratris vxorem duci prohibet, quanquam expedita sit responsio, idem ius diuinum nominatim illam exceptionem addidisse, *Præterquam si frater absque liberis defunctus esset*, (vt in nostra causa contingit) tamen illud etiam permitti non debet, quod verba diuini iuris in eodem ipso loco, talem rationem & præmittunt, & vbique adiungunt, quæ totam Henrici causam labefactat. Sic enim legimus: *Omnis homo ad proximam sanguinis sui non accedet, vt reuelet turpitudinem eius*: & post pauca: *Turpitudinem vxoris fratris tui non reuelabis, quia turpitudine fratris tui est*. Vxor enim fratris non ob aliud prohibetur duci, quam quod per copulam carnalem affinis alteri fratri iam prius facta sit. Quæ enim sit vna caro cum fratre meo, ex ea etiam propinqua sanguinis mihi sit, quam frater meus est, qui mihi proximus sanguinis est, in primo nuptiarum gradu. Quanquam igitur concederemus & Deum eo in loco nõ tantum de illicito coitu, sed etiam propriè de nuptijs agere (quod multis secus videtur) & per vxorem fratris, non solum viuientis fratris (vt quibusdam ex Sanctis Patribus visum est, verum etiam defuncti fratris vxorem intelligi, & præterea legem illam non ceremonialem esse, sed iuris naturalis conclusiones quasdam explicare: tamen cum ratio legis non semel expressa fuerit, semperque sanguinis proximitatem urgeat, quæ vel per cognationem vel per carnalem copulam (vnde parit affinitas) acquiritur: nulla verò aut cognatio, aut affinitas inter Henricum & Catharinam contracta fuerit, quia frater Henrici eam non cognouit, vtique efficitur, vt diuinum ius non prohibeat Catharinam Henrico nubere.

At contra certissimum est inter Henricum & Annam Bolenam verum affinitatis impedimentum interuenisse, idque ipsum regi non ignorasse, eo quod Papæ Clementi septimo per literas suas confessus sit se Mariam Bolenam Annæ sororem cognouisse. Ex qua carnali copula, Henricus toti familiæ Bolenorum factus est affinis seu proximus sanguinis. Nam vt Paulus ait, Qui adhæret meretrici, vnum corpus cum

ea efficitur. Cum igitur Maria Bolena fuerit proxima sanguinis Annæ in primo gradu, nempe uerina eius soror, Henricus qui fuit vnum corpus cum Maria, factus est etiam proximus sanguinis in primo gradu fratribus & sororibus Mariæ, nimirum, Annæ Bolenæ. Quid ergo est, quod is qui tantas turbas excitauit, ut à Catharina tanquam ab affine sua, cum vere affinis esset, disiungeretur, nunc non timet ad affinem suam accedere? Et qui negabat Pontificis clauis posse facere ut Catharinam retineret, nunc, sine ullarum clauium auctoritate, imò, contra illarum auctoritatem, Annam affinem suam ducit? Frustrà ô rex contra stimulum calcitrasti. Deus hypocrisis tuam detexit, & adulterinū cor tuum toti mundo reuelauit.

Quid verò quod idem rex Henricus etiam matrem Annæ Bolenæ prius cognouerat, ut ante explicuimus? Ex qua sanè copula tale affinitatis genus inter Henricum & Annam intercessit, qualis est consanguinitas inter parentes & liberos. At pater filiam suam ducere in æternum prohibetur, quia inter ascendentes & descendentes nullæ vnquam nuptiæ permittuntur, propterea quod in nuptijs est summa æqualitas & paritas (vnde Æua ex latere Adami sumpta est) cum interim liberi parentes honorare debeant, seque illis tanto inferiores agnoscere, ut nunquam sint referendo: & ideo nec illis quidem exæquari possint. Itaque Henricus Annam Bolenam, eius mulieris quam semel cognouerat filiā, ducere, res longè difficilioris dispensationis fuit, propterea quod ipsum affinitatis genus, ipsam nuptiarum essentiam propius attingere videtur, quàm ut in eo dispensari quodam modo deceat: maxime si concubitus matris sit multis manifestus. Quare cum Henricus contra naturæ quodammodo legem post matrem Annæ Bolenæ cognitam, ausus sit filiam in uxorem suam assumere, quam impudenter obrexit, se non ausum esse Catharinam retinere, ne in Deum peccaret? Quam impudenter etiam prætexit, se credidisse, quod Pontifex auctoritatem non habuit Catharinæ nuptias permittendi.

Sed adhuc pergamus. Constat ex ijs quæ diximus, non obscura indicia ipsi Henrico reuelata esse, quod Anna Bolena esset ipsiusmet Henrici filia, & tamen eam duxit? Is videlicet, qui timuit sui fratris absque liberis defuncti uxorem à fratre suo minime cognitam, retinere. Incredibilis quidem audacia, inaudita hypocrisis, non ferenda libido. Sed tamen vnius hominis propria fuit audacia, hypocrisis propria, & libido propria.

Sed iam pergamus in eo quod instituimus. Pontifex Romanus

damnaretur, si cuius in libro vel solum nomen Papæ non deletum esset. Per Calendaria, per Indices, per scripta Patrum, per totum ius Canonicum, per scholasticos Doctores Papæ vocabulum lituris vndique obducebatur. Imo in fronte operum D. Cypriani, Ambrosij, Hieronymi, Augustini, Leonis, ac aliorum Ecclesiæ luminum, singuli scribere coacti sunt, si quid in eis operibus inesset, quod Pontificis Romani primatum tueretur aut confirmaret, se illi verbo, sententiæ, rationi, iam nunc renuntiare, nec tanti criminis reus vnquam esse vellet. Episcopi plerique, & alij Antislites, quorum erat principijs tanti mali obfistere, paululum temporis cedendum putabant, donec aut rex mentem mutaret, aut Princeps aliquis Catholicus religioni Christianæ opem ferret. sed frustra sanè oculos in hominem quempiam coniectos habebant, cum in Deum & proximum ipsi tam grauiter peccassent. Non defuerunt tamen Reliquiæ Sanctæ quæ genua curuare ante Baal prorsus recusarent. Plurimi enim sanctissimi viri, qui quod prophanum Henrici primatum quem in Ecclesiam sibi arrogabat, nollent agnoscere, martyrij palmam assecuti sunt. Inter hos fuit, Ioannes Rossensis & Thomas Morus totius Angliæ duo splendidissima lumina. Sequenti mense Octobris anni sequentis, Henricus tanquam summum caput Ecclesiæ, voluit sacra monasteria visitare, eo fine vt ea euertendi, quorum bonis inhiabat, occasionem caperet. Itaque pridie Nonas Februarij cum inuicibus religiosorum partim detectis, partim confictis, obtinuit in publicis regni comitijs vt minora quæquæ monasteria, libidini suæ depereantur. Octauo Idus Ianuarij eodem anno serenissima Catharina Henrici vera vxor ex hac vita ad villam Cimbalkon decessit, & in Burgo Sancti. Petri sepulta est. De lecto autem in quo decubuit Regi Henrico scripsit in hanc sententiam. *Mi Domine Rex Henrice, appropinquante iam mortis meæ hora, charitas qua te prosequor, facit vt admoneam te salutis animæ suæ, quam cunctis huius mundi rebus anteferre debes, ego tibi condono, precorque vt condonet tibi Deus, commendo tibi filiam nostram communem, ancillas tres & minusculos omnes, vt illæ nuptijs commodè tradantur: His autem præter id quod iam debetur, etiam vnius anni stipendium integrum velut cumulus accedat: Acceptis Catharinæ literis, rex temperare sibi à lachrymis non potuit. Cæterum Anna Bolena Catharinæ funebrem diem, non atrii sed flauī coloris vestibulis induta celebrauit. Verum, qui iustus est Deus, illam punire diu non distulit, nam deprehensam in adulterio cum fratre suo Georgio Boleno alijsque homuncionibus hab ipso Thoma Boleno, qui pater ipsius putabatur, inter iudices ex iussu Regis confidente, incestus*

Anna
Domini
1534.

Anna.
Domini
1535.

& adulterij condemnari curat Henricus, & decimo quarto Kalendas Iunias capite plecti, cum non totis quinque mensibus post Catharinæ mortem titulo reginæ posita esset. Postridie verò quam Annæ ceruices amputatæ sunt, Rex Ianam Seimeram in vxorem accepit, quam prius, etiam viuente Anna, & adamauerat, & ipsi prætulera: vt non minus mira quam iusta sint iudicia Dei, reddentis vnique secundum opera sua. Sicut enim Anna Catharinam supplantauerat, sic & Iana supplantauit Annam. Sexto autem Idus Octobris natus est Henrico ex Iana Seimera filius quem vocauit Edouardum, sed cum mater ægrè pareret, Rex interrogatus cui magis consultum vellet, vtrum vxori an filio responderet filio, quod alias vxores per facile reperturus esset. Iana igitur ex dolore partus paulo post mortua, Vindisoria sepulta est.

Post morte in Ianæ, Anna Guilielmi Cleuiz Ducis soror, ex pacto cum certis Germaniæ Principibus antea inito, nupsit Henrico. Putabant Principes omnia satis tuto loco fore, si rex eam ducturum se promississet: non addiderant vero vt etiam retenturum sponderet, duxit ergo, quin imo seduxit, cum per comitiorum interpolitam auctoritatem pœne statim illam repudiauerit, Catharina Hauarda in locum eius subrogata, quam cum nondum biennio toto vxorem habuisset, adulterij conuictam, cum Mœchis suis Thoma Culpepero & Francisco Dirrhano neci dedit. Quo facto Catharinam Parram viduam, Baroni Latimeio prius nuptam in sextam vxorem accepit, hoc solo beatam quod Rex prius e vita sublatus est, quam ex aula ipsam (id quod in animo habuisse dicitur) sustulisset. Mortuus est igitur belluinus hic homo Henricus postquam regnasset annis triginta septem, mensibus nouem, diebus sex, quorum ferè viginti annos in pace Catholica, quatuor sequentes in maxima lite & fluctuatione, quatuordecim postremos in aperto schismate transegisset. Ex pulcherrima corporis constitutione per ventris insatiabilem curam & expletionem eo deformitatis excreuerat, vt vix per ostia ingredi, nullas autem scalas posset conscendere, sed in cathedra constitutus machinis quibusdam in superiora ædium attraheretur, imò nihil sanguinis toto corpore iam reliquum fuisse, verum omnia in pinguedinem exuberasse dicebatur. De instante mortis articulo admonitus pateram vini albi poposcit, atque ad vnum ex suis conuersus, omnia (inquit) perdidimus.

Mortuo Henrico, Edouardus Henrici ex Iana Seimera filius nonæ ætatis annum agens, Rex Angliæ & Hiberniæ pronuntiat, summumque Ecclesiæ Anglicanæ & Hibernicæ in terris caput, proximè secundū


*Anna
Domini
1539.*

Christum ipsum, denuntiatur. Post Regis noui promulgationem, Christi Saluatoris, Deiparæ virginis, Apostolorum & Prophetarum omnes omnino imagines tam pictas quam fabrefactas partim deleuit, partim combussit, Edouardus Scimerus, Edouardi pueri Regis auunculus, tunc Hertfoldiz comes, paulo post factus Samerceti Dux. Nec his malis contentus vnâ cum alijs Calvinistis, tremendum corporis & sanguinis Domini sacrificium, quod à Catechumenorum prima, & fidelium sequente dimissione Missarum nomen iam olim acceperat in publicis comitijs abrogauit. Inde in alias hæreses itum: tandem Edouardus pridie Nonas Iulij anni 1553. ex hac vita migrat, eo ipso mensis die, quo Pater eius Thomam Morum integritatis & iustitiæ caput, capite ferendum ante aliquot annos curauerat.

Post Edouardi mortem Maria Catholica Princeps Catharinæ Austriacæ filia Regina promulgatur, hæc post in urbem & arcem Londinensem ingressum, Edmundum Londinensem, Stephanum Vintoniensem, Cuthbertum Dunelmensem, aliosque omnes Catholicos, qui ob fidem victi asservabantur, libertati & honori pristino restituit, prophani primatus Ecclesiastici titulum respuit; Apostolicæ Sedi quam Patris Fratrisque sui tempore, etiam cum periculo vitæ constanter semper coluit, antiquum ius & honorem reddi voluit, Philippo Imperatoris Caroli quinti filio, cum ob alias grauissimas causas, tum maximè ut potentissimi optimique Principis adiumento regnum ad fidem & obedientiam Ecclesiæ restitueret, nupsit: In religione autem Catholica per omnes ditiones suas restituenda quanta sit via pietate, prudentia & constantia, ex eo clarum redditur, quod impias contra Catholicam fidem Edouardi fratris sui nomine latas leges ordinum consensu abrogauerit, exercitium religionis hæreticæ proisus sustulerit, magistros sectarum abegerit, antiquum orandi & sacrificandi morem per totam Angliam & Hiberniam restituerit, Angliamque vniuersam Sedi Apostolicæ reconciliauerit. Nam hæc omnia Catholicissima hæc regina in primis comitijs effecit. Sed grauiora erant Henrici scelera & sacrilegia, maiorque iniquitas gentis huius, quam ut diu hac salute frueretur, aut tam leuiter expiarentur. Nam ecce tibi lectissima Regina cum quinquennio & quatuor mensibus regnasset, hanc vitam æterna commutauit, in hoc primum infelix, quod cum Henrici octauus fuisset filia ob id ipsum nullam sobolem ex se relinquere posset: Deus enim Henrici impietatem & Schisma tam seuerè punitum voluit ut quâquam tres liberos reliquerit superstites Edouardum, Mariam & Elizabetham, nullus eorum prolem

eorum prolem suscipere atque educare posset. Secundò, multò etiam sua opinione infelicior, quod Elizabetham istam, non modo emulam suam illicita & ter damnata copula progeneratam, sed de fide quoque, quantumcumque tum dissimulauerit, sibi semper suspectam, & quam reipublicæ ac religioni pestem futuram summè semper metuerat, successorè relinquere coacta fuerit.

Mortua ergo Maria, reitum potita est Elizabetha, Henrici octauæ ex super inducta Anna Bolena, priore adhuc superstite, sed repudiata vxore Catharina, altera filia. Quæ licet sorore regnante se Catholicæ fidei in omnibus culticem præbuerit, tamen verita (hunc enim illi metum intecerant subdoli quidam hæretici, quos in consilium ascuerat) ne de quo nata est matrimonio summi Pontificis Ecclesiæque iudicio antea damnato, de natalibus etiam suis, iureque regnandi ex sacris Canonibus aliqua oriretur dubitatio, Ecclesiasticis legibus subesse detrectauit, & de mutanda religionis Ecclesiasticæ regiminis forma primo quoque tempore cogitauit. Paulo igitur post consilio Gulielmi Cecilij, versatilis ingenij, consilij ac conscientia viri, conuocatis ordinibus ad Parlamentum (vt vocant) voluit communi decreto, vocari, suprema Ecclesiæ regnum suorum, etiam in causis spiritualibus, gubernatrix, omnesque exceptis proceribus laicis, vt id solenni iuramento profiterentur adegit. Hac igitur sibi arrepta potestate, simulque abrogata sedis Apostolicæ auctoritate, sibi, vt in eis quæ sunt ad Deum summæ ministræ applicat omnium spiritualium prouentum, perpetuas decimas & primitias, id est, primi anni cuiusque beneficij adepti integros fructus, omnesque religiosorum possessiones, ante sacris vsibus à sorore restitutas, sibi repetit. Vicarios & Commissarios in spiritualibus constituit, sigillum ad causas Ecclesiasticas peculiare cudit. Postremò de fidei & religionis formula immutanda pro suo suorumque arbitratu decernit: laicorumque solum suffragijs (omnibus ad vnum Episcopis, qui prius sententias in illis comitis dicunt, & certè soli in causis fidei dicere deberent, reclamantibus, ac toto tum Londini in Synodum Cantuariensis provincie Clero coacto, refragante.) Tremendum sacrificium cum reliquo omni sanctissimo ritu præcandi, & sacramenta administrandi, abolet: & noua sacra, certimonias, precesque in lingua vulgari ad normam Lutheranorum aliorumque hæreticorum præscribit. Hoc modo paulatim hæresim in Angliam introduxit flagitiosa hæc mulier in qua ad hæc nostra tempora eandem perseverare magno nostro dolore, videmus. Atque hæc de hæresis per Angliam propagatione dicta sufficiant.

§. 3^{us}.SPECIALIS NARRATIO DE PROPAGATIONE
EIVSDEM HÆRESIS IN SCOTIA.

EXPLICATA propagatione hæreseos in Angliā, Reliquum est vt hoc §. quomodo eadem hæresis Scotiam nostram infecerit describamus.

Ac principium quidem huius mali, à vicina Anglorum gente in nostram dimanasse Scotiam eo tempore constat quo Henricus octauus excusso salutari Ecclesiæ iugo, se caput Ecclesiæ Anglicanæ diciturque haberi voluit. Tum enim nihil non ab eo factum fuit, vt in eandem defectionis maculam Iacobum Quintum Scotorum Regem pertraheret. Erat fortè tum temporis florentē ætate adulescens Iacobus rex & Henrici insuper ex sorore nepos, vnde vel quod ad præcauenda pericula incautior, vel quod ad quiduis temerè aggrediendum audacior per ætatem adhuc esset, mox in sententiam suam descensurum eum sperauerat. Ea spe per frequentem nuntium eum ad colloquium blande inuitat, nihil se in votis magis habere dictitans, quam vt nepotem suum regni iidem sui heredem post se relinqueret: quò sic tandem longis sublati dissidijs vtrumque regnum vnus potestati subiectum, in vnus reipublicæ corpus coalesceret. Communis regio, communis lingua, communis denique viuendi mos & consuetudo, item alloqui satis probabilem magis insuper omnibus & expectatam & expetitam fecerunt. Nec iam dubitabat quisquam, quin Scotus conditionem eam, quæ aucta dignitate regia tam conspicuam vtilitatem continebat, obuijs vnus arriperet. Verum ea erat Regis nostri in Deum, & sanctam eius Ecclesiam, pia reuerentia vt omnem conditionem quantumuis speciosam constanter aspernaretur, quæ cum auitæ religionis damno, vel minimo, coniuncta foret. Itaque per Ecclesiasticos viros (inter quos Iacobus Betonius facile principatum tenuit) admonitus non aliò magnificas istas pollicitationes tendere, quam vt per accessionis speciem accipiendæ, religionis Christianæ per tot Christianorum Regum, & Pontificum prudentem administrationem feliciter propagatæ, iacturam, primus ipse faceret: sanis illorum monitis pie ob audiens, animum deinceps ne talibus caperetur illicitamentis cohibuit: ratus id quod futurum erat, Scotorum regnum

ab omni hæreseos suspitione ad eum usque diem intactum, veluti con-
cepta flamma protinus exarsurum, simul atque populus vnus cum al-
tero, purus cum impuro, sociaretur. Cuius periculi magnitudinem se-
rio secum reputans, persuadensque sibi, nullam esse tantam potentie
& dominationis accellionem, quæ amittæ religionis damnum vel vlla ex
parte pensare posset: non tantum colloquio dictum diem irritum esse
iussit, sed præcisa omni vterioris sermonis spe, ad eum imparem populo-
rum in religione dissentientium societatem, displicere sibi ostendit, vt
libros quos ipsius inescandi causa ad ipsum Henricus forte miserat,
tantum quod hæreseos peste infectos esse suspicaretur igni cremandos
sua ipsius manu iniecerit. Cuius rei huntio accepto Henricus non tan-
tum blanditijs nullum locum relinqui, sed dona sua quæuis, contemp-
tum à Iacobo abijci moleste ferens, mox ab illecebris ad iram, & à mu-
neribus offerendis ad minas intentandas sese conuertit, sed vbi nihilo
magis ea ratione consilia sua promoueri senserat: rursus ex insidijs (vt
dicemus) id perficere tentat, quod viribus se facere potuisse merito des-
perabat. Totum hoc quod de Iacobo Rege diximus ex literis eiusdem
ad Paulum tertium Pontificem maximum (quas hic lectori subijcio),
luculenter constat.

IACOBVS QVINTVS REX SCOTORVM

PAVLO III. PONTIFICI MAXIMO.

TANTÆ semper fuit (Beatissime Pater) orthodoxa fides Regum meo-
rum maiorum atque per constantia totius populi Scotici ex a Romanam
Sedem obseruantiæ, vt hæcenus cum quauis altera gente possit conten-
dere. Verum tamen his proximis viginti annis maximè suinus sollicitati à vicina
Germania, inde enim ex aduerso Scotiæ breuissimus est tractus ac amplissimi
sinus, in intimam Scotiam prouimpentes; per quos simul cum mercibus soles illæ
impura Nouatorum doctrina nostri acibus importari; huc accedit quod ante biën-
nium vicinus quidam præpotens Rex nobis sanguine coniunctissimus (Hic fuit
Henricus octauus rex Angliæ vt vidimus) conatus est nos allicere ad defe-
ctionem à Romanæ Sede, multis magnisque propositis commodis: Verum nos illi
respondimus, verè religionis causam more maiorum semper fore apud nos potiore[m]
quam vllam humanam necessitudinem, & nos in alio totius regni iacturam sicere
quam Romanæ deferere religionē tanti apud Reges maiores nostros habitū, vt can-
dem etiam suo sanguine confirmari aliqui: sed aliud irrepsit argumentum quod

Hi fuerit
Con. 1. ar.
2. Indul-
phus, &
Malcol-
mus, 3

harum institutum literarum, &c. Has literas Iacobi quinti habes inter literas aliquot Regum Scotiæ ad Pontificem maximum ceterosque Principes Christianos à Reuerendiss. Episcopo Rossensi Ioanne Lessæo piæ memoriæ in vnum collectas. Ex his autem literis clarum satis est vehementer incubuisse Henricum regem vt Iacobo regi à Romana Sede defectionem suaderet, quod cum facere non posset ex insidijs id perficere tentat. Clam igitur immisiss in Scotiam libris atque in vulgus disseminatis, qui sub purioris cuiusdam Euangelij specioso prætextu, Ecclesiasticorum virorum vitam & mores odiose traducerent, hoc saltè consecutus est, vt apud quosdam, paruz licet auctoritatis, & minoris iudicii viros, Ecclesiastica omnis potestas contemptui haberetur. A quibus veneno propinato sic infectis, vel quod quorundam Ecclesiasticorū vita offensione non caruit, vel quod homines sic comparati sunt, vt aliena magis notare vitia, quam eadem ipsi vitare velint, mox in alios malum, ea arte transfusum fuit, vt plerisque, quæ de Ecclesiasticis viris per calumniam dicebantur, eadem vera omnia esse haud dubie putarentur. Hinc ex nimia ista quotidiana conuitia audiendi cupiditate; credendi facilitas, ex facilitate peruerfa persuasio, ex persuasionē contemptus, inuidia & odium sequuta sunt: fere enim fit, vt quos propter vitam opinionē suā improbam, damnet vulgus, eorundem rebus scelerioribus inuideat, totumque illorum hominum ordinem ob id maximè sublatū esse cupiat: quod quicquid istis discesserit id sibi accessurum esse existimet. Ex hoc hominum genere, alij in Magnatum ædes, alij in ipsius Principis aulam, temporis progressu irreperunt, quorum latente odio ea subinde consilia excogitata sunt, per quæ in imminendis Ecclesiasticis immunitatibus, & iniquis super Ecclesiam imponendis exactionibus, regni primores, & Ecclesiastici viri, alteri de alteris peius sentire, & à se inuicem paulatim disungi cœperunt. Accessit & alterum ad infirmendam Ecclesiasticam dignitatem incitamentum, non minus potēs quod ab eorundem illorum artificum clandestinis artibus fraudulenter excogitatum, regni deinde Proceres, ad Ecclesiæ & totius reipub. perniciem maximam, auidissimè arripuerunt. Nam cum Ecclesiasticis prius muneribus ij tantum defungerentur, qui per electionem legitimam creati, doctrina & moribus ad sustinendam impositam prouinciam idonei optimorum iudicio videbantur: non tantum in filios impuberes, eosque spurios, opulentissima quæque beneficia conferri: sed & eorum institutioni minus rectè de religione sentientes Pedagogi, præfici cœperunt: sic vt omni Ecclesiastici regiminis cura abiecta, in tantum quis-

que spectaret, quo se suosque beneficijs Ecclesiasticis ditaret. Et hoc quidem confusionis postea sequuta rudimentum, à Regis Catholici & religionis Catholicæ conseruandæ, cum primis studiosi Consiliarijs profectum, & occulta hereticorum Ecclesiæ subuersionem molientium, machinatione introductum exiit. Nunc quod huic tali principio incrementum accesserit, & à quibus auctoribus datum fuerit, pari breuitate ostendam.

Qui post Iacobum quintum è viuis sublatum regni gubernacula tenuerunt, huic malo in dies inualescenti, accessionem magnam dedisseprehenduntur: dum sinistra quadam emulatione, quod à priore in impios patriæ & Ecclesiæ hostes salubriter constitutum supplicium faceret, alter irritum esse iuberet. In hoc imprudentiæ vitium lapsus Gubernator Hamyltonius, quos a paulo ante prodicionis damnatos, exulare fecerat, quam primum reuocat. Nec contentus prioris criminis impunitatem concessisse, hoc insuper erroris grauissimi caput super addidit quod se totum illorum consilij regendum permiserit, quos in Angliâ hereseos venenum hausisse, & eiusdem mali per Scotiam disseminandi studiosissimos fuisse constiterat: quo factum est, vt quam minimum abfuerit, quin abrogata Ecclesiastica potestate, Anglorum heresim, id est Lutheranam (Caluinistarum enim nouus iste Deus fabricatus nondum fuit) vel tunc secum inuexissent. Certe ea fuisse tunc temporis illorum hominum consilia, vel inde manifestum fuit, quod damnatam illam Lutheri heresim, & libris & voce viuâ, in summum Ecclesiæ contemptum publicari, & per publicam auctoritatem defendi curauerint, vt si ea paulo diutius durassent consilia, iam pridem de Ecclesia Scoticana actum fuisset, sed nutantem tunc Ecclesiæ statum alterius Beatonij Cardinalis in superioris locum succedentis, prudentia summa erexit, confirmauitque, non tantum sub obedientia retento gubernatore, sed ijs omnibus à publica administratione exclusus, qui Schismatis auctores quoquo modo faciendi haberentur: adeo vt Ecclesiæ apud Scotos fere iam oppressæ non tantum vindex & assertor fortissimus, sed repugnator diligentissimus verissime dici possit. Ea quippe viri auctoritas & in rebus agendis dexteritas fuit, quæ impias hominum factiosorum machinationes prouidere, frangere, ac dissipare facillimè potuerit. Neque hoc adeo ipsos Schismaticos latuit, irritum omnem conatum fore, quem pastore isto saluo, ad gregem disturbandum allaturi essent. Quæ causa præcipua fuit, cur facta conspiratione ex insidijs hominem ocyus sustulerint: sic futurum rati, vt eo sublato, vniuersa deinceps ex sententiâ

Iam verò iustitiæ publicæ honestatis impedimentum, quod solum restat, cum (vt inter omnes constitit) non diuini aut naturalis, sed tantum Ecclesiastici iuris fuerit, ne Henricus quidem aut Aduocati eius negabant potestatem clauium Petri satis virum ad illud auferendum habuisse. Cum igitur nec affinitas vlla fuerit, & impedimentum iustitiæ publicæ honestatis, per Iulij Pontificis diploma idoneè ablatum constaret, nihil iam obstat, quominus Catharinam rex Henricus & ducere posset, & retinere deberet. Nam si quis ipsum Dei præceptum obstatè dicat, quod fratris vxorem duci prohibet, quanquam expedita sit responsio, idem ius diuinum nominatim illam exceptionem addidisse, *Præterquam si frater absque liberis defunctus esset*, (vt in nostra causa contingit) tamen illud etiam permitti non debet, quod verba diuini iuris in eodem ipso loco, talem rationem & præmittunt, & vbique adiungunt, quæ totam Henrici causam labefactat. Sic enim legimus: *Omnis homo ad proximam sanguinis sui non accedet, vt reuelet turpitudinem eius*: & post pauca: *Turpitudinem vxoris fratris tui non reuelabis, quia turpitudine fratris tui est*. Vxor enim fratris non ob aliud prohibetur duci, quam quod per copulam carnalem affinis alteri fratri iam prius facta sit. Quæ enim sit vna caro cum fratre meo, ex ea re tam propinqua sanguinis mihi sit, quam frater meus est, qui mihi proximus sanguinis est, in primo nuptiarum gradu. Quanquam igitur concederemus & Deum eo in loco nõ tantum de illicito coitu, sed etiam propriè de nuptijs agere (quod multis secus videtur) & per vxorem fratris, non solum viuientis fratris (vt quibusdam ex Sanctis Patribus visum est, verum etiam defuncti fratris vxorem intelligi, & præterea legem illam non ceremonialem esse, sed iuris naturalis conclusiones quasdam explicare: tamen cum ratio legis non semel expressa fuerit, semperque sanguinis proximitatem urgeat, quæ vel per cognationem vel per carnalem copulam (vnde paritur affinitas) acquiritur: nulla verò aut cognatio, aut affinitas inter Henricum & Catharinam contracta fuerit, quia frater Henrici eam non cognouit, vtique efficitur, vt diuinum ius non prohibeat Catharinam Henrico nubere.

At contra certissimum est inter Henricum & Annam Bolenam verum affinitatis impedimentum interuenisse, idque ipsum regem non ignorasse, eo quod Papæ Clementi septimo per literas suas confessus sit se Mariam Bolenam Annæ sororem cognouisse. Ex qua carnali copula Henricus toti familiæ Bolenorum factus est affinis seu proximus sanguinis. Nam vt Paulus ait, *Qui adhæret meretrici, vnum corpus cum*

ea efficitur. Cum igitur Maria Bolena fuerit proxima sanguinis Annæ in primo gradu, nempe vterina eius soror, Henricus qui fuit vnum corpus cum Maria, factus est etiam proximus sanguinis in primo gradu fratribus & sororibus Mariæ, nimirum, Annæ Bolenæ. Quid ergo est, quod is qui tantas turbas excitauit, vt à Catharina tanquam ab affine sua, cum vere affinis esset, disiungeretur, nunc non timet ad affinem suam accedere? Et qui negabat Pontificis clauis posse facere vt Catharinam retineret, nunc, sine vllarum clauium auctoritate, imò, contra illarum auctoritatem, Annam affinem suam ducit? Frustrà ô rex contra stimulum calcitrafti. Deus hypocrisim tuam detexit, & adulterinû cor tuum toti mundo reuelauit.

Quid verò quod idem rex Henricus etiam matrem Annæ Bolenæ prius cognouerat, vt ante explicuimus? Ex qua sanè copula tale affinitatis genus inter Henricum & Annam intercessit, qualis est consanguinitas inter parentes & liberos. At pater filiam suam ducere in æternum prohibetur, quia inter ascendentes & descendentes nullæ vnquam nuptiæ permittuntur, propterea quod in nuptijs est summa æqualitas & paritas (vnde Æua ex latere Adami sumpta est) cum interim liberi parentes honorare debeant, seque illis tanto inferiores agnoscere, vt nunquam sint referendo: & ideo nec illis quidem exquiri possint. Itaque Henricus Annam Bolenam, eius mulieris quam semel cognouerat filiâ, ducere, res longè difficilioris dispensationis fuit, propterea quod ipsum affinitatis genus, ipsam nuptiarum essentiam propius attingere videtur, quam vt in eo dispensari quodam modo deceat: maximè si concubitus matris sit multis manifestus. Quare cum Henricus contra naturæ quodammodo legem post matrem Annæ Bolenæ cognitam, ausus sit filiam in vxorem suam allumere, quam impudenter obcedit, se non ausum esse Catharinam retinere, ne in Deum peccaret? Quam impudenter etiam prætexit, se credidisse, quod Pontifex auctoritatem non habuit Catharinæ nuptias permittendi.

Sed adhuc pergamus. Constat ex ijs quæ diximus, non obscura indicia ipsi Henrico reuelata esse, quod Anna Bolena esset ipsiusmet Henrici filia, & tamen eam duxit? Is videlicet, qui timuit sui fratris absque liberis defuncti vxorem à fratre suo minimè cognitam, retinere. Incredibilis quidem audacia, inaudita hypocrisis, non ferenda libido. Sed tamen vnius hominis propria fuit audacia, hypocrisis propria, & libido propria.

Sed iam pergamus in eo quod instituimus. Pontifex Romanus

causa Henrici & Catharinæ, accuratissimè cognita, illos à Deo legitimè coniunctos fuisse, nec ab homine separari posse pronuntiauit. Cuius sententiæ hæc est formula.



CLEMENS PAPA

VII.

CVM pendente lite coram nobis dilecto filio Capisuccho Capellano nostro, ac sacri Palatii Apostolici causarum auditori, & Decano, à nobis in Consistorio Reuerendiss. commissà inter charissimos in Christo filios nostros Catharinam & Henricum octauum Angliæ Reges, de & super validitate matrimonij inter eos contracti. Præfatus Henricus dictam Catharinam eiecisset, & de facto cum quadam Anna matrimonium contraxerit, contra mandata & decreta tam inhibitionis quam in literis in forma brevis etiam de consilio fratrum nostrorum S. R. E. Cardinalium emanatis contentos & contenta, temerè & de facto attemptando. Idcirco nos de illius potestatis quam Christus Rex Regum nobis licet immeritis in persona beati Petri concessit plenitudine, in throno iustitiæ pro tribunali sedentes, & solum Deum præ oculis habentes, per hanc nostram sententiam, quam ex nostro mero officio, ac de venerabilium fratrum nostrorum S. R. E. Cardinalium consistorialiter coram nobis congregatorum consilio ferimus, eiectionem & spoliationem dictæ Catharinæ Regina à quasi possessione iuris coniugalis, & reginalis dignitatis, in qua, tempore huiusmodi motæ litis erat & matrimonium inter prædictum Henricum Regem & Annam prædictam contractum, cum prædicta omnia notoria & manifesta sint, prout ita esse declaramus, nulla iniusta & attemptata fuisse & esse, ac nullitatis, iniustitiæ, attemptatorumque vitio subiactis & subiacere, prolemque susceptam seu suscipiendam illegitimam fuisse & esse, præfatamque Catharinam Reginam ad suum pristinum statum & quasi possessionem iuris coniugalis & reginalis dignitatis restitui ac reponi debere dictumque Regem dictam Annam à cohabitatione sua & quasi possessione iuris coniugalis & reginalis eicere & amouere debere in his scriptis pronuntiamus, decreuimus & declaramus, restituimus & reponimus, eiecimus & amouemus: eademque nostra sententia, & ex consilio & mero officio nostro prædicto, præfatum Henricum Regem maioris excommunicationis & alias censuras & penas in dictis literis contentas ob earum non paritionem & contemptum damnabiliter incurrisse ac incidisse ac ab omnibus Christi fidelibus exilandum fuisse & esse, declaramus & mandamus. Et nihilominus volentes cum eodem Henrico Rege nomine Patris benigne & clementer agere, censurarum prædictarum declarationem usque

Et per totum mensem Septembris proximè futurum, ad hoc, vt sententia & mandatis nostris predictis commodius parere possis, suspendimus. Et si infra dictum tempus parere dissulerit, ac dictam Catharinam in pristinum statum quo tempore litis mota erat, non restituerit, præstatamque Annam à sua cohabitatione & quæ possessione iuris coniugalis & reginalis non abiecerit, & dicta attemptata cum effectu non purgauerit, ex nunc, prout ex tunc præsentis declarationi locum esse volumus & decernimus.

ITA PRONVTIAMVS.

Henricus istam sententiam non aliter quam si facta ipsi fuisset iniuria, interpretatus, doloris sui vlciscendi causa curauit, vt iusiurandum quod Clerus Anglicanus Pontifici Romano hætenus præstiterat, in publicis regni comitijs irritum redderetur, seque ipsum (vt quondam Iulianus Apostata) Pontificem maximum creans, nouam iusiurandi præscripsit formulam, in qua Clerus & populus ipsum Ecclesiæ Anglicanæ atque Hibernicæ summum in terris proximè sub Christo caput, iurato confiteretur. Ac isto quidem modo Henricus tam se quam suos diuisit ac separauit ab Ecclesiæ Romanæ societate & communione.

His ita constitutis iubet Henricus Cranmerum Cantuariensem Antistitem inter se & Catharinam diuortij sententiam pronuntiare: parat se Cranmerus ad sententiam diuortij ferendam, & tandem in Pago Dumstablensi audacter sententiam pro diuortio pronuntiat. Quibus confectis Annam pridie Idus Aprilis (qui dies sepulto Domino sacer eo anno fuit) post solemnem nuptiarum pompam, publicè deductam, & postridie Kalendas Iunij proximè sequentis regio diademate coronatam Reginam nominari voluit, quæ septimo Idus Septembris eiusdem anni filiam Elizabetham Henrico peperit, quinto utique mense, post solemnem nuptiarum celebrationem: necesse vt fuerit eam prius cognitam ab Henrico esse, quam res diuulgaretur. Henricus vt grauiorem adhuc vindictam de Pontifice Romano sumeret, in mense Nouembri comitijs publicis indictis, omnem deinceps in Anglos & Hibernos iurisdictione ac potestatem Pontifici Romano ademit quam si quis deinceps ei detulisset, perduellionis reus fieret: quin imo ipsum Papæ vocabulum persecutus edixit, vt de cætero nullus Pontificum Romanorum vocaretur Papa, sed tantum Episcopus Romanus. Anglicanæ vero Ecclesiæ summum caput solus rex haberetur, cuius etiam præcipuè esset auctoritate plenissima, errores, hæreses, abusus omnes in Anglicana Ecclesia emendare. Quam legem Rex tanta sæuitia executioni mandauit vt capit

*Anno
Domini
1534.*

dammaretur, si cuius in libro vel solum nomen Papæ non deletum esset. Per Calendaria, per Indices, per scripta Patrum, per totum ius Canonicum, per scholasticos Doctores Papæ vocabulum lituris vndique obducebatur. Imo in fronte operum D. Cypriani, Ambrosij, Hieronymi, Augustini, Leonis, ac aliorum Ecclesiæ luminum, singuli scribere coacti sunt, si quid in eis operibus inesset, quod Pontificis Romani primatu mueretur aut confirmaret, se illi verbo, sententiæ, rationi, iam nunc renuntiare, nec tanti criminis reus vnquam esse vellet. Episcopi plerique, & alij Anuslites, quorum erat principiis tanti mali obistere, paululum tempori cedendum putabant, donec aut rex mentem mutaret, aut Princeps aliquis Catholicus religioni Christianæ opem ferret. sed frustra sanè oculos in hominem quempiam coniectos habebant, cum in Deum & proximum ipsi tam grauiter peccassent. Non defuerunt tamen Reliquiæ Sanctæ quæ genua curuare ante Baal prorsus recusarent. Plurimi enim sanctissimi viri, qui quod prophanum Henrici primatum quem in Ecclesiam sibi arrogabat, nollent agnoscere, martyrij palmam assecuti sunt. Inter hos fuisse, Ioannes Rossensis & Thomas Morus totius Angliæ duo splendidissima lumina. Sequenti mense Octobris anni sequentis, Henricus tanquam summum caput Ecclesiæ, voluit sacra monasteria visitare, eo fine vt ea euertendi, quorum bonis inhiabat, occasionem caperet. Itaque pridie Nonas Februarij criminibus religiosorum partim detectis, partim confictis, obtinuit in publicis regni comitijs vt minora quæquæ monasteria, libidini suæ deperentur. Octauo Idus Ianuarij eodem anno serenissima Catharina Henrici vera vxor ex hac vita ad villam Cimbaltou decessit, & in Burgo Sancti. Petri sepulta est. De lecto autem in quo decubuit Regi Henrico scripta in hanc sententiam. *Mi Domine Rex Henrice, appropinquante iam mortis meæ hora, charitas qua te prosequor, facit vt admoneam te salutis animæ tuæ, quam cunctis huius mundi rebus anteferre debes, ego tibi condono, precorque vt condonet tibi Deus, commendo tibi filiam nostram communem, ancillas tres & ministros omnes, vt ille uisui commodè tradantur: His autem præter id quod iam debetur, etiam vnius anni stipendium integrum velut cumulus accedat: Acceptis Catharinæ literis, rex temperare sibi à lachrymis non potuit. Cæterum Anna Bolena Catharinæ funebrem diem, non atrii sed flauii coloris vestibus induta celebrauit. Verum, qui iustus est Deus, illam punire diu non ditulit, nam deprehensam in adulterio cum fratre suo Georgio Boleno alijsque homuncionibus hab ipso Thoma Boleno, qui pater ipsius putabatur, inter iudices ex iussu Regis confidente, in celitus*

Anna
Domini

1534.

Anna
Domini

1535.

& adulterij condemnari curat Henricus, & decimo quarto Kalendas Iunias capite plecti, cum non totis quinque mensibus post Catharinæ mortem titulo reginæ posita esset. Postridie verò quam Annæ ceruices amputatæ sunt, Rex Ianam Seimeram in vxorem accepit, quam prius, etiam viuente Anna, & adamauerat, & ipsi prætulera: vt non minus mira quam iusta sint iudicia Dei, reddentis vnique secundum opera sua. Sicut enim Anna Catharinam supplantauerat, sic & Iana supplantauit Annam. Sexto autem Idus Octobris natus est Henrico ex Iana Seimera filius quem vocauit Edouardum, sed cum mater ægrè pareret, Rex interrogatus cui magis consultum vellet, vtrum vxori an filio responderet filio, quod alias vxores per facile reperiturus esset. Iana igitur ex dolore partus paulo post mortua, Vindisforiæ sepulta est.

Post morte in Ianæ, Anna Guilielmi Cleuiæ Ducis soror, ex pacto cum certis Germaniæ Principibus antea inito, nupsit Henrico. Putabant Principes omnia satis tuto loco fore, si rex eam ducturum se promississet: non addiderant vero vt etiam retenturum sponderet, duxit ergo, quin imo seduxit, cum per comitiorum interpolitam auctoritatem pœne statim illam repudiauerit, Catharina Hauarda in locum eius subrogata, quam cum nondum biennio toto vxorem habuisset, adulterij conuictam, cum Mœchis suis Thoma Culpepero & Francisco Dirrhamo neci dedit. Quo facto Catharinam Parram viduam, Baroni Latimero prius nuptam in sextam vxorem accepit, hoc solo beatam quod Rex prius e vita sublatu est, quam ex aula ipsam (id quod in animo habuisse dicitur) sustulisset. Mortuus est igitur belluinus hic homo Henricus postquam regnasset annis triginta septem, mensibus nouem, diebus sex, quorum ferè viginti annos in pace Catholica, quatuor sequentes in maxima lite & fluctuatione, quatuordecim postremos in aperto schismate transgressisset. Ex pulcherissima corporis constitutione per ventris insatiabilem curam & expletionem eo deformitatis excreuerat, vt vix per ostia ingredi, nullas autem scalas posset conscendere, sed in cathedra constitutus machinis quibusdam in superiora ædium attraheretur, imò nihil sanguinis toto corpore iam reliquum fuisse, verum omnia in pinguedinem exuberasse dicebatur. De instante mortis articulo admonitus pateram vini albi poposcit, atque ad vnum ex suis conuersus, omnia (inquit) perdidimus.

Mortuo Henrico, Edouardus Henrici ex Iana Seimera filius nonæ ætatis annum agens, Rex Angliæ & Hiberniæ pronuntiatur, summumque Ecclesiæ Anglicanæ & Hibernicæ in terris caput, proximè secundū

*Anna
Domini
1559.*

Christum ipsum, denuntiatur. Post Regis noui promulgationem, Christi Saluatoris, Deiparæ virginis, Apostolorum & Prophetarum omnes omnino imagines tam pictas quam fabrefactas partim deleuit, partim combussit, Edouardus Seimerus, Edouardi pueri regis auunculus, tunc Hertfoldix comes, paulo post factus Samerceti Dux. Nec his malis contentus vnà cum alijs Calvinistis, tremendum corporis & sanguinis Domini sacrificium, quod à Catechumenorum prima, & fidelis sequente dimissione Missarum nomen iam olim acceperat in publicis comitijs abrogauit. Inde in alias hæreses itum; tandem Edouardus pridie Nonas Iulij anni 1553. ex hac vita migrat, eo ipso mensis die, quo Pater eius Thomam Morum integritatis & iusticiæ caput, capite feriendum ante aliquot annos curauerat.

Post Edouardi mortem Maria Catholica Princeps Catharinæ Austriacæ filia Regina promulgatur, hæc post in urbem & arcem Londinensem ingressum, Edmundum Londinensem, Stephanum Vintoniensem, Cuthbertum Dunelmensem, aliosque omnes Catholicos, qui ob fidem victi asservabantur, libertari & honori pristino restituit, prophani primatus Ecclesiastici titulum respuit; Apostolicæ Sedi quam Patris Fratrisque sui tempore etiam cum periculo vitæ constanter semper coluit, antiquumque & honorem reddi voluit, Philippo Imperatoris Caroli quinti filio, cum ob alias grauissimas causas, tum maxime ut potentissimi optimique Principis adiumento regnum ad fidem & obedientiam Ecclesiæ restitueret, nupsit: In religione autem Catholica per omnes diriones suas restituenda quanta sit viâ pietate, prudentia & constantia, ex eo clarum redditur, quod impias contra Catholicam fidem Edouardi fratris sui nomine latas leges ordinum consensu abrogauerit, exercitium religionis hæreticæ prorsus sustulerit, magistros sectarum abegerit, antiquum orandi & sacrificandi morem per totam Angliam & Hiberniam restituerit, Angliamque vniuersam Sedi Apostolicæ reconciliauerit. Nam hæc omnia Catholicissima hæc regina in primis comitijs effecit. Sed grauiora erant Henrici scelera & sacrilegia, maiorque iniquitas genus huius, quam ut diu hac salute frueretur, aut tam leuiter expiarentur. Nam ecce tibi lectissima Regina cum quinquennio & quatuor mensibus regnasset, hanc vitam æterna commutauit, in hoc primum infelix, quod cum Henrici octauj fuisset filia ob ide ipsum nullam sobolem ex se relinquere posset: Deus enim Henrici impietatem & Schisma tam seuerè punitum voluit ut quâquam tres liberos reliquerit superstites Edouardum, Mariam & Elizabetham, nullus eorum prolem

eorum prolem suscipere atque educare posset. Secundò, multò etiam sua opinione infœlicior, quod Elizabetham istam, non modo emulam suam illicita & ter damnata copula ptognatam, sed de fide quoque, quam tumcunque tum dissimulauerit, sibi semper suspectam, & quam reipublicæ ac religioni pestem futuram summè semper metuerat, successorè relinquere coacta fuerit.

Mortua ergo Maria, rerum potita est Elizabetha, Henrici octauæ super inducta Anna Bolena, priore adhuc superstite, sed repudiata vxore Catharina, altera filia. Quæ licet sore sore regnante se Catholicæ fidei in omnibus culticem præbuerit, tamen verita (hunc enim illi metum infecerant subdoli quidam hæretici, quos in consilium asciauerat) ne de quo nata est matrimonio summi Pontificis Ecclesiæque iudicio antea damnato, de natalibus etiam suis, iureque regnandi ex sacris Canonibus aliqua oriretur dubitatio, Ecclesiasticis legibus subesse detrectauit, & de mutanda religionis Ecclesiasticique regiminis forma primo quoque tempore cogitauit. Paulo igitur post consilio Gulielmi Cæsarilij, versacilis ingenij, consilij ac conscientia viri, conuocatis ordinibus ad Parlamentum (vt vocant) voluit communi decreto, vocari, suprema Ecclesiæ regnorum suorum, etiam in causis spiritualibus, gubernatix, omnesque exceptis proceribus laicis, vt id solemnè iuramento profiterentur adegit. Hac igitur sibi arrepta potestate, simulque abrogata sedis Apostolicæ auctoritate, sibi, vt in eis quæ sunt ad Deum summa ministræ applicat omnium spiritualium prouentum, perpetuas decimas & primitias, id est, primi anni cuiusque beneficij adepti integros fructus, omnesque religiosorum possessiones, ante sacris vsibus à sore restitutas, sibi repetit. Vicarios & Commissarios in spiritualibus constituit, sigillum ad causas Ecclesiasticas peculiare cudit. Postremò de fidei & religionis formula innuanda pro suo suorumque arbitrati decernit: laicorumque solum suffragijs (omnibus ad vnum Episcopis, qui primi sententias in illis comitis dicunt, & certè soli in causis fidei dicere deberent, reclamantibus, ac toto tum Londini in Synodum Cantuariensis prouinciæ Clero coacto, refragante.) Tremendum sacrificium cum reliquo omni sanctissimo ritu præcandi, & sacramenta ministrandi, abolet: & noua sacra, certimonias, precesque in lingua vulgari ad normam Lutheranorum aliorumque hæreticorum præscribit. Hoc modo paulatim hæresim in Angliam introduxit flagitiosa hæc mulier in qua ad hæc nostra tempora eandem perseverare magno nostro dolore, videmus. Atque hæc de hæresis per Angliam propagatione dicta sufficiant.

§. 3^{us}.

SPECIALIS NARRATIO DE PROPAGATIONE
EIVSDEM HÆRESIS IN SCOTIA.

EXPLICATA propagatione hæreseos in Anglia, Reliquum est vt hoc §. quomodo eadem hæresis Scotiam nostram infecerit describamus.

Ac principium quidem huius mali, à vicina Anglorum gente in nostram dimanasse Scotiam eo tempore constat quo Henricus octauus excusso salutari Ecclesiæ iugo, se caput Ecclesiæ Anglicanæ dici atque haberi voluit. Tum enim nihil non ab eo factum fuit, vt in eandem defectionis maculam Iacobum Quintum Scotorum Regem pertraheret. Erat fortè tum temporis florentè ætate adolescens Iacobus rex & Henrici insuper ex sorore nepos, vnde vel quod ad præcauenda pericula incautior, vel quod ad quiduis temerè aggrediendum audacior per ætatem adhuc esset, mox in sententiam suam descensurum eum sperauerat. Ea spe per frequentem nuntium eum ad colloquium blande inuitat, nihil se in votis magis habere dictitans, quam vt nepotem suum regni itidem sui heredem post se relinqueret: quò sic tandem longis sublati dissidijs vtrumque regnum vnius potestati subiectum, in vnius reipublicæ corpus coalesceret. Communis regio, communis lingua, communis denique viuendi mos & consuetudo, rem alioqui satis probabilem magis insuper omnibus & expectatam & expetitam fecerunt. Nec iam dubitabat quisquam, quin Scotus conditionem eam, quæ aucta dignitate regia tam conspicuam vtilitatem continebat, obuijs vlnis arriperet. Verum ea erat Regis nostri in Deum, & sanctam eius Ecclesiam, pia reuerentia vt omnem conditionem quantumuis speciosam constanter aspernaretur, quæ cum auitæ religionis damno, vel minimo, coniuncta foret. Itaque per Ecclesiasticos viros (inter quos Iacobus Betonius facile principatum tenuit) admonitus non aliò magnificas istas pollicitationes tendere, quam vt per accessionis speciem accipiendæ, religionis Christianæ per tot Christianorum Regum, & Pontificum prudentem administrationem feliciter propagatæ, iacturam, primus ipse faceret: sanis illorum monitis pie obaudiens, animum deinceps ne talibus caperetur illæctamentis cohibuit: ratus id quod futurum erat, Scotorum regnum

ab omni hæreseos suspitione ad eum usque diem intactum, veluti con-
cepta flamma protinus exarsurum, simul atque populus vnus cum al-
tero, purus cum impuro, sociaretur. Cuius periculi magnitudinem se-
rio secum reputans, persuadensque sibi, nullam esse tantam potentie
& dominationis accessionem, quæ amittæ religionis damnum vel vlla ex
parte pensare posset: non tantum colloquio dictum diem irritum esse
iussit, sed præcisa omni vltioris sermonis spe, adeo imparem populo-
rum in religione dissentientium societatem, displicere sibi ostendit, vt
libros quos ipsius inescandi causa ad ipsum Henricus forte miserat,
tantum quod hæreseos peste infectos esse suspicaretur igni cremandos
sua ipsius manu iniecerit. Cuius rei nuntio accepto Henricus non tan-
tum blanditijs nullum locum relinqui, sed dona sua quauis, contemp-
tum à Iacobo abijci molestè ferens, mox ab illecebris ad iram, & à mu-
neribus offerendis ad minas intentandas sese conuertit, sed vbi nihilo
magis ea ratione consilia sua promoueri senserat: rursus ex insidijs (vt
dicemus) id perficere tentat, quod viribus se facere potuisse merito des-
perabat. Totum hoc quod de Iacobo Rege diximus ex literis eiusdem
ad Paulum tertium Pontificem maximum (quas hic lectori subijcio)
luculenter constat.

IACOBVS QVINTVS REX SCOTORVM

PAVLO III. PONTIFICI MAXIMO.

TANTA semper fuit (Beatissime Pater) orthodoxa fides Regum nro-
rum maiorum atque per eos tanta totius populi Scotici erga Romanam
Sedem obseruantia, vt hæc ætatis cum quauis altera gente possit contem-
dere. Veruntamen his proximis viginti annis maxime suum sollicitati à vicina
Germania, inde enim ex aduerso Scotiæ breuissimus est tractus ac amplissimi
finus, in intinam Scotiam prouidentes, per quos simul cum mercibus solet illa
impura Nouatorum doctrina nostri acibus importari; huc accedit quod ante biën-
nium vicinus quidam præpotens Rex nobis sanguine coniunctissimus (Hic fuit
Henricus octauus rex Angliæ vt vidimus) conatus est nos allicere ad defec-
tionem à Romana Sede, multis magnisque propositis commodis: Verum nos illi
respondimus, verè religionis causam more maiorum semper fore apud nos potiorẽ,
quam vllam humanam necessitudinem, & nos malle totius regni iacturam facere
quam Romanã deferere religionẽ tanti apud Reges maiores nostros habitã, vt ean-
dem etiam suo sanguine confirmarint aliqui: sed aliud irrepit argumentum quod

Hi fuerunt
Contra.
2. Indul-
phus, &
Malcol-
mus, 3

harum institutum litterarum, &c. Has literas Iacobi quinti habes inter literas aliquot Regum Scotiæ ad Pontificem maximum ceterosque Principes Christianos à Reuerendiss. Episcopo Rossensi Ioanne Lessæo pie memoriæ in vnum collectas. Ex his autem literis clarum satis est vehementer incubuisse Henricum regem vt Iacobo regi à Romana Sede defectionem suaderet, quod cum facere non posset ex insidijs id perficere tentat. Clam igitur immixtis in Scotiam libris atque in vulgus disseminatis, qui sub purioris cuiusdam Euangelij specioso prætextu, Ecclesiasticorum virorum vitam & mores odiose traducerent, hoc saltè consecutus est, vt apud quosdam, parua licet auctoritatis, & minoris iudicij viros, Ecclesiastica omnis potestas contemptui haberetur. A quibus veneno propinato sic infectis, vel quod quorundam Ecclesiasticorum vita offensione non caruit, vel quod homines sic comparati sunt, vt aliena magis notare vitia, quam eadem ipsi vitare velint, mox in alios malum, ea arte transfusum fuit, vt plerisque, quæ de Ecclesiasticis viris per calumniam dicebantur, eadem vera omnia esse haud dubie putarentur. Hinc ex nimia ista quotidiana conuitia audiendi cupiditate, credendi facilitas, ex facilitate peruersa persuasio, ex persuasionem contemptus, inuidia & odium sequuta sunt: fere enim fit, vt quos propter vitam opinionem suam improbam, damnet vulgus, eorundem rebus felicioribus inuideat, totumque illorum hominum ordinem ob id maxime sublatum esse cupiat: quod quicquid istis discesserit id sibi accessurum esse existimet. Ex hoc hominum genere, alij in Magnatum ædes, alij in ipsius Principis aulam, temporis progressu irrepserunt, quorum latente odio ea subinde consilia excogitata sunt, per quæ in imminendis Ecclesiasticis immunitatibus, & iniquis super Ecclesiam imponendis exactionibus, regni primores, & Ecclesiastici viri, alteri de alteris peius sentire, & à se inuicem paulatim disungi cœperunt. Accessit & alterum ad infirmendam Ecclesiasticam dignitatem incitamentum, non minus potes quod ab eorundem illorum artificum clandestinis artibus fraudulenter excogitatum, regni deinde Procures, ad Ecclesiæ & totius reipub. perniciem maximam, audivissime arripuerunt. Nam cum Ecclesiasticis prius muneribus ij tantum defungerentur, qui per electionem legitimam creati, doctrina & moribus ad sustinendam impositam provinciam idonei optimorum iudicio videbantur: non tantum in filios impuberes, eosque spurios, opulentissima quæque beneficia conferri: sed & eorum institutioni minus rectè de religione sentientes Pedagogi, præfici cœperunt: sic vt omni Ecclesiastici regiminis cura abiecta, in tantum quif-


que spectaret, quo se suosque beneficijs Ecclesiasticis ditaret. Et hoc quidem confusiois postea sequuta rudimentum, à Regis Catholici & religionis Catholicæ conseruandæ, cum primis studiosi Consiliarijs profectum, & occulta hereticorum Ecclesiæ subuersionem molientium; machinatione introductum exiit. Nunc quod huic tali principio incrementum accesserit, & à quibus auctoribus datum fuerit, pari breuitate ostendam.

Qui post Iacobum quintum è viuis sublatum regni gubernacula tenuerunt, huic malo in dies inualescenti, accessionem magnam dedisseprehenduntur: dum sinistra quadam emulatione, quod à priore in impios patriæ & Ecclesiæ hostes salubriter constitutum supplicium fuerat, alter irritum esse iuberet. In hoc imprudentiæ vitium lapsus Gubernator Hamyltonius, quos a paulo ante proditiōis damnatos, exulare fecerat, quamprimum reuocat. Nec contentus prioris criminis impunitatem concessisse, hoc insuper erroris grauissimi caput super addidit quod se totum illorum consilij regendum permiserit, quos in Angliā hereseos venenum hausisse, & eiusdem mali per Scotiam disseminandi studiosissimos fuisse constiterat: quo factum est, vt quam minimum abfuerit, quin abrogata Ecclesiastica potestate, Anglorum heresim, id est Lutheranam (Caluinistarum enim nouus iste Deus fabricatus nondum fuit) vel tunc secum inuexissent. Certe ea fuisse tunc temporis illorum hominum consilia, vel inde manifestum fuit, quod damnatam illam Lutheri hæresim, & libris & voce viuā, in summum Ecclesiæ contemptum publicari, & per publicam auctoritatem defendi curauerint, vt si ea paulo diutius durassent consilia, iam pridem de Ecclesia Scoticana actum fuisset, sed nutantem tunc Ecclesiæ statum alterius Beatonij Cardinalis in superioris locum succedentis, prudentia lumina erexit, confirmauitque, non tantum sub obedientia retento gubernatore, sed ijs omnibus à publica administratione exclusus, qui Schismatis auctores quoquo modo faciendi haberentur: adeo vt Ecclesiæ apud Scotos fere iam oppressæ non tantum vindex & assertor fortissimus, sed repugnator diligentissimus verissime dici possit. Ea quippe viri auctoritas & in rebus agendis dexteritas fuit, quæ impias hominum factiosorum machinationes præuidere, frangere, ac dissipare facillime potuerit. Neque hoc adeo ipsos Schismaticos latuit, irritum omnem conatum fore, quem pastore isto saluo, ad gregem disturbandum allaturi essent. Quæ causa præcipua fuit, cur facta conspiratione ex insidijs hominem oculus sustulerint: sic futurum rati, vt eo sublato, vniuersa deinceps ex sententiâ

ipsis succederent. Et sane, quæ Anglorum per occasionem regis, prius & tum Cardinalis sublatis, dominationem simul, & religionem prauam in Scotia propagare volentium, vires tunc fuerant, facile votis potiti fuissent, ni Ioannes Hamyltonius, in defuncti locum suffectus, rebus Scoticis iterum in summum discrimen adductis, maturè subuenisset. Illius enim vigilantia factum est, vt accitis ex Gallia auxilijs, & regni finibus facinorosi pellerentur, & represso Anglorum Scotiam passim tunc & vbique inuadentium impetu, Scoti omnes in officio continerentur. Earum facies eo vsque permanlit, donec rege Gallorum auctore & suatore, Hamyltonius regni gubernacula per multos iam annos feliciter recta, in reginam matrem fœminam omnium prudentissimâ transtulit. Tunc autem hæreseos malum: quod in Scotia si non penitus extinctum, saltem repressum ad eum vsque diem iacuit, vires denuo capere cepit. Regina namque mater quamuis pietate, prudentia, & erga Catholicam fidem studio nulli secunda fuit, sub principium tamè sui regiminis siue Regis Gallorum auctoritate adducta, siue sinistra contra Hamyltonium emulatione inducta, grauissimum in eo errorem admisit, quod patriæ hostes, & impia Pastoris sui cæde infames, reduces primum in patriam fecerit, tum in regiam suam familiam admisit, postremo summæ rerum administrationi præfecerit. Hoc vulnus in patriæ simul & Ecclesiæ libertatem illatum eo grauius, & ad eandem penitus subuertendam efficacius exitit, quod Ecclesiasticorum nemo, eidem curando admittebatur. Eorum namque alij & ij quidem ordine & dignitate primi, sinistra quadam, & aduersa suspicione laborantes, ne id pietatis officium patriæ præstarent, inique prohibebantur. Alij vero quod inferiores loco & auctoritate essent, aut nullam de rebus tantis sententiam suam proferebant, aut si quâ habebant inuolidam eam esse sentientes eidem remissius insistebant. Ita factum est, vt Ecclesiæ hostibus ad hunc modum publica auctoritate testis, sub ciuilibus cuiusdam administrationis prætextu, Ecclesiasticæ potestatis fulcra omnia conuellere impune liceret: dum sub talibus hæreticæ prauitatis patronis, & hæreseos conuicti pœnas meritis effugiebant: & alij illorum exemplo audaciores facti, eandem facilius (veluti omni superioris potestatis metu liberati) amplexarentur.

Duraui tamen in his malis Ecclesiasticæ disciplinæ forma, si non castigandis impijs idonea, at bonis tamen omnibus, vt cunque ferenda. Neque aliter quam cum multi in corpore humores insunt, non simul atque ab iisdem infestari cœperit, protinus concidit: sed viribus naturæ

fixa inficis contra eosdem aliquandiu decertans, ægre licet & eum dolore subsistit: ita Ecclesia Scoticana contra insurgentes iamque & numero & audacia inualescentes improbos, legum & ordinationum antiquarum firmitate subnixi, si non in pristino nitore, saltem in facie non profus aspernāda permansit: perduravitque eo usque donec rebus omnibus ad insurrectionem cōpōlitis consilia sua & copias explicare, atque aperta vi ædes sacras inuadere, Ecclesiasticos viros disturbare coniurati cœperunt. Quo tempore nimis vtiq; sero, nihil non fecit (quod in se quidem esset) optima & religiosissima Princeps, quo Catholica fides integra apud Scotos seruari posset. Sed hoc totum ea tempestate nec quicquam fuit, non tantum quia quibus maximè sua credebatur consilia iijam ex aduersa parte conspirationis excitandæ artifices facti, eadem studiose perueriebant, sed etiam quia populo fere vniuerso ad defectionem inclinante eo usque res processerat, vt contra furorem ratio, contra audaciam virtus, contra denique sceleratam populi in Deum & principem insurgentis perfidiam, pietas frustra certatura videretur. Inde eius Ecclesiæ, quæ à primo susceptæ per Scotos fidei Christianæ tempore, ad eum usque diem felicissimè obtinuit, forma prostrigata & in eius locum Caluinianā hæresis, non religio, sed religionis confusio inuecta protinus fuit. Multa præcipuaque deformationis capita tum in disciplina & moribus, tum in doctrina, tum etiam in patriæ vastitate, & scditissimis ruinis ex sequenti s. clara erunt, omnia autem repetere nihil attinet.



CAPVT SECVNDVM.

§. 1^{us}

DE REBELLIONIBVS HÆRETICORVM IN SVOS.

PRINCIPES, PRÆSERTIM IN SCOTIA CONTRA

Serenissimam Reginam Mariam, inclitam Ecclesiæ

Matrem.

SVMMAM, omnis religionis positam esse in eius qui colitur imitatione, certum est: vnde homini Christiano nihil prius aut auctius esse debet, quam Christi Saluatoris nostri vestigijs insisteri, sequi totum ad eius imitationem effingere, nam cum præpotentis Dei filius non ideo tantum nostram sibi naturam copulauit, vt in ea

Cœlestem Patrem, à cuius religione nostrę dissidebant voluntates, mortalibus sceleribus infensum, nobis reconciliaret, verum etiam vt nobis, quemadmodum Deum imitari nos oporteret, ipse homo factus demonstraret, eoque pacto vt diuinam imaginem nostris delictis deformatam, instauraret. Vnde Euangelicę disciplinę tuba D. Paulus ait: *Estote imitatores Dei sicut filij charissimi.* vnde & illud Principis Apostolorum: *Christus passus est pro nobis, vobis relinquens exemplum vt sequamini vestigia eius.* Sicut & illud quod beatus Ioannes ex pectore Domini Saluatoris hausit: *Qui dicit se in ipso manere, debet sicut ipse ambulauit, & ipse ambulare.* At omnium quę Christus, expressa Patris imago, & viuum quoddam omnium virtutum simulachrum, vel actionibus expressit, vel verbis docuit, nihil arctissimo illo pacis & concordie vinculo, frequentius inculcatum aut magis nobis commendatum, animaduertimus. Pacem enim ipse Princeps pacis, & salutis nostrę viudex, & ante necem sibi illatam, & post mortem deuictam, magnopere discipulis commendauit, pacem etenim illis reliquit, pacem illis dedit, omnesque suos conatus, eo comparauit, vt dissipata colligerentur, dissoluta coniungerentur, componerentur dissidentia, vt vnicus denique suauissimus in omnibus consensus existeret, imo omnia quę liberator noster nostrę libertatis asserendę causa in terris gessit, eo spectarunt, vt homines Deo, Angelis & hominibus iucundissimę pacis fœdere iungerentur. Sed quemadmodum Deus auctor pacis & amator charitatis, dispersos in vnum compellere, & animos hominum multiplici opinionum dissentione inter se dissidentes, summa sententiarum conspiratione, & mutua beneuolentia copulare semper studuit ita Diabolus discordiarum seminator, & simultatum incensor, optime consentientes dispergere, & omnem societatem pie & sanctę constitutam dirimere, ab initio nascentis Ecclesię ad hanc vsque diem, remis velisque contendit, in qua quidem contentione, quantum ipse omnium sator, dissidiorum, hoc nostro sæculo profecerit, testatur Hærescon nunc temporis grassantium multitudo: testatur bellorum in multis locis tumultus: testatur denique & vehementer dolet charissima Christi sponsa Ecclesia, quam ipse sponsus sanguinis sui flumine sibi comparauit, quam iam homines impij, qui ad concordiam dissoluendam, & ad seditiones concitandas nati videntur in mille partes primum diuidere, & ad nihilum tandem redigere nituntur. Vbi certe Satanę fraudem & versutiam, plurimum mirari licet: ipse enim, cum perspiciat, & longo rerum vsu compertum habeat, duabus potissimum rebus, sacerdotum scilicet auctoritate & Principum potestate

tum scelerum

tum sectarum variarum licentiam, tum Ecclesiæ unitatem conservari, nihil sibi prius faciendum ducit, quam ut utramque potestatem infringat, labefactet, evertat, quod quanto impetuz in lectissimis suis organis, impurissimarum libidinum patronis illis maximis, Luthero, Zuinglio, Caluino, Beza, Knoxio, Buchanano, & cæteris id genus flagitiosissimis hominibus, summi Pontificis & legitimorum principum auctoritatem & iurisdictionem demoliri conatus fuerit, neminem latere puto. Quibus & propter peccata scimus datum esse robur, & stupendum in modum prosperè successisse opus in manibus impiorum: ut enim facilius ad suum finem pervenirent, reipub. pacem turbare, subditorumque animos in suos Principes ac regni statum concitare subdole studuerunt: neque enim hæresis vnquam progressum haberet, nisi inueniret seruos & subditos prenos & dispositos ad factum & rebellionem in suos Principes & dominos: neque etiam tanta cæcitas aliunde vires acquirit, quàm ex communi illa morbo quorundam hominum, qui minime contenti suorum Principum regimine, gregatim confurgunt in suos Principes primum propter nescio quam vindicandam libertatem, deinde & in Catholicam religionem, quasi cum Ieroboam conspirant. Hoc ex motorum regnorum euerfione ab his perduellibus facta, & conspirationibus in suos Principes excitatis manifestè patet, præsertim in nostra Scotia, in qua (Deus bone) quas non tragedias in suos Principes tam Iacobum VI. nunc regnantem, quam eius sanctissimam matrem Mariam inelytam Ecclesiæ Martyrem excitarunt. Omisfis rebellionibus & seditionibus (ut pote notissimis) in Iacobum Regem excitatis de ijs tantum quas contra ipsius matrem excitarunt aliqua dicemus. Sed quoniam neque hoc commodè præstare possumus nisi ipsius sanctissimæ Reginæ vitam breuiter describamus ideo hoc ita nobis præstandum est ut seditiones ipsorum hæreticorum non omitamus.

MARIA STUARTA Regina Scotiæ, scæmnia fuit, in quam omnia sua ornamenta videbantur contulisse, *Natura*, *Fortuna*, *Virtus*: Nam eo fuit habitu corporis, ea bonorum affluentia, ea mentis bonitate ut à tribus illis videretur suscepta contentio, ederentne: mundo, *Natura* pulchriorem, *Fortuna* sæliciolem, an *Virtus* meliorem, fuerunt sanè multi, & in hoc genere bene lyncei, qui quicquid viderūt in Angliā, Italiā, Galliā, Germaniā, Flandriā pulchri & venusti, id totum quantum & quantulum erat, præ hac conformatione membrorum, hac venustate, hac maiestate, hac huius Reginæ suauitate penitus sorduisse dicerent. In digitis, in venis, in manibus, in ocellis, in fronte, in corpore, in gestu

viderunt mysteria, quæ tanquam Deæ stupeant potius taciti, quam infra dignitatem dicerent. Dea certe naturæ, si qua nostri temporis. Nōne fœlix? ad regna nascitur tria, Scotiam, Angliam, Galliam, & nascitur non obscure ex matre Maria Lothoringa, filia Ducis Claudij Guisiani, ex patre Rege Scotiæ Iacobo V. quem Iacobus Scotiæ IV. ex Margareta Regis Angliæ Henrici VII. filia fœliciter susceperat. Ad Galliâ vero beneficio matrimonij, etsi ascita potius fuit, quam iure nata, tamen dixi hoc nasci eam, vel dignam tanto regno, vel florentem ex Lotharinga stirpe, Galliz potentissima, optima, Catholicissima, vel potius meritis virtutis, oratam à Rege Galliz & exoratâ vxorem. Fuit hic quidem ludus Fortunæ, siquidem quæ nascitur ad tria regna, exiit tandem omni non dico regno, sed domo, libertate, patria. *Stultam & lubricâ fortunam*, Deam contemno dicere, quæ quos cœpisti iuste amare, eos constanter amare non pergis. Serua tibi Nerones, Vitellios, Ottones, iocos tuos. Etiam ludificari Marias? Sanctas? inique. Quanquâ istud eo mollius fero, quo certius video virtutem summam nitere in turbidis quam prosperis rebus. Nam cum virtus inclusa semper, & quasi flamma cinere oblecta lateat, quoad fuerit obiecta materies vis exerendæ: gratulor certè Mariæ reginæ hanc fortunæ volubilitatem, tanquam segetem virtutis excitandæ, spargendæque per orbem. In hac enim calamitate (quam Fortuna obiecit, non induxit meritum) eas constantiz, pietatis, religionis, mititatis, diuitias explicauit, vt possit dici infœlix bono suo, & maximæ virtutis maxima laude. Ante cognita fuit tantum Regina, cognita pulcherrima, nunc post hoc Fortunæ vulnus cognita fuit etiam exemplar, & pietatis vera expressio. *Princeps certè* (vt scribit de Æmilio Paulo Paternulus) *in tantum laudanda, in quantum virtus intelligi potest.* Hanc Mariæ siue fortunam, siue virtutē vno tempore duo Reges prensabant sibi, Angliæ Edouardus, Galliz Franciscus, singuli freti singulis causis. pactione ille, fœdere iste. Anglus iste obtenderat pactionem, & vterat minis, illecebris: pugnabat tamen semper Gallus fœderis & amicitiz (quæ Scoto secum erat per antiqua, multisque vtriusque officijs & beneficijs sancita) nomine in speciem sane præclaro, & ad rem id temporis neruoso. Siquidem non tantum pugnabat fœderis nomine, sed etiam expugnabat: fauente matre Galla Gallo, fauente cœlo, necessitati Ecclesiæ. Magnum sane bonum Ecclesiæ non, duplisse Mariam Edouardo Anglo. Quippe combiberat iste cum lacte matris Lutherum. Maria ergo quadrima plus, minus imponitur naui, in Galliam mittitur, educatur, illicitur, nubit Francisco Valesio Delphino, secundo

eius nominis post dicto. Id tam ægre fuit Edouardo Anglo, vt nisi incisio vitæ filo, ad vindictam miscuisset certe rem Scotis, Anglis. Edouardo succedit (vt superius vidimus) Maria, soror ex patre. Hæc vt nulli malefecit sic de nullo malum cogitat. Quare nihil morata de nuptijs Scotæ cum Gallo, alijsque rebus externis, sollicitè agit rem tantum regni, Ecclesiæ, Dei. Hanc siue curam illi, siue felicitatè Ecclesiæ præcidit mors: varia hic affectio, hanc mortem partim ferentium è cælo, partim dolentium ab hæretica fraude illatam. Mariæ mortem excipit Imperium Elizabethæ: hic timor à Scotiæ Regina, vt hærede Angliæ proxima. De hærede nihil dubitationis, etsi aliquid sit controuersiz, exitum potius peruersitate inuidentium quam dicentium momento. Apud Anglos ille mos est, vt filij eorumque soboles filias etiam grandiores in imperio præeant. Inter filias postea solenne, vt quæque maxima natu est, ita eam eiusque stirpem, reipub. clauum, primam, tenere. Angliz Rex Henricus tres liberos habuit, Henricum VIII. de quo multa superius, Margaretam, Mariam. Henricus octauus vt antea vixit & regnauit in Edouardo & Maria, sic iam viuuit & regnat in Elizabetha, hos enim liberos reliquit superstites singulos ex singulis vxoribus, vt ex supra dictis patet. Extincta Henrici Elizabetha, liquet ius Regni Anglicani ad Margaretam Henrici octauæ sororem natu maximam, eiusque sobolem emanare. Margareta ista nupsit & peperit Regi Scoto Iacobo IV. Iacobum eius nominis V. felicem hac Maria, aureola sane filia. Vides eam hæredem regni Anglicani certissimam. Quemadmodum Henricus octauus in Elizabetha ultimo & solo eius stirpis germine viget, & regnat; sic ei⁹ soror Margareta natu maxima in Maria Scota, huiusque filio Iacobo VI. & viuuit & post Elizabethani regnare debet. Ex hoc iure etsi Elizabetha nihil habeat causæ, cur timeat Angla Scotam, Regina Regnam, mitissimam sane, totaque vita auersam à fuci, ambitionis, odij, lituris: tamen illi ex Caluini sentina turbatores, qui id temporis occupato reipub. Anglicanæ clauo, Elizabethæ instillabant semper errores & opinionum peruersitates, subiecerunt causas, cur timeret, esse Scotā, esse vicinam, esse proximam sanguine, esse proximam hereditate, esse Romanæ Catholicam. Quas causas? nixas conscientie infirmitate, non rationis momento. Est Scota, quid tum? & Anglis cum Scoto erat sæpe multa amicitia. Est vicina, quid tum? vicina Principum qui feruntur & feruent cupiditate rerum alienarum, etsi plena sit periculi & timoris: tamen Regina his moribus, hoc animo, tam prope aberat à summo amore & fide in Regnam Anglam vt in eius vicinia suam spem & sub-

fidum videretur collocasse. Est proxima sanguine, quid tum? amor hinc non timor: nisi id sit noui monstri ex noua Caluini Lerna, esse in sanguine timorem. Est proxima hereditate, quid tum? hæreditas à Catholicis expectatur, non preuentitur. Nulla est ne tenuissima quidē causa timoris ex Scota, timent tamen Angli, magis quod solent heredem, quam quod debent bonam. Nam Taciti Otho, ille Imperij pene pestis, labes certè, etsi dixerat, *Suspectum semper inuisumque dominantibus qui proximus destinaretur*: tamen turbatus dixerat de turbantibus, malus de malis & male. Est aliquando fateor, cur Rex timeat heredem, elatum ambitione, & hereseos victorumque tenebris oppletum: at hunc morem solemnem habere perpetuumque timendi omnia de omnibus heredibus, etiam Catholicis, etiam mitissimis, prope est, vt dixerim Mahumetanum. Quemadmodum enim nihil est, bonus Princeps bonum heredem timeat: sic Princeps si timeat, prodit profecto hac mentis ignauia, se malum esse, & velle potius quam posse regnare. Est Romanè Catholica. Quid tum? cum hac religione omnes combibunt animis iustitiam, iustitiam, pacem, reliquas virtutes: vt certe quo plus haberet huius religionis, eo minus isti deberent habere timoris. Nulla ergo ex Scota causa timoris: quicquid tamen est de re, timent Angli heredem. his moribus imbutam, & huius timoris excludendi viam solam putant, ciere turbas in Scotia, miscere omnia, Religionem Catholicam eradicare, spargere Caluinianam, Reginam vocare in contemtionem, & si qua possint ratione mouere loco. Huic rei multæ rationes, multæ consultationes, secant glaciem per minutos quosdam hæreticos, qui ex Anglia & Geneva, sentinis sordium Caluinianarum summissi inhalent Scotis contagionem, pestemque Helueticam. Quæruni isti latebras, non citros: angulos, non suggestus, in quibus facile aduerteris plus algoris de timore, quam sudoris pro sua religione. Nam Maria Lothorringa, quæ vices filię absentis obibat, in repub. qua multis aliqua ratione vt superius vidimus peccarit, tamen cum primū odore suspicionis sensisset, esse in Scotia, qui Caluino & Anglæ, tanquam idolis, operarentur occultè, nullam intermittere cogitationem vel prudentis Principis ad inueniendam, vel bonæ Catholicæ ad eradicandam hanc Caluini stirpem. Vnde cum res timidius, quam pro mente Anglorum gereretur: initur noua ratio occultis insidijs a pertam auctoritatem adiungendi, eamque eertam, magnam, sultam opinione doctrinæ, prudentiæ, nobilitatis, scientiæ militaris. Erat in Gallia id temporis Scotus ex gente Hamiltoniorum comes Arranius, à Rege Gallo propter corporis reique bellicæ

sepius gestæ felicitatem habitus honorificentissimæ, & non solum am-
plo sensu auctus, sed Dux etiam Castri Heralbi appellatus. In hunc An-
gli intendunt aciem tanquam Principem futurum & satorē seditionum
Scoticarum. Nam in seditionibus intestinis cum aggrēssio non sit sine
voce, primæque vox difficulter mittatur nisi à primo, & audacissimo:
has partes & loquendi primum, & aggrediendi non putabant comomo-
dius posse imponi, quam Arranio, qui in Gallia primas fere tenuit, &
meritus est sermonis elegantiz, corporis, fortitudinis. Difficultas erat
duplex ex Arranio & fortuna. Ex Arranio, quod Galli partes sequutus
semper fuerat, & cum lacte matris odium in Anglos infuserat; Ex for-
tuna, quod eam peramplam iam in Gallia habebat, & sperabat in dies
ampliores, si quod in Anglos conceperat odium, illud verbo, facto
consilio expromeret. Legatus ergo Angliz qui apud Gallum tum erat,
aucupatus occasionem, primum tentare & illicere mentem Arranij. Cū
illecebram videret excipi non a grē, aggredi apertē, obijcere spem primi
imperij in Scotia, segetem summæ laudis in euertendo Papatu, (stude-
bat enim Caluini partibus) spem nuptiarum cum Angla, præmium
census duplo amplioris, quam quo in Gallia iam utebatur, Arranius a-
nimo maximo concipiens illa maxima, quæ nunquam peperit, aut mō-
struosē sane peperit, fugit rectē cum quibusdam ministris Anglis in Sco-
tiam: duplex hic in Arranio error, leuitatis, dum sequitur potius spem
hostis, quam fidem amici; stultitiz, dum sperat sibi optime fore à pessi-
mis. Vix Arranius posuerat vestigium in Scotia, cum omnia strepere
armis, sermonibus, insidijs hæreticorum. Qui antea ministelli se abdi-
derant in angulos, venenum potius meditantes, quam spargentes, iam
attollere caput, linguam exerere, acuere calamus, omnia implere Cal-
uino, templum, mensam, aulam. Maria Lotharinga mater Scotæ Regēs
vt loquuntur (filia enim hæres ad hæserat lateri Francisci Regis mariti).
mittit in Galliam, qui exagitent auctores, qui exaggerent periculum,
qui petant auxilium sopiendis turbis. Auditum est, consensus est: nam
Rex & Guisus summitunt Duces Catholicos, quatuorque millia Gal-
lorum, auxilio, religioni laboranti. Partes in Scotia fiunt, hinc fauen-
tium, illinc obstrepentium Gallis. Qui fauebant, Ecclesiæ commune,
qui obstrepebant, Scotiæ priuatum bonum obtenderant. Arranius Dux
& aut signanus eorum, qui Scotiæ causam, tanquam velum, prætenu-
erant suo scelere. Hinc & hinc arma, hinc & hinc timor, hinc & hinc
insidiz, magis vtrinq; singula, quod profitentur se vindices, hæreticis
Angla, Catholicis Gallus. Firmior pars hæretica, quo propinquior ex

Anglia habet subsidium certum, frequens, tutum. Hæretici, specie ei-
 cendi Gallorum non omittunt occasionem. Knoxius crepat Caluinum,
 alij moliuntur alia, rei Ecclesiasticæ vel euertendæ vel auertendæ. Id
 aulim dicere hæresim in Scotia plus turbasse, miscuisse, suppilasse, euer-
 tisse brevissimo medij anni interuallo, quam in reliquis partibus per
 ætatem penè hominis. Ita fuit sedula, subdola, acris. Arranius quasi
 victor triumphat, & in horas expectat, inde ex Anglia rei bene gestæ
 premia, nuptias Elizabethæ, pensionem lautissimam. Verum se ab An-
 gla elusum, à Gallo desertum, in Scotia non bene habitum videns, se dedidit
 totum morori, & ægritudine paulatim tabescens, pœnam violatæ ma-
 iestatis diuinæ & humanæ, pendit Deo perpetuam insaniam. Sic transit
 gloria hæreseos & secleris, punctulo efflorescens, punctulo exarescens.
 Angli postquam cœperant Arranium vel ludere amantem, vel amentem
 contemnere, figunt mentem & spem in Iacobo Stuarto fratre Spurio
 Regina. Hunc ut occupent totum, iubent sua opera sperare summum
 Imperium Scotiæ, si prudentiæ quibusdam quali gradibus eo surrepat
 potius, quam ut inuolet, opus esse hic consilio, auxilio: illud in Iacobo
 debere esse, & ex Iacobo, hoc in se fore, & ex se. Iacobus viderat spem
 ex Angla, quæ promittebat, ex se, qui poterat gratia; ex Regina sua,
 quæ aberat; ex hæresi quæ querebat ducem imbecillitati sustinendæ.
 Unde hanc potiundi Imperij spem, acerrimi animi adolescens, non pri-
 us dimiserat, quam vitam. Interea moritur, temporis interiectu non
 magno; in Gallia Franciscus maritus, in Scotia Maria Lotharinga, ma-
 ter Mariæ Stuartæ, hæredis Scotiæ. Cogitat igitur hæc Scotiam, hære-
 ditatem suam multas ob causas, maximè, ne merito videretur or-
 ba marito, si patriam relinqueret orbam capite. Verum quia
 periculum erat ab hoste domestico, Cardinalis Lotharingus, reli-
 quique Guisiani, consentiente consilio regio, statuunt mittendam cum
 milite Gallo. Iacobus Spurius veritus bonæ spei malum exitum, si mi-
 les Gallus iterum apelleret, omniaque imperio teneret & consilio, mox
 in Galliam transmisit. Adit Cardinalem Lotharingum, multa que in-
 iicit excludendo consilio de milite. Frustra poni tantum sumptum: stul-
 tæ rem tantillam tanto molimine agi; præsentia Regina, id quicquid
 erat barbarum, tanquam solis obiectu caliginem, iri dissipatum; hæc
 rei se polliceri fidem, manum, bonum exitum. Creditur, vel quia facile
 solet, ubi parcitur sumptibus, vel quia fato quodam Principes volunt
 esse creduli in malum suum. Ad naues vniuersi, Regina, Spurius, Co-
 mites, Milites. Insensio est timida, propter Anglorum insidias, des-

cenſio felix. Nam nobilitas multo frequentiffima deſcendendo Regi-
næ præſto adeſt. Variâ officia, amantium vera, hoſtium ſimulata, &
numero plura, vt minus videantur ſimulata. Nam vt quiſque odit ma-
ximè, ita maximè fingit ſe amare, dando, adulando, ſeruendo, obſe-
quendo omnia, Nocentior fraus quo ſectior, niſi periculofius fortæ ſeruat cerni
taurus quam caudâ ſcorpio. Iacobus Spurius tantam hic & poſtea ſpeciem
boni viri præ ſe tulit, vt regina ſe putet iniuſti ingratiſque animi deuſi-
ſtam criminibus, niſi remuneretur fidem ſeruientis, amantiſ candorem;
fidem; odium; candorem; fraudem; ſed fraudem & odium velo tam ſub-
dolè obtenta, vt viderentur amor & fides etiam iſs, qui nouerant confi-
lium, & certè timuerant in tam pulchra ſpecie, non animum illum,
quem volebant. Regina pendens officiorum momenta fronte, cum di-
xit Comitem Murrauium, cenſuque ornat annuo librarum Scotticarum
vicies & ſexies millium. Ambitum regni non incidit Spurio benefi-
centia reginæ, auget magis nouus honor. Nam *ingrato quicquid fieri,
contra te feceris.* Hæretici mox confluunt, gratulantur nouum honorem,
nouam ſpem, nouam commoditatem proſequentē religionis nouæ, accel-
ſionem honoris eſſe ex Deo, vt proferat fines Euangelij; niſi proferat,
vindictam fore à Deo. Is audire, non quod curet religionem, ſed quod
in religionis nomine & velo videat expeditiorem viam ad id, quicquid
conceperat animo, perficiendum. At quid tandem concepit animo?
Quicquid Scotia coercebat amplexu, diadema, Reginæ mortem; Reli-
gionis antiquationem, aut certe labem. Nihil hoc vaſtior Spurio ani-
mus, quam cui Scotia ſatis erat. Vorat etiam ſpe Angliam, quaſi hæres
poſt Elizabetham, vel quaſi tharitus conregnator cum Elizabetha. Hæc
ſpem putant quidam iniectam ab Angliſ. Probabile hoc: vt iuueni
ſcilicet elato facerent grandiores animos ſpe nuptiarū, & duplicis regni.
De Angla deceptrice quicquid probabile, non certe eſt improbable,
hunc Spurium elatum cupiditate dominandi adieciſſe oculum & animum
ad Angliam, ſi Anglæ ſuperſtes fuiſſet, quaſi proximè fluens ex Henrici
VIII. ſemine. At Spurius. Nugæ hoc, vbi ſpurijſ relinquunt locum re-
ligio, conſciētia, timor, & quod propius eſt, exemplum. Vt videantur,
& quæ dixi, & quæ dicturus ſum, dici à me latine, non oratoriè, videte
hominem, aut potius labem hominis. Nam quicquid dicitur, fingitur
labiſ, in hoc homine hæſerat. Matrem habuit ex nobiliſſima Aſchinorū
familia vxorem nobiliſ Klainij, Patrem Iacobum V. regem Scottiæ. Ex
regio quod putatur ſemine, regius quidem ſpiritus, & grandis: ſed ex
matre omnium ſermone venetiſ animus venetiſij & maleficiſ plenus.

Pater timens mali ovi malum pullum, vidensque pessimam matrem in filio apparere, crescere, maturescere, timere, odio haberi: cum monasterij, non bonæ mentis septis inclusum dixit Priorem Sancti Andropolitani. Mittitur in Galliam imbuendus, aut potius inficiendus à Ramo. Post mortem patris redit, contemptor religionis, ut valde timeretur Caluini filius; maledicus in omnes, ut facile videretur Rami discipulus. Post reditum exuit personam monachi, induit regij filij: ubique enim se ostentare, gerere pro regis filio, tueri tamen dignitatem censu monasterij; quærere occasiones augendæ rei, omnia polliceri omnibus, hæreticis Caluinum, Catholicis Ecclesiam, potentibus gratiam, misellis fortunam. Luxuriam etiam, auaritiam, ambitionem, obstructionem & velo parietum, frontis, verbi, tam commodè tegebat, ut hac labe nihil videretur nitidius. Denique simulando, dissimulando effecit, ut putaretur dignus regno foris Brutus, intus Catilina. Monstrum peccati ex adulterio patris, veneficio matris, prauitate Caluini, maledicentia Rami, omnium denique simulatione & auaritia mistus & concretus ad regni, religionis, seminis regij internecionem, aut certe contagionem. Hac fortunæ illecebra, & naturæ perueritate aggreditur ad rem. Primum auctor est reginæ ne cogitet secundas nuptias, plenas periculi, plenas suspicionis, plenas molestiarum. Liberum lectum, nullaque lege vindictam haberi dulciorem esse, reginam esse summam, esse solam, cuius nutu omnia regerentur. Notam fore animi minuti & depressi in terram, cum possit dominari, velle subesse, cum debeat regere posse alterius se nutui permittere. Ad regni regijque se minis propagationem, enixe, importune rogare, ut diadema sibi, alijsque perpetua serie Stuartis addicat. Rem loquor non solum notam nobilitati, sed criticissimam etiam vulgi sermone. In reliquos Stuartos certo rectoque lecto natos (huius enim nominis regnum est hæreditarium) etsi facile itum fuisset à tota nobilitate: tamen de Iacobo filio illius matris, quæ lecti genialis labem cumulauerat veneficio; multaque grauissimorum scelerum infamia, videbatur fore labes regni, & gentis perpetuæ. Regina nec suspicata dolum, nec mota precibus Iacobi, confert cogitationes cum eo de marito, quasi solo modo sopiendarum aut potius excludendarum litium, quæ de regno futuræ videbantur. Quantus aculeus huius vocis? fert tamen & probat. Illa non tam intenta in nuptias, quam in nuptias regno & religioni salutare, ex omnibus vnum seponit Darlæum. Darlæus iste fuit magni spiritus, & corporis ea conformatione, habituque ut hac Penelope videretur dignus ille Vlysses. Fuit quidem ille infra fortunam

Reginæ. Verum

Reginæ. Verum Regina cogitavit non quantus ille, sed in illo quantum momenti erat ad reipub. pacem. Fuit hic iuuenis, dignitate Comes, sanguine Princeps, ex Angliæ regia stirpe, tam prope fluens, ut Mariæ Stuartæ cum eo post Elizabetham videretur futura contentio aut certe disceptatio de Regno Anglicano. Series sanguinis hoc fonte & continuatione est. Elizabethæ Maria Stuarta, Mariæ mater Dairi, matri Dairi debet succedere. Adde Dairi, Stuarto fuisse cognomen ex Scoto femine Regium. Ad sopiendam litem voluit a regina rivali, etiam infra suam dignitatem; ad tuendum cognominis Regi, honorem voluit Stuartum. Laudatur Reginæ ibi pietas, quæ repub. non se, hic prudentia, quæ se, non fumum spectabat, & fortunam. Iacobus Spurius fremdens his nuptiis excludi spem summi in Scotia imperij (videbatur certe fore ex tam vegeta stirpe flos) suscipit cogitationē de Darleis, patre & filio, extinguaendis atque ipsa regina in lacus Leuini arcem, tanquam carcerem, condenda. Quid non cogis sacra regni fames? Sed ut videatis Dei providentiam in maximis maximè enitentem, contra spem, supra malitiam improborum, aperitur consilium, Darlei seruantur, succedunt nuptiæ, timet Spurius. Lenitas Reginæ & animo ante cepta opinio de fide fratris sui, (hoc nomine honestabat illa labem Iacobi) facit ut timor Spurio potius augeat spem, quam animos minuat. Pulchrè illes; *Timor, si non coerceatur, acuit. Nam ubi locus est purgationi sceleris, & senel purgatum est, aggredimur postea faciles, quæ timidi antea purgauiimus.* Et hic clarè. Nam Spurius purgando sceleri adhibet artificium frontis & verbi tam callidè, tam tedè ut credatur non cogitasse, quod iurauit facere. Quare ut sit nec timor, nec timoris causa, mentitur nouus Catilina amorem, fidem, animum bonum erga Darleum, & mentitur non fronte tantum, sed etiam verbo structo affabrè. Iam diu esse, cum illius causa cuperet ad insignem amoris notam aliquid, non commune illud & leuiculum positum in verbo, in nutu, in manu, sed diadema, Scotiam, nomen Regium, omnia summa. Hoc deberi virtuti, personæ, cognomini, indoli, communioni, lecti, qua Reginæ iungitur. Tam insignem iniuriam tantis vel meritis, vel officiis factam non posse, non debere ferri. Prudentiam reliquis Scotiæ nobilibus insculpsisse eam mentem, ut velint fortunam reliquissè eam facultatem, ut possint eum hoc regis nomine & honore ornare, ipse se si non deprimat. Esse fractionis animi, potius sequi nutum & quasi caudam fœminæ, quam mentem & laceratos viri. Sumat ipse animos, facile virum præferri fœminæ, extra rempub. Amazonum, apud Scotos maxime, qui à iactis regni fundamentis

Principem suum voluerunt vocari non Scotiæ, quasi agri, sed Scotorum quasi virorum Regem. Facile permitti Scotiam Reginæ, Scotos velle Regem, & Darlæum Regem. Ad aucupium gratiæ hæcenus. Ad inuidiam istud, Reginam nec bene facere, nec prudenter cogitare, quæ quem asciuit in societatem lecti eum non ornet Regis nomine. Mirari te Darlæum, qui in reliquis rebus animi maximi & cœlestis quid spirantis edat signa, hic abiecte & anguste, sinere se contemni à fœmina. Esse Reginam, mollius ferendam; sed Reginam contemptricem, non semper ferendam. Quid? quod inferat Regina iniuriam, non sua voluntate, sed consilio Dauidis Itali? Non concoquendam facile iniuriam ab hoc homulo, qui tam impotenter fert fortunam prospere fluentem, vt & nobiles contemnat, & infra omnes nobiles Reginæ maritum abijciat.

Dauid iste Sabaudus fuit, non magnæ familiæ, sed multi iudicii vir, hoc nomine charissimus Reginæ, quod dignus videretur, qui esset charissimus omnibus, prudens, sagax, vaser in omnem partem & vsu iam factus gnarus reipub. vt quam facile videret conatus malorum, & eluderet, tam libenter laudaret consilia bonorum, & iuuaret. Id in isto inerat vitij, quod viris videbatur fœmina, cantillans scilicet mollius, quam decebat virum, sæpius quam Consiliarium Reginæ. Quancquam quis reprehendat, eum miscuisse vtile dulci: omne tulit punctum, meo, Horatii, saniorum iudicio. Male profecto perstringunt Reginam, quod hunc aurium animorumque artificem asciuerit in societatem secretiorum consiliorum, multisque honoribus auxerit. Vnus enim omnia, Musicus honestam voluptatem, sanum consilium prudentissimus attulerat, *Hoc solum nomine infelix, quod in aliena terra erat minimam felix.* Nā odium erat in eum omnium, hæreticorum vt Catholicum, Catholicorum vt potentem, coniuratorum vt fidum, fauentium vt superbum reipub. rectorem, & sua voluntate solum. Hæreticis non satis erat odisse Catholicum, nisi etiam tendant insidias capiti, quod habebat vt oculos videndis, sic mentem excludendis illorum machinationibus. Omni itaque dimicatione contendunt, vt hos oculos, hanc mentem eruant reipub. Huic rei scribitur lis inter Dauidem & Darlæum. Askute. Hac face posse deleri & à Darlæo Dauidem, & Darlæum à Regina, & Reginam à seditiosis, idque solo periculo eorum, quos solos Spurius voluit deleri. Hinc est, cur Darlæus audiat aliquando sales, aliquando consilia Spuriij in Dauidem tanquam riualem hostemque Regij nominis. Reprehendebant alij Italum, vbi istud reprehenditur? in Scotia? stulte,

vbi tum demum habentur optimi viri, cum sint imitatione Itali. At vbi tandem istud reprehenditur? In Scotia? Iniquè, vbi honos, ingenio, non genti, virtuti, non sanguini habetur, si quo alio in loco: nisi fortè Caluinus inuerterit orbem rerum, & statuerit nouam legem, præferendi pessimos suos, optimis alienis. Cum Spurius nomen Davidis omni sermone viurpet ad conuictum Darlxi, nec quicquam proficiat (Darlxius enim hæcenus viderat, quem Regina habebat cordi, sibi non debere esse odio) frendere vehementius, quam vt iram possit tenere intra septa pectoris. Prope enim esse, vt excidat omni spe regni, si communio illa lecti inter Darlxi & Reginam diu maneret integra. Ex tam pulchra stirpe, pulchram fore prolem. In prole quæ spes reliqua? communionem illam cum non possit arte dilui, vt disrumpendam. Coit societate Consiliorum cum suis. Itur in sententiam capiendi arma, specie vindicandæ nobilitatis ab iniurijs Reginæ, totum incumbentis in partes Põtificias. Res Scotiæ id temporis hoc statu erant. Nobiles hæretici, diu erat, cum Ecclesias expilassent & monasteria, quodque erat vel opimi agri, vel lautæ supellectilis, rapuissent, addixissent sibi, quantum poterant, sua quisque vi. Illi etiam qui rem regni, & tenellam reginæ ætatem regebant, plurimum thesaurum regium vel domum suam seuocant, vel alijs Cerberis, tanquam bolum obstruendo ori, obiecerant. Legeram & de perfidia Caluiniana certe credideram, rei Regiæ & Ecclesiasticæ in tres partes diuisæ, duas Regno & Ecclesiæ præceptas perfidia Caluinianorum cessisse nobilitati. Regina non fert hanc regni labem & imminutionem, sed primo quoque tempore refigit, id quicquid donationis, dicti capituli in illa suæ ætatis infirmitate contra ius fasque editi, rem solij & diadematis traduxerat alio. Iuste, siue spectes rem rei: pub. nefariè occupatam, siue aciem defigas in regni leges, quæ Regi 23. aut quintum ætatis annum agentis faciunt potestatem liberam rescindendi, quicquid ab alijs in suæ ætatis infirmitate dictum, factum contra maiestatem. Viderant maiores, viri natura & rerum vsu præcharè informati, hac salutari lege, tanquam freno cohibitum iri illam avaritiæ sordem, qua plurimi Regiæ ætatis administratores, & vsi sunt, & vsuri videbantur, in re solij domum suam seuocanda. Spurius vt faceret Reginæ inuidiam, spargit quicquid nobiles occupant Ecclesiastici fundi & supellectilis, id Reginam ex illorum domibus & familijs in Ecclesias iterum & monasteria auersuram. Rationem hanc excogitari extremâ per cuniculos vt nobilitatis subruendæ, sic Papismi excitandi, incœpisse in re regia, desitutam in Ecclesiastica. Timebant omnes, quorum in-

tererat, vel quod rem regiam viderant restitutam, vel quod Spurius cōstantissimè confirmarat. De re regia erat susurrus tantum, at de re Ecclesiastica aperta erant querelæ omnium, se quidlibet potius & prius admissuros quam Papismum; Reginam posse ferri Papismi fautricem & fetricem, at Papistarum aatricem & auctricem debere aut eiici, aut in ordinem cogi. Ex querelis nata sunt arma. Huc affluit, quasi ad sentinam, quicquid erat sordium Calvinianarum in Scotia (erat autem plurimum) vt defendentium nobilitatem & Calvinum. Iacobus Spurius, author, Dux belli, verum incœpit maiori animo, quam euentu. Nam eodem fere tempore increpuit belli & concepti, & confecti fama. Hæretici quidē se aggregabant Iacobo plures & instructiores. Catholici tamen Deo & Regina nixi, accisis hæreticorum viribus, Spurium compulerunt in latebras, & latebris fœdiorem fugam. Quippe in Scotia cū intelligeret vulpes, nullam sibi latebram fore tam tutam & inclusam, quam hi Dei venatores odore quodam vestigij non persentiscerent, correptaui in Angliam, seque abdidit in gremium Reginæ Elizabethæ. Has Angliæ tenebras Spurius non patitur sibi fluere sine fructu, artificio enim suo & precibus quorundam Anglorum, animum Reginæ Scotiæ facilem, flexibilemque ad omnem mititatis speciem expugnat, atq; reditum exorat ad patriam, ad honorem, ad gratiam. Verum cum probe sciret, Dauide Italo viuo, nunquam se domi inuenturum aut locum mendacio, aut insidijs velum, in id operam dat sedulo, vt iste suorum consiliorum obex summus & solus prius moueatur, quam ipse Scotiam vestigio insitât. Datum ergo per literas hoc negotiū paucis sũx sordis hominibus, præscripta ratio, prælata spes fortunæ, si serio agant: agunt serio, siquidem Regem inducunt eo, vt quæ ante Spurius seuerat suspicionum semina, illa iam ille credat esse vera, à Dauide scilicet se contemni, lectum genialem violari, dissipari rem solij, nobilitatem neglectim haberi, denique vnum omnia & posse, & facere tanta superbia, vt quam sit illud priuatim Regi minutum ad vilitatem animi, tam regno esset publicè fœdum ad infamiam. Rex pro impetu illo, quo adollescens feruent, vindicandæ infamiæ, cum his proditoribus coit societatem interimendi Davidis. Huius facinoris, vix est, vt statuam maiorem nefrandem in consilio, an audaciam in facto, an barbariem in modo, an contempionem Reginæ in tempore. Est enim in palatio regiologicus, angustè inclusus, sed vt sepositus à turbis, percommodus mensæ. Regina cum vellet se subducere turbis pompæ, & obtutibus reliqui populi, qui frequens sæpe in mensam irruperat, secedebat in has angustias, paucos-

que adhibebat vel mensae socios, vel sermonis testes. Asciti plerumque David & Comitis Argathellae vxor, participes, ille secretae cogitationis, haec honestae voluptatis. Nocte, quae Davidis fuit vltima soli illi duo cum regina cœnabant. David, vel quod inaudierat susurrum, vel quod diuinarat. Reginae narrat de insidijs, & in horum escens narrat, quasi pugionibus iam in suo pulmone hærentibus. Regina iubet bono esse animo, non aliquid periculi esse ab insidijs, quæ foris tenduntur: nec quæquam esse tam proiecta audacia qui illum recessum violet. Insidiæ cominus timentur, quo certius sibi persuadet regina, Regem maritum esse ab illa labe integrum. Nam aditus in illum recessum fuit ex regis solum cubiculo, quod infra reginam erat, locus sane commodus ad insidias. Ex cubiculo regis, scalæ erant ut angustijs & tenebris impeditæ, sic sinu & anfractu incusæ. In supremo gradu ostium erat, ad Reginæ cubiculum, ad cellam, ad omnia adyta, peruium soli regi. Rex qua oportunitate uti debuit ad honorem, ea abutitur ad fraudem, reginæque extremam pœne miseram. Ex hoc ostio recte se insinuat in locum cœnæ Patricius Ruuenus, fax & fex sicariorum, aperiente & præeunte Rege. Ruenum putas, quis homo? rectissimus ad fraudem, promptissimus ad scelus, tam cuique inimicus, quam quisque virtuti amicus. Oderat reginam, ut Catholicam, sed nullo alio infestius nomine oderat, quam ut reginam, vir contemptor & violator omnis authoritatis, humanæ, diuinæ: *Hæc illustis est nota sermo caluinizantis, nam odisse omnes bonos, maxime Principes & Reges, istud est caluinizare per se esse, & ad normam.* Irruptio ipsa per se etsi satis fuerat terrere hominem omni parte infractum, tamen illa animi vis fuit reginæ iniecta ex cœlo, ut moueretur specie non tam irruptionis quam huius hominis, armati, globo sicariorum stipati & macie cuiusque squallore, quem in ualetudo longa induxerat, monstroscæ fœdi. Regina, qua est magnitudine animi, hominem inspicit & despicit molientem res nouas, in loci illius recessu, qui nequissimis quibusque hætenus solebat esse inlibatus & sacro-Sanctus. Ruuenus tamen reginæ nec veritus vocem, nec reueritus maiestatem, maiori cōcepto spiritu, Davidem adit, iubetque cedere locum in quo sedebat, summum scilicet summis viris. Illum vero terræ filium, & ex hara domestica non ita pridem extractum stultæ fœminæ gratia, nec posse, nec debere sustinere hunc loci splendorem. Noctuum illum esse, & stulte noctuam, quæ se putat aquilam, quod maiestatem Principis, tanquam solis lucem summisionis quadam & suauitatis nube tectam inueatur fictis potius quàm fixis oculis. Hanc stulticiam non esse ferendam illis, qui recta tuentur.

facileque secernunt & noctuam ab aquila, & solem à nube. Quare prodeat in malam rem, seque dedat ijs, qui hanc siue superbiam, siue stultitiam possunt, solent, debent perdere. regina, contemto hoc monstro, dum conatur oppositu corporis Dauidem vindicare à nece, audit, sentit quæ in nulla barbarie aut à viro grauida, aut à subdito regina. Quis crede. et Sicarius alter, Andreas Carrius ira odioque inflāmat, reginæ iam proximæ partui obijcit sclopum, cum minis, nisi se teneat, sinatque Dauidem, feriendum hunc etiam per corpus eius. Per corpus? belluæ ubi mititas? per corpus reginæ? furcifer, voi reuerentia? per corpus reginæ granidæ? monstrum ubi pietas? Quam prope aberant Sicarij à sua mente? Tua hic Deus, gratia, non humanæ prudentiæ vis valuit. Nam maritus nisi manu mouisset sclopum, corporisque obiectu cauisset Reginæ, fuisset certe, vt vno ictu caderent omnes, filius, pater, mater, spes solæ regni, religionis Dei apud nos. Satis mali fuit regno, perijlle Dauidem, prudentem sane hominem, mirumque artificem hæreticæ fraudis, elidendæ, si pugnaret, eludendæ si obstar. Malum fuit Dauidi huic, esse bonum. sed malum apud malos. In bonorum animis hærebit semper boni viri & in rempub. consulentis gratissima memoria. Ad filium. Post necem Dauidis regina frustra clamans & fremens se indignius haberi, quam pro dignitate, conditur sola in cubiculi interiorem recessum. In lachrimis, in precibus, in dolore defixa dum se, suumque partum commendat Deo, sentit è cælo opem, operâ optatam potius quâ speratam. Id ponderis erat in sanctis eius lachrymis & precibus, vt marito Deus bonam mentem instillaret, suasque cogitationes segregaret à communione eorum, qui pessimas mentes optimorum verborum tegumentis inuoluebant. Nam maritus quas manus attulerat ad facinus indignum tanta persona, eas recenti sanguine calentes tendit iam supplices ad reginam de veniâ, peccasse se quidem, sed errore, non odio, non mente mala, sed alienæ fraudis instigatione. Quam ingrati animi notâ conceperat, eam se parendo, benefaciendo abster surum, si locum inuenit gratiæ & veniæ. Regina his auditis non tam credebatur de malo facta, quam de bona iam mente mariti gaudet, maxime quod videtur concepta, vt punctulo, sic è cælo. Quare iubet eum sperare, contra quâ meritis est, optima ab vxore, maxima à Regina: si hanc viam, quam vestigio pressit, constanter insistat. Amor est vtrinq. lachrymis sanctus, eo firmitus, quo viderant iam clarius, regina maritum fuisse callidè circumuentum, Rex vxorem inique violatam. Postridie cædis Dauidicæ, in Angliam qui fugerant confurati, & in his Princeps Iacobus Spa-

rius redeunt auxilio & consilio sicarijs, tanta reliqui negotij neccendi oportunitate, quantam è cælo sanctissimus quisque vix speraret: vt videas istis perduellibus occasiones quæsitæ, non obiectas. Res in Anglia hoc ordine est nexa, vt prius Dauid extingatur, quam Spurius redeat, redeat tamen Spurius ipso articulo, qui cædem excipit, oportune sicarijs ne hi scilicet prius sceleris luan pœnas capite, quam Spurius præsto possit esse consilio. Res vt nexa, sic confecta, tam infœliciter bonis, quam malis commode. Nam proximo post eædem die (vt dixi) Spurius cum suis ex Anglia in aulam affert sistam mentem Regibus, certam pestem regno. Sicarij quia sciebant aulam plenam tumultu, nec in tanto tumultu posse exerceri iudicium, eunt prius ad Prætorium, quam diuersorium. Cum non esset, qui ad tribunal sederet, partim causati diem hanc dictam, qua vadarentur, partim quæsti tribunal vacuum Iudice ad statam diem, pœnam deprecantur à se, ac culpam totam deriuant testè in Dauidem, aliosque reginæ amicos, quasi quorum maleficio excitæ turbæ, deserta fora, iustitia negata, Respub. seditionibus & turbis permixta. Malitiose siue diem adferant, siue causam. Nam nec dies vlla vadimonio dicta, nec causa fori deserti ex iudicium ignauia, sed ex reorum malitia. Id enim egerunt omni dimicatione per suos, ne in tumultu & pauore omnium possit esse forum, ne dum lex fori. Eodem die, quo hic fucus erat foro publicæ factus, spurius adit Reginam, salutatur, offert operam, præfert fidem, & stata fronte, quasi à recentis cædis conscientia integellus, petit veniam sceleribus præteritis, & futuris honoribus spem. Regina fœmina profecto naturæ supra fœminas beneficæ, omnia facit, quibus suadeat & persuadeat in suo iam animo de fratris (fratris nomine Spurius ornabat) aut malo facto, aut mala mente, ne tenuissimam quidem suspicionem residere. Tumultuatur in eære aula, & partim suspicionibus, partim rumoribus plena amat. odit, desperat, sperat, quærit quod non inuenit, inuenit quod non quærit, timet, insidiatur, cogitat asyla, quidlibet agit, nec quicquam agit: vt qui Cæsares legerit interemptos, Brutos aliquos timeat in aula, verbo dulci mentem perfidam velantes. Regina (qua est acie & intelligetia rerum) ex aperitis indicijs odorata occultas insidias, illasque illa nocte exituras in neruum: confert caput cum marito de modo præsentis periculi declinandi. In mansione inquit, esse mortem: in fuga aperta, apertum discrimen. Maritus videns & tangens non id agi, vt, extincto Dauide, ipse solus regnaret (id enim obtendebatur) sed vt Regina nudata consilio magni oculatque viri, via fiat alijs cædibus: sibi timens & vxori, consentit in

tugant. Aggrediuntur ad rem, quam possunt et illime. Quare mentis alienas personas, Rex & Regina, nocte elapsi per posticum, occultè primum cum nobili vno in Setonias ædes, aperte post regio comitatu in Dunbartum Castrum concedunt. Reipublicæ seditionibus permixta, nervos nihil est, quod facilius lucidat, quam impunitas scelerum. Regina ergo ut viam obstruat sceleribus & cadibus quæ ad communem perniciem videbantur paulo post erupturæ, in hoc recessu, collectis animis & viribus, nihil habet prius aut antiquius, quam ut authores Davidicæ cordis laqueo legum irretitos vindicet. Conquisiti fontes, mulctati, vnus laqueo, pecunia alter, exilio hic, ille agro, alia pœna alius, maxima aut minima, prout quemque maxima aut minima sceleris contagio infecit. Spurius his visis timet, ne rex aperiret Reginar, quis Basiliscus vel illa oua posuerat, vel pullos illos excluserat ad necem Davidis, infamiam Reginar, periculum reipublicæ, hætenus se suspectum, iam Reginar notum fore authorem istarum turbarum, faciliusque exclusum iri loco graduque, ut apertæ perduellionis reum. Regi enim, alijsque, qui à Rege erant, faces præferebat ipse ad ista, quæ erant, ad illa, quæ timebantur fore, si malis consilijs, hac conciliatæ amicitie luce, locus non fuisset obstructus. Nunquam sane Spurius sperabat fore Regi à tanta petulantia reditionem in gratiam. Contra Rex ægre ferre, honorem illum habitum Spurio, hac rep. hac gratia, hac luce honoris, in qua versabatur hostis omni bonorum certissimus, se diu non posse stare, aut certe difficulter posse: periculo & difficultati ponendum esse obicem, ipso vestigio, nisi velit aut certo mori, aut perpetuo viuere in cura. Ad eam timoremque augendum illud pondus erat, quod Rex cognouerat ingenium Spurij inquietum, insidiosum, versatile. Hæ curæ utrumque ita conueiebant, ut nihil propius esset in dies, cum utrique ab utroque certa nex. Rex, prope est ut moriatur præ timore, cura, ira. Adit ergo Regina, narrat periculum, quod sibi, illi, solio, patriæ, impêdet ab isto peruelle, nisi auferatur. Non credendū fronti, antea fallaci, non mentis antea insidiosæ: non linguæ antea mendaci, non sanguini antea proditori. Si putet fortasse, fratrem, Spurium timeat labem hominum insidiantium bene natæ soboli, ut pote cum cuius honore illorum dedecus comparatum sordescit magis. Se nosse illius ingenium, præ timore, præ odio, præ ambitione non prius velle, non prius posse quiescere quam diadema Reginar capiti detractum sibi imposuerit. Deinde hunc spectatim Spurium, quātumlibet generosi ex patre Rege, tantum hausisse insidiosi & ficti ex matre saga, totam vitam dedita pessimis artibus. Ca-

uendum, nū

nendum, ni auferatur; auferendum, ni caueatur. Se statuisse eius mortem; per vitam suam, per maiestatem regni, per religionis sanctitatem, per omnia bona, quæ sunt, eruntque Regina, rogare, ne quid dicat, pugnet contra. Regina ægre ferre hanc mariti mentem, eumque acius castigare vtilitatem, qui necem Davidis nece fratris, quasi scelus scelere, conatur cumulare. Si quid litis, lege, non insidijs, dirimendum: si quid suspitionis, humanitate, non fida euellendum. Addere tandem miras, si pergat, sperabat enim optimæ mentis Regina, se negotium prius componituram, quam eruperit ad apertam vim. Rex ira, metu iuuentute præferuidus, modo calere, modo fluere frigidiusculo sudore, temper calumniarum insidias, fraudem, malitiam Spurijs. Vt in quemque proxime incidit, ita in eius pectus maxime effundere quicquid odium, ira, timor, dictarunt contra Spurius: minari mortem, moliri mortem, adprecari sibi adiutores quoslibet: omnia promiscuè vt inconsideratus: impotenter, vt iratus: imprudenter, vt iuuenis. Illi, qui promiserant manū & operam, ex fide prodita aucupantes bonam Spurijs gratiam, aperiant Spurio, quid rex aut minatur, aut molitur: timet Spurius, sed taceret. Spurius ergo agere, quasi nihil vellet agere, fronte & vultu sustinere simulationem amicitia aduersus regem magnæ. Quo tectius, eo securius. Verum ipse cum plus adferret mentis ad consilium, quam animi ad factum, neque crederet nisi corculis suis, quos habebat malarum artium auctores: arte astutque vicit à Regina, vt Mortonio, alijsque (qui consilij necis Davidicæ & pœnæ, si mansissent, præscij considerant se in latebras) pateret reditio non solum in aulam, sed etiam in gratiam. No-uerat Spurius, quanti referret, in cædibus habere Mortonios præsentem. Erat Mortonius iste (vt vno verbo compliciti vniuersam notionem) audacissimorum insidiosissimus, insidiolissimorum superbissimus, superbissimorum auarissimus, auarissimorum libidinolissimus, quale mōstrum ex quibus vitijs, & inter se quam diuersis confectum: ferunt isti duo sibi mutuas operas, cerebri, Spurius Mortonio, lacerti, Mortonius Spurio. Nam quam Spurius in inueniendo fœlix, tam in aggrediendo scelere audax Mortonius. Mortonij ergo vicariam operam supponit Spurius, vt in nece Davidis antea, sic hoc tempore in Regis insidijs secutus ille animi, & meditans potius quam moliens Regi suo mortem. Comes Mortonius toto animo & cogitatione intentissima defixus in Regis necem, alios vocat in societatem sceleris, magnos illos, qui audeant subire: multos qui possint concoquere inuidiam sceleris. In his Princeps Bothuellius. Cum hoc agunt, vt solus agat omnia. Præmium

necis regis promittunt, Reginam ipsam. De vxore, quam habuit Bothuellus, facile extortum iri libellum repudij, Reginam nihil moretur. Si resistat, cogendam huc minis: si annuat, colendam omni officio, vt pulcherrimam orbis. Bothuellus nihil habet prius quam vt prædam hanc, optimam, optimam regni consequatur. Etiam omnia quasi in eius felicitatem conspirarent, fluunt ad voluntatem, locus, tempus, oportunitas, ministri sceleris. Illud enim tempus dictum erat conuentui Edinburgi habendo. Huc confluxerat multa nobilitas, vt in multitudine qua amantium, qua odientium, putaretur cædis suspicio posse facile deriuari aliò. Deinde Rex extra vrbs mœnia, morbidus scilicet ad salubrioris aeris commodam placidamque captationem, hæsit. Bothuellus cum percussoribus nocte è castello surreptat ad Regis diuersorium, puluerem tormentarium spargit subcus ædibus regijs, artem certam cœuellendis subruendisque fundamentis. Rumor est, mentem & spem excidisse primum Bothuello, volebat enim vi pulueris subrutis ædibus obterere Regem, sed Regem animaduersis insidijs, cum puero correp-tasse in locum subterraneum. Bothuellum autem canis & vestigij indicio inuentos & erutos strangulasse. Certior fama, irruisse prius licarios in cubiculum regium, occupatumque & interpressis faucibus extinctum exposuisse cum puero in citum agrum, quasi vi pulueris iactum in aera. Quicquid est de modo, ædes subrutæ, Rex interemptus, turbatum in aula. Varius sermo, horum illum, illorum hunc suspicantium auctorem sceleris. Spurius sibi cavit à sceleris, si non suspicione, certe flamma. Nam simulato vxoris graui morbo, diem ante cesserat aula, quam Rex senserat vim. Hæc Spurijs ereptatio, obtéta velo vxorij morbi, bonis præbuit materiam suspicandi malè de illo. Quo enim magis sonabatur pedem exuere laqueo, eo collum induebat magis. Quicquid alij suspicantur & obganniunt, ipse in sinu gaudet, ereptum iam è rebus qui res illi fecit turbidiores: reliqua sperabat fore prouiora. Si quidem Reginam, vt sceminam, vt meticulosam, & impotem consilij in tantis turbis facile posse induci in laqueum, huc enim intentaacies, vt Regina subblata, aut in ordinem redacta Spurius solium ascendat, & diadema heredi intercipiat. Obex illi à Regina viua, & solus obex, vel remouendus arte, vel discindendus vi, arte incœpit, vi finijt. Erat Bothuellus, vir maximorum spirituum, quos ambitionis flamma perpetim alebat. Huic flammæ subijciebat Spurius materiem bene magnam ex spe potius Reginæ. Persuadet nihil impedimenti in vxore esse, facile diuortium impetrari, Reginam coactam iri, si repugnet, irritum iri, si pro-

p̄endeat se suosque omnes adfore manu, consilio, virtute, & ad rem san-
ctius confirmandam, fidem quemque suam testari & obstringere iura-
mento, syngrapha, sigillo. Bothuellus gratulatus è cælo obiectam sibi
prædam optimam, optimam orbis, & reputans secum potius quid vani
decoris, quam quid veri dedecoris, sudat, alget, vt in amore Reginæ, vt
de re regni: Nec prius posuit modum furori & flagitio, quam se & Re-
ginam suspicionum & legum pedicis implicitos penitus perdiderrat.
Prensat per se, per suos: sed per suos obtinet non per se. Spurius enim
mentem Reginæ pertentat omni arte quoad expugnatat. Esse turbas,
solam non posse compescere: esse insidias, formidā non posse excludere,
esse molem regni, iuuenulam non posse sustinere; deinde res turbatas,
sine Ailantis alicuius humeris fore perditas. Quare nisi velit pati extre-
ma omnia, in societatem lecti, periculi, consilij esse asciscendum, qui
possit, qui velit, qui audeat opponere frontem. Hulus notæ esse Bothu-
ellum, tam heroem virtute, quam speciem hominem. huius virtuti nihil
inuium, huius viribus nihil obuium; si pergat esse strepera, nec sanis
consilij acquiescat, solam fore, & plane perituram, quia solam, quan-
quam perituram non solam, sed cum repub. miserrimè. Regina moue-
tur facile reipublicæ nomine, & mouetur in Bothuelli nuptias. Ve-
rum cum fuerit ille ambutus flamma suspicionis de Regis nece, prius
se collocitaram assensum, quam tribunal, pro more gentis veteri, eum
declarat partem illius sceleris. Spurius vrget rem, in qua momentum
sux spei. Dicta dies iudicio. Obit vadimonium Bothuellus. Mortoni
comes, cerebrum manusque Spurij, alijque huius sordis clientes agunt
causam Bothuelli, quasi suam: imo maiori contentione, quam suam.
Nam quod ipsi suo nomine vix ausi fuerāt tentare, vt publica opinione
damnatus publice pro foro absolueretur, & à Regis cæde integer declara-
tur, id Bothuelli causa, perstant, & præstant. Regina credens iudicium
esse sincerum, nulloque fraudis tegumento implicitum: quas nuptias
cum Bothuello pacisci cogebatur, eas vt publice salutares, (hanc ei mè-
tem impressit Spurius) potius quam sibi gratas maxima regiaque pom-
pa celebrauit. Illic habet, cur serio triumphet Spurius. Laqueum enim
quem multos annos necebat Reginæ perdendæ, eius iam pedi & pœnè
collo induxit. Si quidem has, quæ pactæ, factæ erant, nuptias, spargit
non esse veras nuptias, sed feralem nuptiarum pollutionem, totique
regno fatalem futuram, nisi vindicetur. Reginam calumniatur teten-
disse machinationem capiti Regis, claro indicio, quod Bothuello stra-
verit lectum, non solum percussori mariti, sed marito etiam alterius

misericordia. Nam expectatur inde è Gallia Spurius, facti, infestis iudex. Multa certe in hoc genere indignissima; nihil indignius, quam Spurium fore iudicem, accusatorem, custodem. Spurium legitimæ iudicem non fert æquitas. Subditum domine accusatorem non sinit lex. Hostem Regine custodem? non patitur ratio. Etsi illi harum fraudum in Scotia architecti omni dimicatione apud Spurium laborarint, ut rodeat, nec pulchras oportunitates absentia aut mora sua corrumpat: is tamen timens capiti suo, à quo omnia illa in Reginam mala derivata sunt, significavit aperte, nisi Regina extincta, se Scotiam vestigio non impressurum. Iterum atque iterum viget tempore, occasione, Regine custodia, potentia amicorum, hostium infirmitate. Acres hinc viro bono stimulis, actiores inde quod signis non obscuris ostenditur, hæc omnia peritura punctulo, nisi redeat: & qui potest stare solus, casurum cum multis. Post hunc nuntium, res illæ omnes promptæ expediteque ad iter. In ipso procinctu, Gallo regi sancte promittit omnia, Regine causa. Primum, se nihil omisurum, quod ad Regine honorem spectat. Deinde perduelles quicquid contra Principem, patriam, leges peccarant, se vindicatum, principis auctoritate, patriæ voce, legis vi: pulchrè dictum. Credo, quia ad fraudem. Indicium fraudis, quod omnia facit contraria, sed eo obtentu iustitiæ, ut putes hunc Catilinam esse Solonem. Quare ut colligat apud populum iustitiæ bonæque mentis rumusculum, omnes primum, quos afflatat suspicionis mala aura de Regis morte, citat, capit, condemnat, vindicat laqueo. Scilicet interest reipub. ut hic tyrannus censetur iustus, & cædis regis suspicis, quæ in nomine Spurijs alte infederat, paucorum minorum hominum sanguine eluatur. Post paululum ponit vestigium in scelere, quod summum cogitatur. Nam reginam quasi ream cædis, partim illic arte, partim cogit vi, ut regnum, omneque ius summum cedat filio; infantis Mater exuta, infans in cunis, uterque sub carnifice, aditum faciunt Spurio ad regnum, quod spe iamdiu & animo deuorauerat. Incendit ergo hic Spurius solium altissimæ suæ, omniaque permiscet odijs, litibus, furore, bello, hæresi, permiscet, & prostrat. Istud ille secutus est, & consecutus scelere, quod supra innumbraui, non pinxi. Sed satis ad historiam, siue innumbravi, siue pinxerim.

Regina Principum Catholicorum auxilio ex lacu Leuino evasit, & V. Non. Maij Hamiltonium venit. Qui Regine partibus studebat, collecto exercitu, decimo tertio die Maij, undecimo quam è custodia, Regina erat elapsa, cum rebellibus Hæreticis pugnavit. Sed Regina

inferior & victa, à Gallo in Galliam elicitur. Verum illa Angliam versus, blandis litteris & promissionibus cognatæ reginæ Elizabethæ inuitata iter intendit. Sed non multo post missa in carcerem nouemdecim annos pertulit tot insidias, tot iniurias, tot perfidias, tot sententias, quot certe poiteritas vix credat aut fœminæ à fœmina, aut reginæ illatas à Regina. Hic tamen non possum me tenere quominus exclamem, o *tristitiam*. Nam ipse carcer est illi theatrum virtutis. Anglos enim alios illectat, alios conuertit, alios confirmat ad fidem Catholicam. Audiui à quodam, qui à Regina hac Romanæ Ecclesiæ primum lac infuxerat, eam quociens ageret rem Ecclesiæ, locutam quodam quasi ore Dei, atque orationem ita vestijisse, non flore, sed spiritu, vt Deum quociens diceret, toties auditori imprimeret. Rectè ergo carcerem istum dixi theatrum illi virtutis.

Quarto tandem Decembris 1586. in arce Richemontana sententiâ capitis in Serenissimam Mariam latam publico edicto approbat Elizabetha, eamque quamuis cognatam suam nec vlllo modo subditam, eo quod catholica esset, securi feriri mandat. Decimo vero octauo Februarij, anni sequentis, nempe 1587. Sanctissima Regina pro Dei fideique Catholicæ gloria, cum inuicta animi constantia caput trunco imposuit, & carnifici refecandum collum, sine vlla mentis perturbatione, colorisue mutatione præbuit. Ipsiûs sanctissimum Martyrium & mortem ex ipsis hæreticis apponam vt constet etiam apud ipsos aduersarios quanta fuerit Sanctissimæ huius Reginæ opinio. Mors ergo ipsius reginæ in Anglia Londini eodem anno quo ipsa martyrio affecta est Anglicè ab ipsis hæreticis impressa, hæc habet. *Iussu sunt Comites de Schrasburi, & de Kendt tanquam tunc temporis viciniore Castello Fodringbaya & alij Domini, Equites, Nobiles, & Satrapæ Præuincie ubi præsentem apud dominum Anniam Paullet: & Drue Drury in quibus custodia arcis commissa erat sententiam exequeri, qui pridie voluntatem suam iussu Regine capite denuntiauerunt: quæ respondit, paratam se esse, idque diu expectasse: quærens quando statuisset exequeri. Qui se id in eius arbitrio relinquere responderunt, modo commisioni ipsis data satisfiat: & melius fore si posttradie fieret, die scilicet mercurij decimo octauo Februarij stylo nouo. Postera itaque die quæ 13 Februarij fuit, mane hora septima, conuenere ad dictum Castellum, prædicti Domini, Comites, Equites, Nobiles: ex Equitibus singulis concessum fuit, vt duos alios secum introducerent, reliquis vnum tantum: præceter 80. vel 100. homines, exceptis qui erant de familia & custodia arcis, præsentem essicefent. In maiori aula extructum erat theatrum latum pedes duodecim, altum duos, cinctum sapimento altitudinis pedum duorum, omnia recta*

parata nigro, in medio sedes una & pulvinaria. Hæc ita præparatis congregati sunt Domini intra octauam horam & nonam, miseruntque ad Reginam qui diceret se conuenisse, ut præcedenti die post meridiem ei denuntiatum fuit, eperireque scire, quando parata foret: Is nuntius cubiculum eius omnis familia inclusa expectatur inuenit. Quod ut domini intellexerunt, paulo post secundo miserunt eam mandatum, si nondum ostium pateret, pulsandi, & quod iussus erat indicandi, sed is inuiam apertam inueniens, per quendam ex eius famulis, quod in mandatis habebat, aperuit, ut Domini eius voluntatem cognoscerent; Qui responsum reddidit, nondum esse paratam. Post mediam horam miserunt tertio, qui eam post mediam horam fore paratam nuntiavit. Paulo post quidam ex Satrapis ascendit ad Reginam, quam cum suis pedissequis & famulis genibus flexis orantem inuenit, dicens, tempus appropinquare, quo audito surrexit, & respondit se paratam esse. Hic ducta à duobus viris familia arcis à cubiculo ad anteriorem cameram, quam vocant præsentia, inuenit ibidem domesticos omnes stantes & fientes, quos omnes ut Deum timerent, suis superioribus obedirent & similibus hortata est, inde singulis valedixit, fœminas osculande, manum exosculandam viris præbendo, orans ut inuictos ne contristarentur, sed gauderent potius, & pro se orarent. Hinc ad gradus deducta, Dominos istos ex aula reuentes obuios habuit. Comes Schraffburg accedentem sic alloquebatur, Adsumus Domina, ut exhibeamus Regiæ Maiestatis commissionem & mandatum, ut expediatur, quod tibi denuntiavimus. (quam commissionem, mandatum seu sententiam Comes à Rege in manu habebat maiori Angliæ sigillo munitam) Cui id responsi dedit, nolle se mori quam vivere. Converterens autem se, suum primum ministrum Meluin vidit, cui ait, fidelis serue Meluin, licet te esse patrem de protestantibus unum, ego vero Catholica sum, unusque tamen tantum Christus sit, & ego Regina nata, & Regina tua vincta, ex Regis Henrici VII. sanguine, mando tibi ut quemadmodum coram Deo rationem reddere voles, verè meo filio dilectissimo nunties quæ tibi dicam, videlicet me eum orare ut Deo seruiat, Catholicam Ecclesiam manu teneat, suum in pace regnum gubernet, nec se cuius alteri, (quod & ego semper feci) subiiciat, licet cum hac insula ipsius viri regnum desiderari, sed nunc id ei liberum relinquo, ut & ipse sic seruet, nec prudentia mundana nimium confidat: neque enim id semper commodum erit, verum in Deo spem suam ponat, diligenterque aduertat, ne male suspicandi occasionem Regina Angliæ præbeat, tunc Deus benedicet illi. Et tu Meluin mihi restis esse, me moti fidelem Scotam, fidelem Francam, fidelem Catholicam, uti semper professus sum: Et eiusmodi plura. Ad quæ Meluin: Veneranda ac suprema Princeps mea, sicut me fidelem tuæ Maiestatis hærens semper seruum præbui, sic etiam nunc per Dei gratiam, hæc tuæ maiestatis verba, & mandata, verè ac fideliter Regi filio tuo perferam. Conuersa inde ad Domini


rogabat, ut liceret sacerdoti suo, sibi in theatro adesse, quod ei Domini negauerit. Deinde ut & suos domesticos omnes presentes habere posset, quo Regi Francia & alij regni possent, se Catholicè defunctam esse: aliter consensum esse responderunt Domini, ne illi sua impatientia & lamentationibus animum eius inquietarent aut turbarent, illis adhibitis superstitionibus. Postremo è sacris quique cum duabus pedissequis ei concessa sunt: quandoquidem querebatur alias malè sibi fieri, & maiorem comitatum pedissequarum suæ dignitatis respectu petebat, spondens futurum, ut nec earum lacrimis, nec clamoribus impetraretur oratio ad hæc, omnibus ministris & domesticis suis ut, inque sexus ad suos in patriam libere redeundi, ut potestas fieret, comitatu, qui sic uros decerneret, addito, &c. Vi singuli absque ulla impedimento vel arresto seruare possint, quæ ipsi domaret: Secundo dicens hæc uerba, Domini mei: Per Deum adiuro uos, ut ita fiat. Tota hæc deducta est ad theatrum à duobus ministris gubernatoris arcis, in quo quia consilere commodè non poterat, in sede resedit, Comite utroque etiam in theatro confidente. Vbi tum Secretarius Beale, litteras mandata executionis clara voce legit. Regina vestitus idem erat, in quo etiam ante comparuerat coram Dominis & officialibus regni, ex nigra nimirum & pretioso holoserico, una manu ferebat crucem ligneam vel osseam, cum effigie Christi ex ea dependentis, altera librum: Eiusdem è collo antica crux pendeat, de singulo uero rosarium. Proximus ei quidam Doctor assabat Decanus Petrus Borungus, qui eam de Dominorum mandato hortaretur, ut Christo fideret, & Christianè moreretur, quem exhortari incipientem ipsa impediuit, clara voce petens & mandans, ut taceret, ad monitum se satis paratam asserens: Eo uero respondente se aliud nil dicturum, quam quod sibi mandatum esset, & ueritati conforme. Plura in hanc sententiam dum proferret, iterum ipsa exclamauit, sile magister Decane, nolo te audire, nihil mihi tecum negotij est, turbas me: Illam itaque ne perturbaret, indictum ei silentium est. Porro Comes à Kende dixit, vicem tuam Domina doceo, eo etiam nomine, quod inania hæc & superstitiosa in manibus tuis videam: cui respondit, crucifixi Christi effigiem ut præ oculis haberet deceret: quo illius recordaretur: subiecit ille, oportere eam Christum in corde ferre, addens (ipsa licet recusante audire) se pro ea oraturum (etiã si ab altissimo oblatam gratiam nolit recipere) ut Dominus ipsi peccata cõdonet, eamque in regnum recipiat. Ad qua illa, ora tu, & ego quoque orabo. Decanus uero prædictus flexis ad gradus genibus, clara & intelligibili uoce effecacem orationem, ætæni conuenientem recitabat, orans tam pro eius maiestate sua suprema Domina, quam pro Regni prosperitate, eandem populo & spectatoribus simul cum ipso orantibus, quod ipsi dum facerent, Regina clariori uoce propriam suam orationem latinam pronuntiabat, prædictam crucifixi Christi imaginem manibus tenens. Finita prece carnis flexis genibus veniam ab ipsa petens, quam

Præit, quam ipsa libenter, & illi, & omnibus qui hæcenus eius sanguinem suffecerant, sincere concessit, sicut à Domino sibi condonari peccata cuperet, deinde ardentem & affectibus plenam precationem flexis genibus recitavit, Deum pro remissione omnium peccatorum suorum in genere rogans, dicens sperare se per Christi mortem, eiusque effusum sanguinem, consecuturam salutem æternam, seque prostratam pedibus eius, quem illa crucifixi imago representabat, sponte lubentique animo suum quoque sanguinem profundere. Orabat præterea pro saluti statu Regine Angliæ, optans ei, ut multo tempore bene & pacifice regnum suum gubernaret, Deoque fideliter serviret: pro totius etiam insula prosperitate, & assidua felicitate Christi Ecclesiæ rogans. Pro filio deinde suo Rege orans instam & pacificam sui regni administrationem, in vero Dei cultu, & conversionem ad Catholicam Romanam Ecclesiam precabatur. Postremo sanctorum omnium eo die pro se intercessionem petebat, exoptans, ut Deus per suam immensam misericordiam dignaretur auertere flagella sua ab infelici hac insula, peccatorum sibi omnium remissionem concederet, animamque corpore solutam per angelicas manus in cælum reciperet. Quibus peractis ab oratione surgens, ad excipiendam mortem se præparare cepit, depositis ornamentis, & tunicam exuens, adiuuantibus eam duobus pedissequis suis: Cum vero uterque Lictor quoque innare vellet, dixit se hæcenus non consuevisse coram tanta multitudine spoliare se vestibus, neque talium nobilium opera in eo viti: Demisit autem exteriorem vestem ad medium usque, interioris tunica pars superior sic excisa erat profunde circa collum, ut vndique illud nudum exhiberet, in dorso vero ligula confuta multum in omnibus istis absoluebat festinans, Pedissequis osculum prabens valedixit, quarum altera magna voce lacrimante, sile ait, noli plorare, nonne ego pro vobis spondendi vos nullum clamorem edituras? quin estote hilares, eisque manu benedicens, mandavit illis è theatro ut discederent: sic vero iam præparata, conversa ad ministros, qui in vicino loco flexis erant genibus, signo crucis manu formato, eis benedixit, iubens eosdem testes esse, quod catholicè moretur, rogans ut pro se orarent, & subito in genua procidit, magno & intrepido animo, absque omni coloris mutatione, nullo mortis timoris signo edito. Altera deinde eius pedissequa accedens, linteo ipsius oculos velavit, sicque flexis genibus clara voce orabat Psalmum lxx. In te Domine speravi non confundar in æternum, in iustitia tua libera me, &c. quo finito constanter corpus inclmans, collum tunc unco imposuit, clamans magna voce: In manus tuas Domine commendo spiritum meum. Altero autem Lictorum manus eius inferne detinente, alter utraque manu secus eam bis feriendo, caput procidit sic vitam cum morte commutavit. Hæc ad verbum (ut dixi) ex ipsius Regine morte ab hæreticis Lōdini in Angliâ vernaculâ linguâ impressa ex quibus Sanctissimæ Regine in fide Catholica constantia apparet.

Ex his omnibus facile conitat huic Regine Sanctissimæ à natiuitate suâ, vsque in diem gloriosi Martyrij sui, non defuisse hæreticorum persecutiones. Plura qui cupit hac de re adeat Ioannem Lesleum Episcopum Rossensem Catholicum, qui Reginæ diu à confessionibus & secretis fuit, & Georgium Buchananum Calvinistam impijssimum & mendacissimum, qui quamuis impudentissima mendacia de reginâ hac Sanctissimâ confinxerit, non potuit tamen (veritate victus) persecutiones eius non obiter enumerare libro xvii. rerum Scoticarum folio 583.

Extat huius Reginæ cultissimum Epitaphium ab VRBANO VIII. nunc Summo Pontifice, tum septemdecim annorum adolescente, quod hic lectori subijcio.

*Te quamquam immeritam ferit ô Regina securis,
Regalique tuum funus honore caret.
Sorte tua gaude, marens neque Scotia ploret.
En tibi pompa, tuas quæ decet exequias.
Non tibi non paries atro velatur amictu;
Sed terras circum nox tenebrosa tegit.
Non tibi contextis lucent funalia lignis;
Sed cæli stella, Nania tristis abest.
Sed canit ad phœtærum superum chorus aliger, & me
Cælesti incipiens voce, silere iubet.*



§. 2^{us}.

DE MINISTRORVM ET PRÆDICANTIVM SCOTORVM MORIBVS VITÆQVE RATIONE.



ERASMVS vir summa apud Nouatores auctoritate præditus, qui & res Nouatorum optimè nouerat, & ab eorum doctrinâ non omnino abhorreere visus est, de ipsis ad Vulturium scribens, ita loquitur: Circumspice populum istum Euangelicum, & observa num minus illic indulgeatur luxui, libidini & pecuniæ, quam facine n quos detestamini. Profer mihi quem istud Euangelium ex commessatore sobrium, ex feroci mansuetum, ex rapaci liberalem, ex maledico benedicum, ex impudico reddidit verecundum. Ego tibi multos ostendam, qui facti sunt se ipsi deteriores. Quod si Erasmus ita de Reformatis qui sub initio promulgati noui Euangelij vixere, loquatur, quando recentes scope omnium optimè verrere,

& purgare dicuntur, quale ferret testimonium de nostræ Scotiæ modernis Ministris iam prorsus attritis, si ipsi conscribenda eilet epistola. Certe illorum vita dissoluta & impietas tanta est, vt nullâ ratione explicari posse existimem: Ego de tribus tantum ipsorum vitijs, libidine videlicet, auaritiâ, & ignorantia, reliquis relictis, obiter hic aliquid dicam.

Et vt ab ipsorum libidine exordiar, continentiz ex multis millibus vnum deditum non inuenies, nec qui cœlibem & castam vitam degere velit: sponsonem audeo facere cum illis, quod ne vnicum prædicantem, percurrant totum Scotiæ regnum, edere possint, qui cœlebs vitam clausit nisi immaturâ morte, in ætatis flore, senectuti præreptus. Imo etiâ senes omnino decrepiti & exhausti iuuenas ducunt, & succi plenas, cum quibus ad vltimum vitæ spiritum libidinenter. Alij etiam qui steriles sunt, & naturâ prorsus ad matrimonium inepti, tamen vxoribus duabus, sine coniugali fructu iam pertritis & sepultis, tertiam & quartam, ætate prouectiore cani, & incontinentia debiles superducunt. Noui etiam prædicantes qui quadragesimum ætatis annum in vita cœlibe compleuerant, statum coniugalem falsis sæpe verbis deridentes, quod in eo illis quas deperirent, potiri non possent, & iam imminente quinquagesimo, rapta potius quam ducta vxore, ob contractus celeritatem, prorsus instar vegetorum iuuenum prurire, & lasciuire, præter naturæ, vel ætatis consuetudinem, incipiebant. Alij denique sunt qui nec vxoribus contenti puellas viduasque violant. Mallem equidem in his esse mutus quam de ijs loqui nisi veritas ipsa & odium quo Caluisticam illorum religionem eorumque vitia prosequor, hæc me dicere cogerent: nec mirum videri debet tales esse in Scotia prædicantes, cum ipsorum religio à Caluino homine pessimæ vitæ & infamia notato, introducta fuerit. Constat enim ex actis iudicialibus Nouioduni, illum conuictum, & per sententiam damnatum, de nefando crimine Sodomitico, & publicè exurendum fuisse, nisi ad preces Episcopi pœna ignis fuisset commutata in supplicium virgarum, & ferri candentis in tergo vstulationem. Videri possunt Hieronymus Bolsecus in vita Caluini cap. 7. Iulius Brigerus in eiusdem Caluini vitâ pagina 59. qui hoc idem de ipso testantur.

Auaritia illorum tanta est, vt omnem fidem superet, nam maiores vsurarios in toto Scotiæ regno, illis, non inuenies, quâ in re ne longior sim hic tantum apponam aliquid cuius oculatus sum testis. Aberdoniæ (vrbs est hæc in Scotia Episcopatu, Vniuersitate, alijsque de causis celebris) Dauid Ret Collegij regij primarius, anno integro in templo Diui

Macarij contra vsuram & vsurarios concionatus est, & tamen non tantum in illa ciuitate, sed ne in toto tractu Aberdonensi maior vsurarius inueniebatur.

De ipsorum ignorantia vix attinet dicere, quemadmodum enim alibi ita & in Scotia omnis pœne doctrinæ expertes sunt; nec mirum nã ipsorum doctissimi quique, post Philosophiam suam textualem statim ad prædicandum promouentur, docentque alios (vt recte Hieronymus) ante quam discant. Audiui ego in præfata Aberdoniæ ciuitate in conuentu Ministrorum (exercitium vocant ipsi) quendam ex ipsis Guiljelmum Vallace nomine in concione sua, Illustrissimum Cardinalem Bellarminum refutantem, cum tamen nunquam aliud quam syntaxim didicisset, nec duo verba latina recte proferre posset. Hæc breuiter.



CAPVT TERTIVM.

§. 1^{us}

ANTIQVITAS RELIGIONIS CATHOLICÆ APVD
SCOTOS, EORVMQVE IN EADEM CONSTANTIA
explicatur.

PRÆCLARVM libellum de Christianæ religionis antiquitate apud Scotos scripsit (suppositio nomine Georgij Tomsonij addito) Iacobus Tyrius nostras, cuius memoriam non Scotia modo, sed Parisij, Roma, Germania, Gallia, Italia, ipsa Societas Iesu assistentem pro Gallia, Germania, &c. cum excederet, pietatis & doctrinæ nomine operose coluit, grataque reuerentia æternum prosequetur. Eius libelli maximam partem hic lectori subijciam.

Britannia Insula in Scotiam, & Angliam diuisa est, etsi Scotiæ Regi præter Scotiam Hæbrides Insulæ, numero quadraginta tres, & Orcades numero triginta & vna, sint subiectæ, quarum aliæ triginta, aliæ viginti quatuor milliaria Italica in longitudine continent. Seuerus autem Imperator, illam Britannæ partem quæ Romano parebat imperio, vallo, cuius vestigia in hodiernum diem extant, à Scotia distinxit. Postea tamen factum est, vt quod intra vallum Seueri, & Tuedam flumini interiacet, Scoti suo regno adiecerint, vt nunc Tueda flumine ab Anglis diuidantur. Et quamuis Britanni à reliquo orbe sint diuisi, & Scoti in extrema etiam illius parte, sedes suas acceperint, ea tamen erga

illos, diuina exitit prouidentia, vt inter primos fere Europæ populos, Christianam fidem susceperint, ac longissimo etiam tempore ad nostrâ vsque ætatem eam diligentissimè conseruarint. Ex Scottorum quippe Annalibus, ac perpetua quadâ maiorum traditione constat, sub Victore Pontifice ad annum Christi 103. Donaldum Scotiæ Regem cum enseruo suo regno, Christiana sacra suscepisse, cuius etiam rei non obscurus testis est Tertullianus qui in libro suo contra Iudæos, *Britannorum* (inquit) *inaccessa Romanis loca, Christo vero subacta sunt*; Neque enim ignorabat vir in Romanorum historijs versatissimus, quod tum totiorbi notissimum erat, & sub Iulio Cæsare, & sub Claudio Imperatore, alteram Britanniæ partem Romano Imperio subditam fuisse, præsertim cum, vt refert Iosephus de bello Iudaico, libro 2. cap. 16. Romani in Britannia Insula, ne quam populus ille seditionem excitaret, quatuor legionibus perpetuo alerent, quo fit, vt apud Tertullianum ea Britanniæ pars intelligi debeat, quæ nunc Scotia dicitur, in quam Romanorum arma nondum ea ætate penetrarant. Chrysostomus etiam in sermone de Persecoste, ex illa vulgi opinione, qua Scoti humanis carnibus vesci putabatur, *Britanni* (inquit) *qui aliquando humanis vescabantur carnibus, nunc autem suas ieiunius reficiunt*. Et in homilia, quod Deus sit homo, apud eas fundatas ait esse Ecclesias, & erecta altaria. Eodem spectat, quod refert Hieronymus ad Marcellam, Britannos si in religione processerint, occiduo sole dimisso querere locum sibi, fama tantum, & scripturarum relatione cognitum. Neque qui in veterum scriptis, vel mediocriter versatus est, ignorare potest, inter eas gentes, quæ tum Christianam religionem profitebantur, Britannos etiam, ac non sine laude numerari: inter Britanniæ vero populos, Scoti antiquissimi, scriptorum opinione censentur, vt inter alios, testis est grauissimus author Petrus Venerabilis lib. 8. Ep. 16. vbi varias Ecclesiarum origines enumerat. Et quamquam in ea Britanniæ parte quæ Romano subdita erat Imperio, variz in religione mutationes extiterint, in Scotia tamen, vt ex certissimis historiæ monumentis liquet, nulla in hanc vsque ætatem mutatio exitit: sed in ea quam semel acceperunt Scoti fide ac religione constantissimè permanserunt. Diocletiani quidem temporibus, grauissima in ea parte Britanniæ quæ Romanis parebat persecutio est excitata, in qua & Albanus miles Martyrii palma est coronatus: de quo, Fortunatus de laude virginum.

Egregium Albânium secunda Britannia profert.

Ea tamen Scottorum fides non attigit.

Ariani postea

eandem Insulæ partem suis hæresibus infecerunt, vt inter alios testis est Bedæ lib. 1. historiæ cap. 8. sed Scoti ab ea quoque procella, diuino etiâ munere sunt seruari. Neque ex vlla constat historia, Arianæ hærescos contagionem, Scotiam peruasile. Post Arianos exorti sunt Pelagiani, qui eo magis pertimescendi videbantur, quod Pelagius. illius hæresis primus auctor in eadem Insula natus esset: quem propterea, Augustinus transmarinam pestem nominauit. Et Prosper carmine de ingratiss.

— *Colubrum sermone Britannum.*

Sedis tamen Apostolicæ cura & sollicitudine, Scotis prouisum est, ne Pelagiana hæresi inficerentur: Nam vt ex Gallijs Germanus Alciſiodorensis Episcopus & Lupus Trecentis, ad Britones profecti sunt, qui doctrina, ac miraculis, hæresim ibi succrescentem represserunt. Ita à Cælestino Papa, tum Petri sedem tenente, missus in Scotiam est S. Palladius, qui eam à Pelagiana hæresi tueretur. *Missus est,* (inquit Bedæ lib. 1. cap. 13.) *Palladius in Scotiam ad Scotos in Christum credentes; & ante illum Prosper Aquitanicus, qui Cælestini ætate vixit, in libro contra Collatorem, sub finem, Ordinato (inquit) à Cælestino, Palladio Scotis Episcopo dum Romanam Insulam studet seruare Catholicam, fecit barbaram Christianam:* Britannia enim tum Romana Insula dicebatur, quanquam non tota Romanorum subdita fuisset imperio. Palladius vero, non modo ab hæresi Pelagianæ pestis, eam Britannix partem, ad quam missus est, conseruauit, sed & Orcades Insulas, tum barbaras & incultas, vt ex Scotorum constat annalibus, ad Christum conuertit. Cuius S. Palladij memoria, in Mernia Scotiæ prouincia, in qua illius conditæ erant reliquæ, frequentissimo hominum concursu, ac summa pietate ad nostram, vique ætatem colebatur.

Sub hæc tempora, religio Christiana in grauissimum adducta est discrimen, inter Britones enim, qui Romanis subditi erant, & Scotos perpetua bella gerebantur. Cum vero Britones à Scotis premerentur, Epistolam valde supplicem ad auxilium implorandum, Romam mittunt, in hæc verba, vt refert Bedæ lib. 1. cap. 13. *Actio ter Consuli, Gemitus Britannorum. Barbari ad mare repellunt, repellit mare ad Barbaros: inter hæc, oriuntur duo genera funerum; aut mergimur aut ingulamur, &c.* Sed cum Imperator Romanus Theodosius iunior, cuius imperij vigesimo anno hæc Epistola scripta erat, nullum ad eos subsidium mitteret: ne quid non experirentur, malum malo sibi cumulant: in Germaniam ad Saxones, falsorum Deorum veneratores, auxilij gratia confugiunt. Quod illi quidem tulerunt libenter, sed maximo Britonum ipsorum incommodo:

Cum enim Saxones numero, ac virtutibus, potentiores euaderent, Britonibus magna ex parte è suis sedibus depulsi, illam fere Britannicæ partem, quam Britones prius incolebant, sibi vindicarunt & ab eorum etiam duce, siue gente, illi nomen imposuerunt, vt Anglia deinceps vocaretur, & populus Anglorum, vel Anglo-Saxonum nomen acciperet: quo etiam factum est, vt Saxones adhuc gentiles suam gentilitatē, in magnam illius insulæ partem inueherent, quod ad initium Imperij Martiani Imperatoris contigit. Scoti vero ea tempestate, vt cum Saxonibus bella gerebant, quo suas ditiones ab eorum incursibus tutas & intactas conseruarent: ita in religione Christiana suscepta, nihil ex nouo Saxonum in illam Insulam aduentu, incommodi sunt passi: quia potius, cum à Gregorio magno ad Anglo-Saxones Augustinus Episcopus missus esset, vt populum illum gentilem, Christiana religione imbueret; Scoti diligentem etiam operam in eodem populo excolendo contulerunt: vt testis est Beda lib. 3. cap. 3. *Osualdus* (inquit) *Rex misit ad maiores natu Scotorum, cuius ministerio gens quam vegebat Anglorum deuotio fidei, & dona disceret, & susciperet sacramenta.* Missus vero est *Aidanus* summa mansuetudinis, ac pietatis vir: & paulo post. Imbuebantur à Præceptoribus Scotis, paruuli Anglorum cum matribus, studiis, & obseruatione disciplinæ regularis. Id quidem verum est, quosdam Scotorum Episcopos, in ceremonijs quibusdam Augustino Anglorum Episcopo restituisse, quod eas non existimarent esse Ecclesiæ Romanæ, sed ab Augustino inuectas, ac etiam in suis diocesisibus adhuc morem illum Asiaticum retinuisse, vt nō nisi decima quarta luna, iuxta veterem Iudæorum consuetudinem, Pascha celebrarent: *Misit* (inquit Beda lib. 2. cap. 19.) *Honorius Papa literas genti Scotorum, quos in obseruatione sanctæ Paschæ errare compererat: exhortans ne paucitatem suam, in extremis terra finibus constitutam, sapientio rem antiquis siue modernis, quæ per orbem terrarum erant Christi Ecclesijs, astimarent, neue contra paschales computo, & decreta synodaliū totius orbis Pontificum, aliud Pascha celebrarent: sed mos ille, & nouus erat, & à paucis receptus, vt ex Epistola Clericorum Ecclesiæ Romanæ, ad Scotos constat Scripta* (inquit) *quæ perlatores ad sanctam memoriam Severinum Papam adduxerunt, eodem de hac luce migrante, reciproca responsa, ad ea, quæ postulata fuerunt, siluerunt, quibus referatis, ne diu tantæ quæstionis caligo indiscussa remaneret, repersimus quosdam prouincia vestra contra orthodoxam fidem, nouam ex veteri heresim renouare conantes, Pascha nostrum in quo immolatus est Christus, nebuloſa caligine resuantes, & quarta decima luna, cum Hebræis celebrare nitescentes: quo Epistolæ principio, inquit Beda lib. 2. cap. 19. manifestè declaratur,*

& nuperrimè temporibus illis, hanc apud eos hæresim exortam, & non totam eorum gentem, sed quosdam ex ijs, hac fuisse implicitos. Hæc Beda. Qui etiam pauci, post sedis Apostolicæ, admonitionem, errorem suum suauia animi demissione reliquerunt.

His etiam temporibus, occulta, ac latentia in quorundam animis, Pelagianæ hæresis semina emergere cœperunt, ut ex eadem Epistola constat: *Et hoc quoque* (inquiunt) *cognauimus quod virus Pelagianæ hæresis apud vos, denno renouiscit, quod omnino hortamur, ut à vestris mentibus huiusmodi venenatum superstitionis facinus auferatur*: & paulo post, hortamur ne quorum arma combusta sunt, apud vos cineres suscitentur: sed ut antea Pelagiana hæresis nullas in eo regno radices, figere poterat, ita & ea ætate, illius renascentis reliquæ, mox sedis Apostolicæ auctoritate, sunt suppressæ. Neque ab hoc tempore vsque ad annum Christi millesimum quadringentesimum legimus, hæresim vllam Scotiam inuasisse. Illo vero sæculo missus est Paulus Crauius a Viclefio Anglo, qui hæreseos sæpe in eo regno spargeret venena: quod cū ille in Academia S. Andreæ, summa calliditate esset aggressus, vbi virus se prodere cœpit, capitur ac cum neque Patrum auctoritati, neque scripturarum testimonijs cederet meritis lux impietatis pœnas flammis consumptus perfoluit. Neque vero satis fuit Scotis, religionem domi integram conseruare, sed & suis minime contenti angustijs, apud exterarum gentes eam summo studio propagarunt. Huius rei testis est S. Mansuetus, quem Scotū fuisse, ex antiquissimis Tullensium Ecclesiæ monumentis constat. Testis est S. Kilianus, Herbipolensium Episcopus quem Beda in Martyrologio ad viii. Idus Iulij, ex quadam Insula Scotiæ, testatur cum socijs profectum in Germaniam, ac ad Menum fluuium Christi fidem prædicasse, & martyrio coronatum: ob cuius, scilicet Episcopi memoriam, apud Herbipolenses fundatum est amplissimum pro Scotorum gente monasteriū. Testis est S. Bonifacius, primus Moguntinorum Episcopus, Frisiam, & alios Germaniæ populos fide Christi illustrauit. Marianus Scotus lib. 2. sub finem, meminit Epistolæ Gregorij tertij, quam scriptam testatur ad Bonifacium Scotum Moguntinum Episcopum. Et Tritemius de scriptoribus Ecclesiasticis, eum quoque Scotum fuisse refert: & in hodiernum diem in Rossia, quæ Scotiæ prouincia est, extat opidum Rossmarki, vbi natum fuisse Bonifacium, vna est, & consentiens illius populi à maioribus accepta traditio, ad cuius etiam memoriam, & Cathedralis Rossensis Ecclesia dicata est, multaque alia extant illius in ea prouincia in hodiernum diem monumenta. Sed quia in Anglia vitam

monasticam

monasticam aliquandiu professus est, vulgò Anglus putabatur. Testis est S. Romualdus, qui ob Christi fidem martyrio coronatus est. Colitur Mecliniæ, Kalend. Iulij, ac vt refert Molanus, in suo indiculo Flandriæ, pro Mecliniensi Apostolo habetur. Testis est S. Colománus cū socijs, qui cum vniuersam fere Germaniam, Euangelij prædicandi causa obiuisset, martyrij etiam gloriam adeptus est: cuius, ac sociorum triumphum, Ioannes Stabius, sub Maximiliano primo, saphico carmine eleganter descripsit. Testis est S. Patricius, prope Glasguensem ciuitatem in Scotia natus, cui opem, infantes Hyberni ex matrum pendentes vberibus implorare videbantur: ac vt refert Beda, in Hyberniam Insulam à Cælestino Pontifice, ad illius gentis salutem procurandam missus est. Plures recensere opus non est cum sequenti capite de his plenius dicturi simus.

Quantum etiam apud Scotos Monasticæ, ac religiosæ studium vigerit, testantur tam multa ab ijs, & tam præclara excitata Monasteria, in quibus, tot viri sanctitate, ac doctrinâ illustres floruerunt, vt non tantum domi, sed & apud exterarum gentes, ætioris vitæ exempla haud obscura reliquerint. Cuius rei vel vnus Columbanus (qui quod in montanâ Scotiæ parte natus esset, Scotus Hybernus à Beda, Mariano Scoto, & alijs nominatur) testis esse potest, qui in Gallia, Germania, & Italia, Monasteria amplissima erexit, apud Burgundos, sub Theodorico Rege, celeberrimum ab eo fundatum est Luxoniense monasterium, in quo, is erat Monachorum numerus, vt alij alijs succedentes, diuinas laudes assiduo cantu personarent, vt locus ipse ab omnibus Laus Perennis longo tempore diceretur. In Apenninis etiam montibus, cum ex Burgundia in Italiam venisset, Bobiense ab eo monasterium est erectum. S. Gallus illius discipulus, etiam Scotus, celeberrimum illud S. Galli monasteriū apud Heluetios erexit. Alia possunt id genus plurima referri; sed instar omnium est, quod in Germania quatuordecim opulentissima monasteria, in Scotorum gratiam sunt fundata, in quibus, ex sola Scotorum gente, in religiosos possent adoptari, quod etiam ante hæc tempora, vtrique & Germanorum & Scotorum genti feliciter cessit: quamuis hac ætate in Scotorum manibus tantum sit Ratisbonense monasterium. Quod sane antiquam Scotorum pietatem, haud obscure commendat, cum ob eam etiam apud exterarum gentes, in tanto fuerint honore, vt tam præclara, ac magnifica illis monasteria ædificarentur: Cui etiam pietati, & Vvalafridus de rebus Ecclesiasticis cap. 15. præclaram affert testimonium, Quamuis (inquit) genucationis morem tota seruet

sint tria monasteria, Ratisbonense, Bipolense, et Exfordiense.

Ioannes maior, qui & in Magistrum sententiarum commentarios & alia etiam plura ingenij sui monumenta reliquit. Apud Tritemium, & eos qui de Scriptoribus Britannicis catalogum confecerunt, longè plures liceat excerpere.

Et certe quamdiu apud Scotos Catholica religio vigeat, non tantum viris doctis, sed fortibus abundabat, ut domi ac foris ob rei militaris gloriam essent celebres. Testantur id tot bella domi gesta contra Britones, Anglos, Danos, Pictos. Quam præclara etiam suæ fortitudinis exempla apud Germanos reliquerint, quo tempore, cum Carolo Magno, cum quo, fœdere (ut ex superioribus constat) coniungebantur, militarent, ac post etiam in Galliis non raro, & in Italiam cum Carolo octavo & Ludouico XII. & in ipsa etiam Palæstinâ, ex multarum gentium constat Annalibus. Quod sane mirum non est, cum ea illius gentis pristina fortitudo extiterit, ut inter alias Romanorum laudes, hanc etiam Hegesipp^o lib. 5. de excidio vrbis Hierosolymitanæ cap. 15. numerare non dubitaret, quod eos etiam Scotia tremere. *Quid attexam* (inquit) *Britannias interfuso mari toto orbe diuises, & à Romanis, in orbem terrarum redactas, tremis hos Scotia que terris nihil debet.* Sed ex quo à Sedis Apostolicæ obedientiâ sese præciderunt, non modo à pristina illâ dignitate videntur degenerasse: sed qui antea clari & toti Orbi notissimi erant, verè nunc obscuri esse videantur: ut qui pristinam illius regni faciem, & gentis dignitatem quando in eâ Catholica florebat religio, ante oculos ponunt tam breui temporis spatio, eam tantopere degenerare potuisse, magnâ ducantur admiratione. Nam etsi ab anno ferè millesimo quingentesimo quadragesimo occulta quædam hæreseos semina in eo regno spargerentur, ac sensim etiam in multorum animis germinarent, ante annum tamen 1560. res in apertam non erupit defectionem, à quo tempore adeò ciuilibus bellis regnum illud exarsit, adeò cædibus ac sanguine cruentatum est, ut aliud nihil, quam perpetua quædam laniena extitisse videatur. Sed Deus qui in finem iram suam continere non solet, iam ab aliquot annis, multorum oculos aperuit, ac eorum etiam quorum est in eo regno præcipua ferè auctoritas, ut faciliè videant ex quo sælici rerum omnium statu, in quam profundum se malorum gurgitem demiserint, & iam pristina suæ temeritatis, ac infantiæ pertæli, ad Ecclesiæ Catholicæ gremium, à quo se sacrilego furore præciderunt, summâ animi demissione in dies accurrunt, adeò ut magnis à brevi tempore incrementis Catholica religio in eo aucta sit.

sed Mathildis viginti annos nata Alexandro persuasit, ut regno relicto Christum sequeretur: Alexander frater charissime (inquirebat) quid nunc ages? fratres tui mundum terramque deseruerunt, ut cælum acquirerent: regnum spreuerunt mortale, ut regna perpetua possiderent: tibi ergo soli regnum relictum est, pro quo es fortassis & cælestem gloriam, & animam perditurus. Nec mora, Alexander resolutus in fletus. Heu, ait, soror, & quid consulis facere? ego paratus sum quicquid iusseris adimplere. Quo audito, gaussa soror, accepit fratrem, & inatato habitu in Gallias se contulerunt, ubi eum & mulgere vaccas & lac ad coagulum coadunare, & caseos facere docuit. Inde venerunt ad Foniij Claustrum, ordinis (ut dictum est) Cisterciensis, ubi soror locauit fratrem pro mulcore Vaccarum, & probatus inuentus est (inquit Cantipratensis) in optimis caseis faciendis. Hinc monasterij fratrem conuersum factum soror alloquitur, dicens. Multum charissime frater apud Dominum mericum acquiramus, quod terram parentesque dimisimus, sed in hoc specialissimam remunerationem habebimus, si usque ad tempus futurum quo nos inuicem in cælo ad consolationem perpetuam videamus, ad præsens nos, ut nullus nostrum amplius alterum videat, ab inuicem sequestremus. Hoc audito fleuit frater, grauius istud dicens omnibus quæ dimisit: & licet inuitus, imperat animo, & à sorore totaliter separatur. Illa autem ad octo leucas, in villa quæ dicitur Lampion seu Alapion, ibidem mansura, secessit: domunculamque parua habens quali auarum tugurium, solo manuum labore vivebat. Domum vel eleemosynam alicuius accipere, nec cogi poterat, nec rogari. Cum cæteris pauperibus in Augusto spicas colligere recusabat, sed extrema cū porcis quæ vix euaserant diripientium manus rarissime colligebat. Vix aliquid substratum habebat membris, & caput iacens humeris equatū, cibum & potum incumbens callosis genibus capiebat: hoc idem & in prolixissimis precibus faciebat. Celebrabatur ubique Mathildis, & eius fama sanctitatis longè latèque manabat, atque ad miraculorum multitudinem, quæ Deus per suam operabatur sponfam, excitati viri & feminaeque promiscuè certatim ex ædibus aduolabant, gestientes sanctissimæ virginis ora cominus intueri, vel orationum suffragia reposcere, vel varijs oppressos morbis offerre, vel denique salutare aliquod consilium pro animarum salute exquirere. Tandem nouem annis ante mortem, à quibusdam militibus, qui eam in Scotia viderant, agnita, ut gloriam declinaret inde aufugisset, nisi ab incolis vi retenta fuisset. Multis miraculis in vita & post mortem clara ad Christum migravit, sub annum Christi

1169. Fit etiam eius commemoratio duodecimo Aprillis. De eâ agunt Thomas Câtipratenfis lib. 2. cap. 10. Splaellus libro de Maria Deipara, Trinitate, de Virginibus, sect. 7. num. 61. & alij.

7. die **S** Sanctus Congallus Abbas Benchorensis Monasterij in Scotiâ, cuius conuersatio in cælo erat, & hoc insignior quod ex occupationibus tantis (erat enim multorum monasteriorum Pater & superior) totque peregrinationibus in visitandis monasterijs susceptis, non inde laxamentum sed pabulum & incrementa capiebat. Scribunt aliqui habuisse in præceptorem Diuum Columbam qui apud Scotos in Insula Iona moruus est, quique (ait Noxerus in Marty. ad 5. Idus Iulij) cum plurimos discipulos vel socios suæ sanctitatis pares habuisset, vnum tamen Congallum latine fausti nominis illustrem præceptorem Diui Columban magistri & domini, patris nostri Galli, virtutum ac meritum suorum quasi vnicum exemplo Isaac reliquit hæredem. De eo agit Antonius Posseuinus in Apparatu. Congallus inquit, Scotus Abbas Benchorensis floruit anno 590. Reliquit methodum vitæ regularis & plures Epistolas quas Patribus Cœnobiorum scripserat.

Hoc eodē die **S** Sanctus Mathisus Episcopus & Confessor in Scotia.

S Hoc eodem etiam die Sanctus Fredegandis. Vita S. Fursi, alij.

5. die. **SS** Posenna & Promptia Scotæ vnâ cum sex alijs fratribus.

4. die. **S** Sanctus Rabanus Magnentius Maurus Academiæ Parisiensis fundator, Abbas Fuldæ, Abbas Moguntia. De eo agunt Vvion in adiunctis, Iosias Simlerus, Gesnerus Lilius, Giraldus Ferrariensis, Balæus ipse, iuratus pietatis & Scotiæ hostis Centuria 2. cap. 17. Zabarella Cardinalis apud Chassanæum & alij qui omnes fatentur eum esse natione Scotum. Catalogum eorum quæ ab ipso scripta sunt habes apud Posseuinum, & alios.

Hoc eodē die **S** Sanctus Chromanus siue Chronanus Episcopus & Confessor. Fuit hic Sanctus celebris admodum apud Cuningamenses in Scotia, apud quos cum suis in rebus, tum in alienis & autoritate valebat, & gratiâ, quorum multos ex victorum probis eripuit, multos etiam ab humanis ad diuina traduxit, quorum plerique non vulgari aliqua probitatis laude contenti, perpetuis sese includere Cœnobijs, in Kiluiningensi præsertim & Failensi, quæ celebriora fuere apud Cuningamenses. De hoc Sancto agit Lessæus Episcopus Rossensis lib. 4. historiæ Scotticæ. Scotiâ inquit, hoc tempore vitâ sanctè, exemplo sincerè, & doctrinâ solidè illustrasse Chromanum, Columbanum, Dimanum, Episcopos loquuntur

nostræ historiæ. De eo etiam fit mentio in Epistolâ quadam quæ extat apud Bedam (lib. 2. hist. Eccles. cap. 19) scripta ad Scotos à Ioanne Põ-
tifice Romano, qui Seuerino successerat, quæ sic habet. *Dilectissimis & Sanctissimis Thomano, Columbano, Chromano, Dimano, & Barthano, Episcopis: Chromano, Hermanoque, Laustrano, Stellano & Segiano, Prasbiteris, Savano, est. visque Doctioribus seu Abbatibus Scotis Hilarius Archiepresbyter & seruanus locum Sancte Sedis Apostolicæ, Ioannes Diaconus & in Dei nomine eloctus, &c.* Cum hic Sanctus videret breui se è corporis custodiâ mittendum, tantis animi voluptatibus deliniri, tantis perfundi gaudijs caput, spe atque expectatione æternæ beatitudinis, vt fluentibus sine modo lachrymis illud Dauidicum (Psal. 83.) iteraret sapius; *Cor meum & caro mea exultauerunt in Deum vivum, concupiscit & deficit anima mea in atriâ Domini.* Mortuus est in prædictâ Cuningamiâ, Scotiæ provinciâ sub annum Christi 641.

5. die **S** Sanctus Rodolphus Episcopus Aberdonensis de quo Lestrus lib. 6. hist. Scotiæ ita scribit Eadem ætas protulit Rodolphum prudentia insignè, sanctitate admirabilem, primo quidem Abbatem Aberbrotheum: Episcopum deinde Aberdonensem: qui ita utramque & Religiosi & Episcopi viam in omni postea vita tuebatur, vt dubites planè, fueritne diligentior Episcopus, an arctior religiosus. Nam etsi diæcesin summis exhaustis laboribus obierit, vt Clerum intra officij sui terminos contineret, tamen tenuiore veste Episcopus quam Abbas, duriori parcomonia diues quam pauper, arctiori regula publicus quam priuatus semper vixit. Vnde Alexandro Sanctissimo Regi tam fuit in intimis, vt Ecclesiam Aberdonensem & fundo opinto & alijs donis lautissimis eius causâ amplificarit. Octo annorum spatio, egit Episcopum partim vitæ innocentis exemplo, partim docendi hortandique assiduitate, ingentem in Aberdonensi diæcesi animorum mutationem faciens. Tandem vitæ laboribus sanctissimè functis, defixis in cælum oculis illud sæpe ingeminans: *Letatus sum in his quæ dicta sunt mihi, in domum Domini ibimus;* Sanctissima illius anima inter Angelorum manus euecta ad Paradisi peruolauit gaudia sub annum Christi 1248. Vide Boëtium in vicis Episcoporum Aberdonensium.

6. die **S** Sanctus Arnual Episcopus Santonum. Tritemius lib. 1. Compend. Annal. pag. 57. Sigebertus anno 649.

7. die **S** Sancta Kentigerna Vidua. Hæc senili prudentiâ & gravitate iam matura, mundanis honoribus vale, post longas tamè cum amicis cõcertationes, dicere statuit. Quæ, cû se voti cõpotem factâ vidit,

ore videretur gestare. Verum (vt tradit ad hunc diem Aberdonense Breuiarium) angelorum ministerio ab aquis liber ad ripam lacus ab iisdem conseruatus est, donec ab Ibaro Episcopo viro sancto, Filanus inter Angelos inuentus, baptizatus est, & matri Kentigernæ (quæ lachrymis à Deo assidue postulabat, vt Filanus filius, quem sciebat à patre in lacum præcipitatum, vitæ restitueretur & baptisimi sacramento donaretur) redditus est. Porro grandior factus Filanus ab Ibaro Episcopo traditur Mundo Abbati educandus, apud quem omnes numeros solidæ virtutis explere, eiusque fama sanctitatis longè latèque manare cœpit. Sæpe visus est Filanus, dum noctes integras in oratione transigeret, cœlesti circumfundi lumine, quod sole clarius cellam illustraret totam. Quandoque cum esset in tenebris, sinistra manus instar facis lucidissimæ dexteræ manui dum scriberet, aut legeret, lumen præbere à cæteris Monachis videbatur. Abbate Mundo ex hac vita sublato, Filanus consensu Monachorum in Abbatem eligitur, quo in officio omnium virtutum cæteris præluxit exemplo. Sed breui post, diem suæ migrationis ex hac vita adesse sentiens, relicto successore ad solitudinem Sirach non procul à Glenderchy se contulit, quo in loco se totum cœlestium rerum contemplationi tradidit, varlosque à corporis & animæ infirmitatibus diuinâ ope liberauit. Inter varia eius miracula vnum tantum reliquis relictis hic apponam. Robertus Bruscius Scotorum Rex hoc nomine primus, in quem cum Edouardus Angliæ Rex ex Vasconibus, Hollandis, Normannis & Zelandis (parebant enim tum temporis AngloNormannia & Vasconia) copiosissimum collegisset exercitum, ad centum & quinquaginta millia peditum & Equitum multa etiam millia, Rex Robertus precibus vacans speque tota in Deum collata, orat Deum ac S. Filanum in quem tenerrimo mentis affectu ferebatur, cuiusque brachiû in exercitu suo (qui triginta quatuor millia militum superasse non dicitur) argenteâ capsulâ inclusum se habere (petierat quippe à Sacerdote quodam hoc sacrum pignus) credebatur: res admirationis plena! Argentea illa capsula, in qua inclusum custodiebatur S. Filani brachium, multis instantibus repenti aperiri, & rursus claudi nemine eam tangente visa est: quod cum mirandum videretur Sacerdos accessit, quid actum esset inspecturus, & vbi vidit verum inesse brachium, exclamat, verè numen adesse diuinum, factumque suum confessus est Regi, quod roganti brachium S. Filani, capsulam tantum argenteam excepto brachio dedisset, veritus ne in prælio perderetur. Plenus igitur Rex Robertus spe, reliquum noctis in precibus ac gratijs agendis perseueravit. Postero

Q.

colmi & Margaretæ Principum filius natus minimus. Summa fuit humanitate in omnes præsertim in pauperes, quorum egestatem subleuabat sumptu, & nuditatem velabat vestitu, pietate maximâ, ostentatione nullâ. Eorum querelas audiebat ipse, contra quos (quod etiam alijs omnibus exhibebat beneficium) si quis iudicium falsum iudicasset, res iudicatas non rescindebat, sed iudicem litis, æstimationem cogebat victo pendere. Monasteria vel collapsa vetustate, vel ab Anglis belli tempore diruta instaurauit. Præterea Cænobia siue Abbatias quatuordecim (vt iam dixi) præclaro sanè & regio opere à fundamentis erexit; scilicet Calco, Iedburgus, Neubottel, Halurcustraium, Dundrada, S. Crucis prope Edimburgum, Campus Kennethi, Killos in Morania, Dumfermling, Holme in Cumbria (spectabant quippe tum temporis Comitatus Cumbriæ, Northumbriæ, & Hundintoniæ ad Scotos iure belli,) Carlil, Beruicum, ad Nouum Castrum duplex monasterium, vnum Præmonstratensium, aliud denique Diui Benedicti. Ad Episcopatus priores quos habebat Scotia, adiecit, vt dixi, quatuor alios, Rossensem videlicet, Brechinensem, Caledoniensem & Dunkeldensem & Dumblanensem, quos prouentibus annuis abundè donauit. Glasguensem Sedem Sancto Kentigerno sacram & Morauiensẽ donarijs & prouentibus regijs auxit. Eius vitam, quemadmodum & patris S. Malcolmi & matris S. Margaretæ vitas scripsit S. Ealredus Abbas Rieuallis. Carleoli sine beatissimo diem clausit sub annum 1153. vel vt alijs placet, 1151. Et Dumfermlini regio parentum sepulchro postea inhumatus est. De eo agunt, vt nostrates omittam, Rogerius de Haueden 1. parte Annal. qui tradit sub mortem in hæc verba prorupisse: Domine Iesu (ferebatur enim tenerrimo affectu in Christum Dominum) regnum quod à te accepi tibi reddo, colloca me, quæso, in illo regno in quo viuere regnare est. Neutrigensis lib. 1. De rebus Anglicis cap. 23. S. Bernardus in vita S. Malachii apud Surium 5. Nouemb. Eius festum alij ponunt 24. Maij.

12. die. SS. Anonimæ duæ Virgines, Martyres in Germania, sorores SS. Guinifortis & Guinibaldi. Videatur Iacobus Gualla & alij.

23. die. **S** Sanctus Barnitus Confessor. Videatur Scoti-Chronicon. Alij eius diem festum ponunt 5. Ianuarij.

Eodem die S. Kentigernus Archiepiscopus Glasguensis qui & Mun-go, id est, dilecte mi, dictus est. Hic Sanctus fuit Eugenij III. Scotorum Regis filius ex Thamete Lothi Pictorum Regis filia. A parentibus ita educatus fuit, vt iam in ætate pueri pietatis sentire igniculos &

S. Spiritus instinctus ad deuotionis affectum inciperet, quo ex tempore videtur omnem eius voluisse animam possidere Cœlestis Pater. Ad educationem porro domesticam accedebat Sanctissimi præceptoris institutio Sernani Orcadensium Apostoli, cuius virtutum semina, & documenta adedò in Kentigerno excreuere, vt duodecimo ætatis anno in agrum solus Deo inspirante prodierit, & vniuersorum Domino se totum vouendâ castitate dicaueit, beatique Sernani coquû casu repentino extinctum, fufis ad Deum precibus sine mora vitæ restituerit. Multis igitur annis non sine sanctitatis laude in Culrossano Monasterio sub Sernano peractis Glasguz sit Episcopus, vbi pastoralî munere diligenter perfunctus, fidei Catholicæ seminandæ, & Pelagianæ hæreseos conuellendæ flagrans desiderio, relictâ Glasguâ ad Britones se contulit. Apud quos inter fluuios Eluuide & Eluni Cœnobium condidit, ad quod hominum multitudo confluxit maxima, ex quibus tam multi, Kentigerni & discipulorum quos Scotiâ eduxerat, instituto sese adiunxerunt, vt monachos (teste Capgranio in Legenda SS.) breui numerarit 965. quorum pars magna (quæ ex illiteratis constabat) agriculturam exercebat: cæteris verò in ipso monasterio decantandis Dei laudibus die nocteque (hec enim apud Scotos iam tum consuetudo inoleuerat, vt vbi magna esset monachorum multitudo, die nocteque per vices Dei laudes canerent) per vices perseverarent. Kentigernus omnium primus eo loci Cathedralē erexit Ecclesiā, quæ à nonnullis Eluensîs à fluuiio Elue prope quem sita est, alijs Elguensîs & Laneluensîs, nunc verò Afaphensîs ab Afapho Scoto ibidem à Kentigerno relicto nuncupatur, quâ construatâ Scotiam repetijt. Quocirca meritò affirmant varij hunc Dei famulum plurimos suis concionibus ad fidem conuertisse, Apostatas reuocasse, Pelagianos expulisse, nondum renatos baptizasse, simulachra euertisse, Ecclesias condidisse. Misit quoque ad Noruegiam & Islandiam ex suis discipulis plurimos, vt eorum prædicationibus & concionibus Christianæ fidel religionem acciperent illarum regionum incolæ. Fuit Propheta insignis, prædixit namque inter alia, regni Britonum euersionem. Tradens, inquit, tradet Dominus Britanniam exteris nationibus Deum ignorantibus, indigenis euacuabitur. Dum esset S. Kentigernus sub S. Sernani disciplinâ, condiscipuli ipsius videntes quod à S. Sernano plus omnibus amaretur, illum odio prosequi incæperunt. Insidiabatur, conuiliabantur, detrahebant. Quandam auiculam ob ruborem corporis euli Rubiscam vocatam, de manu S. Sernani alimoniam accipere, scapulis eius & capiti seu gremio insidere, oranti vel legenti assistere, alarum

plausu & vocis suæ sono affectum illi ostendere solitam, inter se tractantes, caput a corpore auellunt & extinguunt: Kentigerno absenti crimen imponere non verentes. Qui aiculum in manibus suscipiens, & capite corpori applicans; fusâ ad Deum prece signaculum crucis impressit, & auis vitæ reddita Sernano de Ecclesia reuertenti more solito applaudens obuiam profiliuit. Statuit autem S. Sernanus ut vnusquisque puerorum, per septimanæ circulum (ne aliqua negligentia ob defectum luminis in Ecclesia, diuino obsequio in noctibus eueniret) ignem diligenter dum dormitum irent, subinerent. Accidit quadam nocte solenni dum Kentigernus puer vice suâ ignem custodiret, condiscipuli eius inuidiâ excæcati, totum ignem intra monasterij septa extinguerent. Vigiliarum tempore, Kentigernus ignem monasterij extinctum reprens, ramum cuiusdam Coryli viridis arripiens, in nomine Sanctæ Trinitatis data benedictione, insufflauit, & confestim igne cœlitus emissio ramus ingente flammam produxit, & absque sui detrimento arde ecepit, accensis autem candelis, lumen amplius in ramo visum non est. Anno ætatis suæ 25. consecratus est Episcopus, & omni tempore vitæ suæ post triduum & multoties quatrimum cibum sumebat, panem scilicet & lac vel caseum & butyrum. A carnibus & vino omnique quod inebriare potest, omnino abstinuit. Iacebat autem in saxo instar monumenti cauato, habens capiti lapidem suppositum, & proiectis aliquantulis cineribus & cilicio substrato, potius dormitando leuiusculè, quam dormiendo, sicque hausto modicè quietis sopore, nudum in aquis frigidis se immergens, totum psalterium decantabat. Hanc consuetudinem nisi itinera, aut ægritudines prohiberent corporales, necgrando, nix, aut pluuia aliquatenus interrompere poterat. Omnis eius substantia, pauperum ærarium semper fuit, multoties dum sacramenta diuina tractaret, columba niuea rostrum quasi aureum habens capiti eius insidere consuevit. Crebro dum sacris astaret altaribus, nullamque celebraret, nubes lucida obumbrabat caput eius. Aliquoriet non ipse stare videbatur, sed columba ignea cuius fulgore intuentium intuitus obtusi videbantur. Dum vice quadam sacra mysteria celebraret, nebula quadam odorifera totam Ecclesiam impleuit, ineffabilique suauitate perfudit, & varijs incommodis laborantes perfectæ sanitati restituit. Omni quadragesima à conspectu hominum separatus, deserta loca petebat, solas radices herbarum in cibum sumens; aliquoties verò totum illud tempus, domino virtutem tribuente, absque terreno sustentaculo transigebat. In Cœnâ tamen Domini, multitudinis pauperum leproforumque pedes cum lacrymis

lauans ac tergens, crebrisque osculis demulcens, eis postmodum in mœsadi ligenter ministrabat. In die passionis, plagis virgarum, nuditate, & crebris genuflexionibus diem cū nocte continuabat. Sabbato autem Sancto & vsque ad horam Resurrectionis dominicæ, tempore diuini officij excepto, in quodam sepulchro se flagellando latitabat. Multas Ecclesias construxit, parochiasque certis limitibus distinxit, & vbique lacrum animarum querendo non equo vectus, sed more Apostolorum pedes ire solebat. Ne autem panem suum otiosus comederet, manibus suis in agriculturâ laborare consuevit, & cum boues semel sibi decissent, Ceruus de saltu in nomine Domini ad se venire, & loco bouum terram arare præcepit, qui statim obtemperantes & mansueri effecti, terram arare, ad pascua ire, & ab opus consuetum redire solebant. Tandem vnum de Ceruis labore fatigatum lupus irruens suffocauit, & voracem gluniem ex eius cadauere saturauit. Quo audito S. Kentigernus manum contra syluam extendens dixit: In nomine sanctæ Trinitatis præcipio vt lupus qui mihi damnum intulit satisfactorius sine morâ accedat & ecce lupus de sylua profiliens, cum vlulatu corruit ante pedes eius, cui Sanctus, surge inquit, & in nomino Iesu Christi præcipio tibi vt loco cerui quem deuorasti, aratro applicatus, ares ex integro quod restat arandum. Lupus itaque verbis sancti obediens, & ceruo copulatus, noxam iugera arando explens, liberè abire permittitur, & cum multi conuenissent ad spectaculum, Sanctus os suum aperiens dixit: viri fratres quid admiramini aspicientes verbum hoc! Credite mihi antequam homo inobediens suo conditori existeret, non solum animalia, sed etiam Elementa obtemperabant. Nunc verò ob ipsius præuaricationem, omnibus in aduersa versis, Leo lacerare, Lupus deuorare, Serpens fauciare, aqua submergere, ignis comburere, aer corrumpere, terra sepe ferrea effecta fame subruere consuevit. Et ad cumulum consueti mali homo non solum hominem, sed ipse homo in seipsum præliando contra seipsum sponte desecuit. Sed quoniam plerique Sancti, in verâ innocentia & purâ obedientia, in sanctitate, dilectione, fide & iustitia coram Domino perfecti inuenti sunt, quasi antiquum commune ius, & naturale donum à Domino recuperant, dum bestiis & Elementis, morbis & mortibus imperare solent: porro hoc adeo celebre fuit miraculum, vt ne quando excidere posset eius memoria, ipsi ciuitati illi (quæ antea alio vocabatur nomine) Glasco (quæ vox Lupum & Ceruum significat) indiderint, sitque in hodiernum diem ciuitatis illius nomen Glasgwa, in signi Archiepiscopali sede ornata. Huic miraculo accessit & aliud in

quo non minor Dei clementia & bonitas erga famulum suum Kentigernum elucet. Annum quendam (vt ego verbis cuiusdam fragmenti seu manuscripti quod ex antiqua Archiepiscopali Glasguensi bibliotheca habui) magni pretij habebat Regina Scotiæ, quem acceperat à Rege Scotiæ in maximæ amoris mnemofynon, hunc verò annum Regina nō multò post casu quodam, regias domos Regni, quā mari quā terrā visitans, perdidit & amisit. Rex annum deesse animaduertens, in suspicionem pudicitie Regine iam domum reuersa venit, & à Regina, subiratus, annum repoposcit: at illa conscia sue fidei coniugalis simul & pudoris, mœrens & dolens ad Deum conuersa ab eodem instantè postulat, vt pro immensā suā bonitate & clementiā annum deperditum reddere digretur, & suo pudori consulere. Post preces venit Regine in mentem Sanctissimus Kentigernus miraculis quem sciebat celeberrimum; Sanctum itaque Pontificem lachrimabunda adit & obtestatur sue famæ velit consulere, & deperditum annum, ope Dei, apud quem sciebat nihil esse impossibile, sibi reddere. Sanctus verò Dei seruus misericordiā motus, Reginam bene sperare iubet, nihil enim occultum apud Deum quod non reneletur, nihil absconditum quod nō manifestetur, nouit quippe abscondita cordis multò verò magis deperdita quæque, ad preces & orationem confugiendum esse in re tanti momenti, aiebat. Ad preces itaque conuersus Sanctus Dei, subito factus est super eum Spiritus Domini, & ab oratione surgens concito gradu ad fluuium Glottam Salmonum feracem se confert, & primo quem obuium habuit piscatori dixit, mitte quam poteris ocyssimè in capturam rete, & quem primum preddideris piscem huc ad me deserto viuum: O Dei maiestatem & omnipotentiam! vix iactum erat in flumē rete, cum ecce Salmo magnus & vnicus reti confestim fuerit inclusus, quem oblatum à piscatore accepit Sæctus, & facto signo crucis, piscis ori manum immittit extractumque inde Regis annum astanti Regine & omnia admiranti liberè donat, piscem tanti muneris velut ministratorem in fluuium ad pristinam libertatem remitti iussit: Regine verò vt Deum timeret & amaret semper, regiamque prolem in timore Dei educaret, vnice commendauit. Hoc triplex miraculum per totam postea Scotiam celeberrimum reddit Kentigernum, Regemque Conuallum sibi magno amoris vinculo deuinxit, in cuius rei memoriam perennem Rex à fundamentis ædificauit fœdissimum Monasterium, in quo ad trecentos quandoque habebat verbi Dei prædicatores S. Kentigernus, templi præterea (quod alij postea Reges continuauere) augustissimi funda-

menta iecit: successores denique omnes famuli Dei, siue Episcopi, siue Archiepiscopi in huius miraculi perpetuam memoriam in ligillis & diplomatis, in monumentis publicis, in hodiernam vsque diem depictū aut insculptum habent Salmonem resupinum, curuato aliquantulum flexu, rostroque annulum infixum quasi porrigentem; Glasguensis etiam ciuitas in huius rei memoriam pro stemmate habet Salmonem huiusmodi necnon & campanam (quæ in hodiernum vsque diem à Glasguensibus asseruatur) quā vir Dei utebatur. Nec prætereundum, quod cum totam annonam pauperibus sæpe erogasset, assumpta arena, vice seminis in terram spargebat, & messis tempore triticum optimum terra producebat, omnes hoc audientes Deum in sanctis eius laudare & benedicere solebant. Dum victualia pro fratribus vice quadam non haberet Regulū Cambrensem nomine Martium adiit, penuriam suorum insinuans, vt suam inopiam illius abundantia iuxta Apostoli monita subueniendo suppleret, humiliter petijt. Ille verò ore blasphemio ironicè dixit ad eum: lacta curam tuam in Domino & ipse te nutriet, quoniam nihil deest timentibus Deum, sicut ceteros admonere consueuisti. Tu verò cum timeas Deum, & mandata eius obserues omnibus bonis & victis etiam necessario indiges! ego autem qui nec regnum Dei quæro, nec iustitiam eius, omnia mihi prospera & rerum affluentia (vt cernis) arident. Inanis ergo fides tua, & falsa prædicatione tua comprobatur. At vir sanctus sacræ Scripturæ testimonio & rationum assertionibus & exemplis, multos iustos & sanctos egestate & siti in hoc sæculo affligi, reprobos rerum affluentia, honorum fastigijs sæpe sublimari assererat: pauperes diuitibus patronos fore, quorum beneficijs sustentantur, diuitesque pauperum patrocinio sicut vites vltimi sustentaculo indigere euidenter edocuit. Tandem Regulū eius verba non ferens sic respondit, si confidens in Deo tuo absque humano suffragio, omnia blada quæ æternis in horreis contenta, ad mansionem tuam transferre poteris, libenter annuo, & postulationibus tuis de cætero deuotus obtemperabo. Sanctus Dei eleuatis in cælū oculis & manibus, orationem cum lachrymis fudit ad Dominū. Et ecce eadem horā fluuius Cluda subitus decurrēs subito intumescere, ripas transcendere cœpit, & horrea Reguli integram segetem vsque ad locum ubi Sanctus manere solebat nomine Meltingdenor secum traxit, & quidem segetes adeò intactæ ab aquis apparerent, vt ne vel minima arista aquis humectata cerneretur. Vbicumque ferè pergebat vel prædicabat, cæcis visum, surdis auditum, claudis gressum, mutis loquelam, furiosis sensum reddebat, dæmonia eiiciebat, paralyticos erigebat,

Paralyticos erigebat, leproſos mundabat, & omnes languores curabat. Multoties ex tactu veſtimentorum ſuorum, & crebro particulis cibi & potus eius ſumptis, multi ægroti ſanitatē conſequuti ſunt. Aliquoties etiam ex umbrā corporis eius, velut alterius Petri, infirmi curari meruerunt: nunquam vel pluuiā, niue, vel grandine, veſtimenta eius maduerunt, nam dum aëris inclementiā ingruente, imber valdē diſflueret, & ſpiritus procellæ in circuitu eius delæuaret, immobilis quandoque ſtans, quandoque gradiens ab omni cuiuſvis ſtillæ contactu illæſus ſemper extitit, & incedebat. Id ipſum etiam turba diſcipulorum ſuorū in eius præſentiā ſæpiſſimē eſt experta. Rex quidam Hybernæ (verba ſunt eiſdem fragmenti ſeu manuſcripti Archiepiſcopalis Glaſcuenſis bibliothecæ) auditā Regiſ Scotiæ liberalitate & munificentia, ioculatorem in arte ſua peritum mittens tentare voluit, ſi famæ latē diſfuſæ veritas reſponderet, cumque peractā quadam ſolennitate munera ſpectioſa ei Rex conferret, & ille accipere renuens, talia in terra ſua ſe ſatis habere poſſe aſſerret, requiſitus quid vellet accipere? ait, ſi vis vt bene remuneratus recedam, detur mihi diſcus moris recentibus plenus, & timens Rex ne honori eius & famæ derogaretur, ſi ioculator irremuneratus abiret, cuncta retulit Epſcopo Sancto. Et cum hyemis tempus eſſet, ad Deum preces vir Dei fudit, & demum moris recentibus plenum oſtendit, & tollens diſcum ioculatori oſtendit. Quo viſo miraculo, poſt paucos dies relictā arte ſuā, melioris vitæ viam ingrediens diuino ſe mācipauit obſequio. Sanctus Columba in illo Cænobio quod in Inſulā Huy (quæ vna Hebridum eſt) in Scotiā conſtruxerat, virtutibus clarus Sancti viri famam audiens, ad illum venire, viſitare, videre, & familiaritatem cum eo agere cupiebat, & cum multā diſcipulorum turbā de monaſterio egreſſus, cum loco appropinquaret vbi S. Epſcopus manebat: in tres turmas omnes diſcipulos diuiſit. Similiter & Pontifex ſuis trifariē diuiſis, cum canticis ſpiritualibus, illis obuiam proceſſit. In primā turma erant iuniores, in ſecundā prouectiores, in tertiā ſenes decora canitiæ venerabiles, & canebant dicentes: In vijs Domini magna eſt gloria Domini, & via iuſtorum recta facta eſt, & iter Sanctorum præparatum eſt &c. Ex parte S. Columbæ canebant: Ibunt Sancti de virtute in virtutem, videbitur Deus Deorum in Sion alleluya &c. Et ait Columba diſcipulis ſuis: video columbam igneam in modum coronæ in tertio choro ſuper Epſcopum Sanctum deſcendentem, & lumen claritatis cœleſtis ſuper eum: & appropinquantes ad inuicem Sancti in amplexus mutuos & oſcula ſancta ruunt. In ſignum quoque mutue

dilectionis, alter Sanctorum alterius baculum suscepit, & baculus quem S. Columba contulit Episcopo apud Ripvyn in Ecclesiâ S. Vulferi multo tempore in magna reuerentia habitus est. Cum crucem quandam miræ magnitudinis lapideam in Cœmeterio Glascuensi multi viri erigere non valerent, fusa ad Deum Sanctus prece Angelus in nocte de cœlo descendens crucem illam erexit, benedixit, sanctificauit, & recessit: ibi virtute diuina sanitatem perfectam multi postea meritis Kentigerni consequi meruerunt. Aliam crucem in locis illis, de sola arena maris erexit, quam nulla aëris inclementia vsquam dissoluere valuit: vbi varijs languoribus grauati, furiosi, & dæmonijs vexati sanati sunt. Fabricauit autem molendinum super fluuium Cludam, quod nullam annonam furto sublatam vlla ratione molere posset, neque molain aut eius rotam, post horam nonam Sabbati donec celebraretur Dominica dies, aquæ circumducere poterant. Vir Dei nimia tandem senectute confectus, cum nervorum compago pœnè emarcens dissoluta fuisset, quodam subligari lineo, per medium capitis & sub mentum circumducto, mentum & maxillas sustentabat, vt ad proferendum quæ vellent expeditior redderetur. Demum conuocatis discipulis suis, de obseruatione Catholicæ religionis, mutæ charitatis, pacis, hospitalitatis, lectionis ac orationis, ardentè hortabatur eos. De Sanctorum Patrum & prædecessorum decretis Sanctæque Romanæ Ecclesiæ institutis firmiter custodiendis, fortia dedit ac dereliquit præcepta. Quidam autem qui illum arctius dilexerant cum lachrymis prostrati dicebant: scimus Pater & Domine, quia cupis dissolui & esse cum Christo, sed nosti in quæsumus miserere, quos in Christo parturisti. Quicquid humana fragilitate deliquimus semper in conspectu tuo confitentes, ad arbitrium discretionis tuæ emendare curauimus, tibi quæ semper obediuius. Pete etgo à Domino Iesu vt ex hac valle lachrymarum ad gaudium Domini tecum commigrare valeamus. Credimus enim quia quicquid petieris à Deo, dabit tibi Dominus. Graue autem nobis videtur vt Pontifex sine choro, Pastor absque aliquo de grege suo, Pater absque filijs intret ad gaudia Domini sui. Sanctus pietate commotus collecto statu, vt valuit, dixit: voluntas Domini de omnibus nobis fiat, & sicut melius nouit & ei placuerit, de nobis omnibus disponat: & ecce Angelus Domini cum ineffabili fulgore & claritate apparens circumfulsit eum, & dixit: Kentigernæ electe & dilecte Dei exulta & letare, quoniam exaudita est oratio tua, & præparatione cordis tui audiuit auris diuina, fiet enim tibi super discipulis tuis sicut vis. Cras egrediemini de corpore mortis huius ad vitam.

indeficientem, & Dominus erit vobiscum, & vos eritis cum eo in æternum. Et quia tota vita tua in hoc mundo iuge fuit martyrium, placuit Domino ut mitiorem cæteris hominibus habeas vitæ finem. Fac tibi in crastinum parari lauacrum, in quo ingrediens absque angustia, in manus Dei reddes in pace spiritum tuum. Post te etiâ fratres illi lauacrum ingressi, & mortis vinculis absoluti, in splendoribus Sanctorum cœlestia regna tecum penetrabunt. Recedente Angelo miri odoris fragrantia locum & omnes inhabitantes in eo inæstimabiliter respergit. Kentigernus itaque ceterique discipuli (qui maximo numero monasterium illud incolebant) confessione præmissa, & Christi pretioso corpore accepto lauacrum ingrediuntur, & primo quidem Kentigernus ingreditur, qui eleuatis oculis & manibus in cœlum, quasi in placidum resolutus somnum, inclinato capite tradidit spiritum. Extracto autem à discipulis de lauacro corpore, linguli fratrum antequâ aqua frigeret in lauacrum immersi, ad æthereas mansiones cum Patre sancto commigrarunt. Sanctus itaque Kentigernus cum esset centū octoginta quinque annorum (ita enim omnes qui de illo scribunt) anno Episcopus sui centesimo sexagesimo signis præclaris & prodigijs, Idibus Ianuarij migravit ad Dominum, ad cuius tumulum in Glasceusi Ecclesia cæcis visus, surdis auditus, claudis gressus, mutis loquela, leprosis mundicia, paralyticis membrorum valetudo, furiosis sensus restituitur, impij, sacrilegi, perijuri, & pacis, Ecclesiæque violatores, & sancti loci inquinatores, condignâ pœnâ plectuntur. Agunt de S. Kentigerno Arnoldus Vvion lib. 4. ligni vitæ, qui testatur fuisse ipsum Eugenij Scotiæ Regis filium, Molauus in Annotationibus ad 13. Ianuarij. In Scotia (inquit) Sancti Kentigerni Episcopi Glasceusis & Confessoris, Hector Boëtius lib. 7. historiæ fol. 172. pag. 1. Ioannes maior lib. 2. de gestis Scotorum cap. 7. Ioannes Lessus Episcopus Rossensis lib. 4. historiæ in Eugenio, Breuiarium Aberdonense citatum, fragmentum etiam Glasceusense citatum, præterea Skonensia Chronica, Hunterus etiam in libro de Sanctis Scotis, Du Chesne lib. 5. Historiæ, & alij qui omnes Scotum esse testantur.

14. die. **S**ancta Mancina virgo apud Hebridianos miraculorum gloriâ celeberrima. De ea fit mentio in vita S. Columbæ floruitque eodem quo ille sæculo.

15. die. **B**eatus Accas, Actas, Arcas, Episcopus Hagulstadiensis in Anglia, & Candidæ Casæ in Scotia. De eo agunt Hermannus Contractus ad annum 710. Vvestmonasteriensis ad annum 734. Et alij.

Eodem die Sanctus Bigitanus Episcopus in Scotia. Lestæus lib. 4. historiz & alij.

16. die **S**anctus Furseus Abbas. De eo agunt, Tritemius lib. 3. de viris Illustribus ordinis S. Benedicti cap. 8. S. Furseus (inquit) Abbas monasterij, quod Chaobersburg dicitur in prouincia orientali Anglorum, natione Scotus, genere nobilissimus, verbo & actibus clarus, & signis ac miraculis egregius, per Angliam prædicando multos ab errore ad viam veritatis conuertit &c. Molanus in indiculo SS. Belgij. Furseus (inquit) multis annis in Scotia patria Insula, verbum Dei annuntiavit. In le omnibus reliquis per Britones in prouinciam deuenit Anglorum, ubi nobile construxit monasterium, & prædicatione verbi Dei multos incredulos ad Christum conuertit, & credentes in fide fide & amore Christi confirmavit &c. Beda lib. 3. hist. Eccles. cap. 9. Erat autem, inquit, vir Dei Furseus de nobilissimo genere Scotorum, sed longe animo nobiliore quam carne. Et alij communiter. Vitam hic non appono propterea quod apud Lippeloo habeas fuscè descriptam 1. tom. ad hunc diem, & apud Surium ad hunc etiam diem.

Eodem die S. Foillani siue Foilani Inuentio celebratur, teste Molano in indiculo &c. Fuit S. Foilanus frater S. Fursei.

17. die **B**eatus Adda primus Apostolus Nordanimbrorum: Regem & magnam illius populi partem sacro fonte lustravit. Vide Florentium Vvignorien anno 653. Et alios.

18. die **S**anctus Deicola siue Dicullus Abbas Sutrensis discipulus S. Columbani Deicola dictus quasi Dei cultor. Fuit hoc genus monachorum apud Scotos antiquissimum, qui Culdei quasi cultores Dei vocabantur: & sanè si quid fuerit Christianæ fidei, pietatis, sanctitatis, vel sinceræ disciplinæ Ecclesiasticæ apud Scotos primis ordinis annis Culdeis Patribustribuendum, qui quod sedulo (teste Boetio lib. 6. hist. Scoticæ) prædicationi vacarent, essentque frequentes in oratione ab incolis taliter sunt appellati quod nomen apud vulgus in tantum inualuit, vt sacerdotes omnes ad nostra pœnè tempora Culdei vocarentur. Pontificem inter se omnium suffragio eligebant penes quem diuinarum rerum esset potestas qui deinde vocabatur Scotorum Episcopus. De hoc Sancto vide Petrus de Natal. in Catalogo, Tritemium lib. 3. cap. 61. Tabulas Peronenfes quæ testantur fuisse ipsum natione Scotum, Bedam lib. 3. cap. 19. Martyrolog. Romanum ad hunc diem, Molanum ad hunc diem, &c.

Hoc eodem die S. Bothanus Episcopus Dumblanensis in Scotia.

Vide Martyrologium S. Crucis.

19 die **B**eatissimus Abercrombi mart. cōstans verbis & factis, Catho-
licę causę assertor, miraculis clārus. Vide Bruni Collectanea. &c.
20 die **S**anctus Christianus Abbas Scotorum Herbipoli quoin mo-
nasterio nulli unquam nisi Scoti admissi, vt clarę testantur li-
terę Alexandri VI. Pont. Maximi ad Reuerendiss. Patrem D. Lauren-
tium Episcopum Herbipolensem super reformatione illius Abbatiz: li-
terę autem Pontificis sic incipiunt. *Venerabilis frater salutem & Apostoli-
cam benedictionem. Accepimus, quod in Monasterio S. Iacobi maioris Scotorum
ordinis S. Benedicti tuę diocesis trans flumen Mogonum non longē ab arce tuā
Herbipoli constituto à primā ipsius Monasterij fundatione solum monachi Scoti
recipi possunt &c.* Habentur hę literę apud Tritemium in Chronico mo-
nasterij S. Iacobi apud Herbipolēses. Quod de hoc monasterio dictū est,
idem de alijs in Germania monasterijs Scotorum intelligi debet. De hoc
Sancto agit Tritemius in Chronico Sponheim. Embrico, inquit, Her-
bipolensis Ecclesię Antistes motus precibus sanctissimi viri Christiani
natione Scoti, religione monachi, de monasterio Scotis prope Herbi-
pollm erigendo cogitare cępit, vnde & Capellam nouam in honorem
S. Iacobi Apostoli 6. Idus Iulij, anno 1140. dedicauit &c. Fuit hic San-
ctus Abbas ordine secundus huius monasterij. Inter cętera pietatis prę-
cepta quę sepe suis inculcabat monachis, istud etiam in extremo spiritu
multum inculcasse fertur. Ego quidem, o filioli & viscera mea, secun-
dum eloquia scripturarum, quę didici à SS. Patribus & Prędecessoribus
meis, viam vniuersę carnis ingredior, iam enim Dominus me inuitat
dicens, Euge serue bone, quia in pauca fuisti fidelis, supra multa te con-
stituiam, iam cupio dissolui & esse cum Christo, iam cupio videre cōles-
tia. Sed vos o viscera mea, admoneo, ne tanti temporis laborem repe-
te perdati, ne feruorem spiritus & mentis coram Deo renouationem
unquam intermittatis, sed quę retrō sunt obliuiscētes, hodie vos reli-
giolum habitum arripuisse arbitramini, & inchoare vos quotidie cre-
dite, vt renouatę sępe voluntatis fortitudo succrescat & feruor. Pręfuit
monasterio annos 26. De eodem vide Tritemium in Chronico mona-
sterij S. Iacobi.

21. die. **S**anctus Viminus Episcopus & Confessor qui & Vimius dic-
tus est. Hic Sanctus ex Abbate cuiusdam monasterij Fisanę
prouincię in Scotiā factus est Episcopus, fuit enim apud Scotos primis
sæculis in more positum Episcopos ex monachis seligere qui post excur-
siones varias (nullas enim sibi fixas habebant adhuc dioceses) in prę-

R.

dican̄do sine sumptu Dei verbo ad monasteria redire solebant, & attribulque monachis sub eadem regulâ cohabitare, & spiritualibus pietatis exercitijs ad mentes integros secreti, sese recolligere, & gemitare & videre quam suauis esset Dominus: quam consuetudinem Aidanum Scotum monachum & postea Episcopum inuexisse in Angliam testatur Bedæ lib. 4. hist. cap. 27. & in vitâ S. Cudberti vel Cuthberti. Breuiarium Aberdonense & Skonensia Chronica tradunt Sanctum Viminum vt facilius cælestibus inhaereret cogitationibus à loco illo in quo ob miracula multum innotuerat, sese cum discipulis contulisse in locum qui hodie Halyvvoð, id est sacrum boscum dicitur. Verum non habentibus discipulis aquam quam biberent, oratione à beato Vimino ad Deum fusa, fons limpidissimus scaturiuit, cuius aqua ab infirmis hausta ad nostra vsque tempora præsentissimo fuit remedio. Beato Vimino ibi commoranti apparuit Angelus dicens: Vimine viriliter age & contorquetur sortuum in Domino, hunc enim locum ad incolendum præparauit tibi altissimus: Viminus tali confortatus oraculo omnipotentis Deo gratias egit, ibidemque nobilissimi monasterij fundamenta iecit, ex quo viri sanctitate & doctrina insignes prodire, quibus Ioannes à sacro Bôsko (ab illo loco ita dictus) insignis Mathematicus merito annumerandus est. De hoc Sancto agit Regius in Calendario SS. cælumque petiisse affirmat anno 615. Extat perantiqua Scotorum, ad S. Viminum oratio, quæ quod Sanctorum cultum apertissime ostendat hic subiicienda est. Sancti Vimini Præsulis tui & Confessoris inelyti solennia agentes, te Domine suppliciter deprecamur, vt dum tui nominis in honorem, ipsius gesta recolimus, eiusdem pro nobis intercedendo patrocinia sentiamus. Per Dominum nostrum Iesum Christum &c.

21. die. **S** Sanctus Adalgifus. Mireus & eius vita.

23. die. **S** Sanctus Adamannus Eugeni, VI. Scotorum Regis præceptor, fœderis cum Brudzo Pictorum Rege conciliator. Boëtius lib. 9. hist. Eius reliquæ in Moravia conseruabantur, teste Fordano in suâ hitoria.

24. die. **S** Sanctus Forannanus Archiepiscopus qui adolescentulus ad S. Viminum Scotia in vsu & institutione quorundam Religiosorum degustata pietate cœpit ad summum eius fastigium à S. Spiritu incitari. Liberalibus disciplinis in tenella ætate dum excolitur pietatis conceptæ semina succrescere cœperunt: Deo igitur suauiter omnia disponente postquam ad maturam peruenisset ætatem, & ad Archiepisco-

patus apicem fuisset euectus Scotia egressus Galliam petijt vbi, summam in proximo iuuando diligentiam exhibuit, vbi & prudentia in lucrandis Christo animabus maximam sibi apud omnes auctoritatem conciliabat & gratiam. Post reuelatum illi fuit à Deo vt sese in Belgium conferret ad locum Valencourt seu Belleualle (quì latinè Vallis decora dicitur) in patria Namurcensi, vt Comiti Alberto nomine cui in votis erat monasterium erigere assisteret. Profectus ergo in Belgium Sanctus iecit fundamenta Valciodorensis monasterij. Negant aliqui hunc Sanctum Foramanum eundem cum Foramnano Archiepiscopo Bituricensi natione etiam Scoto, & benè, nam ille iecit fundamenta Valciodorensis monasterij anno Christi 944. hic verò floruit sub annum Christi 1500. teste Democharo in Catalogo Archiepiscoporum Bituricensium, vnde & necessariò fatendum est duos esse diuersos. Vide de hoc Sancto, Molanum in Indiculo, vbi agit de morte S. Eloquij, qui ibi ait fuisse Archiepiscopum Scotorum, vide eundem in Chronicà recapitulatione SS. Belgij, vbi ait illum in Scotià nobili prosapia ortum. Vide etiam Gazetum in hist. Eccles. SS. Belgij, qui ait illum fuisse natione Scotum additque eundem eduxisse secum ex Scotia duodecim socios, cumque venisset ad mare, nec inueniret paratam nauem, duo ligna in formam crucis disposita conspexisse, quæ cum comitibus conscendit, & stupendo miraculo, placido vento acti in Gallias peruenierunt. Plura de vitâ huius Sancti vide apud eundem Gazetum. Molanus eius diem festum ponit 30. April. alij alio die.

14. die. **S**ANCTUS Eoglodius Monachus & Confessor, & apud Galouidianos sanctitate vitæ & miraculorum gloriâ celebris: fuit magri illius Columbe socius & Pictorum alter Apostolus. De hoc Sancto vide Ioannem Lestrum Episcopum Rossensem & Hectorem Boëtium in historiâ Scoticâ, Scoti-Chronicon, Brunum, Sinclarum & alios. Alij eius diem festum ponunt 13. Octobris.

16. die. **S**ANCTUS Conon siue Conanus Episcopus Sodorensis, qui licet in lubricâ adolescentiæ ætate positus, frequens tamen erat in adhibendis Deo precibus, multus in colendis tum penitentia tum pietatis officijs: sed præcipuè erga Sanctissimam Dei matrem inflammato ferebatur studio, huiusque Virginis intuitu castitatem mentis & corporis tanto cordis affectu colebat, vt nihil omninò aut in dictis aut in factis petulans aut lasciuum appareret. His ab initijs profecta Cononis virtus eos habuit cum ætate progressus, vt (teste Breuiario Lemouicensi ad 30. Augusti) Fiacrius Eugenij IV. Scotorum Regis filius ab incun-

etate vnâ cum duobus fratribus à patre traditus sit moribus & literis informandus Conano sanctissimo Episcopo, cuius doctrinâ tam facili-
citer institutus est Fiacrius, vt contempto quocunque huius sæculi ho-
nore, Christo militare, & procul ab hominum frequentia aliquò sece-
dere in animum induxerit. Porro Sodorensis Ecclesiæ, cui S. Conon
præfuit inter primas fuit quæ in Episcopalem apud Scotos erecta est se-
dem, quippè quam Cratlintho Scotorum Rege (Diocletiano Synchrono)
erectam constat in Mana Insula (quæ olim Druidum sedes) in qua
est oppidum Sodora dictum, à quo Sodorensis Episcopatus. In eadem
Insula Cratlinthus Rex à fundamentis extrui curauit sub Christi annum
280. monasterium in quo Regia præsertim, & primarię nobilitatis pro-
les in omni virtute & literaturâ erudiebatur. Translata est postea So-
dorensis Sedes à Fergusio 2. Rege in Ionam Insulam quæ Hebridum
vna est, in qua deinde duo amplissima Cœnobîa extrui curauit idem
Fergusius, monachorum vnum, alterum monialium, ex quibus vtriuf-
que sexus sanctitate insignes prodire. Vide Boëtium lib. 9. historiæ,
breuiarium Lemouicense citatum, Leslæum in hist & alios. De hac vita
ad meliorem sublati sunt S. Conon sub annum Christi 648. Celebris
habetur apud Hebridianos.

17. die. **S** Sanctus Georgius Duræus Abbas Dunfermilensis, Christi
hostia effectus laboris sui præmium vitam æternam accepit
in cœlis, ait Sanderus lib. 7. de visibili monarchia.

H Oc eodem die S. Adamanus Abbas Coludius, de quo vide VVest-
monasterien. Ad annum 701.

28. die. **S** Sanctus Beatus primus Apostolus Heluetiorum, S. Petri dis-
cipulus. Vide Cratopol. pag. 21. & alios. Eius diem festum
alij alie die ponunt.

29. die. **S** Sanctus Maxnolocus Episcopus & Confessor qui adolescen-
tiam vix egressus, eâ erat cum doctrinæ tum pietatis apud
suos famâ, quam ipse, excellenti vtpote natura præditus parique culturę
diligentia perpolitus de se facile poterat polliceri, vt qui præter huma-
niores literas, quibus peculiari curâ se dederat, eam præcipuè Sanctorum
scientiam (iam prouectior factus) meditandis cœlestibus, & SS. Patrum
scriptis lætandis non çalleret modo, sed etiam in tota vita præclarissi-
mè exprimeret. Perfamiliaris fuit hic Sanctus S. Berecto ob sanctitatis
famam, imò ob miraculorum gloriam maximo fuit in honore apud
Mordacum Scotorum Regem, cui inculcabat sæpe vt pacem cum vicinis
Picis & Saxonib. uscoleret, & iniustitiâ ritè administrandâ sese impen-
penderet. Quod

deret. Quod & fecit Mordacus Rex, nec hoc solum, sed eius suasu Cœnobium illud cui Cádida Casæ nomen est, Diuique Niniani miraculis illustratum, plurimæque alia pietatis studijs consecrata loca refecit. Hæc vitam post varia sanctitatis lux signa edita, mutauit cum cœlesti S. Maxnolocis sub annum Christi 733. biennio scilicet à Mordaci Regis morte. Celebris est in Baluenia, Strathdona, & Marria, Scotiæ pronuntijs ob miraculorum gloriam. Extant in Marria dux parochiales Ecclesiæ, scilicet Tunimeg & Logy in S. Makneloci honorem dedicatæ. De hoc Sancto agunt Chronica Skonenfia quæ & Volocum nominant, Breuiarij Aberdonensis pars hyemalis, Adamus Reginus in Calendario, & alij.

30. die. **S**anctus Annichadus, siue Amnîchadus Monachus & Confessor vir magnæ simplicitatis & solitudinis amantissimus de quo Tritemius in hist. Monast. Hirsaugien. Amnîchadus monachus Fuldenfis natione Scotus moritur, qui multis annis in eodem Cœnobio pro Christi nomine fuerat inclusus. Vir sanctissimæ vitæ, super cuius sepulchrum noctu lumina visa sunt, & Angelorum psalmodia diuinitus audita. Et in libro de viris illustribus S. Benedicti: Amnîchadus (inquit) monachus Fuldenfis natione Scotus cum ferueret magno desiderio solitudinis & amoris Christi apud Fuldæ monasterium, solitarius fuit inclusus, ad cuius meritum declarandum visa sunt lumina & psalmodia audita super eius sepulchrum & cœlitus missa.

Hoc eodem die Sanctus Marianus Scotus Monachus Fuldenfis hist. toriographus clarissimus de quo Tritemius in lib. de viris illustribus, quemque vocat idem Tritemius vita & conuersatione deuotum & sanctissimum, & in diuinis scripturis eruditissimum. Testatur Ioannes Maior Doctor Theologus lib. 3. historiæ Scotorum cap. 5. Marianum Scotum decem & septem annis miræ vitæ austeritate & opinionis sanctitate ab omnium mortalium contubernio seiunctum, vni Deo, eiusque Angelis vixisse, ieiunijs, orationibus, meditationibus, & scriptiõni semper intentum. Natus est Marianus anno Christi 1028. sic enim ipse scribit lib. 3. in Chronico summa cum animi submissione. Ego miser Marianus, in peccatis fui in hoc anno natus: & anno Christi 1052. Ego Marianus sæculum reliqui: & anno Christi 1056. Ego Marianus peregrinus factus pro Regno cœlesti, patriam meam reliqui, & in Colonia 5. feria Kal. Augusti monachus effectus sum. Anno 1056. Ego Marianus indignus cum Sigfrido, (is Fuldenfis erat Abbas) ad Vvîrzbûrgum ad præbyteratû consecratus media quadragesima 3. Id. Mart.

& feria 6. post Ascensionem 2. Id. Maij inclusus Fuldæ per annos decem. anno 1069. Ego miser Marianus iussu Episcopi Moguntinensis & Abbatibus Fuldenlis feria 6. ante Palmas, Non. Aprilis post annos decem meæ inclusionis, solutus de clusa in Fulda, ad Moguntiam veni, & in festiuitate septem fratrum secundò includor. Tritemius de eo agens ita loquitur in Catalogo virorum illustrium. Marianus Scotus monachus Fuldenlis, ordinis Diui patris nostri Benedicti, vir in diuinis scripturis eruditissimus, & sæcularium literarum non ignarus, ingenio subtilis, & clarus eloquio, vitâ quoque & conuersatione deuotus atque sanctissim^{us} omicuit. Hic amore cœlestis patriæ natale solum deserens peregrinus venit in Germaniam, & primùm quidem in monasterio S. Martini Coloniæ monachus factus est: & duobus annis in eodem Cœnobio vitam solitariam inclusus voluntariè duxit: ac deinde translatus ad Fuldam ibidem & ita in inclusorio annis duodecim, quo vsque tandem iussu Archiepiscopi propter sanctitatem & eruditionem euocatus Moguntiam, apud S. Martinum inclusus septemdecim alijs annis vsque ad mortem perseuerauit. Fuit autem computista maximus, & temporis transacti diligentissimus Censor, quod clarissima monumenta quæ edidit probât in quibus extant subiecta. Volumen insigne Chronicorum ab exordio mundi vsque ad sua tempora, libri tres, de concordia Euangelistarum liber vnus, de computo quoque liber vnus, sermones varij, & plures ad diuersos Epistolæ. Vide de hoc eodem Sancto Hieron. Platum lib. 2. cap. 32. De bono & statu Religiosi, Siebertum de illustribus Ecclesiæ Scriptoribus cap. 166. Cratopolium pag. 105. Volfangum Lazium lib. 7. de gentium aliquot migrationibus, & alios. In Schismate quod inter Imperatorem Henricum IV. & Pontificem Gregorium VII. extitit opinantur nonnulli ab Imperatore, Marianum Sanctum fuisse. Sed hoc ex ignorantia sentiunt: falli enim eos monstrat eius ipsius Lectio ab anno CIO LXXIV. vsque ad CIO LXXXIII. vbi semper eos, qui Imperatori adhererent, Schismaticos & hæreticos appellat, ipsumque Pontificem & omnes qui eius venerati sunt sententiam laudat, Catholicosque ac iustos appellat. Vide Serrarium lib. 1. rerum Moguntiacarum. Obijt S. Marianus Moguntiz & in maiore S. Martini Ecclesiâ sepultus est.

31. die **S** Sanctus Adamannus Abbas Huensis de quo ita Tritemius in libro de viris Illustribus ordinis S. Benedicti. Adamannus Præbyter & Abbas Scotorum Insulæ Hu, vir in diuinis scripturis valde studiosus & eruditus, vitâ & moribus venerabilis. Pater multorum mil-

lium monachorum fuit: in quibus gubernandis adeo prudenter suauitatem cum efficaciam iungebat, ut in obiurgationibus suis nihil asperum, iracundum, aut perturbatum (quæ subditorum mentes exacerbare potius quam lenire solebant) vidisses, sed paternam grauitatem pia quadam dulcedine & compassione mixtam, viuidam tamen & efficacem: unde fiebat ut Religiosi ipsi tentationes omnes suas in eius sinum facillime deponerent, & vicissim correctiones Adamanni quascunque, tanquam ab amore & visceribus charitatis profectas, repugnante licet sensu, animo placidissimo & ad oculum feruentissimo susciperent. Buchananus hereticus lib. 5. hist. Scotiæ ait missum fuisse Adamannum Sanctum ab Eugenio Scotorum Rege huius nominis quinto ad Alfridum Anglorum Regem (hic Egfrido fratri, qui ab Eugenio V. Scotorum Rege ad Lemirem amnem vna cum viginti plus minus Saxonum millibus cæsus fuit, successerat) pacis componendæ gratiâ, cuius legationis meminit Beda lib. 5. hist. cap. 16. De hoc Sancto agunt Henricus Canisius tom. 5. antiq. lectio. Adamanni Scoti libri tres de S. Colûba Scoto Presbytero, Confessore & nunc primû editi, &c. Antonius Possessus in Apparatu, Adamannus, inquit, Scotus monachus & Abbas monasterij Insulæ Hoyensis in Scotia, Molanus in Appendice ad Vsuarium ad 23. Septemb. Coccius in Catalogo, Ioannes Lessus Episcopus Rossensis lib. 4. hist. Scotorum in Eugenio VI. Sigebertus de Illustribus Ecclesiæ Scriptoribus cap. 64. & alij. Scripsit (præter tres citatos libros de S. Columba) librum de sanctis locis, Natiuitatis, Passionis, Resurrectionis & Ascensionis Iesu Christi, & de monumentis SS. Patrum.

Hoc eodem die S. Modocus Episcopus & Confessor sanctitate vitæ & miraculis clarus in eâ Scotiæ parte quæ ab eodem Kilmodox (quasi locus Modoco sacer) indigitatur. Extat perantiqua ad S. Modocum oratio, præterea nihil.

Præsta quæsumus omnipotens Deus ut intercedente beato Modoco Confessore tuo atque Pontifice, ab omnibus aduersitatibus muniamur in corpore, & à prauis cogitationibus mundemur in mente. Per Dominum nostrum Iesum Christum, &c. Vide Breuiarium Aberdonense & Saxonensia Chronica.

FEBRUARIUS.

2. die. **S**ANCTA BRIGIDA virgo, cuius vita miraculis maximis claruit. A pueritia sanctitatis operibus dedita fuit. Dum eam parentes nuptui tradere vellent, & ipsa pudicitiam elegisset, postquam in manibus Episcopi corâ Deo virginatæ

professa est, lignum altaris tetigit quod statim viride factum est. Quo viso miraculo stupefacti parentes eam Domino commendarunt. Miraculum hoc his versibus descripsit Bandinus Gualfredus Societatis Iesu parte 1. sacrorum Mensium.

Arida quod tenebro reuivescunt robura tætu,

Inque sua vivit stipite vita reduct:

Virgineæ memoranda colas miracula dextra,

Vrentes nunquam senserat illa faces.

Cum autem die quodam messores patris, segetes in agro colligerent, & pluvia maxima erumperet: à messoribus suis imbrem sedauit & circumstantibus agris pluuiâ madefactis sola area patris sicca permansit. Die quadam cum imbre cadente bene madida domum rediisset, & vestes madefactas super Solis radium qui per rimas intrabat, siccandas extendisset, quasi in solidâ perticâ diuinitus permanserunt. Aquam in æruisiam & lapidem in panem conuertit, cæcum etiam à natiuitate illuminauit. Aprum inueniens qui ad oues comedendas venerat: in Christi nomine adedò mansuefecit, vt cum ouibus perpetuò quasi aries moraretur: cum ijs deinceps ad pastum egrediens domumque ipsas vti eustos reducens. Dum nouem viri in mortem vnus conspirassent: & eos virgo Christi ab intento pessimo reuocare non posset orauit Dominum vt illorum votis resisteret. Egressis autem illis apparuit imago quædam quasi illius occidendi: quam illi gladijs percutientes hominemque peremisse putantes læti reuersi sunt. Sed dum quod illis contigerat cognouerunt, compuncti ad pedes virginis prociderunt, & pœnitentiam egerunt. Hæc breuiter ex Petro de Natalibus in historia Sanctorum vitam habes descriptam à Lippeloo in vitis Sanctorum, Surio, Cogitofo & alijs. Esse Scotam testantur omnes pœnè authores Sigbertus Gemblacensis, *Virgo Dei Brigida Scota*. Rodolphus de Breda Tungrensis Diaconus in Calendario generali, *Ex Scotia Brigida virginis*. Antonius Sabellicus enneade 8. lib. 2. *In Scotia Brigida virgo nata*. Calendarium Romanum Kalend. Febr. *In Scotia S. Brigida virginis*. Ado in martyrologio ad hunc diem, Vsuarius, Beda, Maurolicus, & alij. Vvan-
delber. Prumiens. Martyrolog.

Brigida virgo potius Februi sibi prima Kalendas

Scotorum poscit, miro celebrata fauore.

Videantur Maslæus in Chronico lib. 12. Petrus de Natalibus loco citato. Franciscus Rosier tom. 3. stemmatum Lotharingiæ, Antonius Posseuinus in Apparatu, Surio & Lippeloo citati, Gualterius in Chro-

nologia, Genebrardus in Chronico, Ribadencira in vitis Sanctorum. Del-xio. 2. tom. Disquis. magic. lib. 4. Iacobus Gretserus in præfatione Commentarij Exegetici in Serenissimum Iacobum magnæ Britannię Regem. Theuetus lib. 16. Cosmog. in descriptione Scotiae, qui omnes esse Scotam testantur. Ex nostris pro hac eadem re, vide Boëtium, Lessum, Maiorem, Fordanum, & alios, Induit monialem S. Brigida in Mona Insula, quæ Regum Scotorum erat sepultura, Boet. lib. 9. Obijt Abrenethi in Scotia vbi corpus miraculis, in Canonicorum Cœnobio, multis sæculis claruit, vt ex Ioanne Lesso, & ex ciuitatis illius regis archiuis declarat. Dempsterus in mendicabilis repressis Hibernorum pag. 5. & 6. qui ibidem testatur ex Fordano in historia Scotiae, Parentes Sanctæ Brigidæ Orcades rexisse, in Cathenesia Scotiae prouincia domicilium habuisse, & sub Congallo Rege feliciter Saxones cum Hengisto, ne Insulas occuparent, arcuisse: & denique fuisse sacras reliquiarum S. Brigide memorias, & partem illius virelcentis ligni in Candida Casa, cum hæreticis furente sacra omnia prophanata.

1. die. **H**odie cœlestia petijt Toparcha Ladilandix, à Sathanę Ministris ad martyrium petitus, & in mare ætus non simplici defunctus est exitu, plumbeis glandibus à Ministello transforissus & demersus Ailzenæ.

1. die. **S**anctus Fothadus Episcopus & Confessor, qui Malcolmus Scotorum Regi huius nominis II. erat à confessionibus & consilijs. Ad principum res obeundas videbatur natus hic Sanctus, ad rationis consilio omnia ad prudentię normam diligentissimè exigebat, & ad finem altissimum coram Deo erigebat quæque, quo fiebat vt à viris principibus summè dilectus sit, & in conspectu Dei thesaurum inestimabilem diuinæ gratiæ rectèque factorum congesse. Circiter annum 1002. grauissima dissidia inter Grimum & Malcolmum Scotorum Principes de iure regni exorta sunt, aded vt Scotia tota in duas factiones diuisa sibi exitium, hostibus verò prædam pararet optatam. In hoc animorum motu S. Fothadus Episcopus (teste Buchananò lib. 6. historiæ Scotorum) magna tum apud omnes ob sanctitatis opinionem auctoritate, rem componere aggressus est, sæpeque inter factiones comineando tandem perfecit, vt inducijs in tres mentes datis, Grimus in Angusiam, Malcolmus in Cumbriam (quæ tum ad Scotos spectabat) secederet, nec cessauit Fothadus Sanctus, donec per eos hæ pacis conditiones concederentur vt Grimius quoad viueret regium nomen teneret, eo verò defuncto Regnum ad Malcolmum rediret: interea communis vtrique

terminus esset vallum Seueri. De Forhado S. agunt Lellæus lib. 5. hist. in Grimo Boëtius lib. 11. historiæ. Du Chesne lib. 9. hist.

4. die **S** Sanctus Modanus Abbas Drijburgensis. Hic Dei famulus in Religiosum Abbatiz Drijburgensis albus adlectus sub annum Christi 522. ad pietatem, cœpit animo esse propensissimo, sibi que iam inde à principio persuasit, huius vitæ perfectionem eo potissimum vitæ genere, quæ contemplatione & vnione cum Deo alitur, collocandam esse, vnde quotidie senas septenasque orationi tribuebat horas; multus insuper erat in castigando corpore, & in solidarum virtutum sibi acquirendi studio, humilibus ad hæc lubens exercebatur officijs tantâ alacritate vt in omnibus rebus dicto superiorum semper audiens, neminem vidisset qui tam facile alieno arbitratu fingi flectique se sineret: his igitur & huiusmodi à Deo insignibus donis ornatus, S. Modanus omnium consensu in Abbatem Drijburgensem eligitur, electus adeo suauitatem in gubernandis suis subditis cum fortitudine coniunxit vt suauitas non in laxitatem, fortitudo non in rigorem (vt fit sæpe) degenerarent, sed fortitudinem cum suauitate ita prudenter miscebat, vt se non flecti sineret ab eo quod disciplinæ religiosæ spiritum & vigorem conservare iudicabat, & tamen religiosi ipsi ita compati nouerant in rebus necessarijs, vt hæc non deesse, superflua non adesse, vlla ratione permitteret; sicque erga subditos se gerebat, vt qui reprehenderentur agnoscerent sibi que persuaderent, reluctantem licet naturam, Modanum Sanctum prudentia quæ de sursum est agi, suoque fungi officio ex spiritus S. dictamine. Fuit Drijburgus in quo hic Sanctus egit Abbatem, vna ex celeberrimis Scotiæ Abbatijs non procul à Mailrofa, quas vtraque, direptis prius rebus sanctis, Rex Angliæ cum suis circa annum 1114. etiam celsis monachis infirmioribus, qui vel defectu virium vel senectutis fiducia soli remanserant impiè concremauit. De Sancto Modano agunt Chronica Sconensia, Breuiarium Abredonense. Celebris habetur in occidentali Scotiæ parte, vt in Stirlingensi agro, Fal-Kirk, Dumbartane, & Lochgarloch. Solebat præterea Modanus Sanctus post prædicationem solitudinem querere, & in altissimas Dumbartanas rupes triginta aut quadraginta dierum spatio in summa vitæ austeritate meditandisque diuinis scripturis Christi que misterijs summa mentis dulcedine tempus transigere. Videantur de eo Lellæus, & Regius: ille in historia Scotica, hic verò in Calendario.

6. die. **S**anctus Buo Apostolus Islandiæ, eius diem festum alij alio die ponunt. Videantur de eo Arngrin, Ionas, Navigatio Anglicana paginâ 304.

8. die. **S**anctus Ronanus, quem Beda Ronan & Ronanum vocat, hic Sanctus relicta Scotia Apostolorum limina quæ in summa apud Scotos semper veneratione fuere, inuisenda suscepit. Ex Patria egrediens Angliam pertransijt, vbi disputationi de Paschatis obseruatione duorum Regum iussu susceptæ, interfuisse testatur Beda libro tertio historiæ cap. 27. relicta Anglia Scotiam repetijt Ronanus, & in Insula Hebridarum una, cui in hodiernum vsque diem à Ronano sancto, Roman nomen est, Abbas sanctitate vitæ & miraculis clarus obdormiuit in Domino circa Christi annum sep:ingentesimum septuagesimum octauum, estque in hodiernum vsque diem Sacellum in hac Insula Domino Ronano sacrum. Fertur scripsisse librum de celebratione Paschæ. De eo agit Regius in Calendario & Episcopum vocat. Agit etiâ de eodem Aberdonense Breuiarium & similiter Episcopum vocat.

7. die. **S**anctus Tressanus Confessor apud Rhemenfes in Campania Galliz, miraculorum gloriâ celebris. Hic Dei seruus honestis simul & sanctis in Scotia natus parentibus à tenella ætate religiosus viris traditur educandus. Quapropter tanta eius animam cœlestis gratiæ & spiritualium dulcedo rerum possederat, vt iam tum loca ab omni strepitu remota quæreret vt liberius Deo, omnium creatori inserviret; cumque multa ad id assequendum in paterna domo obstacula cerneret, cum sex fratribus, tribusque sororibus relicta Scotiâ in partes Galliarum venit: audierat enim Domium dicentem Abraham: Egredere de terra & cognatione tua, & veni in terram quam monstraui tibi. Elegitque secretum locum ad habitandum vt Deo soli militaret secretius, quo posset scandere cœlestia liberius. Erat enim prædictus Dei famulus literarum ignarus, sed quamuis idiota, cultor Dei deuotissimus. Sed quia tunc diximus cum sex fratribus & tribus sororibus in Galliâ aduenisse fines, vt eorum nomina recitentur dignum duximus: fuerunt itaque fratres, Gibrianus, Helanus, Germanus, Veranus, Abranus, Petranus: & sorores, Frauda, Promptia, Possenna. Hi sex fratres cum tribus sororibus in Dei vocantis laudibus terrena despiciebant, ad cœlestia anhelabant, peritura contemnebant, & æterna desiderabant, itaque sancto viro pro eo quod erat idiota incidit cogitatio sancta, vt famulatu corporeo cibum quæreret, quem in Ecclesiastico ministerio habere non posset: adhæsit vni regionis incolarum in pago scilicet Rhemenfi super

Matronam fluuium. Et cum vidisset eum Dominus eius francigenæ linguæ penitus ignarū, commisit illi curam porcorum, quod ille humiliter suscipiens & fideliter exequens non immemor apostolici præcepti, serui subditi estote in timore Domini, vigilabat supra gregem & à prauis cogitationibus custodiebat mentem. In eo ergo loco Dei famulus, qui dicitur Montiniacus, vbi & est Ecclesia beato Martino dicata, cum sacerdos expleret Matutinorum & Missarum solemnia, aderat S. Tressanus ad fores Ecclesiæ cupiens discere Ecclesiasticæ regulæ ministerium. Pius ergo Dominus qui custodit diligentes se, videns famulum suum sibi deuotissimum instruebat eius animam peritia literarum eumque ornabat multitudine virtutum. Antiquus ergo hostis qui non cessat persequi famulos Christi, incitauit homines proximi loci qui dicitur Agenis & inuidiæ stimulis accendit: qui cum audissent quadam die beatum Remigium aduenisse in villam quæ dicitur Villaris in syluâ, adeunt præfatum Præfulem rustici, queritantque Tressanum virum genere Scorum, vineas suas vastasse, campos & præda depascere, omniaque sua deripere. Sanctus autem Remigius Tressanum accersit, causam inquirat, ut Tressanum inculpabilem agnouit accusatores & inuidos à se pepulit, Tressanum verò verbis dulcibus consolatum à se dimisit, suaque benedictione signatum abire permisit. Sanctus igitur Tressanus colligens in vnum, gregem porcorum, dum reduceret ad domos possessorum suorum stetit in loco qui hodie dicitur mons Sancti Tressani, aspiciensque locum qui dicitur Agenis: vos, inquit, qui me apud summū Dei Sacerdote in mendaciter accusastis, postquam triginta annorum circulum transieritis, nunquam in sæcularibus pecunijs crescatis. Melius enim est in hoc sæculo puniri, quam in futuro sine fine cruciari. Volens ergo Dominus ostendere populis quod exaudiret vocem serui sui, adimplet in præfatorum inuidorum sobole quod Sanctus prædixerat, & constat, quod postquam transierunt tricesimum ætatis annum egestate laborarent, indigere & mendicare cœperunt. Paruo autem interuallo temporis transacto Sanctus Tressanus Landunum petens, Sanctum Pontificem Genebandum adiit, & ut à beato Remigio ad sacros ordines promoueretur humiliter postulabat. Sanctus Genebandus videns viri Sancti bonum desiderium, eumque in modico tempore non mediocriter literis eruditum, perrexit ad Sanctum Remigium, desideriumque viri iusti pandit, & quod suppliciter pro eo petit velociter impetrauit. Statutis ergo temporibus à beato Remigio ordinatur Sanctus Tressanus, ab electo eligitur, à Sancto sanctificatur, & ut inseruiat sacris Christi altaribus permittitur.

permittitur. Quantū vero in Dei famulatu se exercuerit, corpus ieiunijs attriuerit, vigilijs & orationibus indefinenter inhæserit, pauperibus eleemolinas largiter distribuerit, sæculum contempserit, opera diaboli odio habuerit, Christum toto corde dilexerit difficile fuerit enarrare. Igitur ad ordinem sacerdotij promotus Sanctus Tressanus elegit locum super Matronam fluuium qui dicitur Marogilus, in quo est Ecclesia beato Hilario Pictauiensi Episcopo dedicata. Hanc elegit ad seruiendum Deo, ad sacrificandum Regi altissimo. Est præterea prope locum illa Ecclesia in honorem beati Martini Turonensis Præsulis consecrata, vbi similiter diuinum complens officium, immolabat Deo sacrificium laudis. Cum autem ibi prædictus S. Tressanus moraretur, & se totum miciparet diuino cultui, accessit ad eum quidam eiusdem loci incola apud Sanctum confiteri peccata sua volens, & vt pro se ad Dominum preces funderet humiliter implorans, cumque varia beneficentia à Deo intercessionem Sancti Tressani se accepisse experientiā didicisset, statuit pratum quoddam quod habebat Deo consecrare. Hoc ergo pratum est infra terminos villæ quæ dicitur Agenis, & ex nomine Sancti nomen obtinuit. Huius beati viri merita quam Deo grata & acceptabilia fuerint demōstrant miracula quæ per eū in vita sua sunt mirabiliter operata. Euigilans semel post somnum vidit baculum suum viriditati pristinae restitutum, & cortice folijsque viridibus ornatum, qui hucusque per tot annorum curricula durat. Quodam tempore quidam incola prædictæ villæ præfatam arborē præscidit, sed non terrā tenus truncauit: quā cum voluisset aptare fabricæ domus suæ morbo corripitur, septimaque die post perperationem sceleris miserabiliter moritur. In radice prædictæ arboris eā horā quā solo infixit eam vir Dei ortus est fons miræ dulcedinis qui decurrit vsque ad imum montis. Hoc præfatus Sanctus vt vidit Deo gratias retulit & de fonte bibit petijtque à Deo vt nulli hæc aqua noceret, sed potius omnibus esset utilis, & sane in hodiernum diem nihil furto sublatum aqua fontis huius potest coqui. Quodam etiam tempore quædam fœmina prædictæ villæ volens in prædicto fonte vestes suas abluere, quod cupiebat non potuit implere, nam vt prædictas vestes in aquam misit factus est fons rubei coloris in similitudinem sanguinis de corpore humano prodeuntis. Plures itaque laborantes febribus tertianis aut quartanis eò adueniebant, de fonte bibebant, & salutem recipiebant. postquam ergo his & huiusmodi signis Redemptor mundi merita serui sui in hoc mundo publicasset ad honorem nominis sui & gloriam, de carcere huius sæculi eum vocare decreuit. Itaque vir San-

&us Tressanus infirmitate corporis prægrauatus lecto decubuit & vñ;
 ad extrema deductus finem corporis sui imminere pensauit. Cõuocauit
 itaque Sacerdotes & sacri ordinis Ministros oleumque sacra reconcili-
 ationis expetit: & cum cordis intima contritione & spiritus humilitate
 suscepit. Confortans autem fratres, aiebat, confortamini in Domino fra-
 tres charissimi & in fiducia bonitatis eius ambulate, bonus quippe Do-
 minus diligentibus se. Quæ postquam expleuisset viaticum petijt, quo
 ante se lato surgens è lecto & prostratus humi, dixit corde deuotissimo,
 Aue fidissima spes nostra, Aue sancta redemptio nostra, Aue caro Christi
 sanctissima & super mel & faum dulcissima, quo dicto corpore Dñi pre-
 tioso percepto repositus in lectulum oculis & corde intentus in coelum
 Sanctum emisit spiritum penetrans regnum sine fine mansurũ: eadem
 vero hora qua sancti viri beata anima est carcere corporis soluta tanta
 odoris flagrantia ibi mox affuit qualem nullus omnium qui ibi aderant
 vnquam antea senserat. Nec mirum neque incredulum, quippe qui in
 hoc sæculo per bona opera bonus odor fuit Christi in omni loco. Post-
 quã igitur beatus Christi Sacerdos Tressanus corpore exutus mundum
 dimisit & ad cœlestia transiuit. Sacerdotes & hi qui eius morti adfue-
 runt de corporis sepultura tractare cœperunt, proposueruntque vt se-
 peliretur Marogilis in Ecclesia Sancti Hilarij in qua militauerat multis
 diebus. Volentes leuare feretrum nihil proficere potuerunt, proposi-
 tum est ergo vt ferretur ad Aluillarense cœnobium, sed hoc tentantes
 secundum laborem similem priori repperunt. Sapientiori autem con-
 silio Deo inspirante concepto propositum est, vt plastro corpus impo-
 neretur, duæque bubulæ iungerentur, & secundum Dei voluntatem à
 bestijs ad locum sepulturæ duceretur. Legimus enim in libro Regum,
 Arcam Domini Satrapas Philistinorum plastro nouo imposuisse vac-
 casque ad planstrum iunxisse: ita & hic vir Sanctus Ecclesiæ filius & Ec-
 clesiæ seruus, ab Ecclesiæ doctoribus stentibus & psallentibus ducebatur
 ad locum quem disposuerat Dominus. Erat namque in proximo, locus
 qui dicitur Aueniacus vbi adtulerunt bubulæ plastro iunctæ cum
 Sancti corpore, steteruntque immobiles nullo modo longius procedere
 volentes. Quod videntes Sacerdotes cognouerunt Domini esse volun-
 tatem vt ibi sepeliretur Sacerdos cuius sancta anima iam penetrauerat
 cœlos. Ibi ergo sepelierunt corpus Sancti Sacerdotis in die iudicij in
 gloriam resurrecturi, Præstante Domino nostro Iesu Christo cui honor
 & gloria in sæcula sæculorum. Amen Hæc fere ad verbum ex codice
 monasterij Sancti Remigij apud Rhemenfes. Vide Bærtium lib. 9. Flo-
 doardum &c.

Eodem die Sanctus Augurius vel Augulius siue Aulus. De eo videantur Constantinus Guinius, vita Dernargilla. Reliquia Dundrani in Brigantibus asseruabantur.

8. die. **S**anctus Burchardus Episcopus Herbipolensis. Alij alio die eius diem festum ponunt. De eo videantur VVolf. Lazius præfatione ad migratio. gent. Dempsterus & alij.

9. die. **S**anctus Erhardus vel Erchardus, Confessor qui cum Hildulfo & Alberto fratribus Germaniam prædicandi Euangelij causa petijt, nullam ibidem bene merendi de proximis occasionem prætermittens, & sane tanta de huius Sancti Sanctitate & doctrina fama creuerat, vt ad eundem varijs morbis laborantes deferrent multi, quod cum videret Sanctus Regio- Noburgum aufugit, ibique monasterio præpositus & editis miraculis pluribus ac vitæ innocentie clarus ex hac vita migrat. De eo videantur Pataleon parte 1. Prosopographia & Marcus Velferus lib. 5. Boicar. rerum ad annum 753.

10. die. **S**anctus Erlupus Martyr & Episcopus Verdenfis. De eo Demochares in Catalogo Episcoporum Verdens. lib. de sacrificio missæ ita loquitur. Sanctus Erlupus Scotus Martyr in loco Eppe-rtorp. &c. Relicta Scotia exemplo aliorum Scotorum quos Carolus Magnus post initum fœdus cum Achaio Scotorum Rege ad conuersionem Saxonum euocauerat è Scotia, eo omnia sua consilia conferebat, vt Saxones in Germania lucri faceret Christo. Fuit hic Sanctus ordine decimus Verdenfis Ecclesiæ Episcopus. De eo videantur Crantzius lib. Motropol. cap. 30. Pantaleon & alij.

11. die. **S**anctus Betta primus Apostolus Merciorum. Alij alio die eius festum colunt. Videatur Florent. VVigornienf. ad annum 653. pag. 560.

12. die. **S**anctus Maneteus Abbas, celebris habetur in Hebridibus Insulis præcipue in Iona Insula. Fit eius mentio in vitâ S. Columbæ claruitque sanctitate & miraculis eodem quo Columba tempore.

14. die. **S**anctus Bernardus Apostolus Edeffanus, bello sacro copias Scotorum duxit. Scoti- Chronicon & alij.

15. die. **S**anctus Conranus vel Conrannus Episcopus & Confessor qui Orcadensium animos (exemplo Sancti Palladij Scotorum Apostoli, Sernani & Kentigerni, quibus Orcadensium salus mirificè cordi fuerat) cum ad omnem Christiani officij fidem tum ad mutuam inter se cõcordiam & animorû vnionem inflammabat. Oppida & vicos in

predicando Dei Euangelio pedes obibat, & si quid a prædicatione Euangelij superesset otij, id omne varijs animarum remedijs per colloquia sancta de Deo impendebat, in subleuandis etiam corporibus pauperum præcipuè & orphanorum suscepta cura; quibus in laboribus exacto die, de necessaria sibi noctis subducebat quiete, quod precibus & orationibus pro suo grege cum Deo tribuebat. Huiusmodi pietatis officijs exactis, sese recipiebat ad Culdeorum monasterium in Pomonia (Scoticæ Kirkuaal quæ omnium Orcadum Insularum maxima est, patet enim in longum triginta ad minimum millia passuum excurrere tota in promontoria altissima) ibique ad tempus manebat. Magnâ sanctitatis famâ floruit apud Orcadenes Conranus. De ea agunt Lessæus lib. 4. historiæ Scoticæ. Arnoldus V Vion in additionibus ut lib. 3. Ligni vitæ. Regius, & alij.

15. die. **S**ANCTUS ERUALDUS Martyr, Apostolus Franconiæ in Germania vbi non inutiliter in prædicandâ Christi doctrinâ tempus exegit magno populi accedentis ad Christum plausu & numero, vnum illud crucis amatorem Erualdum angebat, quod marryrium subeundi pro Christo deesset occasio, quo si diu careret, videbatur non fideliter militare Christo Domino, quod & ipsum affirmabant Erualdi socij è Scotiâ in Germaniam cum ipso progressi, quos, deuotio singularis & fides ipsa Martyrij traxit vt se mitterent in laborem ad brauium supernæ vocationis. De hoc Sancto videantur Crantzius lib. 1. cap. 9. &c. Tritemius de viris illustribus ordinis Sancti Benedicti.

16. die. **S**ANCTUS Tanco Episcopus Verdenfis (sunt qui Tatto scribant) & Martyr de quo ita Crantzius in Metro. cap. 22. lib. 1. Tanco tertius Ecclesiæ Verdenfis Pontifex, Scotus & ipse natione, & in eadem prouincia monasterij Abbas Amarbaricensis in vtroque loco Pattoni succedens, & ipse pro diuina religione peregrinatus, dignum locum in quo Christo militaret, exoptans in feroci gente coronam capere martyrij. Vir planè Apostolicus qui cum in efformandis Saxonum moribus ad Christum, & Catholica religione plantanda nullis laboribus parceret, nec partem vllam quietis caperet, rebus conficiendis arduis & operosis, quæ vt plurimum in conuertendis Ethnicis intercedunt; ex alterâ verò parte innumera ferret incommoda quæ oppressa per id tempus bello Caroli Imperatoris Saxonia augebat: post incredibilem animarum messem tot laboribus partam, cupiens dissolui & esse cum Christo, Martyrij palmâ donatus est circa Christi annum 815. illud sæpe repetens: Domine Iesu ne statuas illis hoc peccatû. De hoc Sancto

videantur Crantzius loco citato, Lessius lib. 5. historiar. Arnoldus Vicon & alij.

17. die. **S** Sanctus Finnanus Episcopus & Confessor. Vir diuinæ gloriæ percupidus scilicet salutis sitientissimus, cuius conuersatio perennis in cælo, vsusque perpetuus cum Christo Domino, Virgine, Angelis, quicquid ei accidebat mente continuò ferebatur in cælum gratiasque de omnibus agebat Deo, tantaque in eius dictis vis, existimatio & pondus quoddam inerat, ut omnium cum quibus ageret compleret pectora pietate, quo factum ut Sigbertum orientalium Anglorum Regem (teste Beda lib. 3. cap. 22.) primo congressu ad fidem Catholicam derelictis Idolis tradaxerit, & Pendum Mediterraneorum etiam Regem Anglorum cum omnibus qui secum venerant comitibus ac militibus eorumque famulis vniuersis (teste Beda lib. 3. cap. 21.) Baptismatis sacramento primus initiaret; Diumam gentilem suam & vtrum Apostolicum Episcopum crearet, & Mediterraneorum Anglorum simul & Merciorum populis præficerit, Cedam orientalibus Anglis in Episcopum dederit. De hoc Sancto videantur Beda citatus, Arnoldus Merimannius in Theatro conuersionis Gentium, Lessius lib. 4. historiar, Maior lib. 2. de gestis Scotorum, Breuiarium Abradonense in parte hymali, Regius in Calendario, Tritemius & alij.

Eodem die Sanctus Fintanus Confessor. Alij Finanum seu Sinanum vocant. De eo ita loquitur Romanum Martyrologium ad hunc diem. In Scotiâ Sancti Fintani Præsbyteri & Confessoris. Ex Culdeorum Patrum numero fuit. Paupertati fertur fuisse addictissimus, non solum ut interdum sit rerum tolerando penuriam patienter, sed etiam recusando earundem copiam frequenter, quod primis illis Culdris Patribus in prædicando Dei verbo familiare fuit, ut pote qui Apostolicam ducerent vitam. Orationibus assiduus, vigilijs, ieiunijs seruando, verbum vitæ quibus poterat prædicando, cuncta huius mundi velut aliena spernendo, tantum quæ victui necessaria videbantur, ab eis quos docebat, accipiebat. De hoc Sancto vide Vsuardum in Martyrologio ad hunc diem, Posseuinum, Regium, & alios.

18. die. **S** Sanctus Colmannus Episcopus & Confessor paternarum traditionum & auitæ religionis tenacissimus, quod cernere est in disputatione illa de Paschate ad annum 564. de qua videatur Beda lib. 3. hist. cap. 27. post disputationem in Angliâ habitam, relicta Angliâ Scotiam repetijt & primò venit in Insulam Huy vnde erat ad prædicandum verbum Dei Anglorum genti destinatus, deinde secessit ad

Insulam quandam exiguam quæ sermone Scotico Insula vitulæ albæ nuncupatur (quam pato esse quæ hodie Calfa vocatur in Septentrione Orcadum collocata) in quam perueniens construxit monasterium & monachos inibi tam Scotos quam Anglos quos secum adduxerat, collocauit: qui cum inuicem concordare non possent quæsiuit Colmannus huic dissentioni remedium & circumiens omnia propè vel longè inuennit locum in Hybernia Insula nomine Magio (vocat Beda lib. 3. cap. 4. dum hoc describit Scotiam Hyberniam, nam constat Magio, Orcadum Insularum vnâ esse, & in hodiernum vsque diem ad Scotos spectare) apertum monasterio construendo, & Anglos ibidem collocauit, relictis in Insula Vitulæ Albæ Scottis. Totam hanc historiam narrat Beda loco citato qui lib. 3. cap. 27. charitatem eximiam Scotorum in docendis & erudiendis Anglis obiter perstringit. Erant (inquit) ibidem eo tempore multi nobilium simul & mediocrium de gente Anglorum qui tempore Finnani & Colmanni Episcoporum relictâ Insulâ patriâ, vbi diuinæ lectionis, vel continentioris vitæ gratiâ illò secesserant. Et quidam quidâ mox se monasticæ conuersationi fideliter mancipauerunt, alij magis circumeundo per cellas magistrorum lectioni operam dare gaudebant, quos omnes Scoti libentissimè suscipientes, victum eis quotidianum sine pretio, libros quoque ad legendum & magisterium gratuitum præbere curabant: hæc Beda. Magna fuit Colmannus in autoritate apud Ferchardum Scotiæ Regem hoc nomine secundum, quem & intrepidè admonuit vt à flagitijs quib⁹ erat addictus abstineret, sed frustra: Communione tamen Christianorum Colmanni autoritate exclusum Regem Proceres Regni punire volentes, inhibuit Sanctus Episcopus, eosque prudenter & religiosè admonuit, *In vultum Domini manus inferre impium esse, & à diuinis mandatis alienum*: & sanctissimè, quid enim magis impium quam manus violentas in Regem superiorem & Dominum iniicere? deinde Prophetico spiritu prædixit Colmannus Deum tot scelerâ acerrimè in Ferchardo vindicaturum; quibus sanctissimi Colmanni verbis (inquit Lessæus lib. 4. hist.) euentus fidem fecit, nam paucis post diebus. cum animi gratiâ Rex venaretur, Lupus Regis latus dente petiuit, vnde abiecta spe omni recuperandæ sanitatis, cœpit pristinæ suæ vitæ eluendæ rationem inire. Ad sese ergo rediens, diuinam ultionem iustam confirmare, multisque lachrymis D. Colmannū obtestari, vt anathematis vinculo quo obitringebatur illum liberaret. Quod cum fecisset Colmannus, Rex sacris Ecclesiæ Sacramentis munitus, vitam placidè cum morte commutauit, Anno regni sui duodecimo. Fuit hic

Sanctus amantissimus paupertatis Euangelicæ quam in Colmano & cæteris etiam Scotis qui in Angliam ad prædicandum Euangelium Christi causa processerunt mirificè laudat Beda lib. 3. hist. cap. 27. quem consule. Vide etiam Regium in Calendario, Sigibertum in Chronicis, Tretemium de viris illustribus ordinis Sancti Benedicti, Maiorem lib. 2. hist. Scoticæ, Lessum lib. 4. Boëtium lib. 9. hist. Surium, & alios.

Eodem die passa est Martyrium Maria Stuarta Serenissima Scotorum Regina quæ ob Catholicæ fidei constantiam & inuictum contra hæreticos animum, dono & pollicitationibus impiissimæ Iezabelis Elizabethæ Anglorum Regina in Angliam pellecta, post viginti annorum incarcerationem & longum quasi martyrium hoc die cruento martyrio coronata est. De quâ Baronius Sanctæ Romanæ Ecclesiæ Cardinalis illustrissimus tomo 5. Annalium ad annum 419. ex occasione Scoticanæ Ecclesiæ sic loquitur: Qui igitur (de Scotis sermo est) Euangelium primo à Victore Pontifice Maximo accepere eâtenus Christi gratiâ profecere, vt postea omnium præstantissimi euaserint Christiani, Christianamque fidem summâ diligentia excolentes, Apostolico munere (vt suo loco dicturi sumus) in exteras gentes longè positas latissimè atque locupletissimè propagarint. Porro eandem Ecclesiam nobilissimam hoc nostro sæculo Deus tentari permisit vt Christianæ constantiæ præclarissimum specimen ederet, cum inter alios martyres, habere etiam meruit (quod nulla hactenus christiana gens habuit) ipsam Reginam catholicæ fidei eximium decus & ornamentum, diutissimâ confessione in carcere ante probatam, & nobiliori coronâ martyrij auctam. Hæc Baronius cui subscribit Rozius lib. 22. de signis Ecclesiæ cap. 3. signo 21. Christus (inquit) hoc maximum laudabilissimumque bonum dedit Septentrioni, vt Scotia haberet Reginam Martyrem, Regis filiam, coniugem, & matrem: hoc sanè bono nullum regnum sese efferre toto orbe potest. Vide ea quæ superius de hac Serenissimâ Reginâ dicta sunt, vbi & eius Epitaphium cultissimum ab VRBANO 8. nunc Summo Pontifice compositum lectori subieci. Iam vt meæ in illam deuotioni satisfaciam aliud hic ego subiiciam.

*Regibus orta, dedi Reges, Reginaque viui,
Ter nupsit, tribus oba viuis, tria regna reliquit,
Callus opes, Scotus cunas, dedit Anglæ sepulchrum.*

19. die **B**eatus Bodeca seu Dudoco Episcopus Bathoniensis. Alij alio die eius festum ponunt. Videantur Franciscus Goduinus, Scoti-Chronicon, & alij.

20. die. **S** Sanctus Cælius Sedulius Episcopus Dei amicus cognomento. Alij diem eius festum ponunt decimo tertio Iunii. De eo vide Gropperum de Sacramento Altaris pag. 460. Gennadiū, Gesnerum, Simlerum, Antonium Nebrissensem, & alios.

Hoc eodem die Sanctus Coganus Abbas. Fuit hic Sanctus Sanctæ Kentigernæ frater. De eo agit Aberdonense Breuiarium in vitâ Sanctæ Kentigernæ ad septimum diem Ianuarij.

21. die. **S** Sanctus Chunialdus Præbyter & Confessor: fuit is socius peregrinationis & meriti magni illius Ruperti Salisburgensis Ecclesiæ Antistitis, in cuius die translationis quæ ad octauum Kal. Octob. fit, celebratur etiam pia Chunialdi memoria, licet in Scotiâ hoc coleretur die.

22. die. **B**eatus Brixius Episcopus Morauiensis. De eo videatur Scoti-Chronicon lib. 9. cap. 37.

23. die. **S** Sanctus Boisilus Confessor & Abbas Mailrosiæ in Scotiâ, cui crebra fertur in ore fuisse Sanctæ Trinitatis & augustissimi Iesu nominis vsurpatio ex redundantia pietatis solidæ erga Christum Dominum, de quo tam tenere mollique animo tamque vberi fletu cogitabat & loquebatur, ut in fletum ipsos quoque auditores & inspectores adduceret, illud sepe tenerrimo animi sensu repetens, Quam bonum habemus Iesum. De hoc Sancto agit Tritermius lib. de viris illustribus ordinis S. Benedicti lib. 3. cap. 126. Extant adhuc in Scotiâ prope Tuedam fluuium huius monasterij vestigia. Fuit hic Sanctus Sancti Cudberti præceptor, cumque fuisse Prophetiæ dono insignem testatur ipse Sanctus Cudbertus apud Bedam in eius vitâ ad vigesimum Martij. Qui cum Cœnobitarum vitam affirmasset admirandam quod Abbatis per omnia subijcerentur imperio, & ad eius nutum cuncta, vigiliarum, orationis & ieiunij momenta moderarentur, subiungit. Quorum plurimos noui paruitatem meam longè & munditia mentis & culmine gratiæ prophetalis antecire, è quibus est venerabilis & cum omni honorificentia nominandus Christi seruus Boisilus, qui me in Mailrosiensi monasterio quondam senex adolescentem nutrieat, & inter nutriendum, cuncta quæ mihi erant ventura, prophetica veritate prædixit, & vnum tantummodo restat ex omnibus ab eo mihi prædictis, quod vtinam nunquam impleatur, &c. Magno ferebatur hic Sanctus deuotionis affectu in legendo S. Ioannis Euangelio quod septem quaternionibus distributum successiuis legebat horis. Sanctum Cudbertum religiosorum Mailrosensium precibus à graui morbo liberatum in sanitate confirmauit &

non amplius

non amplius morbum illum mansurum Prophetico spiritu longè antea prædixit, teste Beda in vitâ Sancti Cudberti. Vides frater (aiebat) quia liberatus es, à molestiâ qua laborabas : & dicotibi ea vltà iam tangendus non es neque hoc moriturus in tempore : simulque moneo vt quia me mors vicina præstolatur, discere à me aliquid quamdiu docere valeam non omittas; Non enim plusquam septem dies sunt quibus mihi sanitas corporis, & linguæ suppetat virtus. Respondit Cudbertus nihil hæsitans de veritate dictorum ipsius : & quid rogo optimum est legere quod tamen vnâ valeam consummare septimanâ : at ille, Ioannem, inquit Euangelistam (ex cuius frequenti lectione erga Iesum nomen singulari ferebatur affectu) est autē mihi codex habēs quaterniones septem, quos singulis diebus singulos possumus Domino adiuvante legendo & quantum opus est inter nos conferendo percurrere; quā ideò lectionem tam cito explere volebat, quia solam in ea fidei quæ per deuotionem operatur, simplicitatē, nō autem questionum profunda tractabat. Completa ergo per dies septem lectione, memorato morbo correptus, vir Domini Boiſilus diem peruenit ad vltimum, & hoc magnā exultatione transcento ad gaudium lucis perpetuæ intrauit. Magna huic Dei famulo etiam post mortem cura fuit Scoticanæ Ecclesiæ, vt pote qui Egbertum Sanctum gentilium ad Christum conuersionem, opus licet angelicum non modo meditantem, sed etiam consensâ nauî vnâ cum duodecim viris Apostolicis iter ingressum tempestate iniectâ deteruerit, ac Hoyensis Insulæ monasteria Diuo Columbæ sacra potius inuisenda & de Paschatis obseruatione legitima edocenda diuino iussu imperarit. Visionem vero ipsam refert Beda lib. 5. hist. cap. 10. his verbis. Cum expletis hymnis matutinalibus (loquitur ille cum visio facta est) in lecto membra deposuissem, ac leuis somnus mihi obrepſisset, apparuit magister quondam meus & nutritor amantissimus Boiſilus, interrogauitque me an eum cognoscere possem. Aio etiam, tu es enim Boiſilus. At ille; ad hoc inquit veni, vt responsum Domini Saluatoris Egberti afferam, quod te tamen referente oportet ad illum venire. Dic ergo illi quia nō valuit iter quod proposuit implere : Dei enim voluntas est vt ad Diui Columbæ monasteria magis docenda pergat : erat enim Columba primus Doctor fidei christianæ transmontanis Pictis ad aquilonem, primusque fundator monasterij quod in Hu Insula, Scoticæ Hoy multis diu Scotorum Pictorumque populis venerabile mansit (fuit quippe vsque ad Malcolmî tertij Regis tempora Scotorum Regum Mausæolum). Audiens autem verba visionis Egbertus, præcepit fratri qui hæc retulerat

ne cuiquam hæc alteri referret. Egberto verò hanc visionem negligenter apparuit secundò Boisilus dicens, quare tam negligenter ac tepidè dixisti Egberto quæ tibi dicenda præcepi? at nunc vade & dic illi quia velit nolit debet ad monasteria Columbæ venire, quia aratra eorum non rectè incedunt (die quippe Paschatis secundum Romanum ritum ex ignorantia terram scindebant aratro) oportet autem eum ad rectum tramitem eos reuocare, & licet iam secundò Boisilus Sanctus, Egbertum officij, iussu diuino admoneret: nihilominus tantus huic Sancto inerat animarum zelus, vt nauim cum duodecim discipulis ex Hebridibus Insulis soluens conscenderet, sed frustrà nam vi tempestatis in periculum actus reuersus est ad dilectæ locum peregrinationis & solito in silentio Domino vacare cœpit: & quoniam externis prodesse ad fidem non poterat, suis amplius virtutum exemplis prodesse curabat. Porro cum Beda reuersum dicat in dilectæ locum peregrinationis, certum est ad celeberrimam illam Insulam Orcadam cui Magio nomen rediisse, & monasteriorum quæ in Orcadibus & Hebridibus Diuo Columbæ erant dicata curam de obseruando Paschate suscepisse: testatur quippe Beda lib. 4. cap. 4. Sanctum Colmannum Episcopum Angli monasterium in Insula Magio quæ vna est Orcadam ædificasse. In extremis constitutus Boisilus Sanctus, supremis monitis Mailrossenses instruit scilicet vt gratias agerent summas de religiosæ dono vocationis, vt à iudicio proprio tanquam à capitali hoste etiam atque etiam cauerent orationem cordisque puritatem ad virtutis culmen viam esse breuissimam aiebat. Hæc & similia documenta inculcans, pestilentiaque (qua se morituum longè ante prædixerat) interiora depascente, illud Diui Stephani Domine Iesu suscipe spiritum meum sepe repetens, obdormiuit in Domino. Agit de Boisilo Beda citatus, & post ipsum Ioannes Maior lib. 2. de gestis Scottorum cap. 12. quem consule.

24. die. **S** Sanctus Berectus Monachus & Confessor, qui profuit & vitæ sanctissimæ exemplo & prædicatione. De eo agunt Vision lib. 1. pag. 59. Galefinius ad hunc diem, & alij. Eius consilio narratur Mordacum Scottorum Regem ordinæ 59. Scottiam in summa pace, subditorum gaudio & commodo, annos rexisse multos. Præter cæteras huius Sancti virtutes magna illi fuit animarum zelus, in summisque se habere delictis aiebat, si Deo suo vel vnus peccatoris animam lucrifaceret. Escà quippe iustorum (vt bene Sanctus Gregorius lib. 31. Moralium cap. 12.) est conuersio peccatorum. Vitam hanc cum beatiore mutauit, Anno Christi 720.

25. die. **S** Sanctus Cailtanus Abbas. De eo vide Adamanum lib. 1 cap. 17. & alios.

26. die. **S** Sanctus Ioannes Scotus discipulus Sancti Galli & postea Constantiensis Episcopus. Fuit is monachus in Scotia ordinis Sancti Benedicti, cuius Patriarchæ Sanctissimi institutum multa habuisse monasteria, in regno Scotiæ testatur Miræus in orig. Benedic. cap. 81. Multosque ex eo regno ijsque monasterijs viros Apostolicos in Germaniam superiorem & inferiorem transmigrasse testantur Hundius in Metropoli Salisburgensi, Molanus in natalibus Sanctorum Belgij. De eo agunt Tabulæ Ecclesiæ Constantiensis, Iodocus Metzler, vita S. Galli Scoti, & alij.

27. die. **S** Sanctus Hildulphus Confessor qui cum Sanctis Arbogasto & Theodato ad flumen Halesum erecto Oratorio se totum contemplationibus & meditationibus diuinis tradidit. Vide de hoc Sancto Surium ad 7. Nouembris, Bruschium, Irenicum, & alios. Aduerte alium hunc esse à S. Hildulpho Treuirensi Episcopo item Særo de quo agit Vvellerus rerum Boicarum libro 5.

28. die. **S** Sanctus Nennius Abbas Benchorensis Monasterij in Insula Hæbridum Hu. Adolescentiæ annis nondum egressus, dum procellosis actionum motibus secularium hominū vitam agitari, & ab internæ sapientiæ quiete ac dulcedine disungi cerneret, se ab omnium secularium occupationum fluctuatione abstrahere, solique Deo vacare firmiter statuit; quod vt securus faceret in Hoyensis Insulæ Benchoræse monasterium se contulit, sub annum Christi 600. vbi se totum superioris arbitrio efformandum dedit, crebris insuper ieiunijs corpus atterere & interiora cordis per assiduam compunctionem in secretiori sacrificio mactare non destitit. In Abbatem electus omnibus nervis contendebat vt salus & perfectio propria simul & proximorum cordi esset suis subditis, quorum aliquos, vt Anglorum saluti seriò & viriliter incumbet, in Angliam misit Finnano Sancto Duce & Antesignano, qui in illo munere aded se Apostolicè gessit, vt Sigbertum Orientalium Anglorum Regem cum omnibus qui secum erant in Curia, & Pendam Mediteraneorum Anglorum etiam Regem, Baptismatis Sacramento primus initiarit. Abeuntem in Angliam Finnanum & socios præclaris sane monitis Dei famulus Nennius muniuit, videlicet vt ob oculos haberent semper, hominum licet infidelium animas non auro vel argento sed pretioso sanguine filij Dei redemptas esse. 1. nullum esse sanctius apud Deum obsequij genus quam sit animarum conuersio. 3. triplici genere

gaudij vt plurimum viros sanctos in hac lachrymarum valle perfundi solitos, internis consolationibus, familiaritate cum Sanctissima Christi humanitate in augustissimo Eucharistiæ Sacramento, animarumque multarum ad Creatorem Deum, conuersione. 4. vt in conuersatione familiari vbicunque fuerint, semper sibi præsentem essent, præsentemque Deum haberent semper. 5. vt se totos rebus non traderent, sed accomodarent, nec vnquam se nimium effundi in res etiam optimas sinerent. 6. vt vbi res perfecerint, redirent ad se statim, & negotia aliquantulâ quiete interromperent, magna enim virtus est inter strepitus viarum & negotiorum Deo sibi que esse præsentem. 7. cum mentis nostræ feruorē in hac lachrymarum valle sensim sine sensu veterascere cernamus, curandum vt diligenti studio pefectionis & crebræ mentis renouationi inuigilent, semper orando, legendo, meditando, psallendo, & prædecessorum vestigijs in hærentes bene viuendo, sic enim fiet vt post varios pro Christo in animarum conuersione labores susceptos, magno animi gaudio illud Paulinum dicere quibus eorum possit, Bonum certamē certauī, non ego, sed gratia Dei mecum, cursum consummaui, fidem seruaui, in reliquo reposita est mihi corona iustitiæ quam reddet mihi Dominus in illa die iustus iudex. Vide de hoc Sancto Langæum libro de vita & moribus hæreticorum nostri temporis in præfatione, impios Centuriatores Centur. 7. cap. 10.

Eodem die Sanctus Cormachus Præbyter & Confessor de quo fit mentio in vita Sancti Columbæ apud Henricum Canisium tomo quinto. Celebris habetur in Hæbridibus Insulis, claruit eodem quo Columba sæculo.

Eodem etiam die Sanctus VVulferus Confessor & Præbyter qui celebris habetur in ea Scotiæ prouincia cui Argathelia nomen. Eius fit mentio apud Capgrauium & alios.

MARTIVS.

SANCTVS MARNANVS Episcopus & Confessor cuius ducta & consilio Aidanus Scotorum Rex ordine quadragessimus octauus de Ceulino Orientalium Saxonum & Ethelfrido Northumbriæ Regibus non citra miraculum victoriam reportauit: ob inopinatam quippe multitudinem Saxonum infidelium exterrito Aidano Rege animos iam prope desponderant Scoti, cum Marnanus Sanctus perculsos metu milites cohortatur, vt in Christum Dominum Deum exercituum spem omnem reponant, & vi salutari signo crucis frontibus communi-

vis impauidi Iesum Christum inelamantes ferantur in hostem; factum
 ut imperarat Marnanus, tantisque in hostem (signo crucis communiti
 Christumque Iesum nominantes) animis irruerunt, ut ingentē stragem
 ediderint, cæsis è primoribus Saxonum Ceulino & Vitellio, cæteris in
 fugam versis. Hanc victoriam crucis labaro, & Sanctorum Columbar
 (qui & eandem longissimè distans in Iona Insula Prophetico spiritu
 annunciauit) & Marnani precibus attribuendum omnium vna vox.
 Marnanus Sanctus mortuo Aidano Rege annos superuixit multos, &
 Eugenio Regi huius nominis quarto & Aidani filio author fuit ut adue-
 nas Anglos, etsi suos & Christiani nominis hostes infestissimos summa
 cum humanitate & liberalitate exciperet, quod magna esset charitatis
 & humanitatis vis infidelibus Christo agregandis, quod & fecit Euge-
 nius Rex, Ethelfredi Anglorum Regis recens ab Anglis occisi filijs pro-
 fugis perhonorificè exceptis & Christiana religione diligenter imbuvis,
 nec frustra; Ethelfredi quippe filij Osualdus & Osui a Scotis fidem
 edocti, magno studio rem Christianam in Reges euecti, apud Anglos
 promouerunt. Marnanum verò post varios in Scoticana Ecclesia sus-
 ceptos labores cælo dedit Annandia Scotiae Prouincia, anno Eugenij
 Regis. 14. qui erat Christi annus 620. Habebat Morauia sancti Marnani
 caput, quod summa cum pompa & honore (comitante præsertim Inne-
 siorum tribu nobili & perantiqua, quæ tenerrimo in Marnanum fere-
 batur affectu) ad æris serenitatem à Deo postulandam circumferri sole-
 bat. Refert præterea Aberdonense Breuiarium B. Marnani caput die-
 bus Dominicis magno concursu populi, sacrisque mysterijs præmissis
 aqua lauari solitum, quæ epotà ab infirmis, grauissimis corporis, & sæpe
 animi infirmitatibus liberabatur. Cumque quidam bonis ad Ecclesiam
 sancti Marnani spectantibus furto subreptis excommunicatione etiam
 iniecta eadem restituere differrent, cum alijs tamen ad celebranda Mar-
 nani solemnia de more conuenirent, horum cerei quos sicut cæteri ges-
 tare volentes, nulla arte ignem concipere licet sapius appositi potue-
 runt. Quocirca commissi criminis sibi conscij surrepta bona reddiderunt,
 & penitetiæ de cõmisso crimine egerunt. Extat Ecclesia Aberkerdoure
 Duverno amne irrigata Marnani nomine, peregrinantium ad sacras ibidē
 Marnani reliquias celebris. Vide de hoc Sæcto Breuiarium Aberdonen-
 se, & Sconensis Chronica, Regum in Calendario & alios.

Hoc eodem die S. Monanus Martyr in Fife prouinciâ & adiacen-
 tibus Maiz Insulæ regionibus ob miracula celebris. Adolescens
 factus relictis parentibus diuino impellente numine, se totum S. Ma-

Adriani Episcopi Andreopolitani nutul efformandum tradidit, sub cuius ductu eos in virtute solida progressus fecit, vt postea cum eodem Sancto Hadriano & aliis sex millibus constantissimè pro Christi nomine sanguinem effuderit. Quanti autem meriti apud Deum Beatus Monanus fuerit, multa quæ fiebant ad eius sepulchrum reitantur miracula, quorum & illud omnibus notum. Cum Dauid Scotiæ Rex hoc nomine secundus in bello contra Anglos sagitta ferrea & hamata grauitèr vulneratus esset, nullaque Medicorum aut Chirurgorum arte extrahi posset, Rex Dauid spem omnem in Deum collocans, & miracula quæ per Monanum seruum suum operabatur in memoriâ reuocans, ad Inuerny vbi orat ipsius sepulchrum comitantibus regni nobilibus deducitur, effusisque ibidem ad Deum & S. Monanum precibus, sagitta statim illa ferrea è dicti Regis vulnere sine dolore vltro prosiliit, & absque cicatrice vlla vulnus remansit. In huius beneficii perennem memoriam Rex Dauid sumptuosissimam ibidem Ecclesiam in Beati Monani honorem extrui curauit; Sacerdotesque collegiæ illi Ecclesiæ ad diuina celebranda mysteria assignatis redditibus primus collocauit. Passus est martyrium Monanus sub annum 874.

2. die. **S** Sanctus Dauid Episcopus Meneuensis duodecim monasteriorum fundator, Apostolus Vvallorum. De eo vide Houedenum, Millum, & alios.

3. die. **S** Sancta Christiana Virgo Soror Sanctæ Margaretæ Scotorum Reginæ. De ea vide Polydorum lib. 9. Mathæum paris anno 1010. Annales Scotorum, &c.

4. die. **S** Sanctus Adrianus vel Hadrianus Archiepiscopus S. Andreæ & Martyr. Hic palma martyrii, vt supra vidimus, donatus est sub annum Christi 874. à Danis infidelibus, quibus in Scotia sacra quæque euertentibus occurrit Hadrianus, Christianæque fidei excellentiam, sanctitatem, miraculorum vim & maiestatem dum enuntiaret, singularem famuli Dei oris modestiam & suauissimam grauitatè summo opere admirantes Barbari, sensim erga Christiana dogmata non modo affici, sed & eadem publicè profiteri eiurato idolorum cultu aliqui cœpere. Hadriani tamen Sancti animarum sitis, & in prædicando Christi Euangelio insignis fructus & emolumentum, inuidiam apud primores Danorum conciliauit haud mediocrem, vnde & eundè post sacrosancta mysteria iam peracta Deumque orantem & dicentem: Domine Iesu quem dilexi, quem cognoui, & pro quo lubens morior, suscipe me seruum tuum, capite obruncarunt in Maia Insula, quæ in æstuario Forthæ

cernitur. Refert Aberdonense Breuiarium ad hunc diem sexties millies & sexcentos ex Adriani Episcopi Diocesanis à Danis infidelibus pro Christi fide martyrio vnà cum Pastore suo affectos. De hoc Sancto vide Breuiarium Aberdonense citatum, Sconensia Chronica, Lessæum lib. 5. hist. & alios. Extat in prædicta Insula Maia in honorem Christi Sanctorumque eius martyrum monasterium amplissimum quadrato lapide: visitur & Ecclesia quæ à fidei populo, præfertim à mulieribus spe prolis habendæ magna religione frequentatur.

5. die. **S**anctus Claudius Episcopus Altissiodorensis, Academiæ Parisiensis fundator. De eo vide Posseuinum pagina 321. Chronica Altissiodorensia, Tritemiũ de Scriptoribus Ecclesiasticis, Vvionem, Cardinalem Zabarellam, Paulum Merulam, &c.

6. die. **S**anctus Fridelinus Abbas & Confessor qui cognomento Viator dictus est, cuius accensa charitas in proximum tanta fuit, vt paternis opibus & honoribus postpositis se totum proximorum salutis querendæ per varias regiones peregrinando dicarit, alios in auita & Catholica religione sanctissimisque ritibus continendo, alios ad eandem fidem quam per summam impietate eiurabant reuocando: quo factum vt nullum neque mortis neque seruitutis periculum subtergeret, vt cuique laboranti succurreret, modo prædicando Dei verbo infidelibus, modo ministrando sacrosancto Eucharistiæ Sacramento. Galliam in prædicando Euangelio peruagatus, ad Mosellam in Belgio erexit monasterium, virisque Euangelicis impleuit. Apud Vosagos etiam (est hic Lotharingæ populus) & Burgundos varia extruxit monasteria. postremo denique in Germaniam profectus ædiculam (quæ postea in celebre creuit monasterium) prope Castellum Seconis condidit teste Volfango de gentium migratione in præfatione. Tradit autem idem author Castellum Seconis incolas multis annorum centuriis S. Fridelinum singulari reuerentiâ, magno suo commodo veneratos fuisse, postea tamen beneficiorum à Deo meritis Beati Fridelini acceptorum oblitos, igne diuinitus immisso consumptos fuisse exceptis duabus vel tribus domibus, si credendum sit Chronicis Colmariensium Dominicanorum parte secunda. Vide de hoc Sancto Posseuinum in Apparatu sacro, Vvolfangum de gentium migratione in præfatione, Chronica Colmariensium Dominicanorum parte secundâ citata, Petrum Cratopolitum de Episcopis Germaniæ, Molanum in additionibus ad Vvuardum, Ægidium Tscudum in descriptione Rhetici alp. cap. 12. Arnoldum in Theatro conuersionis gentium, Vvionem lib. 4. ligni vitæ, Lessæum lib. 4. historiæ Scotici in

Contra Regē: qui omnes ferē authores agnoscunt illum filium Costanti Regis Scotiæ.

7. die. **B**eatus Hugo ex sanguine Regum Scotiæ. Alii tamen existimant illum Regis cuiusdam Scotiæ filium. quibus suffragatur Epitaphium mox citandum. Fugit hic ex Scotia dum adhuc adolescens esset, & in Belgium veniens, sacrum S. Dominici institutum, Valencenis amplexus est anno Christi 1258. ætatis verò 18. circiter. Tradit Ioannes Lalou ipsum fuisse Regis Scotiæ filium, patremque eius Regem Scotiæ per varias mundi plagas requirendum curasse. Cum autem Valencenis repertus esset, ad eum accessisse ait patrem, eo fine, vt illi persuaderet, vt in Scotiam secum remigraret, sibi in regnum succellurus, verum cum Regi filius id respondi daret, meliorem se elegerat partem, ac proinde vt sibi Deo liberius & securius famulandi potestatem faceret, Regem rogabat: neque, sed inuitus, abnegat Rex, qui in huiusce heroici facti monumentum Fratrum Prædicatorū conuentui, templo inquam S. Pauli, diadema argenteum auro rutilum, maximi pretii venerabilis Sacramēti tabernaculo aut tegumento superponendum legauit. Quam coronam Prior frater Nicolaus de Hæc penuria coactus, Seniorum consensu Ioanni Le Clerc Mercatori, quadam ab eodem pecuniæ acceptā summā quoad satisfaceret oppigneratus est anno 1551. vel 2. apud quem verò iam lateat, id omnes de conuentu latet. Mortuus est autem hic Dei seruus anno Christi 1286. Ad caput autem tumulati in sacristia seu sacello ipsorum templi. extant hodie Regis Scotiæ depicta insignia & ad pedes structa corona, vbi etiam habetur sequens ipsius Epitaphium.

*Hugo Deo charus, Regali sanguine clarus,
Hic de Beuerna meruit sibi dona superna,
Nam iuuenis Christum sequitur, mundum terit istum
Hic frater sacellus, pauper fratremque sequutus,
Vt fieret tutus, à Sancto flamine tactus,
Hic animum quo se minimum tenuit, sibi fixit,
Sic humilis cum vix similis sibi sanguine vixit,
Vir fides, qua Christus ei merito benedixit,
Post patiens, miseros faciens crebro releuari,
Sic per opes proprias, inopes voluit recreari,
Anno milleno deno cum septuageno,
Atque ducenteno iuncto numero sibi seno,
Martini est mensis quo mortis enim necat rursus.*

Hæc eodem

Hoc eodem die Sanctus Colmannus Episcopus Lindisfarnensium, Apostolus Nordanimbrorum & Hæbridum. Vide de hoc Sancto Vveitmonasteriensem, Vvionem, Ioannem Maiorem, Franciscum Goduinum, Lestrum, Boëtium, & alios.

8. die. **S**anctus Duthacus Confessor & Episcopus Rossensis, in Rossia & Moravia Scotiæ prouincijs sanctitatis opinione clarus. Multa commemorantur ab eo prædicta diuinitus vt de calamitatibus belli Scotis inferendi ab Anglis & Danis, nec fefellit euentus; nam anno 1263. (10. scilicet à suo cœlesti transitu) Acho Rex Noruegiæ cum 160. nauibus ad Aëram Coilç in Scotia oppidum maritimum applicuit: verum Sancti Duthaci precibus, vt par est credere, duplici infortunio eodem fere momento percussus est Acho: Primum, cum Alexandro Stuarto eius qui ex Stuartorum familia primus in Scotia regnum gessit proauo congressus, ab eodem Sanctum Andream Apostolum Scotiæ tutelarem in conflictu Scotorum more sæpius inclamante victus ac fugatus est. Deinde nauibus fœdissima tempestate vexatis desideratisque in prælio Noruegijs ad sexdecim millia mœrore animi confectus Acho, interijt. Huius Sancti consuetudine vsus fertur Alexander Scotorum Rex huius nominis tertius, qui si vllus Scotorum Regum alius omnibus corporis & animi virtutibus à Deo ornatus fuit, & Catholicæ ac auitæ religionis tenacissimus, cui familiare fuisse fertur diebus singulis sacrosancto missæ sacrificio interesse & manus Sacerdotis offerentis ab eleuatione hostiæ deuotissimè deosculari, quod eundem Deum & hominem qui in cœlo adoratur ab Angelis, in altari, Sacerdotis contrectari manibus firmisimè crederet & teneret. Porro Sanctus Duthacus mortalis vitæ pertæsus, & æternæ videndæ cupidus, senio iam pœne confectus in morbum incidit, cuius incommoda cum equissimo subiret animo, morbusque ipse velut solidæ virtutis æternæque materia gloriæ, ab eo in diuini beneficij loco numeraretur, illud Dauidicum sæpe repetens: Et quæ est expectatio mea nonne Dominus? Cœlestia petijt sub annum Christi 1253. De eo vide Lestrum lib. 6. historiæ, Regium in Calendario, & alios.

9. die. **S**anctus Columbanus Episcopus in Scotia. Vide Lestrum lib. 4. Decreta Honorij primi PP. cap. 19. tom. 3. consil. & alios.

10. die. **S**anctus Himelinus Confessor & Sancti Rumoldi Scotiæ Regis filij affinis. Hic singulari Dei munere ad Apostolicum vitæ statum prædicando Brabantibus Euangelium, ex ipsa sæculi fecemundo

victorum multitudinem veluti senescente, à Deo segregatus, animum in eam curam totum ac mentem intendit, minime nescius quanta sibi res esset imposita, quantique apud Deum esset meriti animas ad Dei imaginem creatas, pretiosoque Christi sanguine redemptas ad veram fidem, sine qua impossibile est placere Deo conuertere. De hoc Sancto vide Molanum in Annotationibus ad Vsuarium & in Indiculo, Regium in Calendario, & alios.

Eodem die Sanctus Makkeflogus qui & Kessfogus dictus est, Confessor & Episcopus, in Boia Scotiæ prouincia miraculorum gloria celebris, qui cum magna apud Congallum Scotorum Regem hoc nomine secundum esset in gratia, multa per eum gessit ad Dei gloriam, multaque publicum ad exemplum: multis etiam viris Principibus auctor fuit concordie & pacis, Regemque adeo pietati addictum Scotis efformauit, ut is, moderatione animi morumque probitate cum ipsis monachis decertasse videretur. Superis dedit Makkeflogum Boia prouincia sub annum Christi 560. anno Congalli Regis secundo. Agunt de Sancto Makkeflogo, Paslatentia Chronica & Aberdonense Breuiarium quod ita de illo loquitur, Beatus Christi Confessor Kessfogus nobili natus familia à primæua ætate multis fertur claruisse miraculis, & inter cetera dum adhuc puer vnà cum alijs duobus sibi coætaneis nobiliumque filijs ludendo iuxta quendam lacum tempus tereret, accidit Deo permittente ut, socij illi duo ad ripam propius accedentes in lacum deciderent, & ab aquis suffocarentur; quod cum audiissent parentes, in Kessfogum innocentem licet, culpam omnem mortis filiorum reijciunt, acriusque illatam iniuriam vlcersi statuunt. Re audita vir quidam Sanctus & Kesslogi parentibus per familiaris, sanctitate pueri diuinitus cognita, eidem imperat ut noctem insequentem in precibus apud Deum transigat: & ecce nocte mediâ apparuit Kesslogo Angelus Domini dicens, Kessloge exaudiuit Dominus preces tuas, nam socij pro quibus deprecatus es viuunt: Mane itaque facto Kessfogus rediuiuos parentibus pueros tradidit, tantumque beneficium mente reCOLens, sese arctius diuino obsequio tradidit, relictisque parentibus monasterium ingressus est, multisque ibidem in vita & post mortem claruit miraculis. Extat celebris Ecclesia in Lus Kessfog dicata.

Hoc eodem die passus est martyrium non ante multos annos Ioannes Ogilbæus Societatis Iesu Sacerdos. Glasgæ captus fuit & multarum noctium insomnio inaceratus, quod strenue Pontificis dignitatem ac Catholicæ fidei puritatem tueretur. Martyrium eius extat

Quaci typis excusum

Hoc etiam die cœlestia petijt Beatus Richardus à Sancto Victore; vir planè sanctissimus, cuius mentem mirum in modum à Deo illu-
stratam suauitateque diuini spiritus totam vndique perfusam, quæ
posteris consignauit, testantur scripta, quæ venerabilis hic Pater non
tam atramento quam fuis ad Deum lachrymis, nec tam humano studio
quam accurata & sæpius iterata prece, nec tã magistrâ prudentiã quam
Deo dictante scripsisse videtur. Hic ille est, qui, vt ait Ioannes Maior
gentilis noster & Theologiæ Doctor Classicus in quodam sermone de
Deipara Virgine omnium expressè primus eam originalis noxiæ exper-
tem tenuit: quo etiam nomine in Anglum quandam Andream à Sancto
Victore dictum immaculatę Virginis Conceptioni & S. Petri prima-
tui reclamantem, non minus eleganter quam neruose calamũ strinxit.
Scotiã egrediens Richardus, Alexandrum Scotorum Regem huius no-
minis primum conuenit, (erat enim parentibus non minus pietate quã
generis claritate nobilibus) cui inter cætera duo commendasse fertur: vt
in pauperes & iniuria oppressos more maiorum benignus esset & mitis,
deinde vt in Ecclesiæ pastores se liberalem ostenderet: quorum vtrum-
que non excidisse Alexandro Regi toto vitę tempore probauit enentus
iniuria quippe oppressos, si quis Regum Scotorum protexit ipse, nam
redeunt à Rossenti quadam expeditione per Merniam prouinciã occur-
rit mulier paupercula grauitè querens maritum à Comitibus Merniæ fi-
lio, quem in ius ob æs alienum vocasset, loris cæsum: Rex Alexander
indignabundus ex equo desiliens non prius conscendit quam supplicio
factoris author fuisset affectus; nec minor in Ecclesiasticos liberalitas,
quippe qui Abbatiam Regio sane opere ad Scopam à fundamentis re-
dificauit Diuo Michaëli sacran, in qua ad nostrã fere tempora Scotorum
Reges inaugurabantur: in Amona etiam Insula quæ Forthæ æstuario
vndique alluitur augustissimum erexit Diuo Columbæ templum: Sant-
andreganum monasterium antiquissimum donarijs & agris Regijs auxit.
Dum fermelinum denique Cœnobium multis prouentibus locupletauit
Parisijs igitur ex Scotia appulsus Richardus, Canonicus regularis Sancti
Augustini in Monasterio Sancti Victoris à quo nomen accepit, factus
est; vbi & sanctissime vixit, & deuotissime multa scripsit. Sed post va-
rios de hoste triumphos reportatos, huius vitæ pertæsus etiam in ata-
tis flore, sanctissimæ Trinitatis in quam teneerrimo semper affectu fere-
batur, videndæ cupidus in stomachi dolores incidit acerbissimos, qui-
bus ingrauescentibus corpus Christi sacratissimum Catholicorum more

deferri sibi curat: Fratribus hostiam non consecratam quod pro infirmitate consecratâ retinere non posset, deferentibus dixisse fertur spiritu diuino: *Deus vobis parcat fratres amantissimi, quare me decipere voluistis?* quibus stupentibus & verum Christi corpus adferentibus cernens præ infirmitate nimia se vero corpore communicare non posse, eleuatis in cælum manibus & adoratâ sacratissimâ hostiâ, dixisse fertur: *Os meum aperui & attraxi spiritum: ascendat filius ad patrem & spiritus ad Dominum qui fecit illum, inter quæ verba spiritum emisit & corpus Dominicum euanuit.* Cælestia petijt anno redemptionis 1130. Sepulchro hoc Epitaphium in Monasterio Sancti Victoris Parisijs insculptum cernitur.

Moribus, ingenio, doctrinâ clarus & arte;

Pulueres hic tegetis docte Richardes tu:

Quem tellus genuit felici Scotica partu,

Te sonit grenio Gallica terra suo.

De illo videantur Ioannes Maior lib. 3. de gestis Scotorum cap. 12. Belarminus lib. de Scriptoribus Ecclesiasticis, Tritemius, Lessius & alij.

Hoc eodem etiam die Sancta Kennocha Virgo in Coila Scotiæ prouinciâ celebris, vt pote quæ propagandæ disciplinæ religiosæ & monasticæ apud Coilenſium virginum monasteria, studio flagrant maximo, cui etiam magna vitæ accedebat puritas, erga pauperes & orphanos tenerima animi affectio; nec defuere varia quibus Christus sp̄sam suam ornaret miracula, vnde & varias huic Virgini in Orientali etiam Scotiæ tractu cernere est dicatas Ecclesias, & Glascuâ non procul extat vna. Migrasse fertur sub annum Christi 1007. Malcolmſe secundo Rege Scotis imperante. Excat precatio peruerusta qua S. Kennochæ patrocinium Scoti inclamare consueuerunt. Deus amator castitatis & auctor, S. Kennochæ Virginis tuæ precibus, mentis & corporis eam nobis tribue puritatē, per quam æternā valeamus euadere corruptionē. Per Dominum nostrum Iesum Christum, &c. Vide de hac Sancta Regium in Calendario, Breuiarium Aberdonense, & Sconensia Chronica.

11. die. **S**ANCTUS Constantinus Martyr & Scotorum Rex secundus hoc nomine. Hic cum videret Danos infideles Classe magna in Scotiam transmisſisse, & obuios quosque ob Christiani nominis odium sine discrimine trucidare, sacra religiosorum ædificia euertere, Virginibus Deo dicatis vim inferre, cumque fama accepisset sanctissimam Abbam Coldinghamiæ Cænobiij Abbatissam, vt horum infidelium ferinas manus euaderet, arrepta nouacula (ô castitatis amor!) nasum sibi

sum superiori labro (quod & cætera virgines Ebbæ exemplo nihil hæsitantes fecere) præcidisse, posteroque die à Danis infidelibus de spectatulo attonitis, omnes simul concrematas & martyrij palma (intacta tamen virginitate) donatas; zelo zelatus pro domo Domini Constantinus aduersus Danos armato milite proficiscitur, & primo quidem Hubbam (alii Scubbam vocant) Danorum Regis fratrem, Leuini amnis incremento, cum suis vires coniungere prohibitum facile vicit fugauitque. At Humbum (alii Hengar) alterum Danorum Ducem adortus loci iniquitate Danorum desperationem iuuante ab iisdem occiditur, illud sæpe repetens: Domine Iesu ne tradas bestiis animas seruientes tibi. Constantini loculum in Ionam Insulam magnâ pompâ translatus Deus multis ornare dignatus est postea miraculis: Martyrio donatus fuit anno Christi 874. Vide Regium in Calendario, Boëtium lib. 10. historie & Leslæum lib 5.

Eodem die S. Attala Abbas Bobij. De eo vide Bernardinum Saccum, Sigionij Italiam, historiam Sinclarij, & alios.

12. die **S** Sanctus Fetno Confessor. Vir fuit eruditione præstans qui in ipso pietatis tyrocinio, qualis postea euasurus esset multis virtutum iisque heroicis actibus probauit. Postea vero ubi virum sapere, altioresque in omni virtutum genere radices iacere cæpit, se totum prædicando Pictis Euangelio deuouit, sociisque sibi ascitis, vitia quæ quorundam erroribus & contaminatis moribus irrepressissent, radicitus extirpauit: quo factum ut ingens animarum collecta sit messis, & ad veterem sanctitatem quam Sanctus Ninianus Pictorum Apostolus plantauerat, redintegrata sint multa. Ad Fetnonis Sancti sepulchrum miracula per multa sæcula ostendere dignatus est Deus, eundemque sibi asciuit sub annum Christi 580. Vide Leslæum, & Boëtium in historia, & alios.

13. die **S** Sanctus Viganus Confessor & Anachoreta in Leuina prouincia celebris. Hic diuinæ voluntatis exequedæ audis, occasione mundo valedicendi primo quoque tempore nactus, se totum ad alterius nutum apud Cluniacenses tradidit, ubi quotidianis experimentis probatus cum esset, ab iisdem repertus est dignus qui sibi ipsi legem posset imponere, vnde in Insulam Louinij siue Loumundi Lacus (à quo Leuina prouincia nomen accepit) se contulit ut solus soli Deo vacaret gustaretque quam suavis sit dominus diligentibus se. Annos multos in hac vita solitaria, summa vnione cum deo & interna mentis quietudine, non sine miraculorum gloria transegit. Malcolmum hoc nomine secundum

Scotorum Regem in regno feliciter administrando precibus multum inuissè dicitur Viganus Sanctus, cuius ille pietatis monita animo nunquam excidisse suo testatus est; cum Grimo regia sceptrâ iniuria molitâ & armato iam exercitu stipato, ipsaque Ascensionis die bellum irreligiosè committere cogitanti obuiam miserit Malcolmus, hortatusque fuerit ne Christianus homo memoriam diem tam celebris cruore suorum ciuium pollueret, cum hoc die naturæ nostræ infirmitas per Christum ad Dei Patris sit prouecta confessum (ferebatur quippe Malcolmus singulari pietatis affectu in Ascensionis Christi diem) sed Grimus nihilo secius suo damno aciem in Malcolmum duxit, quo magna in Christum fiducia illud Dauidicum in ipso conspectu inclamante, dissipa gentes qui bella volunt qui ascendis super cælum cæli ad Orientem, Grimus à suis desertus capitur & in delicti poenam & diei festi violati memoriam oculis priuatur. Cælestia petijt Viganus sub annum 1012. fuitque ordinis Sancti Benedicti Congregationis Cluniacensis. De Viganò Sancto agut Boëtius & Lessus in hist. liber Plusquartensis, & alij.

14. die. **S** Sanctus Comnanus Abbas Huenfis. De eo vide Vvionem & Annales omnes Scoticos aliosque plurimos authores quorum aliqui aiunt ipsum fuisse Ferquhardi Regis præceptorem.

15. die. **S** Sanctus Conleatus Sodorensis Episcopus. De illo vide Alexandrum Millum, Georgium Neutonum, vitam Sanctæ Brigidæ, & alios.

16. die. **S** Sanctus Bonifacius Rossensis Episcopus, cuius animi candor vitæ integritas, alienæ salutis amor, fecere vt ex Italia in Scotiam sese conferret vt videlicet Scotiana Ecclesia per omnia Romanæ in externis etiam ritibus sese conformaret, cuius rei gratia varijs illius regni peragratils locis Rossensem sibi selegit prouinciam, in cuius vrbe primaria (Rosmarkijam nomen est) Episcopi munia non sine sanctitatis laude & miraculorum gloria annos multos exercuit, quibus feliciter percurulis necessitati religiosè concessit sub annum Christi 630. Refert Aberdonense Breuiarium Bonifacium centum & quinquagiuta templâ erexisse in Scotia, vitæque sanctos numero septem diuina ope vitæ restituisse. Vide de hoc Sancto idem Breuiarium ad hunc diem, Boëtii lib. 9. historiæ, Lessum lib. 4. historiæ, Regium in Calendario.

17. die. **S** Sanctus Patricius Confessor, Episcopus, & Hibernorum Apostolus. De quo ita Sigebertus in Chronico ad annum 394. S. Patricius Scotus, in Hybernia cum suis discipulis venditur, vbi cum esset Regis Portarius Angeli alloquio lapsus est. hæc Sigebertus & ta-

men paulo post vocat Britonem. Ex quo obiter hic collige quod quamvis aliquando aliqui Sancti Scoti Britones vocentur, hoc tamen non impedit quominus sint Scoti, nam nomine Britonum Britannos intelligunt. Fuit hic Dei famulus vir plane apostolicus & diuinę glorię promouendę in animarum ad Deum Creatorem suam conuersione sollicitissimus. Prope Glasguensem ciuitatem in Scotia liberalibus ortus parentibus ac a puero pietatis igniculos & Sancti Spiritus instinctus sentiebat. Palladio Sancto & Scotorum Episcopo a Caelestino Pontifice in Scotiam missus successit (inquit Cardinalis Baronius in Annotationibus Martyrologij ad hunc diem) Sanctus Patricius consecratus ab eodem Caelestino Papa, qui & ad Hybernios missus ibi per annos 40. in signis atque mirabilibus prędicans totam Insulam Hyberniam conuertit ad fidem. Habebat vero iam tum Scotia viros apostolicos & Sancto Patricio contemporaneos non paucos, Sernanum Orcadensium Apostolum, Ternanum Niniani Sancti successorem, Queranum Benchorensem Abbatem, Kentigernum Culrossiani monasterij antiquissimi gloriam & discipulum, aliosque qui Scotorum gnauius excolentes Ecclesiam, Hybernis Hirlandicis nondum ad Christum conuersis Sanctum Patricium lubenti concessere animo. Agunt de hoc Sancto Syluester Giralduus Itinerarij Cambrię libro primo, Sigebertus loco citato, Cardinalis Baronius loco citato & tomo quinto Annalium, Marianus Scotus in Chronico, Iacobus Tyrus in libello de antiquitate religionis Christianę apud Scotos, & Camdenus hereticus Anglus in sua Britannia vbi testatur ipsum natum fuisse in Cluydsdalia, quę Scotię prouincia est.

18. die. **S** Sanctus Constantinus 3. R. Ethel. F. 35. annis ad Diocetianum Monachus. De illo videantur Vvion lib. 4. Boetius & Lestæus in historia, & alij.

19. die. **S** Sanctus Clemens Episcopus Dumblanensis in Scotia non Dumbliensis in Hybernia. Ordinem Sancti Dominici in Scotiam intulit, ab ipso Sancto Patre indutus. De hoc Sancto vide Michaelen Plodium, Stephanum Sampayum, Philippum Vvolsum lib. 3. de peritorum virorum vitis, Alexandrum Millum, Scoti-Chronicon libro 10. cap. 11.

20. die. **S** Sanctus Cormanus, vel Cornanus primus Apostolus Nordmannorum. Alij eius diem festum ponunt 12. Martij, alij 15. De illo vide Scoti-Chronicon, Vvestmonasteriensem & Vvigoriensem ad annum 635. Goduinum pagina 91. Polidorum, Boetium. Lestæus, & alios.

21. die. **S**anctus Isengerus Episcopus & Martyr, quem Demochares inter Verdenſis Eccleſiæ Episcopos recenſet. Crantzius in Metropoli ait de illo præter merum nomen nihil eſſe in factis relatum. Septimus fuit ordine Episcopus Verdenſis Eccleſiæ in qua poſt varios labores perpeſſos, mortem pro Chriſto ſubiit, anno 828.

22. die. **S**anctus Ibar, vel Ibarus Episcopus & Confessor, in quo dum adoleſcens eſſet documenta non leuia diuini Spiritus apparebant, vt in electis plerumque fieri ſolet: ætate prouectior, maior etiã & firmior in eo cernebatur virtus. Episcopus factus varia ſuæ ſanctitatis edidit indicia, & Angelico monitu Filanum puerulum aquis ereptum baptizauit & in virum perfectum per virtutis tramitem deduxit, cumque Chriſti Euangelium non ſine ingenti animarum lucro varijs locis prædiçaſſet Ibarus Sanctus, eundem cælo dedit Tifedaliã Scotiæ prouinciã. De illo vide Aberdonenſe Breuiarium, & vitam Sancti Filani Abbatis.

23. die. **S**anctus Theodatus Confessor, de quo ita Surius. Cum Dagobertus Rex ad regni Francorum gubernacula ſederet S. Florentius cum BB. Arbogaſto, Theodato & Hildulfo à Scotia venit in Alſatiam &c. Hic Sanctus reclamantibus parentibus, paternã domo poſthabitã mundo relicto vitam integram Deo, cui ſeruire regnare eſt, volẽs dicauit & in Germaniã vt liberius Deo vacaret ſe contulit, vbi omnibus charus, & virtutis nomine venerandus. Poſt Euangelium diu ibidem prædicatum onuſtus victorijs obdormiuit in Domino redemptionis anno 684.

24. die. **S**anctus Duumchadus vel Dunichadus Abbas Hoyenſis Inſulæ virorum Sanctorum fertiliffimæ. Præfuit annos multos Hoyenſi monaſterio non ſine ſanctitatis & miraculorum fama: orationis dono ſingulari fertur fuiſſe præditus, quam virtutum omnium fulcrũ & munimen affirmabat, multũque referre ad euagationes mentis orationis tempore expellendas aiebat, ſi Dei præſentia orantis menti occurrat sæpe. 2. actu etiam externo Deum præſentem adorare & agnoſcere. 3. cæteris negotijs tantisper ſubductis ad orationem prius cogitatione & interna mentis recollectione quam pronuntiatione conuerti. 4. Dei Angelum præſentem (vt verè eſt) agnoſcere, qui quemadmodũ in oratione quiſe gerat, animaduertat, malum etiam Angelum qui quo plures habeat ad accuſandum anſas in oratione errata rimari, diſtractioneſque ſuggerere ſolet. 5. oranti abiiciendã omnis lucis craftinæ & ſubſequacis operis ſollicitudinẽ, etiam rerum optimarum, perſuadeatque ſibi

adeatque sibi certissimo orans, hoc res suas Deo magis curæ fore, quo magis ab iisdem ad Deum inter orandum cogitationem traduceret suam. Magna intercesserat Duumchado Sancto cum Egberto necessitudo, quo docente, tradit Beda lib. 5. historię cap. 23. Monachos Insulæ Hoyensis ad ritum Paschę ac tonsurę canonicum Domino procurante perductos. Duumchadus Dei famulus post strenuam atque salutarem, vt Abbatem decebat, nauatam operam, his consilio, illis studio ac labore, omnibus verò vitę exēplo in extremis positus, & sæpe repetens, Quid mihi est in cœlo & a te quid volui super terram? Defecit caro mea & cor meum. Deus cordis mei & pars mea Deus in æternum. Iesum in gloria videre meruit sub Christi annum 736.

25. die. **S** Sanctus Theodnanus Martyr in Franconia Germanię prouincia ob effusum sanguinem in prædicandâ fide Catholicâ celebris. De eo vide Democharem de Missæ sacri ficio in Catalogo Episcoporum Vormassensium in fine, & alios.

26. die. **S** Sanctus David Episcopus Banchorensis Sancto Henrico Imperatori erat à Confessionibus. Vide Malmesburiensem lib. 5. Iuretum ad Iuonem, & alios.

27. die. **S** Sanctus Archibaldus Abbas Monasterij cui Carnaminum nomen (cui longe ante Archibaldum Sanctum præerat Brandanus Sanctus & in eodem S. Maclouio religiôsę disciplinæ præcepta tradiderat.) Hic ergo magna constantia Episcopatus varios obfirmato recusauit animo, quanquam ab admittendo Carnamini Abbatis honore, quem eius loci Monachi & viri prudentes illi tanquam viro Sancto & ad gubernandum aptissimo deferendum curarant, non abhorruit, quod ea muneris functio non tam honoris esse, quam multi oneris videretur, nec tam dignitatis & copię quam humilitatis & tolerantię. Post præclara prudentię sanctitatisque vestigia in gubernandis subditis relictâ, cœlestium cœtui aggregatus est sub annum Christi 708.

Eodem die Sanctus Rupertus (qui alijs Rudbertus & Robertus) Episcopus Salisburgensis, vir sane Sanctissimus & apud Bauaros celeberrimus de quo in hæc verba Chronica Salisburgensis. Sanctus Rudbertus Sanctę Salisburgensis Ecclesię Antistes, ex Regali prosapia Francorum Ducumque Scotię originem duxisse antiqua tradit historia. Hic vnâ cum fratre Trudberto & sorore Erintrude (quidam autumant neptem fuisse) in Scotia à Sancto Patricio baptizatus, nec non literis Ecclesiasticis imbutus est, ac vbi adoleuit in Deum mentem conuertit & non sibi sed vtilitati hominũ honori diuino consulere statuit. Assumpto

inquam Trudberto fratre suo nec non Eientrude sorore sua tantis fratribus non indigna, eiusdem videlicet desiderij & amoris in Deum spre-
tis opibus, posthabitis voluptatibus, pari voto parillique consensu patre
relinquentes & patriam exules esse decreuerunt in terris, vt ciues Sanc-
torum & domestici Dei fieri mererentur in cælis, &c. Vide reliqua de
vita huius Sancti apud Chronica Salisburgensia manu scripta in Mo-
nasterio S. Petri Apostoli à S. Ruperto ædificato, & apud Henricum Can-
nisiu[m] tomo sexto Antiq. lectionis. Vide præterea Auentinum lib. 3.
Aunnalium Boiorum, & alios.

28. die. **S** Sanctus Ganinus Martyr, qui in Maia Insula & adiacentibus
regionibus magnam sanctitatis opinionem ob fufum pro
Christo sanguinem sibi comparauit, auxitque opinionem miraculorum
fama, quæ postea diuinitus apud huius viri Sancti sacra pignora ad nos-
tram fere ætatem patrata cernebantur. Martyrio affectus est à Danis sub
Christi annum 870.

29. die. **S** Sanctus Baldredus Confessor, Episcopus Glascuensis apud
Dinastas & Principes viros magnæ auctoritatis & gratiæ. Hunc
Sanctum cælo dedit Laudonia prouincia sub annum Christi 610. post
cuius obitum tres parochiales Ecclesiæ de conseruando huius viri Sancti
corpore inter se certasse dicuntur, videlicet Aldham, Tynningham &
Preston, & eiusdem Sancti precibus tandem effectum esse (non enim
est impossibile apud Deum omne verbum) vt illarum vnaquæque the-
sauro illo frueretur. De hoc Sancto vide Ioannem Maiorem in quarto
sententiarum distinctione decima quæstione quarta vbi exemplo cor-
poris Sancti Baldredi probat idem corpus posse esse in diuersis locis simul
& semel per diuinam potentiam. Vide etiam eundem authorem lib. 2.
de gestis Scottorum cap. 7. Boëtium lib. 9. historiæ, Lessæum lib. 4. hist.
librum Paslatensem, Regium in Calendario, & alios.

Eodem die Sanctus Gisolarius, vel Gisibarius. De hoc Sancto vide
Sanctum Hartuicum lib. de Synodalibus decretis, Gisolarius (in-
quit) Noricis ad pietatem clarissimus habetur. Cōtinuatorem Fordani,
vitam Sancti Ruperti, & alios.

die. 30. **S** Sanctus Patto Episcopus Verdenfis in Germania ordine se-
cundus, Abbas antea Amarbaricensis (erat hoc apud Scottos
celeberrimum monasterium) in Scotia. Affirmat Crantzium Metrop.
lib. primo cap. 21. fuisse virum sanctitate præcipuum & zelo Dei tran-
sito mari in apertæ vitæ pericula Euangelij causa se proieisse. De hoc
Sancto vide Crantzium loco citato, Democh. 216 lib. de Mixta sacrificio

in Catalogo Episcoporum Verdensium, Molanum in Appendice ad Vfsuardum, Brulleum in Catalogo Episcoporum Germaniæ, Lesleum lib. 4. historiæ Scoticæ, Henricum Pantaleonem prima parte Protopographiæ ad annum 791. qui affirmat hunc Sanctum martyrio fuisse coronatum.

Hoc eodem die Sanctus Paternus Episcopus. De illo vide Sigebertum, Triterium, Florentium Vigorniensem, Lesleum & alios.
 31. die. **S**ancta Daria mater Sanctæ Vrsulæ. Probant illam esse Scotam ijdem authores qui ipsam Vrsulam.

APRILIS.

7. die. **S**ANCTVS GILBERTVS Episcopus & Confessor in Cathanelsia Scotiæ prouincia in hodiernum diem celebrimus, quippe qui Cathanensium patronus & tutelaris habetur, & merito, cum Sancti huius viri hortatu & vigilantia e cœno viciorum emerferint, pauperumque hospitia non pauca in illa prouincia erecta sint; variaque alia pietatis monumenta ab ipso constructa cernere est, quæ huius viri Sancti pietatem & in Cathanenses paternum amorem intuentium oculis detegunt. Fuit Gilbertus Sanctus patria Morauus & libertatis Scoticanæ Ecclesiæ contra audaces Eboracensis Archiepiscopi conatus defensor acerrimus: vnde & Episcopatum postea Cathanensem tanquam libertatis Scotici Cleri constanter defensæ fortiterque cuiusdam tesseram accepit. Fuit præterea Gilbertus Sanctus Guilielmo Scotorum Regi charissimus ad quem Clemens tertius Pontifex maximus in confirmationem libertatis Scoticanæ Ecclesiæ (à Gilberto defensæ) dedit literas in hunc modum. Clemens Episcopus seruis seruorum Dei, charissimo in Christo filio Guilielmo Scotorum Regi salutem & Apostolicam benedictionem. Cum vnuerſi Christi iugo subiecti &c. Ea propter charissime in Christo fili reuerentiam ac deuotionem quam ad Romanam te habuisse à longis retro temporibus Ecclesiam, nouimus, attendentes, præsentis scripti pagina duximus statuendum vt Scoticana Ecclesia Apostolicæ Sedi, cuius filia specialis existit, nullo mediante debeat subiacere, &c. Adjicimus vt nulli de cætero qui de regno Scotiæ nõ fuerit licitum sit in eo legationis officium exercere &c. Cælestinus verò tertius Pontifex hoc idem priuilegium confirmauit sub annum Christi 1192. Ferunt Gilbertum Sanctum sub mortem astantibus dixisse: Tria vobis commendo quæ & ipse in vita semper seruauis;

Neminem lædere & si quis læsus fuerit de lædente vindictam non expectere. 1. Patienter ferre quæ Deus immittit in nos flagella, castigat enim omnem filium quem recipit. 3. Obedire præpositis & rectoribus vestris & nemini esse offendiculo. De Gilberto Sancto vide Lessæum lib. 6. historiæ, Regim in Calendario, Azorium Institutionum Moralium tomo secundo Par. 2. lib. 3. cap. 36. ubi affirmat Gilbertum Sanctum pietate & doctrina singulari instructum orationem habuisse in qua multis rationibus & argumentis ostendit Ecclesias Scotiæ, quæ semper fuerant eo (Anglicano) iugo & onere solutæ & liberæ, non esse aliqua seruitute premendas. Porro Gilbertus Sanctus ex hac vita migravit sub Christi annum 1176.

2. die. **S**ancta Ebba Virgo & Martyr, Abbatissa, dono castitatis & martyrij, in Scotia celeberrima, quippe quæ incredibili animi magnitudine, & erga castitatem affectu uon impari, Danorum infidelium ut effugeret intemperantiam, sibi ipsi arrepta nouacula nasum labrumque præcidit, idque suo exemplo ceteræ virgines omnes constanter fecere animo: quo facinore duplici laureola virginitatis & martyrij à cælesti sponso donatæ sunt: rem totam narrat Mathæus Vvestmonasteriensis in historia Angliæ. Anno (inquit) gratiæ 870. (alii anno 874.) applicuerunt in Scotiam Danorum innumera multitudo, quorum Duces fuere Hengar & Stubba diræ peruersitatis homines & fortitudinis inauditi, qui totius fines Angliæ in extremum adducere conantes pueros & senes quosque sibi obuios iugulabant, matronas, sanctimoniales, seu virgines ludibrio tradendas mandabant. Cumque per omnes regnorum fines tanta tyrannorum immanitas disseminata fuisset, Ebba Sancta Coldingamiensis Cœnobij Abbatissa, metuens ne & ipsa cui sollicitudo regiminis & cura pastoralis commissa fuerat cum sibi subiectis virginibus ludibrio traderetur paganorum, ut pudicitiam amitterent & virginitatem: conuocatis Sororibus ad Capitulum vniuersis in hanc vocem prorupit dicens: Aduenerunt nuper ad partes nostras Pagani nequissimi & totius humanitatis ignari qui loca huius regionis singula perlustrantes, nec sexui muliebri, nec paruulorum quidem parcentes ætati, Ecclesias & personas Ecclesiasticas destruunt, virgines sanctimoniales prostituunt, & obuia quæque sibi conterendo consumunt. Itaque si consilij meis acquiescere decreueritis, spem certam de diuina clemetia concipio, quod & barbarorum effugere rabiem valebimus, & perpetuæ virginitatis pudicitiam custodire. Cui cum vniuersa virginum congregatio certis promissionibus spondisset, sese maternis in omnibus

velle obtemperare præceptis: illa admirandæ animositatis Abbatissæ, palam cunctis Sororibus exemplum castitatis præbens, non solum sanctimonialibus illis proficuum, verum etiam omnibus & successuris virginibus æternaliter amplectendum: arrepta nouacula nasum proprium labro superiori ad dentes usque præcens, horrendum de se spectaculum altantibus præbuit vniuersis. Quod factum memorabile cum congregatio tota videns admiraretur, simili de se opere à singulis perpetrato sunt materna vestigia consequutæ. Ex his ita gestis cum mane crastinum illuxisset, peruenerunt tyranni nequissimi ut feminas sanctas Deo deuotas ludibrio traderent, simul & ipsum Monasterium spoliatum ignibus concremarent. Sed conspicientes Abatissam illam & Sorores singulas tam enormiter mutilatas cum festinatione recesserunt de loco illo, sed inde recedentes præceperunt satellitibus suis nefandis ut iniecto igne Monasterium cum omnibus officinis & ipsis sanctimonialibus concremarentq; sitque exequutione completa à ministris iniquitatis, Sancta Abbatissa & omnes cum illa Virgines sanctissimæ ad martyrij gloriâ peruenerunt. Hæc ille. Porro quæ fuerit harum Virginum & Martyrum multitudo, ex eo videre est quod hæc Coldingamix Abbatia (quæ ab vrbe Scotiæ antiquissima Coldingæ Prothomæ Colonia nomen accepit) ut erat à multis retro sæculis Virginibus velatis sacra, omnium totius Scotiæ fuit vna ex amplissimis ambituque maximis, quam Edgarus Scotorum Rex ordine 89. anno regni septimo licet iam satis amplam, regie auxit extenditque. Ioannes verò Angliæ Rex illud ipsum impiè concremauit sub annum 1216. Hæc Danorum in Scotos persecutio & sæuitia annos sex integros cælo multos dedit martyres, dedissetque hâud dubiè plures nisi Gregorius Rex Dei fultus præsidio, & zelo zelatus pro Ecclesia Dei Danis, in Fifi, Laudoniâ, & Mercia deuictis, Beruicoque Præsidio deturbatis, in Northumbria cum Hardunto Dano feliciter conflixisset, in quo conflictu tantam Danorum stragem edidit, ut eorum vires toti nuper Britannix formidabiles ab illo prope confectæ sint, eisque deuictis Northumbriam, Cumbriam, & Westmariam suo addidit imperio, licet longe ante hæc tempora Crathlinthus Rex sub annum Christi 322. Westmariam & Cumbriam Scotorum regno adiecisset. Ob has contra Danos victorias, & ob animi virtutes quarum nulla absuit, quæ virum Principem deceret, Magni cogenomentum Gregorius Rex à posteris adeptus est. Et sane magna hæc fuit, ut notat Bozcius, in Scotiâ diuinæ prouidentix tessera, Danos gentem potentissimam Angliâ potitos tota, annos 29. aut 30. & in Galliâ

inuitis Gallis fixisse sedem, variaque Europæ loca suo adieciſſe imperio, Scotiam tamen adijcere tentasse ſæpe, nunquam potuiſſe. Nalla (ait Bozius, agens de diuinis benedictionibus in Scotia quamdiu Catholica permaniit) eſt natio, cuius geſta monumentis fuerint conſignata, quæ non fuerit adducta in poteſtatem gentis diuerſam contrariamque religionem profeſſa præter vnâ Scotiam. Neque vero putet aliquis non tentatam à barbaris olim nationibus irruptionem in Scotiam, nam ſub annum Chriſti 860. Dani qui ſunt iſdem cum Northmannis, Conſtantino ſecundo, Edo & Gregorio repugnantibus nihil non contenderunt vt ſubigerent, ſed fruſtrâ, & cõcludit, Sit igitur hoc Scotiæ præcipuum, vt nunquam ſuccubuerit barbaricis irruptionibus & meritis; Nam quæ hæreticis opinionibus locum nunquam dedit (ab anno quippe 103. Victore Pontifice ſedente, quo Scoti Chriſti cultum ſunt amplexati, in eo conſtantes fuere) populo ac Rege Catholica ſentiente, neque par erat vt barbaris cederet nationibus. Hæc ille. Prætermitto recensere Virgines quæ in varijs orbis partibus ſimili animi magnitudine factore ſimili martyrij coronam adeptæ ſunt, de quibus Scriptores Eccleſiaſtici de Sancta Pelagia Antiochena, Ambroſius de Antonina Virgine, Surius de Sancta Euphrafia Virgine & Martyre, Nicephorus, & alij. Illas vero fecunda Sanctis Scotiana Eccleſia dedit Virgines, quæ vitam ipſam virginitati poſthabentes, iam cœlo cum Virginum ſponſo duplici inſignitæ corona lætantur & ſequuntur agnum quocumque ierit. Vnum addo, Baronium deceptum dubia de his Virginibus Vveſtmonaſterienſis narratione, qui vt lectori perſuadeat has Virgines Anglas fuiſſe, Danos illos applicuiſſe quidem in Scotiam ſcribit, ſed Scotia veluti prætermiſſa Angliam aggreſſos, Angliæque monaſteria ſolo æquaſſe. Sed fallitur, cū conſtet Conſtantinum ſecundum Scotorum Regem etiam ſecundo cum hiſce Danis Hengar & Stubba manus cõſeruifſe, & ab iſſdem martyrio coronatûm, Coldingamiæ etiam Abbatiam (in qua Virgines fuere) in Mercia Scotiæ prouincia fuiſſe ſemper & adhuc eiufdem ibidem ſuperſeſſe veſtigia. Fuit, ſcio, alia Ebba Virgo & Abbaſſiſſa Northumbria orta Oſivaldi & Oſvi Regum ſoror quæ apud Scotos relicta idololatriâ fidem catholicam edocta fuit ſub annum 614. de qua Boëtius. Ebba vni- ca Elfredi filia capta, raptorem diuinâ euadens ope Scaphâ arrepta in mare abſque humanâ ope euecta eſt: ac tandem in Forthæ oſtijs ad promontorium quod ab ea Ebbæ nomen ad nos tulit, in terram expoſita ſacro ab Antiſtite loci accepto velo inter ſanctimoniales ibidem degentes eſt numerata. Mater tandem ac Antiſtita ſancta-

rum virginum effecta sese virtutum exemplar omnibus imitandum præstans, probatis moribus ac Sancto viuendi instituto, ad vitæ exitum feliciter perseuerauit, Ebbæ autem Virginis illius & Martyris, sit etiam commemoratio ad 25. Augusti diem.

3. die. **S** Sanctus Dimaus vel Dinaus Episcopus in Scotia. Vide de illo Vvionem lib. 3. & alios.

4. die. **S** Sanctus Guilielmus Scotorum Rex cuius Sanctitatem eximiam mirum in modum, miraculis à Deo confirmatam fuisse testantur Coccius, Boëtius, Lessæus, Maior, & alij. Viro nobili ac locupleti filius erat isque hæres vnicus quem & vnicè diligebat, cuius alter oculus madebat sanie, altera manus arescebat, alteroque pede claudicabat. Patrem iuuenis angoribus deditum & dolore penè demètem, hortantur ad Guilielmum Regem sanctitatis fama præstantem opem imploraturus accederet. Pater desiderio sanitatis filij ad Regem aduolat & madentibus vberi fletu genis obtestatur & orat vt opem aliquam filio & hæredi præ infirmitatum multitudine penè extincto porrigat. Rex hominis alioqui nobilis statum miseratus, inuocato numine efformatoque in hæc verba crucis signo, Dominus Iesus Christus te sanet & saluet, filium sanum & incolumem patri reddidit obstupescens nobilibus qui aderant vniuersis. Patrem filium ex integro sanatum cernens manantibus præ gaudio lachrymis, Regi gratijs suppliciter petactis se diuino cultui solito sincerius mancipauit. Magna fuit huius sanctissimi Regis erga Sedem Apostolicam obedientia, vnde & Lucius tertius Pontifex maximus Guilielmo tanquam Regi Catholico, & habenti communionem Apostolicæ sedis, honorem congruum impendendum iubet, & in omnibus in quibus secundum Deum possumus (ait Pontifex) honorandum, misitque Pontifex Guilielmo Regi (teste Boetio lib. 13. hystoria, Bzouio in hist. Ecclesiastica, & alijs) tanquam fidei protectori ensẽ cuius capulus vaginaque aurea gemmis distincta erant, & Galerum purpureum. Sed fusius Clemens Tertius literas ad Regem Guilielmum beneuolentiæ & amoris plenās sub initium Pontificatus dedit in hæc verba. **C**LEMENS Episcopus, seruus seruorum Dei charissimè in Christo filio Guilielmo illustri Scotorum Regi salutem & Apostolicam benedictionem. Cum vniuersi Christi iugo subiecti, &c. Ea propter charissime in Christo fili reuerentiam ac deuotionem quam ad Romanam te habuisse à longis retro temporibus Ecclesiam nouimus, attendentes, præsentis scripti pagina duximus statuendum vt Scoticaua Ecclesia Apostolica Sedi cuius filia specialis existit, nullo mediante de-

Sterlingi obiit Sanctus Rex, ætatis anno 74. & regni sui 49. anno verò Christi Domini 1214. & apud Arbroth monasterium, quod iam diximus illum extruxisse, honorificè regio splendore inhumatus est.

Hoc eodem die Beatus Conuallus Rex hoc nomine primus, qui S. Moduennæ Virginis adiutus precibus & consilio, vitam transegit Christiano Rege dignissimam. Quoties aliquo proficisceretur, crucem argenteâ cum crucifixo ante se, veluti Christiani Principis vexillû, deferri iubebat: quam, priusquam equum ascenderet, osculatus, totâ cû præsentē multitudine adorare cõsueuerat. Lamina argentea crucis stipiti affigebatur: in ea incisû aureis caracterib⁹ GLORIA CHRISTIANORVM. Nunquam Sacerdotem quempiam sine magna reuerentia est alloquutus. Nunquam in templo tecto capite est conspectus. Leges tulit, vt qui Sacerdotem manu percussisset, eadem ei manus ferro adimeretur; qui occidisset Sacerdotem, publicatis fortunis cremaretur viuus. Edixit ad hæc vt decimas omnium terra nascentium cuncti in Sacerdotum horrea deferrent, & qui sacris, Sacerdotum autoritate, fuisset prohibitus, is hominum prohiberetur congressibus, salutaretur à nemine, petentique ius negaretur. Denique hic ille est Conuallus Rex de cuius sanctitate magnus ille Columba (postquam ex Hæbridibus in Scotiam traieciisset) interrogatus quid in Albione vidisset, respondisse fertur miraculum in Albione, quod cætera quæ antea vidisset vinceret, cum ingenti admiratione à se prospectum, Regem, videlicet Conuallum, in medijs constitutum delictijs, cuique multo plura essent ad malum, quàm ad virritem incitamenta, cum Sacerdotibus, Monachis & Venerandis Episcopis de vitæ sanctimoniâ contendentem. Vide Boëtium, & alios.

5. die. **S**anctus Tigernacus Episcopus & Confessor: qui vbi primum diuino radio illabète in Episcopalis officij dignitatē mentem intendit suam, maturè cœpit dispicere, Episcopum talem debere esse, qualis cupit haberi, referreque plurimum vt Euangelicus præco opinionem virtutis ac probitatis, suis sibi consiliet moribus; est enim (testo Augustino lib. 4. de doctrina Christiana cap. 27.) quantacunque granditate diuisionis, maius pondus vitæ dicentis, quàm ob causam hoc Sancto Tigernaco ratum firmumque non se nimium dare in familiaritatem hominum, quæ enim propius inspeçantur, ea quoque manifestius quid in se habeant vitij demonstrant: sed vt spiritualis postularēt utilitas cû proximo conuersandum, vt ita nec deesset proximi iuuandi, nec offendendi cœssset occasio. Tigernacus verò multis ac magnis pro Christo laboribus furctus ad extremum diem vltimum clausit sub annum 870.

in Elskedalia prouincia. De eo videantur Regius in Calendario, Boëtius in historiâ, & Chronica Sconensia.

6. die. **S**anctus Berchamus vel Berthamus Episcopus Orcadensis & Confessor: magna fuit is sanctitatis opinione in Sterlingensi prouinciâ. Adolescentiæ annos in celebri illo D. Columbæ monasterio non procul Sterlino siue Striuilingo transegit. Ad Episcopatum euectus statim peruolurandis Sanctorum vitis (Vironis præcipuè, Rumoldi, Plechelmi, & Kiliani Episcoporum, qui apud exteras gentes & miraculorum gloriâ & vitæ sanctitate celebres habebantur,) diligenter insistere, præclarissima eorumdem dicta & facta excerptare, & præ oculis semper habere, horum frequenti meditatione seipsum velut in speculo contemplans, magno eos imitandi ferebatur desiderio, & limpidissimâ è cælo perfundebarur dulcedine: & certè ad imitationem illorum plurimâ eâque præclara gessit Berchamus Sanctus. De eo vide Regium in Calendario.

7. die. **S**anctus Sigenius Abbas Benchorensis monasterij in Insulâ Hoyensi (fuit enim Benchorense aliud monasteriû in aliâ Insulâ Hoy Orcadû vnâ) ex cuius institutione & magisterio ad insignem sanè pietatem & virtutum cumulum profecit Aidanus Sanctus, quem ad Anglorum conuersionem à Scotis missum testatur, Beda lib. 3. hist. cap. 3. De hoc Sancto vide Lessæum lib. 4. historiæ in Donaldo, impios Magdiburgenses centur. 7 cap. primo, & alios.

Hoc eodem die martyrium pro fide Catholica subiit Ioannes Hamyltonius successor in Episcopatu, Davidis Betonij Sanctæ Romanæ Ecclesiæ Cardinalis, Sancti Andreæ Archiepiscopi & martyris, suspensus enim ab hæreticis ad cælestia gaudia volat anno Christi 1572. Notus versus ille impij Poëtæ.

Resist Hameltonum necat, ensis vt ante Betonum

8. die. **S**anctus Dysignatus, verius Designatus Episcopus Traiectensis, Ducis Dalensis ex filiâ Regis Scotiæ filius. Vide Demoncharem lib. 2. cap. 53. Dempsterum, & alios.

9. die. **S**anctus Dotto Abbas apud Orcadenses celebris, vnde & Orcadum Insula vna ab eo indigitatur, & in hodiernum diem Sanctus Dotto nominatur: habebat illa Insula Ecclesias & monasteria perampla S. Brandano dicata, & celebre monasterium cui S. Dotto primus præfuit Abbatis officio. Post varia in vitâ & post mortem edita miracula, senio potius confectus quam vi grauioris morbi labefactatus lætabundus illud Dauidicum, Lætatus sum in his quæ dicta sunt mihi, in

domum Domini ibimus, sepe repetens, animam Deo reddidit sub annu Christi 502.

10. die. **S** Sanctus Paternus Monachus Paderbonensis ciuitatis in Germania. Vir singulari modestia, & in domandis animi passionibus in primis acer, qui cum multis alijs donis caelestibus a Deo ornatus esset, tum vnione cum Deo, in eundem fiducia & prophetiae spiritu multum excelluit. In Germaniam conuertendarum animarum causa exemplo Sanctorum, Tanconis, Fredilini, Isingeri, Theodnani, & Kiliani, suorum gentiliū se contulit, vbi post magnam animarū messem se sibi tradidit, solique Deo cellulae annos inclusus multos vacauit. De hoc Sancto vide Triterium de viris illustribus ordinis S. Benedicti lib. 3. cap. 524. Bozium lib. 22. de signis Ecclesiae cap. 3. Marianum Scotum lib. 3. Chron. Sigebertum in Chron. ad annum 1058. Lesszum lib. 5. historiæ. Vvionem lib. 3. ligni vitæ, & alios.

11. die. **S** Sanctus Gudlocus Confessor in Merchia Scotiæ prouinciâ vitæ sanctitate & miraculorum gloriâ celebris. Parentibus natus est (patre Pennualdo & matre Tecta) non minus pietate quam generis claritate apud Mercios nobiles: Erat solitudinis & secessus amantissimus: vnde nocte quadam cum vir sanctus vigilijs & precibus deuotis insisteret, infinita propemodum Dæmonum multitudo assumptis brutorum animantium formis locum in quo fuit Gudlocus intrauit, & intrando circumquaque concussit. Ingrediebantur domum leo rugiens, taurus mugiens, aper granniens, lupus vlulans, equus hinniens, aries balans, & coluber sibilans, &c. Vir autem Dei signo crucis se muniens dixit, cur me tētas Satana? Dominus mihi adiutor est, & ego despiciam inimicos meos, &c. In quamcunque autem speciem te transformes, certus sum quia neque mors neque vita, neque gladius, neque Angelus, neque Potestates, neque Principatus, neque creatura aliqua poterit me separare a charitate Dei. His dictis tota illa phantasia disparuit. Vixit in solitudine annos 15. quibus omnibus sub mortis horam Berthelmo cuidam Clerico fassus est se a primo die, quo Eremum ingressus est, semper manē & vesperti Angelum suæ consolationis habuisse, qui labores & tētationes suas caelesti solatio releuaret, futura prädiceret, indicaret absentia, & arcana caelestia, & quæ nec licet nec expedit homini loqui reuelaret, verū inter hæc solitariæ vitæ gaudia deficiente iam vita, spe & in Deum fiducia plenus, extensis ad cælum oculis & manibus, obdormiuit in Domino anno Christi circiter 716. ætatis vero 47. nam annos natus 31. se totum caelestibus rebus meditandis in solitudine tradidit, in

qua annes 15. vixisse constat. Eius nomen idem est Scotis ac bonum
omen Good Look.

12. die. S Anctus Dobanus socius Sancti Bonifacii Scoti Episcopi Tre-

herensis. Sanctus Villibaldus, vita eius pagina 387. & alij.
13. die. S Anctus Elias Abbas monasterij Scotorum Colonia Pantaleo-
ni Sancto dicati. Duo fuere Colonia Agrippinæ Scotorum
monasteria, in quæ Scoti duntaxat Monachi admittebantur, & in alijs
Germaniæ locis fuere varia, quæ soli Scoti inhabitabant, quod his & ho-
rum prædecessoribus in prædicanda Saxonibus fide Carolus magnus, vt
plurimum vsus sit, cæterasque Germaniæ regiones peruagati Scoti
Christum prædicando magnam sanctitatis opinionem miraculis innu-
meris confirmatam posteris reliquerint, & fuere quidem propemodum
hi omnes Benedictini Monachi, qui cum Scotiam monasterijs repleuis-
sent, nec angustijs diutius coerceri possent, in Germaniâ latè redûdarunt,
& varijs in locis Viennæ in Austria, Herbipoli in Franconia, Colonia in
Vbijs & alibi liberalitate aliqua ex parte Principum, suorum popularium
seminaria excitant. Henricus tamen Austriæ Dux anno Christi 1121.
monasterium censu lautissimo auctum Viennæ in fauorem Scotorum

excitauit, atque edicto cavit, ne quis extra Scotos in illo monasterio vel
Abbas crearetur, vel Monachus ascisceretur. De Eliæ in gubernaculo
prudencia vitæque sanctitate, ita Trithemius: Elias Abbas monasterij
Sancti Pantaleonis in Colonia, natione Scotus, vir prudens & Sanctus,
cuius merita etiam post mortem in multis fuere comprobata: religionis
feruentissimus obseruator, multa bona fecit in ordine, culus tanta erat

In hist.

Hirsau.

Monst.

ad annū

1042. lib

5. hist.

industria, vt duo nostri ordinis monasteria pariter regeret in Colonia
Sancti Pantaleonis videlicet, quod à Brunone Archiepiscopo Colonienfi
fundatum & erectum fuit, & Sancti Martini. Nō paucas à peruersis sus-
tinuit iniurias, moritur anno 1042. pridie Idus Aprilis; & alibi. Elias
Abbas monasteriorū Sancti Martini & Pantaleonis natione Scotus obiit,
vir doctus & sanctus, qui cum Monachis suis vitam arctam duxerat. De
eodem Leslaus, Episcopus Elias Abbas Diuorum Pantaleonis ac Mar-
tini, quæ sunt Scotorum monasteria in Colonia, creatur. Cuius honori
ac virtuti inuidentes quidam, multis conuitijs eum ad Piligrinum Ar-
chiepiscopum Coloniensem prosciderunt, vnde Archiepiscopus Eliæ
odio acerrimo insensus illum statuerit occultis insidijs delere, & omnes
Scotos Monachos expellere. Verum Elias Scotus Abbas (vti Marianus
scribit) cum hoc rescisset, dixit cum cæteris Scotis: si Christus in nobis
peregrinis est, nunquam viuus Coloniam redeat Piligrinus, & ita Do-

In

Chron.

lib. 3. ad

annum

1015.

minus compleuit: nam mors repentina hanc sceleratam mentem illi breui pōst euertit. Ellam cum cæteris Scotis Ecclesiæ seruauit.

Eodem die Sanctus Guinochus Confessor & Episcopus: Kennentho huius nominis secundo Scotorum Regi fuit à consilijs, apud quem & dignitas conciliabat reuerentiam, & vitæ sanctitatis obsequium, eo-que persæpe utebatur Rex Principum animos sibi conciliando (Picti quippe, cum quibus grauissimum erat bellum Scotorum Principum animos à Rege auertere tentarant) vel exquirendo consilio, vel commendandis regni negotijs apud Deum pia prece & assidua: in quibus officijs parati Guimocho semper erant Scotorum principum aditus, obuia comitas & prompta beneuolentia, & quod caput est, felix exitus, Deo Kennethi Regis conatus Sancti Guinochi precibus benedicente & promouente, quibus effectum ut Kennethus vno die septies cum diuersis Pictorum turmis manus conferens non citra miraculum victor semper euaserit, qua clade Pictorum vires penitus fractæ, ac comminutæ sunt: vnde & postea ad interneccionem fere deletis reliquiæ regno exturbatæ sunt iusto Dei iudicio, quod pro Romanis alienigenis in Britannia sub Maximo tyranno contra Scotos, à quibus Euangelium & regnum accepere, bellum sæpe gesserint, quodque cum Saxonibus idololatriis contra Scotos & Britones Christianos castra sæpe mouerint, postremò denique, quod viros Ecclesiasticos, non quā par erat reuerentia reueriti sint, sed in istar seruorum violatis eorumdem priuilegijs, penes se habuerint. Guinochum Sanctum miraculorum fama, sanctitatis opinione celebrem cœlitibus adiunxit, Buchania prouincia sub annum Christi 838. qui erat Kennetho Regi ac regno inito quartus. Agit de Guinocho King.

14. die. **S** Sanctus Eberhardus Episcopus Ratisbonensis, Apostolus Bavarix. Vide Cratopolium pagina 52. & alios.

15. die. **S** Sanctus Mundus Abbas, sanctitate vitæ & miraculis celebris ad hæc nostra tempora in prouincia Argathelia, vbi & Ecclesias suo nomini dicatas multas inuenire est. Varios hic Sanctus in vita spiritali discipulos magistro non dissimiles habuit, quibus persæpe commendasse dicitur, ut purum pectus, & in amore Dei sincero flagrans perpetuò custodirent. 2. ut de Deo rebusque diuinis duntaxat cum externis loquerentur, hoc enim seculares homines multitudine miseriarum huius sæculi oppressos iure à religiosis expectare, religiosos vero instituti ratione secularibus hoc ipsum debere, cumque qualis vnusquisque sit, sermo manifestum faciat, nam ex abundantia cordis loquitur, vita & verbo talis debet esse religiosus, qualis à secularibus ha-

beri cupit. 3. vt loquendi tempus pariter ac modum præscriberet ipsa necessitas, & utilitas seu propria seu aliena, cum sit tempus loquendi & tempus tacendi. 4. nihil agere quod non ante oculos diuini conspectus cunctorumque hominum auderent, cum Deus sit instar omnium testis & iudex, qui nec falli potest nec fallere. 5. vt hoc maximè cordi esset, se inuicem luncero, non fucato amore diligerent, eaque à se quam citissimè repellerent quæ à mutuo fraternoque amore diuelleret, memores semper præcepti diuini. In hoc cognoscent omnes quia discipuli mei eritis, si dilectionem habueritis ad inuicem. Plurima erexit hic Dei famulus monasteria in Argathelia prouincia. Ex hac vita migravit sub Christi annum 962. De eo Regius in Calendario & alij.

16. die. **S** Sanctus Mannus siue Magnus Episcopus & Martyr qui fidem in Orcadibus plantauerat, non modo rigauit strenuè, sed & sanguinis effusione rigatam confirmant: siquidem cum Nouergorum Rex Duanacanum Scotorum Regem bello laceraret, & Orcadas pertransiens magnam ibi Christiani sanguinis copiam effudisset, Sanctum Magnum Orcadensium Pastorem & Episcopum comprehendi iubet, cui cum mors intentaretur intrepidè respondit. Ego pro Deo meo millies mori paratus, verum ex parte Dei omnipotentis, cui breui seruiam in sanguine, præcipio, vt pusillo gregi meo sanguine adhuc madenti amplius non nocatis: postea carnifici gladium educenti magnà animi constantià caput submitit hæc nouissima proferens verba. Domine Iesu, tibi, Sanctæ Mariæ, Sanctis Palladio & Sernano commendo me ipsum & gregem meum. Vide Chronica antiqua, Lessæum & alios. Passus est Sanctus Mannus Christi anno 1104. in Insula Orcadum cui Eglisia nomen est, vbi & miraculorum glorià ad nostra fere tempora celeberrimus ab Orcadensibus celebrabatur. Agit etiam de Sancto Magno Aberdonense Breuiarium, quem refert nobilibus ortum parentibus post laxiorem in adolescentia vitam transactam totum se diuino mancipasse obsequio, coactumque à parentibus uxorem ducere, sed cum eadem annos decem in magnà vixisse castitate, uxore vero mortuà mundo valedixisse, & postea ad sacras Insulas euectū, martyrij corona pro fide Catholica redimitum: Quæ omnia hæc peruetusto carmine apud Orcadenses capiti solito contenta ceruere est.

*Hymnis prædicibus Magni præconia,
Cordeque vocibus pangamus inclita,
Hæc iustifica promittentes opera,*

Iuxta digna memoriâ.

Vt Paulus Domino Magnus conuerteretur,

Christum ex animo toto consequitur,

Ardere creditur, sed non exurit,

Rubus dum florem cernitur.

Sic in cubiculo sponsus cum Virgine,

Insigni titulo præcontinentia

Vixit à Venere Divino munere

Annis decem continuè.

De templo trahitur Magnus clauis:

Repletus patitur ex sacrificio,

Migrat de prælio Rubius martyrio,

Castroque candens lilio.

Huius ut passio nostrorum criminum,

Fiat ablutio poscamus Dominum.

Vt nobis gaudium post hoc exilium,

Largiatur perpetuum.

Honor, laudatio per mundi Climata,

Vni sit Domino, trinæque gloria,

In trinâ machinâ, qui regit omnia,

Per cuncta semper sæcula. Amen.

17. die. **S**ANCTUS Donanus Abbas Tanglandiæ, qui in religiosâ palæstrâ tantū breui temporis spatio in scholâ Christi profecerat, tantōque ardore cucurrerat Christi viam, ut virtutum omnium cumulo æquales suos longo post se intervallo relinqueret. Submittebat se omnibus, & hoc beatum se arbitrabatur si despiceretur ab omnibus, nec vlla eius auribus vox dulcior quam obiurgantis & reprehendenti, longēque ardentius Donanus Sanctus contumelias & ignominias, quam cæteri gloriam & sui nominis honorem sitiebat. In edomando etiā, & macerando corpore nullus apud Donanum finis. Et ut erat infirmâ valetudine, in ipsis etiā morbis, in quibus fractior esse solet animus ægroantis, & constantiam & animi æquitatem sic semper tenuit, ut nec acerbioris morbi frangeretur incommodis, nec vilitata pietatis & deuotionis munia defereret. Fuit Donanus Sanctus magno in pretio ob virtutum ornamenta apud Duncanum Scotorum Regem, qui Donani Sancti exemplo, admirabili fuisse dicitur lenitate animi, & ad ignoscendum paratissimus. Ad superos abiit Donanus Sanctus Christi anno 1444. De illo vide Regium in Calendario, & alies.

18. die. **S**anctus Eduardus Episcopus Aberdonensis. Vide de ipso Bœtium in vitis Episcoporum Aberdonensium, Lessæum Brunum, Siuclarum & alios.

Hoc eodem die Sanctus Florentinus Regis Scotiæ filius. Hic ex Scotiâ clâm fugiens in Lotharingæ partes peruenit, vbi in conuertendis ad Christum animabus mirabilia operatus est. Quiescit sacrum eius corpus in Pago Bonnet in Diœcesi Tullenfi in finibus Campaniæ tribus tantum leucis à ciuitate Ianuillanz. Celebris est ad sacras eius reliquias stultorum peregrinatio, & vix vllus est qui inde, sanitate non recuperata, recedat. Vita huius Sæcti circa templi parietes descripta est.

19. die. **S**anctus Columbanus Abbas reclusus. Alij eius diem festum sponunt 13. Februarij. De eo Molanus & alij.

20. die. **S**anctus Adelarius Episcopus Erfordiensis, Franconiz Apostolus Martyr socius Sancti Bonifacij ex Melrosia. De eo Scoti-Chronicon, & alij.

Hoc eodem die Sanctus Sernanus Episcopus & Confessor & Orcadensium Apostolus: hic honestis in Scotia ortus parentibus, Culrossiani monasterij Monachis educandus traditus est sub annum Christi 426. (fuit enim Culrossa Monasterium ante Palladij Sancti in Scotiam aduentum apud Scotos celebre, & virorum Sanctorum sæcundum) Vbi post humanas sacrasque disciplinas, quas Sanctos Kentigernum & Ternanum ibidem docuit, Sancto Palladio (hic pelippe à Cælestino Pontifice ad Scotos missus fuit sub annum 431. vt Pelagianam hæresim pullulantem supprimeret) in opus Euangelij disseminandi se deuouit. Corruptores Catholicæ religionis detestabatur grauissimè, & insectabatur acerrimè, nihil etiam non moliebatur vt Orcadenses nondum Christi initiatos Ecclesiæ Catholicæ coniungeret. Magno igitur labore sæuientis maris incommoda nihil formidans ad Orcadas à Palladio Sancto missus est, vbi infidelitatis errore deprauata inuenit omnia: itaque Sernanus frequenti celebratione Missarum conciliato sibi nunquam inchoandam sibi animarum salutem à cura corporum statuit, vnde victos in custodijs & necessitate oppressos officiosè statis temporibus inuisebat: viris etiam primarijs diuinâ prædicatione verbi, colloquijsque priuatis non deerat, Domino vbique cooperante & sermonem confirmante signis & miraculis. His & huiusmodi Apostolicæ charitatis officijs eò vsque celebrari peruulgarique cœpit Sernanus, vt iam tum Orcadianorum Apostolus nominaretur, varias scripsit epistolas ex quibus luce clariùs appareret, quanta Sernano esset cum diuina mente coniunctio, quam affluens

quamque

quàmque redundans diuinarum suauitatum copia, quã crebris quàmque perpetuis à Deo splendoribus spiritualibus mens eius illustraretur, quantàque eius in proximum charitas, qualis etiam pro Christo martyrij subeundi sitis & ardor. De illo agunt Sconensia Chronica, Arnoldus in Theatro conuersionis gentium, Lessæus lib. 4. historix Scotticæ, Maior in eadem historia, Regius in Calendario, & alij quorum multi tradunt huius viri sanctissimi precibus effectum, vt nullus serpens, venenatum animal nullum, ne quidem quod venenatorum speciem refertet, cuiusmodi est rana, apud Orcadenses reperiri sit.

21. die. **S**anctus Domitius Abbas. De eo Vvion, Lessæus & alij.

Hoc eodem die Sanctus Vvalericus Confessor qui sancti Colum-
bani Abbatis & magistri vestigijs inhæsit strenuè, quique nom-
modo in familiari de rebus diuinis colloquio verum etiam in sanandis
Christianorum suo exemplo moribus vicariam Columbo Sancto dabat
operam. Et quamuis raro hic Dei famulus agendi cum Deo per orati-
ones & lachrymas etiam in medijs congressibus consuetudinem inter-
mitteret, secedebat tamen sæpe in loca a strepitu remota, vt ex tot pere-
grinationum molestijs paululum respiraret, libique vacaret & proximo
sanctis apud Deum precibus & postulationibus. De eo Bozcius lib. 22.
de signis Ecclesiæ cap. 2. & alij.

22. die. **S**ancta Ethelreda Virgo in Coldingham. De ea Polidorus lib.
4. pagina 4. & alij.

23. die. **S**anctus Adelinus Martyr & Episcopus qui relicta Scotia sum-
mo prædicandæ fidei desiderio æstuans in Germaniam con-
cessit vnà cum Kiliano Sancto Franconix Apostolo, vbi Euangelici præ-
conis obiens munia, quocunque pergebat suæ vestigia sanctitatis relin-
quebat. De ipso Siegbertus in Chron. ad annum 694. & alij.

24. die. **H**odie celestia petijt Beatus Patricius Franciscanus, qui
direpto suo Deidonenli ab hæreticis monasterio, cum ægrè
ferret angustissimum Christi corpus violari, multis vulneribus confossus
ante defensa altaria occubuit perituræ pietatis victima año Christi 1559.

25. die. **S**anctus Cunibertus Episcopus & Cōfessor, hic religiosus Bam-
mirini monasterij educandus à puero traditur (est quidem
Bammirinum Cœnobium non procul à loco cui Vvood Heauuin nomē
iuxta Taijæstuarium) eorumque documentis & vitæ exemplo ad eò in
omnem virtutem excreuisse dicitur, vt postea ad sacras Insulas, licet in-
nitens euectus sit. Verum tanto solitaria vitæ ducendæ tenebatur defi-

derio, vt Episcopatu relicto in Eremum se contulerit, & vsque ad extremum spiritum (quem Deo felicissimè reddidit sub annum 690.) in eadem permanferit vbi & aquam è saxo euocauit. De eo agitur breuiter in Theatro vitæ humanæ lib. 1.

26. die. **S**anctus Erenæus Abbas. De eo Adamānus lib. 71 cap. 3. Scoti-
Chronicon lib. 3. cap. 14. Brunus, Sinclarus, & alij. Alij eius
diem festum ponunt 15. Februarij.

27. die. **S**anctus Eusebius Sancti Reguli socius. De eo Sinclarus, Bru-
nus, & alij. Eius diem festum alij ponunt 30. Septembris.

Hoc eodē die cœlestia petijt Iacobus Vwood Bonytoniæ Topaicha,
inducētibz Edimburgi Satanæ Ministrellis, ferale sed lætū
theatrum conscendit, Deoque vitam sub solis ortū beatissimū reddi-
dit anno 1601.

28. die. **S**anctus Kortillus Episcopus Verdensis & Martyr qui fidem
Saxonum populis prædicauit. De eo Demochares in Cata-
logo Episcoporum Verdensium, Crantzius lib. 1. Metrop. cap. 29. Cœ-
lestia petijt sub Christi annum 816.

29. die. **S**anctus Middanus Abbas monasterij Sacrum Boscum dicti,
ordinis Sancti Benedicti in Niddisdalia Scotiæ Prouinciā, in
quo insignis ille Mathematicus Ioannes à Sacro Bosco à teneris annis
educatus fuit. Magna fuit Middanus Abbas apud suos subditos sermo-
nis efficacīā, cum eodē officij admoneret, referreque plurimū
(aiebat) ad fructuosam correctionem subditi, si superior seipsum exa-
minet, & coram Deo sincere humiliet priusquam corrigit, vt tantū tem-
perantiū humili corde corrigit, quantū veriū seipsum in eo quem e-
mendat agnoscit. De eo Lessæus lib. 5. historiæ Scoticæ, Dempsterus,
& alij.

30. die. **S**ancta Mathildis Regina Angliæ, Sanctorum Malcolmi &
Margaretæ Scotiæ Principum filia, & Henrico primo An-
glorum Regi connubio iuncta. Hæc vt erat omnibus naturæ & gratiæ
donis à Deo ornata, vnde & cognomento Sancta & bona dicta est, sic er-
ga pauperes infirmos & præsertim lepra infectos singulari amoris fere-
batur affectu. Itaque nec Noscomiorum pædres horrebat, nec ægro-
tantium spiritum quibus se ministram dabat, quin & leprosoꝝ plagis
pia dabat oscula & quod non minimum diuini amoris indicium est, ad
diuinā consuetudine colloquiūque ducebatur, vt horas tres quatuorue
continuas, licet cætero regni negotijs distracta, summa spiritus consolati-
one quotidie transigeret. Hæc & huiusmodi pietatis officia & chari-

tatis munia à matre Sancta Margareta in Scotia edocta fuit. Flos de huius Reginæ virtutibus versus posteritati reliquit scriptor Anglus

Prospera non latam fecere, nec aspera trissem

Aspera risus ei, prospera terror erant.

Non decor effecit fragilem, non scepera superbam,

Sola potens humilis sola pudica decens.

Maij prima dies nostrorum nocte dierum,

Raptam perpetuo fecit inesse die.

A fundamentis ædificari curauit non procul Londino hospitium pro leprosis. Ex hac vita migravit sub annum Christi 1118. De ea vide Surium ad decimum Iunij, Du Chesne lib. 11. Lesizum lib. 6. historiz, & alios.

MAIUS.

SANCTVS VVILLIBALDVS primus Episcopus Eistetenſis, de quo inter alios agit Tritermius in Scriptoribus, &c. His verbis, Vvillibaldus Scotus primus Episcopus Eistetenſis, frater Sanctæ Vvalpurgis, discipulus Sancti Bonifacij, scripsit vitam ipsius petente Sancto Lullo Archiepiscopo Moguntino. Idem asserit Molanus ad primum Maij in additionibus ad Vluardum: Vvillibaldus (inquit) primus Episcopus Eistetenſis natione Scotus scripsit vitam Sancti Bonifacij Episcopi, &c.

Hoc eodem die Sanctus Vvinibaldus frater Sancti Vvillibaldi, cuius vitam scripsit Reginoldus, &c. De eo Molanus, Mermannus in Theatro conuersionis gentium, & alij. Non defuerunt qui dicerent Sanctum Vvinibaldum Anglum & Richardi Anglorum Regis filium, in sequentibus versibus fundati.

Hic Vvinibaldus, Richardi filius almus,

Qui Regnum Anglorum mox linquens, hoc Monachorum,

Clastrum fundauit, Benedicteque rigauit

Nomine, septingento, quinquagesimoque anno.

Falluntur tamen, nec verius huius sunt authoritatis; cum certissimum sit nullum Regem Angliæ huius nominis illo tempore quo vixit S. Vvinibaldus, anno videlicet 700. & quod excurrit, in Angliam regnasse, nec Regem Angliæ nominari potuisse. cum illa quæ nunc est Angliam, appellationem illam adhuc sortita non esset, primus enim qui Angliam hoc nomine vocari edicto cauit, fuit Egbertus Saxonum Occidentium Rex anno Domini 862.

Hoc eodem etiam die Sancta Vvalpurga vel Vvalburga soror Sanctorum Vvillibaldi & Vvinibaldi. Vide Triterium citatum, Dempsterum, & alios.

Hoc eodem die celestia petijt Ioannes Maior Doctor Sorbonicus ac Theologus eximius, vt testantur eius scripta quæ in Sacram Scripturam & Magistrum sententiarum reliquit: nobilis etiam Philosophus, vt testantur monimenta quæ reliquit. Vir fuit magnæ pietatis & Christianæ simplicitatis.

Hoc etiâ die Sanctus Vltanus vel Vltanus Abbas & Sancti Fuisai frater. De eo vide Triterium de viris illustribus ordinis Sancti Benedicti, Regium in Calendario, Molanum in additionibus ad Vsuardum, & alios. Fuit hic Dei famulus insignis prophetiæ dono & magna sanctitatis opinione apud omnes, sed præcipuè apud Sanctam Virginem Gertrudem, quæ cum iam prope adesset dies migrationis eius vni ad se accito è fratribus, dixit: abi celeriter ad illum peregrinum Monachum qui Vltanus dicitur, degitque in monasterio quod Folluense appellant, dicasque illi: Virgo Christi Gertrudis misit me sciscitantum ex te, quo sit die ab hac luce discessura, valde enim se formidare dicit pariterque lætari. Porro ab illo auditurus es quæ ad me responsa referre debeas. Fecit ille quod iussus erat, responditque ei seruus Christi Vltanus: Crastino die intra missarum solemnia Christi Virgo Gertrudis è corpore abcedet: dicas verò illi ne quicquam trepidet ad suum obitum, sed læta proficiatur, Sæcto Patricio Episcopo cum beatissimis Angelicis spiritibus cum ingenti gloria ipsam excepturo.

Hoc denique die Sanctus Asaphus primus Abbas monasterij Glasguensis quod à Sancto Kentigerno ad Colrossanæ Abbatiæ (in qua educatus fuit Kentigernus) formam erectum fuit, postea verò Episcopus in Anglia fuit. Missus quippe fuit Asaphus Sanctus à Sancto Kentigerno in Angliam vt fidem prædicaret Catholicam. De eo Vvion lib. de ligno vitæ, Molanus in Annotarionibus ad Vsuardum, Regius in Calendario, Possseuinus in Bibliotheca.

2. die. **S** Sanctus Columbanus Episcopus apud Scotos celebris cuius virtutis testimonium in ligne inter cætera hoc erat, quod oblatas Insulas non modo diu respuerit, verum etiam viros primariæ dignitatis apud Regem, summis precibus obsecrarit, ne tantum onus suis imponeretur humeris. Celebris habetur in Hebridibus Insulis præsertim Insula Iona dicta. De eo Lessæus lib. 4. Decreta Honorij primi PP. cap. 19. tom. 3. consil.

5. die. **S**ANCTUS Vvalterus vel Gualterus Abbas Mailrossensis monasterij Scoticè Moyres dicti. Hic inuitis parentibus (erat enim Davidis Regis sanctissimi filius) superatisque omnibus difficultatibus induxit in animum humana omnia deserere, seseque Deo in Mailrossensi monasterio dicare: in quo infra omnes sese perpetuo dimittebat, & præ omnibus sese continebat, insignis paupertatis amator, beatissimæ Virginis Mariæ cultor egregius. Archiepiscopatum Sancti Andree repudiavit. Malcolmus Scotorum Regi (qui Virgo cognominatus fuit) author fuit, ut quorundam monasteriorum fundamenta iaceret: librum inscriptum (Regulæ Ecclesiasticæ) est commantatus. Ex hac vita migravit sub Christi annum 1160. qui erat à morte Davidis Regis & parentis nonus, aliis septimus. Sunt qui ad secundum Augusti diem eius festum celebrari scribunt.

4. die. **S**ANCTUS Haymarus Episcopus & Martyr qui Sancti Mansueti Scoti in Tullenfi cathedra successor fuit, & ordine vigesimus septimus: vir prædicandæ fidei Catholicæ zelo ardentissimo, cuius prædicationi non singularis modo doctrina visque dicendi, sed multò magis perspecta eximiarum virtutum exempla pondus dabant, duasque in eo præcipuè virtutes suspiciebant omnes, mundanarum videlicet rerum contemptum & excellentiam animi inter quosvis terrores inuictam ex magno pro Christo patiendi desiderio pullulantem, unde in Tullenfi agro ab eodem non segniter exulto extensis brachiis ad crucis modum, oculis in cælum intentis, martyrii palmam lanceis perfoctus, adeptus est sub Christi annum 760. Vide Democharem in Catalogo Episcoporum Antifiodorensium, & alios.

5. die. **S**ANCTUS Scandalaus Confessor. De eo agitur in vita Sancti Columbæ Abbatis.

6. die. **S**ANCTUS Eadmerus veriùs Edmerus Archiepiscopus Sancti Andree in Scotia. De eo Rogerus Houeden part. 1. pag. 273. & alii.

7. die. **S**ANCTUS Herebertus Episcopus Frisingensis. De eo Gregorii secundi PP. literæ, Tritemius, & alii. Alii eius diem festum celebrari dicunt 6. huius mensis.

8. die. **S**ANCTUS Cataldus Episcopus Tarentinus. De eo vide tabulas Tarentinas librum de Canonicis Regularibus pagina 42.

HOC eodem die Sanctus Benignus. De eo agitur in vita Sancti Liuii Scoti.

Hoc eodem etiam die Sanctus Viro Episcopus qui conuersatione

in cœlo, operâ & labore in terris, hos Sanctos illos administratores spiritus, æmulabatur, quod licet illi inter-ministerij, ad quod mittuntur sedulitatem, semper vident faciem Patris qui in cœlis est, ita ipse actionem externâ vnioni mentis cum Deo emulentiſſimè mirificè iungebat, Deum vbique & in cunctis actionibus præſentem cernens. Ob has animi dotes dignus inuentus qui Glaſcuensem regeret cathedram in Episcopum electus. Verùm poſt Romam abijt non terrenæ quidem dignitatis ambitione, ſed diu cupitè peregrinationis deſiderio. Comes autem & itineris & voti fuit Plechelmus Sacerdos, virtute venerabilis, nec ætate maior, nec meritis multò minor. Vbi autem Romanus Pontifex eos adueniſſe cognouit, Beatum Vironem ad ſe ſciuit, & intuiſtus eum in eius ruens amplexus oſculatus eſt eum, non ſine lachrymis. Deinde Pontifex nomen & patriam, animique propoſitum ex eo percunctatus eſt, poſtque multis auctum muneribus, remiſit in patriam. Redit igitur in Scotiam Sanctus Viro, vbi miraculis & ſanctitate vitæ celebris, Chriſtum Ieſum exteris prædicandi deſiderio cœpit ferri maximo, vnde in Galliam ſe conferens apud Pipinum Gallorum Regem tanto fuit in honore, vt eidem tanquam Præſuli animæ ſux vitæque patrono propter eximiam ſanctitatem ſua illi peccata conſiteri ſolitus ſit, nec erubuerit ad faciendam confeſſionem detractis calceis eum adire, eiſque imperio parère. Sæpius volebat eum intereſſe communibus conſultationibus Maiorum, erat enim conſilio maturus, nec vnquam viſus eſt præ indignatione aut liuore corrugaſſe frontē. Extruxit beatus Viro in Gallia ſanctiſſimæ Virgini Mariæ (de que ſummâ animi teneritudine loquebatur ſæpe) Oratorium, & Diuo Petro monaſterium. Vitam huius apoſtoli-
ci viri fuſè deſcripſit Surius ad hunc diem, cuius initium. Scotia fertilis Sanctorum vitorum Inſula, & ſtellarum numerum propè æquans patrocinijs ſanctorum, in multorum ſalutem produxit beatum Vironem non infimæ ſanè condicionis parentibus ortum, &c. De hoc Sancto vide eundem Surius, Lippeloum tomo ſecundo ad hunc diem, Gazerum in hiſtoria Eccleſiaſtica, Molanū in Chronica recapitulatione Sanctorum Belgij, Vvionem lib. 3. ligni vitæ, Baronium tomo octauo ad annum 631. Bonifacium in hiſtoria Virginali lib. 2. Stephanū Abbatem in vita Sancti Modaldi libro primo cap. 2. & 34. Triemium de viris illuſtribus ordinis Sancti Benediſti lib. 3. cap. 263. Capgrauium Anglum in legenda Sanctorum Angliæ, Chronica Dumſermilenſia, & alios.

Hoc eodem etiam die Sanctus Gibrianus vel Gibirinus Confeſſor, de quo manuſcriptus codex Remenſis in hunc modum. Fuit Sanctus

Gibrianus de Scotia oriundus parentibus secundum sæculi dignitatem non infimis, Christianissimis tamen. Qualis fuerit à pueritia Christi sequendo vestigia in eius ætate declaratur adultæ, in quâ ad Præbyterij prouehi meruit diuino instinctu fastigia. Parcimoniz verò cæterarumque virtutum, qualis interim obseruatur, extiterit scriptum quidem minimè reperimus. Floruit autem beati Remigij temporibus, reliquerat autem hic solum natale causa peregrinandi, expetens pro Christo nationem exteram, & ductus amore Sancti Remigii in ipsius diocesi, hoc est in territorio Cathalaunensi super fluuium Matronam honorabilem sibi habitationem elegit: propositi autem sui tenax, sedulum Christo ibi exhibebat officium, atque vt beati Remigii, dum adhuc superesset, frui & instrui meruit eruditionibus, itaque quoque post obitum eius corpori associari dignus fuit. Siquidem à venerabili Comite Haderico diuino admonitù à sepulturæ suæ loco sublatus, in Ecclesia præfati Antistitis in Serinio argenteo decenter adornato iuxta eundem Sanctum conditus est, vbi per eius merita Dominus multis diebus plurima facere dignatus est miracula. Sed postea sacra Gibriani ossa ab illo feretro (à quo ornamenta quæque ad subueniendum extremâ fame laborantium necessitati subtrahenda erant) remota sunt, & in alio auro, argento lapidibusque pretiosis iterum fabricato, reuerenter posita sunt 16. Kalendas Maii anno 1145 tempore Ludouici 7. Francorum Regis à Domino Samsone Remorum Archiepiscopo, instante Resurrectionis die. Et vt ad tam sancta tamque reuerenda Confessoris Christi ossa tangenda & promouenda Dominus Archiepiscopus se prępararet, sacręque pignora cernerentur à populo, nũtiantur hæc ciuibus, & vt ad spectaculum tanti gaudii feriâ 2. Paschæ reuerenter adueniant indicitur. Venit dies expectatus, adest Archiepiscopus cum Clero, Monachi cum Pastore Odone & multorum millium vtriusque sexus & ætatis turbæ. Aderant & Guillelmus Sancti Nicasii, & Viso Sancti Dionysii Abbates. Archiepiscopus autem Pontificalibus indutus vestimentis, lecto Euangelio è suggestu concionem habuit ad populũ, quâ finitâ feretro nouo benedicto & aquâ benedictâ asperso, cantata est ab omnibus Antiphona. Sancte Gibriane, &c. additâ collectâ & benedictione. Quibus finitis, loculum in quo sancta ossa iacebant confregit, & nudata ostendit, postea cum ipso capite signans populum in Serinium paratum Sancti membra, vt erant pallio serico inuoluta, diligentet recondidit, sicque descendens ad diuina tractanda reuersus est. Iam de miraculis ab ipsa die inceptis & post paruo sub tempore ostensis, pauca de multis exaremus. Ipso eodẽ die Clericus paralyticus

cum tribus annis contractus iacisset in Eleemofina Sancti Remigii opitulante Sancto Gibriano surrexit, & in statum pristinum rediit, & ad eius feretrum Deum & Sanctum glorificans accessit. Hic verò erat Sancti compatriota & natione Scotus, ex quo miraculorum suorum initia sumpsit. Quidam iuuenis de Baioaceni ciuitate in Morthmannia ab vtero matris suæ sinistram partem corporis aridam humerumque & brachium cum manu contractum habebat, linguam etiam impeditam gestabat. Hunc mater iuxta se cum candela locauerat, & Sanctum vt operam ferret cum suspiriis orabat, infirmus verò ob dolorē neruorum nimium magnas emittebat voces & gemitus, ad cuius voces territus populus aduenit, pro eiusque sanitate multas ad Deum preces fudit, populūque cernente saluus & incolumis factus est. Præterea infantulus Petrus nomine, in quamdam aquarum congeriem casu decidens, submersus est, sed postea à parentibus ante Gibriani reliquias extensus multis cernentibus & Deum benedicentibus reuixit. Constantinus quidam nomine de alba ripa ambobus cruribus vno anno contractis duos ad vnum baculos, quibus inuitebatur, gerens per mediam turbam irrupit vociferans se ope diuina & meritis beati Gibriani sanitatem recepisse, cumque ad feretrum adductus fuisset, & Clerus cum populo pro curatione eius adhuc in laudibus persisteret: continuò ex aduerso tres sanati aduenerunt, mulier scilicet quæ in sinistra coxa quinque foramina vlcerosa habebat, quæ iam pene totum corpus exsiccauerant, & omnia membra venis neruique retractis debilitauerant, sed & vno crure quinque annis contracta baculo sustentata inceslerat: quæ in momento curata plagisque exsiccatis hilaris ad Sanctum Dei alios præcessit. Quam sequutus est secundus homo nomine Nicolaus de Sauione villa natus, hic paralyti percussus toto corpore pessimo morbo infectus omnibusque membris impotens & contractus tribus hebdomadis mansit, qui & ante corpus sanctissimi Confessoris Christi Gibriani iam decem diebus vigilaauerat, cum supradicta vero eadem hora, eodemque momento erectus, & superna gratia vegetatus ad pignus venerabile deosculandum accessit. Tertius fuit Godefridus quidam de Birsina cui de curru decidenti rotatum pondere membra corporis contracta sunt, summosque patiebatur dolores, eo tamen ante Gibriani pignora collocato pristina corporis sanitas cunctis cernentibus rediit. Cætera quæ tribus libris integris recensentur miracula breuitatis causa pertranseo. Agit etiam de Gibriano Flodoardus lib. 4. hist. Rem. cap. 9. qui recensitis Gibriani fratribus & sororibus subiunxit. Quorum hic Gibrianus Sanctus sacerdos

quemdam

quemdam virum elegit ad habitandum costa vocatum. Vbi plurimis annorum curriculum sobriè, iustè & piè viuens vsque ad exitum vitæ bonum striduit certamen certare, cuius corpus primo iuxta publicum fertur aggerem fuisse sepultum. Vbi postea supra tumbam istius est oratorij ædícula contructa ob insequia scilicet quædam miraculorum ibidè manifestata. Ad quam confluxere populi solita frequentia, maximè cum depositionis eiusdè celebraretur festa. Multa namq; mihi sanitatis tribuebantur remedia, ex quibus quædam habentur descripta, sed plurima cælantur ignota. Trestamen mulieres nominibus ascriptis ibidè nominantur illuminatæ. Cuidam præterea nomine Grimoart manus cum integrâ est sanitate restituta. Tempore denique Regis Odonis grassante Normanorum crudelitate, terrasq; Francoruin vastante huius Sancti Ecclesiola igne cremata est cum alijs multis eiusdem pagi. Post eius combustionem sæpius audite feruntur voces psallentium personarum non apparentium: luminaria tamen quædam noctibus inibi videbantur ardentia. Cumque fama huiusmodi virtutum circumquaque percubisset, superno diutius amore, sanctiq; veneratione Stadericus religiosus comes accessit ad Rodoardum Episcopum Ecclesiæ Catalaunice obnixè flagitans, vt quia locus ille, vbi sacrû hoc corpus sub dio iacebat, funditus erat destructus, daret ei licentiam illud transferendi vbi deuotius & venerabilius seruari valuisset. Qui dum diu persistens in precibus tandem suæ petitionis obtinuisset effectû, vocato nauta fertur ei naulum dedisse eo tenore vt noctu ante galli cantum ad oram fluminis eius præstolaretur aduentum. Cumque statuto noctis tempore viri tres cum quodam sacerdote adessent flumij ripæ missi ab hoc comite, nauta defuit naue vltiori defixa fluminis oræ. His quoque viris aduentû nauigeri diu præstolantibus, & vicissim clamantibus cum nemo eis responderet, dolore perculsi prorunt in terrâ proni deuotè precantes vt si Deo placitum foret corpus illius Sancti de loco eodem transferri, aliquibus id eis dignaretur ostendere signis. Moxque nauis soluta diuina virtute nexu quo tenebatur affixa ripe qua expectabatur mirabiliter accedit appulsa. Quod admirando perspicientes & maximas Deo gratias referentes ascendit naue deuolûtate Dei certiores effecti. Accedentesq; ad locû sepulchri & apertofaxe in quo sacra mêmbrâ iacebât sarcophago, reuerenter eleuant transponentes hæc in parato ad id opus nouiter scrinio, sicq; cum ingenti gaudio remeantes ad nauem transeunt celeriter flumen hoc pignus cum laudibus deferentes ad vicum Balbiacum, vbi per triennium constat honorabiliter collocatum & conseruatum.

Posthæc ad Ecclesiam B. Remigij est honorificè delatum, & custodi Ecclesiæ deuotè commissum, iuxtaque sepulchrum huius sanctissimi patris honorificè collocatum. Post biennium præfatus Comes cum vxore sua Herisinde dominiuū Fulconem præfulem humiliter expetiit, postulans vt ei locum sepulturæ concederet in dextra huius Ecclesiæ parte iuxta ostium Cryptæ: quo impetrato, & altari statuto, atque argenteo decore cooperto illic decenter hæc venerabilia deponuntur membra. Denique postquam à præfato sepulturæ suæ sublata sunt loco quædam mulier cæca Erentrudis nomine illo candelam deferens accessit impetrandæ causæ medelæ. At comperto sacrum corpus inde sublatum penitus esse nimio angore affecta cœpit flendo cōqueri cur Sanctus hic Domini abinde se permisset aufferri, & cur deseruisset vicinos quibus beneficia solitus erat præbere diuina. Subueniri ergo sibi gemitibus exposcens visum sibi est proficisci debere ad vicum matris cum vbi frater eius sanctus quiescebat Veranus. Ad cuius sepulchrū candelam ponens seseque in oratione prosternens cœpit flendo vtrumq; inuocare fratrem: Dumque sancti crebrò nomen repetit Gibriani cœpit caligo albuginis ab oculis eius abrumpi, sicq; diuina propitiante pietate præco redonatur lumine. Agit etiam de Gibriano Boetius in hist. Vixit (inquit) & tempore haud multum ab hoc diuerso Gibrianus nostras vir insigni pietate, qui Ethnicorum in Albione iniuriam declinans cum fratribus ac sororibus, quos eadem in Christo mouerat charitas, transmisit in Galliam, vbi Remensem ciuitatem vitæ sanctimoniam & miraculis ornauit. Sigebertus in chron. adam. 509. Gibrianus Scotus cum fratribus & sororibus in Galliam peregrinatus urbem Remensem vitæ & morte sua illustrat, Lessæus Episcopus lib. 4 hist. in Corrano Rege, Eodem tempore (id est sub annum 530) Gibrianus nostras vir pietate insignis, veritus ne Ethnicorum (Saxones quippe Idololatræ Insulæ Britannia ingressi Scotos bello lacestebant) in Albione impeteretur iniuriis, fratres sorores precibus in eam sententiā induxit, vt secū in Gallia transmittētes in Christi veneratione reliquam vitam sanctè pacatèque collocarent, descendunt in Remensem ciuitatem, in qua Gibrianus ita pietatis laude floruit vt Christus in huius sanctitate, vitæ, moribus, miraculis suam gloriam ibidem maximè amplificari voluerit. Denique. Maior lib. 2. cap. 5. de gestis Scotorum. Gibrianus Scotus cum fratribus & sororibus vitam austeram circa Remos in Gallia ducunt, & illic requiescunt.

9 die. **S** Sanctus Ioannes Apostolus Bauarorum, Apostolus Saltzburghensium. De eo Vnion, Tritemius & alij.

10. die. **S**anctus Hildebertus Abbas in Scotia & Archiepiscopus, Episcopus Cenomanensis in Gallia, & sancti Sedulij præceptor. Fuit sanctus Hildebertus eximia sanctitate & singulari doctrinâ præditus. Floruit sub annum Christi 309. De eo vide Malmesburiensē lib. 4. pag. 75. Tritemium lib. de viris illustribus ordinis sancti Benedicti, & lib. de scriptoribus Ecclesiasticis. Possseuinum in apparatu sacro, & alios.

11. die. **S**anctus Faustus Episcopus Regiensis in Gallia Sancti Columbani Scoti magister. Vide Notker. Balbul. & alios.

12. die. **S**anctus Congallus Abbas Rathurelfigi Monasterii in Scotia. Agunt de hoc sancto Aberdonense breuiarium, & Sconensia Chronica his verbis. Sanctus Congallus in Scotia natus Patre, cui Sethuanus nomen, & matre cui Briga nomen: quæ cum esset grauida deuotlonis causa ad locum quemdam religione celebrem proficisci statuit: in itinere Episcopum sanctum, & propheticò dono insignem cui Mathissus nomen, conuenit, à quo etiam se insequenti die ante solis occasum parituram filium magnum coram Domino, cui Congall⁹ esset nomen, propheticò spiritu accepit. Congallo verò nato sacerdos quidam cæcus, & visu orbarus, sed in nouo veterique testamento, sanctorumque patrum decretis mirabiliter versatus, obnixè petiit, vt liceret illi & non alteri Congallum baptizare in nomine Patris & Filij & Spiritus sancti; quod cum fecisset, aquâ baptismatis cum oculos & faciem lauasset, subito visum accepit, & literas quas nunquam antea viderat perfecte cognouit. Congallo verò adolescentiæ annos ingresso in celebrē illò apud Scotos monasterio, cui Banchora nomen, Sancto Moreno Abbati instituendus traditur, cui etiam Abbatis in officio successit. Quodam tempore dum sanctus Columba ab Insula Iona ad Benchorense Monasterium nauigaret, accidit vt vnus de suis fratribus graui præoccupatus infirmitate in naui moreretur. Cum autem ad ostium fluuii nomine Bice peruenirent defunctum inter sarcinas nauis in occulto ponentes loco ad monasterium festinanter abierunt; vbi cum magno suscepti sunt gaudio. Postquam autem se inuicem in osculo sancto salutassent, Congallus pedes peregrinorum lauit, ac deinde si aliquos extra numerum, quem vidit, haberent, interrogauit. Sanctus Columba prouida quadam delusione respondens dixit, in naui remansisse vnum. Tunc beatus Congallus seruiore charitatis repletus ait, mittatur pro eo vt cum cæteris beneficio locutionis ac recreationis gaudeat, oportet enim vt vos omnes manus & pedes post nauigij

laborem foueatis : nauis namque cum rebus suis salua erit: Sanctus Columba sciens quod in omnibus esset B. Congallus à Deo audiendus, dixit, Frater ille non veniet nisi tu ipse pro eo vadas. Congallus sine morâ ad nauem properat, & fratrem statim non comparentem inter sarcinas dormire eum putans diligenter perquisiuit, & quem viuum esse putauit, mortuum inuenit. Tunc homo Dei in se stupefactus ad solita orationis suffragia recurrès omnipotentē Deū pro illo suppliciter exorauit, dicens In nomine Dñi nři Iesu Christi surge ac festina venire ad fratres tuos. Ille verò quasi à somno suscitatus statim surrexit nullū mortis signum in se habens. Iplis verò ad monasterium venientibus sanctus Columba illum respiciens monoculum, statim Congallo sancto nunciauit, qui dixit, non luscum aut debilem, sed toto corpore & omnibus membris integrum donari mihi à Domino rogauī, qui mox exauditus est, nam eadem hora fons viuus in loco vbi steterunt eripit, in quo frater ille qui mortuus fuerat & resuscitatus iussu hominis Dei faciem lauans oculum accepit meliorem ac pulchriorem cuius acies etiam in senectute non est diminuta. Hic idem Beatus quatuor alios mortuos per Dei virtutem vitæ restituit, aliaque miracula per plurima Deo cooperante fecit. 30 ætatis suæ anno migravit ad Christum.

13. die. **S** Sanctus Fastidius Episcopus in Scotia. Vide Honorium Augustodunensem libro de lumin. Eccles. & alios.

14. die. **S** Sanctus Eligius Episcopus Nouiocomensis, Gallis Eloy, Italiz Alo. Vide auctorem vitæ Anonymum, Breuiariumoticum Bruni historiam, & alios.

15. die. **S** Sanctus Chromanus presbyter & confessor in Mernia Scotiæ pronincia, doctrinâ & miraculorum famâ celebris, acerrimus fuit Ecclesiasticorum propugnator rituum, & Catholicæ Paschalis celebrandi auctor. Obiit sub Christi annum 644.

16. die. **S** Sanctus Brandanus Abbas, Apostolus Orcadam & Scoticarum insularum, qui cum puer esset Herci Episcopi viri doctissimi lateri semper adhæsit, à quo purioris literaturæ rudimenta percepit: grandior deinde factus Monachatum suscepit. Tantam verò discipulorum suarum manuum laboribus visitantium multitudinem collegit, vt trium millium Monachorum diceretur Abbas, multaque ad monasticam vitam spectantia ex ore Angeli suscepta composuisse dicitur. Patrem habuit Finlug: mater verò dicta est Cara, quæ nocte quadam somniauit sinum suum auro obriso plenum esse, suasque ma-

millas ardere, & ingenti luce splendere: quod cum marito suo indicaret, Episcopo Herco referre ipse curauit, qui mysterium somnij intelligens dixit, Finlug, vxor tua pariet tibi filium potentia quidem magnum, sanctitate verbò illustrem, vnde te rogo vt mihi illum tradas ad nutriendum: quòd factum est adhæsit enim vt diximus, sancto Episcopo. In festo vno sancti Petri Apostoli videns sanctus Brandanus pisciù innumeram multitudinem, iussit eos Deum laudare, qui super vndas ænatantes vocibus intonare cœperunt. Alio tempore ferebatur ad sepulchrum iuuenis, parentibus & cognatis miserabiliter eum plangentibus, quorum lamentis compatiens vir sanctus, pietate plenus ad loculum accedens orauit, & qui mortuus fuerat reuixit. De eo vide fasciculũ temporum in sexta ætate, Vnionem lib. 3. ligni vitæ, Breuiarium Alberdonense, Sconensia chronica, Petrum de Natalibus, & alios.

Hoc eodem die S. Brandanus Abbas Culrossiæ. De eo vide breuiarum Scoticum ad hunc diem, & alios.

Hoc eodem etiam die sanctus Benthus Confessor.

17. die. **S**anctus Conuallus Abbas & sancti Kentigerni à teneris annis discipulus. Magno fuit in honore hic Sanctus apud Aidanum Scotorum Regem qui eiusdem suasu & consilio fidem Catholicam non domi solum, sed & apud Pictos quacunque potuit ratione amplificauit. De hoc Sancto vide Lessæum lib. 4. historiæ in Aidano. Boetii qui testatur reliquias huius sancti in Incheuen hand procul à Glasguensi ciuitate à Christiano populo hætenus in magna habitas esse veneratione.

Hoc eodem die sanctus Cathanus Episcopus in Buta Scotiæ Insulâ, auunculus sancti Blani. De eo vide Georgium Neutonum, historiæ Dumblanensem, & alios.

18. die. **S**anctus Merolilanus Martyr in Remensi vrbe Campaniæ in Galliâ ob miraculorum gloriam celeberrimus, de quo in hæc verba Flodoardus lib. 4. historiæ Remensis. In huius Ecclesiæ [de Ecclesiâ sancti Hilarii loquitur] cemeterio quidam Scotigena Dei seruus olim sepultus est, sed cum iam à nostris & nomen & ipsius memoria sepulturæ videretur appositæ, apertis cœpit sese visibus manifestare. Nam dum quidam ciuium non de inferioribus sed pauper rebus olim nostris diebus obiisset, amici eius ad Hildegarium huius Ecclesiæ Presbyterum accedentes petunt ab eo vt locum sibi sepulturæ impertiret, ubi sarcophagum reperirent in quo corpus ipsius recondere possent,

quia de rebus ipsius vnde emerent non habebant, qui dum eis petita concessisset sepulturam serui Dei aperuerunt, sed ipsam eius sarcophagum aperire nequiverunt. Quo audio Presbyter accessit, & operatorum sarcophagi leuare tentans aliquantulum aperuit sepulchrum de quo mox fragrantia tantæ suauitatis emanauit, vt nunquam se deletabiliorem testatus sit hausisse odorem, Introspeciensque videt corpus integrum sacerdotalibus vestibus redimitum, recomponensque sepulchri pallam, non ausus est amplius violare sepulturam, Permisit tamen vt idem corpus depositis quibusdam superponeretur tabulis. Ipsa nocte visus est ei auunculus suus præbyter in somnis, qui iam diu decesserat asserens quod valde offendiſſet Deum præterita die, maxime si sepulchrū sancti violare præsumpſiſſet. Idem quoque beatus vix cuidam sub his diebus apparuit, & quia grauaretur valde præ pondere & indignitate superieci sibi cadaueris intimaui, & vt indicaret præbytero iussit, quia nisi citò corpus id fœtidum sepultura suâ repelleret diuinâ quantocyus vltione plectendus esset. Hic præbyter admonitionibus pænafactus cadauer quod sepulturæ sancti superpositum fuerat, eiſci fecit cum festinatione & aperta alibi sepultura recondidit. Visus est idem sanctus Domini postea cuidam Rustico præcipiens ei, vt iret ad Episcopum Artoldum, & indicaret ei ex verbis eius vt corpus ipsius quod extra iacebat intra Ecclesiam transferret. Quod idem rusticus intimare timens neglexit mandatum, nec longè post iterum apparens euigilanti duritè increpauit illum quare præceptum neglexit, & corripiens alapâ eius percussit maxillam. Qui mox auditum amisit ipsius auris in qua percussus est parte, capitisque dolore per medium fere vexatus est annum. Deinde cuidam etiam præbytero in eadem Ecclesiâ sub præmissio Sacerdote seruienti apparens in visione quadam dominicâ nocte admonuit eum, vt Episcopo indicaret quatenus corpus ipsius in prædictam Ecclesiam transferret, locum quoque vbi ponendum foret ostendere non omisit, intimans ei obitum & causam obitus, vel aduentus sui, significans se Scotigenam fuisse, Romam orationis gratiâ cum sociis petendi itinere occupatum à latronibus super Axonam fluuium fuisse peremptum, indeque corpus suum à sociis huc delatum, ibique sepultum: propalans etiam nomen suum quod vocaretur Merolilanus, iubens vt id nomen ne fortè memoriâ delaberetur, ascribere curaret, inclinansque se partem cretæ quæ fortuito iacebat apprehendens dedit ei, præcipiens vt illud continuò adnotaret in arca quæ lecto illius adhærebat: quam ille cretam visus est accepisse

nomenque descripsisse. In quadum pro literâ I scriberet r, corrigere hoc eum monuit, & ita in crastinum hoc nomen adscriptum inuentū est, vt testaretur idem præbyter quod vigilando per diem tam bene scribere nequiuisset. Quibus reuelationibus monitus Episcopus Ecclesiam restaurari fecit, &c. Vide Flodoardum citatum; breuiarium Remense, & alios.

19. die **S**anctus Alcuinus Abbas Turonensis, præceptor Caroli magni, fundator Academiæ Pariensis. Ipse Epistola 20. vernaculum se Scotorum vocat. Editor operum, Gente (inquit) Scotus, conuersatione Gallus. Rudolphus Boterus in Lutetia,

Et tandem egyptijs Scotorum emerfit ab oris,

Alcuinus.

Vide Bozium de signis Ecclesiæ tomo secundo lib. 21. cap. 9. *Qualis* (inquit) *Beda ex antiquis Anglis, & Scotis vero Ioannes & Albinus sine Alcuinus, per quos Carolus Magnus in Occidente publicas Academiâs omnium doctrinarū primus aperuit Parisiis & Ticini. Iaquinum in Carolo Magno, Delati (inquit) nane ex Scotia Claudius & Ioannes, Rabanus quoque & Alcuinus &c..* Giraldum Ferrariensem, Hermanum, Kirchnerum lib. secundo de Legato cap. 9. *A Scotia* (inquit) *Rege ad Carolum Magnum missus.* Thomam Sailly in libello cuius titulus est *Sagittæ hereticorum.* Ex nostris Annales Scoticos, Dempsterum, Lessaum, & alios. Nec refert quod dicatur alicubi Elaboracum suam patriam appellare, hoc enim non magis probat ipsum Anglum esse, quam omnes Scotos Anglos esse, quia Scotos compatriotas contraymen familiari sermone appellant. Adde potuisse illum Eboracum patriam suam appellare; propterea quod esset in Britannia quæ Anglis & Scotis communis est patria eodem planè modo quo Hispanus aliquis Neapolim ex Hispaniâ proficiscens Italo in Hispania commoranti, & quo iret petenti, iure responderet, in patriam tuam.

20. die **S**anctus Colonatus Martyr, celebris apud Scotos in Ainzia prouinciâ Scotiæ. Fuit hic Dei famulus sancti Kiliani Franconiæ Apostoli in prædicando Dei verbo Franconibus, & in subeundo apud eoldem martyriosocius. Vide de ipso Democharem de missæ sacrificio, Ioannem Maiorem lib. 1. de gestis Scotorum cap. 6. Tritemium lib. 3. de viris illustribus ordinis sancti Benedicti.

21. die **S**anctus Sidonius Confessor in Normanniâ, Galliæ prouinciâ non procul Rothomago, in pago cui Sancem nomen gloriâ miraculorum percelebris, nec non prope Deipam loco cui Butellis

nomen, in hodiernum diem sanctitatis famâ clarus. In Scotiâ Comanum Sodorensem Episcopum præceptorem habuit, & sanctum Fiacriû Eugenij hoc nomine quarti Scotorum Regis filium in studiis condiscipulum. Vterque Scotiâ egreditur sub annum 646. Fiacrius sanctus à Meldensibus peramanter accipitur, Sydonius à Normannis non minori animi beneuolentiâ. Vide Hunterum in lib. de Sanctis Scotiz. Fuit & alius Sidonius natione item Scotus, Virgilij sancti socius in prædicando apud Boios in Germaniâ, fide Catholica celebris & sanctitate vitæ clarus, de quo Marcus Velcetus rerum Boicarum lib. 5. Floruit hic Sidonius sub annum Christi 748.

22. die. **S**ANCTUS Nortyla Martyr & Episcopus Verdenſis ordine quartus, à quo in Verdenſi Eccleſiâ nauatum est animabus Christo lucrandis ſtudium diligenter non minori Verdenſium gaudio à quibus colebatur & ferebatur in oculis, quàm malorum inuidiâ à quibus paſſim ei parabantur inſidiæ. Paſſus eſt martyrium ſub Chriſti annum 816. De illo vide Pantaleonen parte primâ Proſopographiæ & alios.

23. die. **S**ANCTUS Guillelmus Martyr gloriſſimus, de quo Capgravius Anglus in libro de Sanctis folio 32. & Chronica Sconenſia. Beatus Guillelmus Martyr in Scotia natus eſt in vrbe Perthæ, quæ vulgo dicitur ſancti Ioannis, qui cùm adhuc iuuentutis flore vernaret læciuam amplexum ſæcularem vſque ad tempus quod Pater cœleſtis in ſua poteſtate diſpoſuit, tanquã lignum aridum infructuoſus permanſit. Verùm germinauerunt ſpecioſa deſerti dùm hoc lignum in tempore ſuo fructum attulit aquã ſapientiæ irrigatum: prouectiorque factus & iam vir virum ſapiens & euacuante quæ erant paruuli, caſtiganteſque corpus ſuum carnem ſpiritu ſeruire cœgit: arte piſtoris quam à iuuentute didicerat, familiolam ſuam ſuſtentabat, decimum panem charitatis intuitu in pauperes erogabat, vt inter Cœlicolas Angelorum pane reſci mereretur. Vir ergo iſte ſimplex & rectus ac timens Deum & recedens à malo in populo miſſimus apparuit. Orphanorum pater, viduarum deſenſor, pauperum ſedulus auditor exiſtens. Cumque quotidie ſanctæ matris Eccleſiæ limina frequenteret, quodam autem diluculo cùm adhuc tenebræ eſſent, ante fores templi Domini cauſa deuotionis aduentans infantem vagientem reperit vilibus villoſiſque panniculis inuolutum. Cuius verò inopiæ ſanctus compatiens clanculo puſionem arripuit, arreptum mulieri nutriendum dedit, nutritum & adultum arte panificã diligenter inſtruxit, inſtructum quoque

quoque dilexit. Accidit itaque ut idem vir voto se obligaret, dominicæ passionis visitare locum, & disponens domui suæ, vocauit seruos suos, & tradidit illis omnia bona sua. Et audita cum deuotione catholica missa, fecit sibi (ut moris est peregrinis) peram & baculum consecrari, ut statim proficisceretur non ignorans quoniam per multas tribulationes oportet nos introire in regnum Cælorum, omnibusque tam vicinis quam consanguineis valedicens, itineris comitem nullum secum adduxit præter supra memoratum Inuentitum, in quo tanquam pater fidelissimus piissimusque in filio suo carnali confidebat. Sic vir Israëlita Christi cohæres egressus de terrâ & de cognatione reliquit fratres & sorores vniuersamque substantiam suam ut centuplum acciperet, & profectus est. Transeuntes autem primam & secundam prouinciam, viaque regia per Angliam incedentes venerunt ad urbem Rossensem, quæ Saxonum lingua Rossæstria nuncupatur. Est autem Rossa municipium in Cantia prouincia super Medneyam amnem, optimo loco situm, distans ab urbe Londoniarum Angliæ Metropoli viginti quatuor miliaribus versus Doroberniam, quæ antiquitus Caorcalec, nunc autem Cantuaria nuncupatur. Cum autem in urbe supradicta morarentur per triduum, artus solutos ut quies labori aptos redderet, intrauit satanas in cor serui nequam, ut avaritiæ inebriatus veneno mortem Domino suo penitus intentaret. Quarebat autem parricida & proditor opportunitatem ut eum perimeret sine turbis, ne forte tumultus fieret in populo. Post triduum egredientes ab urbe versus Cantuariam cum ad quoddam bñum peruenissent beato Vvillelmo viam rectam carpere volenti, præ perfidia proditor hand potuit acquiescere, sed illum procaci vultu respiciens dixit, ut quia viæ perditio hæc, ut quid in vacuum laborauimus viam rectam deferendo, quam heri dum ad Missarum fuiti solemniam ab incolis huius prouinciæ didici absit, ut per viam quam desideras gradiamur ne forte nobis aliquid aduersum contingat. Hæc & alia superflua susurrone suadente secum intrepidus perrexerit. Euntibus autem illis per deuia nactus est proposito suo tempus opportunum scurra subdolos, securimque vibrans Spurius & degener alumnus piissimum patrem & peregrinum cælestia meditantem in occipite percussit, percussum prostratumque imbecillum impiissime iugulauit. Sicque agnus innocens lupo laceratur, sic granum frumenti cadens in terram mortuum, nec non proditionis obiectum palea multum fructum affert. Sic beati Vvillelmi spiritus egressus de tenebris & umbra mortis amictus est

lumine velut vestimento, & quia legitimè certauit sufferens tentationem, accipere meruit coronam vitæ quam Deus promissit diligentibus se. Quid plura? Nebulo nefarius, quem nefas fugat, fugit vt profugus, non refugio sed fune dignus.

Prænotato beati Vvillelmi Martyris glorioso triûpho, operæ pretium esset miracula scriptis inserere; quæ ob illius meritû operatur potentia cœlestis, sed ceteris prætermisissis vnû tantû recensebo, vt lucerna gloria miraculorû accêssa nō ponatur sub modio sed super cadelabrû vt luceat, & fracto alabastro tota domus odore repleatur vnguenti. Fuit, igitur iisdē tēporib⁹ in Catiē finib⁹ præfatis quēdā mulier vesana toruo spiritu necnō & à dēmonio adeo vexata, vt mōtes & colles trāsiliens & per plateas & vicos nuda discurrēs insanīę suę notas miserabiliter omnibus ostenderet. Cumque quadā die per locum vbi iacebat corpus exangue gloriosi Martyris inter spinas & tribulos pertransiret in illud intuens dixit, Amice vsquequò dormis? dormias iam & requiescas. Quare lasciuie iuuenis cūm sis candidus coronā florida non vteris? Hæc & his similia tanquam pica loquax astando garruens, coronam de caprifolio plexam beati Martyris capiti circumposuit. Reuerfa deinde & malè a dēmonio vexata, tanquam lezra raptis catulis ardua quæque montium transcendens in ima vallium desiliens & ignorans vnde veniat, aut quo vadat, postero die loco vbi sanctum corpus reliquerat iterum appropinquans, redde, ait, mihi somniator quā tibi dedi coronā. Proh pudor! stertis adhuc piger? mihi non loqueris? hæc & alia indigna relatu proferens à Martyris capite coronam cerebro necnon calore cruentatam, imò consecratam abstulit, capitiq; proprio supposuit. O mirabilis Deus in sanctis tuis! mulier quippe fatua cruento corollario coronata, dicto citius ferali fabie deposita rationis vsum adepta est; vnde & præ verecundia tota die vsque ad vesperam inter fruticeta latuit, & ad se reuerfa dixit: nunc scio verè quia misit Dominus Angelum suum, & eripuit me de manu Sathanæ meritis istius Martyris, vt manifestentur Dei opera in illo præstante Domino nostro, qui cūm Patre & spiritu sancto viuut & regnat Deus per omnia sæcula sæculorum. Et prædictus gloriosus Martyr iacet apud civitatem Rossensem prædictam.

24. die. **S** Sanctus Ferranus Episcopus Culdæus in Scotiâ. De eo Lessus & alij.

25. die. **S** Sanctus Adelinus siue Anthelinus Abbas in Scotiâ, & postea Episcopus Schireburnensis seu Salisburiensis in Angliâ, vir

deuotus & sanctus (inquit Titemius) atque in diuinis scripturis valde eruditus. Fertur de hoc Dei famulo cum quodam die in Lateranensi Ecclesia missam celebrasset casulam exuens porrexit eam retro se, existimans alicui ex ministris eam se tradere, nemo autem ministrorum illic aderat, sed non aberat diuina prouidentia. mox enim radius solaris per fenestram penetrans casulam illam diutius tenuit: in cuius miraculi memoriam casula illa in Meldimensi Ecclesia conseruatur. Romę summo fuit in honore apud Sergium Pontificem, nec immerito, siquidem sub annum 699. pater quidam ex incœstu genitus Romani Pontificis famam nonnihil contaminauerat, quod vulgus [vt fieri solet] sparsu rumore vano malè persuasus, cum Pontificem habere patrem existimaret. Anxius igitur sanctus Adelinus vel Anthelinus (ita enim ipsum aliqui vocant) multumque dolens Pontificem haud vulgari amicitia sibi deuinctum eiusmodi infamia fœdari, puerum nonnisi nouem habentem dies exhiberi iubet, eique in virtute & nomine Iesu Christi imperat, vt edicat num Sergius Pontifex eo se scelere obstrinxerit? Respondit infans absolutissimo sermone, Pontificem nequaquam illi crimini affinem esse, nihil illum cum fœmineo sexu commercij habere. Scripsit librum de laudibus virginitatis, de celebratione Paschæ alium, alium etiam de virginitate Sanctoium metrice, & epistolas plures ad diuersos.

16 die. **S** Sanctus Odunaldus Abbas Mailrossensis monasterij in Scotia. De eo vide Bozium lib. 22, de signis Ecclesię. Moribundo fertur astrisse Angelus eundem trepidantem his verbis confirmans. Quid times Odunalde fili? aut cur ob imminentem mortem angeris? veni securus, quoniam Deus noster cui fideliter seruisti, dabit tibi coronam glorię. Vide chronica Sconensia & Elhistonium.

17 die. **S** Sancta Fintana virgo. De ea breuiarium Scoticum, & alij auctores.

18 die. **S** Sanctus Ionas Abbas & Confessor, & sancti Columbanus Abbatidis discipulus eiusque peregrinationis socius, Multa præclara scripsit. De eo vide Titemium de scriptoribus Ecclesiasticis, & alios.

19 die. **S** Sanctus Dagamus Episcopus & Confessor, in Gallidia Scotiae provincie vitę sanctitate celebris, paternarum traditionum retentor fuit. A teneris annis in celeberrimo illo apud Scotos Benchorensi monasterio rudimenta pietatis percepit. De eo Lessus lib. 4. historię, & alij multi.

Anselmo alijsq; multis qui pro Ecclesiæ libertate fortiter sese opposuerant) post pacis conditiones iuramento firmatas scēdīfragus militem in Scoticas oras immittit. Annicēse Scotorum castrum, cæsis ad vnum prædīarijs militibus expugnat, sacra quæque profanat & diruit, Anglumque quendam subornat qui Malcolmō Regi nihil insidiarum metuenti sub specie componendæ pacis arcem dedere (obsecerat enim Malcolmus Annicēse castrum, quod fraudulenter Rufus interceperat) se simularet, castrique clauēs cuspī lanceæ suspensas dum Malcolmō porrigere simularet, eundem ferro in oculum adactō interimeret, quod & fecit Anglus, Comitatuque Northumbriæ postea ob facinus a Rufo donatus est. Verū vterque suæ perfidiæ pœnas diuinitus postea dedit, & Rufus quidem Rex (ait Nenbergenſis Anglus) homo vecors & inconstans in omnibus suis vijs, Ecclesiæ grauis, nuptias spernens & passim lasciniens, in venatione sagitta proprii militis, homo ferocissimus pro fera confossus interiit. Miles verō Anglus (cui Robertus Aubri nomen, agnomen Perse) diem miserimè obiit. Singulis diebus ad minimum duo vel tria sacra audiebat sanctus hic Rex. Ipse & sancta eius coniux sancta Margareta 300 inopes quotidie alebant, sex pauperum pedes quolibet die aduentus & quadragesimæ lauare consueuerāt. Fertur cū grauissimos ex inflicto vulnere dolores pateretur sæpius dixisse: Deus meus da mihi patientiam hic, & postea indulgentiam. Corpus eius translatum fuit Dunfermlinum, vbi per miracula plurima eius sanctitatem Deus testatus est.

3. die. **S**ANCTUS Trefanus Confessor. De eo Dempsterus, & alij.
Hoc eodem die sanctus Dunitanus Abbas. De eo Lessæus in historia, & Vnion lib. 3.

4. die. **S**ANCTUS Fothardus, vel Fothadus. De eo vide vitam sancti Dunstani, Capgrauium & alios.

5. die. **S**ANCTUS Bonifacius Archiepiscopus & Martyr & Germanorum Apostolus. Scotum esse natione testantur Tritermius de viris illustribus ordinis sancti Benedicti lib. 2. cap. 24. *Bonifacius* (inquit) ex Monacho primus Archiepiscopus Moguntinus natione Scotus, adhuc 5. annorum in Cœnobio Angliæ nostrī ordinis, quod *Mischella* dicitur, a parentibus Domino seruaturus oblatus est. Et libro de scriptoribus Ecclesiasticis. *Bonifacius* (inquit) primus Archiepiscopus Moguntinus natione Scotus, Monachus ordinis sancti Benedicti cū esset puer quinque annorum a parentibus suis monasterio in Angliā, quod *Mischella* dicitur oblatus est. Maria,

huius virginis sanctissimæ mentem amoris Christi redundantia possederat, ut multas interdum horas nixa genibus hæreret immota, cordis summa dulcedine & iubilo. In Trecense territorium Campaniæ se contulit, ubi monasterio erecto, cui etiam postea præfuit, multis in vita & post mortem claruit miraculis. Sed præsertim in pago ubi eiusdem requiescit sacrum corpus ab illa Sancte-Syre dicto, ubi calculo & herma laborantibus præsentissimo est remedio. De ea vide Lesæum lib. 4. historiæ, Boëtium lib. 9. historiæ, Regium in Calendario & alios. Circumfertur hymnus peruetustus sane quo campaniæ populi, quorum ad hanc virginem frequentissimæ sunt peregrinationes, sanctæ Syre decantant encomia & postulant suffragia.

*O Syra virgo pura,
Regis Scotia filia,
Sancti Fiachæ soror,
Tu es stella eximia,
Præfulgens virginum gemma,
Campaniæ laus & honor.
Ad sepulchrum confugiunt tuum
Populi, & sentiunt sanitatis remedium.*

Hoc eodem die celebris habetur apud Scotos sanctus Columba Abbas, cuius vitam scripsit sanctus Adamannus Scotus, cuius titulus hic est, *Sancti Adamanni Scoti libri tres de sancto Columba Scoto*. Habes hanc vitam apud Henricum Canisium tomo 5. ant. Lect. Vide præterea chronica Sconensia. Vnionem lib. 3. & alios.

SANCTUS COMUS Abbas. Vide Adami Regij Calendarium & alios.

SANCTA MARGARETA Scotorum regina, & sancti Malcolmi coniux, quam in uxorem sibi accepit Malcolmus sanctus ob singulares animi dotes, quod grauitè tulit Guillelmus Normannus, Angliæ conqueror dictus: qui propterea Malcolmo sancto bellum indixit. Verùm Malcolmus Dei auxilio Virginisque Mariæ (de qua summa animi reuerentia semper loquebatur) exercitum Guillelmi egregiè profligauit & vicit. Porro Margareta sancta in loco ubi nuptiæ cum Malcolmo Rege celebratæ fuerant, in honorem sanctæ Trinitatis nobilem Ecclesiam construxit. Fuit hæc Regina sancta in precibus cum Deo assidua, & principio quidem de nocte surgebat, & Ecclesiam adiens nocturnas preces, quas matutinas vocant, primò de sacro-sancta Trinitate, deinde de sancta Cruce, tertio de beatissima Maria ab-

soluebat. Illis finitis officium defunctorum incipiebat, ac deinde psalterium perlegebat. Quando Clerus preces canonicas celebrabat, illa psalterium vel iam cœptum finiebat, vel primo absoluto alterum inchoabat. Finitis precibus horarijs in cubiculum rediens sex pauperum pedes lauabat, eisque pecuniam dari iubebat. Deinde parumper quieti & sopori indulgebat. Mane factò surgens pijsissima Regina nouem infantulos orphanos omni auxilio destitutos, prima diei hora ad se introductos cibis mollioribus flexis genibus reficiebat, & cibos in ora eorum immittebat. Præter hæc quotidie 300. pauperes in aulam consuetudo erat introduci, & clausis oitijs Malcolmus Rex sanctus ab vnâ parte, Reginaque sancta ab altera, Christo in pauperibus seruiebant, cibosque specialiter præparatos offerebant. Quo factò Regina sancta ad Ecclesiam se conferens prolixis precibus & lacrymis atque gemitibus seipsam Deo in sacrificium immolabat, & ante summum sacrum quinque vel sex priuata sacra audiebat. Quando Margareta sancta de salute animæ confessorio suo, & de sempiternæ vitæ dulcedine loquebatur, verba ei^a plena erant omnis gratiæ, tantumq; iter loquendum compungebatur, vt tota in lacrymas resoluenda putaretur. Interdum quicquid erat Regis proprium egenis erogandum aufererebat, quam pietatis rapinam sanctus Rex Malcolmus omnino gratam & tatam semper habebat, seque nescire simulabat. Erat Reginæ codex quidam Euangelicus gemmis & auro ornatus, in quo studere & legere solebat, qui custodis negligentia in aquam cecidit, & per diem ac noctem sine aliqua iniuriâ vel læsione inuiolatus permansit. Turgoto sancto confessorio suo ad se accersito prædixit mortis suæ diem, filijsque benedictionem impertita, præsentem Turgoto eis commendauit vnicè millies potius mori quam peccato graui Deum offendere.

2. Erga sanctissimam Trinitatem & Mariam virginem singulari ferri teneritudine animi. 3. Pauperes & misellos amare & protegere. 4. Impudicitiz occasiones omnes cōstanter & viriliter superare & fugere: nihil enim regno pestilentius adulterina prole. 5. viros sanctos apud se habere, qui consilio & apud Deum precibus regnandi difficultates mitigarent. 6. Vt in fide Catholica & prædecessorum cōstantes essent. Deinde Confessorio suo ait, Et tu, ô Turgote, qui post me paruo tempore viues, duo sunt quæ à te postulo: vnum, vt quoad vixeris animæ meæ in Missis & orationibus tuis meminisse velis, Alterum, vt liberorum meorum curam habeas, Deum præcipuè timere eos doceas, & cum ad culmen terrenæ dignitatis quemlibet eorum euehi cōspexeris, illius

illius vel maximè patrem simul & magistrum te exhibeas, ne propter mundi prosperitatem æternæ vitæ felicitatem sua negligentia amittat. Propter magnam ieiunij rigorem (40. enim ante Pascha & Christi natiuitatem diebus incredibili abstinentiâ se affligebat) acerbissimos sub finem vitæ stomachi dolores passâ est. Sex menses integros ante mortem lecto affixa varijs infirmitatibus detenta iacuit, & octauo ante obitum die cum Rex Malcolmus libertatem Catholicæ Ecclesiæ contra Guillelmum Rufam Angliæ Regem Ecclesias & monasteria demolientem, propugnaret, tristior solito effecta prophetico spiritu longè licet dilata mortem & martyrium Malcolm Regis & mariti præsentibus annuntiavit in hæc verba. Fortè hodie tantum mali Scotorum regno accidit, cum Regem adeo sanctum amiserit, quantum multis retrò sæculis accidisse non legitur. Cumque post aliquot dies à filio Edguro de morte Malcolm etiam certior facta esset, manibus ad cælum leuatis dixisse fertur: Gratias tibi ago omnipotens Deus quod me tantas in meo exitu angustias perpeti, easque tolerantem à quibudam peccatorum maculis, vti spero, mundare voluisti. Tum crucem Scotiæ nigram, quam magno semper in honore habuit, amplecti, exosculari, oculos faciemque crebrò signari curauit: sanctissimumque Christi Domini nostri corpus ad se delatum cum adorasset, magna animi teneritudine Christi n præsentem in hunc modum allocuta est: Domine Iesu Christe fili Dei viui, qui ex voluntate Patris cooperante Spiritu sancto per mortem tuam mundum viuificasti, libera me per hoc sacrosanctum corpus & sanguinem tuum, ab omnibus iniquitatibus meis & vniuersis malis, & fac me tuis inherere mandatis, & à te nunquam separari permittas. Qui cum eodem Deo patre & Spiritu sancto viuis & regnas Deus in sæcula sæculorum. Amen. Sumpto denique sanctissimo Sacramento iudij perfusa spiritualibus, sæpeque iterans Quid mihi est in cælo, & à te quid volui super terram: Domine Iesu quem amavi, quem dilexi, suscipe me sperantem in te, tanquam placidissimo somno consopita exhalauit spiritum, anno Christi 1092. Fertur prophetico spiritu miseriam Scoticarum Ecclesiæ & totius Insulæ Britannicæ faciem, quam hodie, proh dolor! cernimus præuidisse, & prædixisse his verbis. Venient tempora in quibus diuitiæ Ecclesiæ dissipabuntur, & Catholicus populus velut à lupis lacerabitur, & à locis suis & de patriâ sua expelletur. Vnde plurimi eorum in solitudinem se conferre paupere vitam in multâ contritione cordis deinceps ducentes, & sic Deo humiliter seruientes, Deique iudicia iusta, sed occulta re-

colentes diemque ultionis diuinæ extremum in patientiâ expectantes. Est non procul Edinburgo fons, cui olei guttæ, quæ contra varias cutis rupturas valent, supernatant, eâ vi, vt si nihil inde collegeris, nihilo plus confluant: si verò abstuleris, nihilo minus remaneant; quod ad sanctam Margaretam Reginam ex monte Sinai adferebatur, fidem rei faciunt fonti nomen sanctæ Catharinæ inditum, atque in eiuldem honorem sacellum à sancta Margareta non procul à fonte erectum. Agunt de sancta Margareta Dumfernulensia chronica, & Molanus in annotationibus ad Vluardum. Agunt præterea Surius & Capgrauius, Anglus, sed fabulosa quædam eius vitæ inseruerunt. Caput huius sanctæ Reginæ asseruari audio in Seminario nostro Scotico Duaci in Belgio.

11. die. **S** Sanctus Gaius Martyr in Maiâ Insula. De eo Lestæus & alij.

12. die. **S** Sanctus Ternanus Episcopus & Confessor, & post Ninianum sanctum Pictorum Australium veluti Apostolus. Hic à sancto Palladio cum quo annos integros in erudiendis Scotis peregrinatus, missus est ad p̃ctos in fide Catholicâ confirmandos, & ad Pelagij hæresim quæ quorundam Pictorum animis inhæserat ob mutuum cum Britonibus commercium, euellendam. In quo opere adeo Apostolicè se gessit, vt Pictorum animos mirum in modum in Dei amore inflammaret, sibi que deuinxerit, eumque summa reuerentiâ & honore instar Apostoli postea coluerint. Fuit Ternanus sanctus instituto Culdæus, & inter Culdæos patres à tenella ætate in celebri Culrossano monasterio educatus. Vide de ipso Middendorpium lib. 3. Academiarum, Lestæum in historia Scotica, Boëtium, Duchesne & alios.

Hoc eodem die Beatus Guillelmus Elphinstonius Episcopus Aberdonensis ordine 26. & vniuersitatis Aberdonensis quodammodo erector, nam ita agris & Ecclesiasticis redditibus ornavit, vt meritò velut de nouo exædificasse dicatur: opus ædificiorum ornatu & amplitudine magnificum. In eo templum tabulatum, poliu. quadratoque lapide, marmoreis altaribus, & imaginibus Diuorum Pictoria arte mirifice auratis, cathedris æneis, aulæis tapetibus, quibus parietes atque pauimentum sternerentur, aliaque multa pretiosa suppellectile magnifice decoratum. Templi ornatus, quorum vsus in sacris ex auro textili, quindecim vestes sacræ quas Cappas, Casulas, Tunicas vocant. Ex villosa byssò octo supra viginti: his omnibus laterales fibræ aureis staminibus, quibus Diuorum effigies intextæ filis bislinis, coccineis, pur-

pureis, hyacinthinis, auro commixtis. Septem ex bisso palmata, his laterales fibræ bissinis staminibus, stellis aureis confitis. Ex bisso palmata atque undulata viginti ad puerorum usum in sacris supplicationibus. Præter hæc ad quotidianum usum complures vestes sacræ ex coxo bissoque undulatæ. Crux cum crucifixi simulachro, candelabra, thuribula, fialæ, calices, octo ex auro purissimo, Sindones nonnullæ bissinæ aureis filis variè contextæ, nonnullæ subtilissimæ ex candenti lino, quibus intexti flores vario colore ex bisso. His sacrorum tempore sternuntur altaria. Arca ex Cypressso margaritis & gemmis constituta, mirâ concinnata arte, quâ venerabiles Sanctorum reliquiæ, auro argentoque insertæ venerationis causa conseruantur. Habet campanile immensa altitudine sublatum tredecim campanas (quarum duæ immensæ sunt magnitudinis) melodiam & piam audientibus voluptatem sonantes. Hæc sciens recensere volui ut videat lector quàm magna fuerit apud Scotos gloria domus Domini, dum apud eosdem Catholica & Romana floreret religio. Sed ad Guillelmum nostrum redeamus. Fuit igitur pietate, prudentiâ, & literis insigniter ornatus. De Christo Domino & beatissima virginæ summâ animi teneritudine cogitabat & loquebatur: vnde testatur Boëtius in vitis Episcoporum Aberdonensium, dulce nomen Iesu nunquam excidisse animo, sed die ac nocte semper habuisse in ore. Verbum turpitudinis perinde atque turpitudinem ipsam semper detestatus est. Mulierum congressus & publicos & priuatos abhorruit: Salutiferæ Christi passionis frequenti delectabatur commemoratione, & noctem quam sancta dies veneris est sequuta, cilicium indutus suis precibus, licet octogenario maior ducere solebat infomnem. Miseris & afflictis adeo compatiēbatur, ut eorum incommoda lacrymis prosequeretur sæpe. Vigiliis sanctissimæ Virginis Mariæ pane & aquâ transigebat. Varia pro Dominicis, Franciscanis, & Carmelitis extruxit monasteria, cæterosque religionis obseruationi deditos impensis luuit ad vitam alendam & alia necessaria. Denique post varia pieratîs opera cùm publica tum priuata quantum supra octuagesimum annum agens morbo lethali corripitur, mortisque diem diuinitus præsentiens sacellum ex more ad sacra celebranda mysteria (quæ tamen ex corporis imbecillitate celebrare non potuit) ingressus coram magnatibus piè doctèque de Catholicæ fidei virtute cùm disseruisset sacrum Christi corpus afferri iubet, quod humi prostratus, lacrymans, tensis in cælum manibus, reuerenter adorât & accipit. Inde oratione ante Crucifixi imaginem de more habitâ, in

cubiculum ductus lectulo decumbit, & nocte serâ astuante febre dolor ei vehementius creuit. Mane præter omnium opinionem vitali spiritu pene defectum offendunt: accurrunt illico amici moribundo circumstant non sine lacrymis. Tum Guillelmus paululum oculos attollens, putabam vos (inquit) meliora facturos: ego sanitatem spero immortalem: Vestrum erit Deum timere & diligere, quia bonus Dominus diligentibus se. Me iam certissima expectat mors, nec mori timeo, nec viuere recuso quia bonum habeo Iesum. Interrogatus quò in loco sepeliri vellet. Animum, respondit, iampridem Deo deuoui, corpus vbilibet sepelitore. Posthæc nomen Iesu & Mariæ intermortuis vocibus identidem appellans placidissimè efflauit animam anno Christi 1514. anno sui Pontificatus 30. ætatis verò 84.

13. die. **S** Sanctus Psalmetus Confessor. Fuit hic Sanctus sancti Maclouij (qui & Machutes dicitur) frater nobilibus natus parentibus, & à Brandano sancto Abbate baptizatus, & in diuinis literis ac moribus sanctis educatus. Ludebat aliquando iuuenis cum æqualibus in littore: in fascem algæ cùm incubuisset, somno correptus est. Cum autem pelagi fluctibus opprimeretur, non sine miraculo liberatus est. Nam crescentibus vndis attollebatur velut in Insulæ formam alga cui puer innitebatur, donec fluctus eum locum vt ante aridum relinquerent. Eo miraculo liberatus Psalmodius (sic enim etiam appellatus est) vitam solitariam cum Brandano magistro & fratre Maclouio egit annos multos. Deinde in celebri illo monasterio, cui Faiilis aut Vaillis nomen non procul à ciuitate Aras nobili in Scotiâ Emporio, diu hæsit. Verùm postea cū Maclouio fratre in Santonū fines peruenit, vbi cùm miracula quædam edidisset veritus ne propter turbam hominum ad se venientium ab instituto vitæ genere reuocaretur secessit inde, & in Lemouicum fines peruenit vbi latere volebat, sed crebra miracula quæ ipse in nomine Domini operabatur ipsum prodebant. Tandem cùm vitæ curriculum sibi præfixum religiosissimè conficisset, è vita sanctissimè excessit, sepultusque est Aëntimonasterij. Celebris habetur in hodiernum diem apud Lemouicenses. De eo vide breuiarium Lemouicense & alios.

14. die. **S** Sanctus Colmannus M. Abbas. De eo varij.

15. die. **S** Sanctus Carnocus Episcopus Culdæus. De eo Lessæus lib. 3. & alij.

Hoc eodem die sanctus Vvandelinus, Vvandalinus, vel Landalinus Confessor, sancti Columbani discipulus & peregrinationis socius. Fuit

Mordaci sexagesimi Scotorum Regis filius. De eo vide Franciscum Irenic. German. Exegef. lib. 11. Cratopolium pag. 145. Vnionem lib. 4. cap. 24. & lib. 3. pag. 346.

Vuandelinus erat Scotorum sanguine Regum.

16. die. **S** Sanctus Iero, vel Gero Abbas Scotorum sancti Pantaleonis Colonia. De eo varij, sed præter alios hystoria inuentionis sancti Maurini cap. 7.

17. die. **S** Sanctus Botulphus Abbas apud Heknam in Normannia, alij Bodulphum vocant. De eo vide Hunterum in libro de sanctis Scotiæ.

Hoc eodem die sanctus Adulphus siue Adolphus frater sancti Botulphi. De eo vide Gazetum in historiâ Ecclesiastica Belgij.

18. die. **S** Sanctus Dunstanus Abbas monasterii, cui Carnaminum nomen, cui sanctissimè diu præfuit. De eo vide Lessæum libro 4. historiæ, Vnionem lib. 3. & alios.

19. die. **S** Sanctus Duthacus Episcopus Rossiæ sepultus in oppido Trua, Vide Boëtium in descriptione Scotiæ, & hystoriâ Scotica Scotichronicon lib. 13. & alios.

Hoc eodem die sanctus Adeodatus Episcopus Niuernensis. De eo varij.

20. die. **S** Sancti Archibaldi Abbatis translatio.

Hoc eodem die sanctus Caducanus Episcopus Benchorensis, frater Ottreoli Principis Galuciorum. De eo Alanus Turonensis & alij.

21. die. **S** Sanctus Geruadius Episcopus Brechinensis in Scotiâ. De eo Vnion, & alij.

22. die. **S** Sanctus Heligandus Episcopus & Martyr. Fuit ordine novus Verdensium in Germania Episcopus, à Danis pro Christo cæsus est. Vide Crantzium lib. 1. Metrop. cap. 3.

Hoc eodem die sanctus Albanus protomartyr. De eo vide Brunij collectanea, Dempsterum in catalogo scriptorum Scotiæ & in Mendicabilis repressis, & alios, præsertim Hartmannum Sangalensem 302.

Scotia se Albano felicem Martyre clamat,

Victima qui Christo prima Britanna fuit.

Anglum putarunt nonnulli, quod in Anglia passus sit: verum decipiuntur, ut ex citatis auctoribus constat.

23. die. **S** Sanctus Gillenus comes sancti Columbani. De eo Ioannes Maior lib. 2. cap. 7.

24. die. **S**anctus Amphibalus præceptor sancti Albani. De eo Vvestmonasterienſis ad annum 178.

25. die. **S**anctus Molonachus siue Molochus Episcopus & Confessor qui pro viribus in Marria Scotiæ prouinciâ proximorum salutem aduit. De eo vide Boëtium, Leisæum, & alios. Argadenſes Scoti constanter semper tenuerunt apud se sancti Molochi reliquias esse in Liffmorenſi Basilicâ illius nomini dicata,

26. die. **S**anctus Gifualdus Confessor comes sancti Dylibodi, Vide Annales Scoticos.

Hoc eodem die sanctus Babolennus Abbas Malmondarij, deinde Stabæleti. De eo vide Molanum in chronica recapitulatione Sanctorum Belgij, Norgerum, & alios.

27. die. **S**anctus Godricus Eremita Archiepiscopus sancti Andree. De eo vide Mathæum Paris in Richardo secundo, Vvestmonasterienſem & alios.

Hoc eodem die Gandaui celebratur eleuatio sancti Leuini Martyris, & translatio secunda corporis ipsius. De eo vide Molanum in additionibus & in indiculo, Massæum lib. 3. Hunterum de Sanctis Scotiæ, ubi testatur in Cathedrali Ecclesiâ Gandauensi, capsam in qua sacrum ipsius corpus olim quiescebat, ut à cæteris quæ ibi erant distingueretur, & ut etiam ipsa patria, unde Leuinus originem traxerat, indicaretur, Leonem Scotorum Regum stemma impressum habuisse.

Hoc eodem die celestia petiit Franciscus Mayronis ex sacro ordine Diui Francisci, ac Scoti discipulus, vir planè pius & Theologus maximus, ut testantur scripta quibus Magistrum sententiarum illustrauit. Natus est Aberdoniæ in Scotia. De eo Cardinalis Bellarminus libro 2. de scriptoribus Ecclesiasticis, Iacobus Tyrius in libello de antiquitate Christianæ Religionis apud Scotos, & alij qui expresse testantur eum esse Scotum, quicquid in contrarium contendat Gauterius in Chronologiâ.

28. die. **S**anctus Merenus Abbas in celebri illo apud Scotos monasterio cui Benchora nomen. Magna incumbere Merenus vigiliantiâ ne subditi externis occupationibus plus æquo intenti internam illam mentis pacem ac deuotionem, quæ virtutis est fulcrum ac pabulum deperderent. Agit de Mereno sancto Aberdonense breuiarium ad 12. Maij.

29. die. **S**anctus Etheluinus Episcopus & Confessor, qui in Hoyensi monasterio sanctum Columbam præceptorem habuit & ma-

gistrum: In Angliam missus est ad Anglosaxones ad fidem conuertendos, quod fideliter præstitit. Meritis onustus migravit ad Dominum sub annum Christi 709.

SANCTUS Ioannes Scotus Episcopus Mechelburgensis in Germania. De eo Mermannius in Theatro cōuersionis Gentium Demochares in catalogo Episcoporum Melrelburgensium.

Hoc eodem die sancta Erentrudis virgo & Abbatissa, quæ relicta Scotia cum fratribus Ruperto & Trudberto alijsque multis monastica disciplinæ plantandæ causa primò quidem in Galliam, vbi & Abbatissam egit, Deinde in Germaniam se contulit. Vide Chronica Salisburgensia, & Henricum Canisium tomo 6. Unionem in ligno vitæ, Vvelferum & alios.

IVLIVS.

SANCTUS Rumoldus Archiepiscopus Mechliniensis & Martyr 1. die. gloriosissimus, Regis Scotiae filius, signis & doctrinâ mirabilis. De eo lege Molanum in additionibus ad Vsuarium, vitam illius Ioannis Domins, Vsuarium in martyrologio, Arnoldum Mermannium in theatro conuersionis gentium, Regium in calendario, Ariam de imitatione Christi tractatu 5. cap. 30. Aubeitum Mirzum qui acutissimè probat ipsum fuisse natione Scotum, quia Archiepiscopus Mechliniensis insignia cruci admixta fert Gētilitium Scotorum Regum insigne Leonem, & ille non Dublini in Hibernia, sed Dumblani in Scotia olim fuit Antistes. Vitam habes apud Lippeloo.

SANCTUS Cahinnicus Abbas miraculis & vitæ puritate apud Hebridianos & Orcadenses Scotos celebris. Magna fuit is in opinione sanctitatis apud sanctum Columbam Abbatem, qui cum ob exortam in maii tempestatem in extremo vitæ vnâ cum socijs versaretur periculo dixisse fertur; hodie non est meum pro nobis in hoc periculo constitutis orare, sed est Abbatis Cahinnici sancti viri. Res admiranda, eadem horâ sanctus Cahinnicus in suo conuersans monasterio, quod Latine Campus bonus dicitur longè licet diffusus, spiritu reuelante sancto supradictam sancti Columbe interiori cordis aure vocem audiuit, & cum post nonam horam cepisset in refectorio Eulogiam frangere, ocys deferit mensulam, & vno calceo pedi inhaerente, altero verò calceo præ nimia festinatione relicto festinanter pergit ad Ecclesiam dicens: Non est nostrum hoc tempore prandere, quo in mari peri-

elicitur naui sancti Columbæ (hoc enim momento ipse nomen Cahinnici ingeminat) vt pro eo & sociis periclitantibus exorem, Oratorium igitur ingressus Cahinnicus flexis genibus paulisper orauit, eiusque orationem exaudiente Domino subito tempestas cessauit, & mare tranquillum factum est. Obiit sanctus Cahinnicus sub Christi annum 799.

3. die **S** Sanctus Guthagonus Confessor, de quo ita Molanus in additionibus ad Vluardum In Oostkerka Bargo Flandriæ sancti Guthagoni Confessoris Regis Scotiæ filij, qui ibi peregrinus pro Christo in pace quiescit. Vide eundem Molanum in indiculo Sanctorum Belgij, Gazetum in hystoria Ecclesiastica Belgij, Regium in calendario, Hunterum libro de sanctis Scotiæ, & alios.

Hoc eodem die cœlestia petijt Ioannes Bassolus sine Bassolius, ex sacro ordine Diui Francisci ac Scoti discipulus, vir pius admodum ac summus Theologus, vt testantur commentaria eius in Magistrum sententiarum. De eo Ioannes Molanus in Biblioteca materiarum &c. pag. 145. Ioannes [inquit] Bassolus Scotus. & alij.

4. die. **S** Sanctus Marianus Confessor & Abbas in celebri illo Scotorum monasterio Ratibonæ in Germania. In Caledonia Scotiæ prouincia, cuius præcipua ciuitas Damcalidonia, monachum prius egit non sine magna opinione virtutis. De eo vide Volfangum Lazium libro 7. de gætiū aliquot migrationibus, A tentinum lib. 5. Annalium Boiorum qui testatur fuisse Poëtam & Theologum insignem nullique suo sæculo secundum.

5. die. **S** Sancta moduenna Virgo in Laudonia & Galouidia Scotiæ prouincijs celebris. Hęc cognata fuit beati Conualli Regis, de quo antea, & apud ipsum magna fuit in auctoritate hęc sancta Virgo Multas Ecclesias & monasteria construxit, inter quæ apud Striuelingū vnā, & apud Edenburgum in montis cacumine in honorem Diui Michaëlis aliam, & in Galouidia tres insignes erexit. Consolationes Angelorum frequentes habebat qui ei apparebant sicut amicus cum amico colloquentes Cum autem nocte quadam contra solitum sensisset non affuisse sibi ex more dulcem præsentiam Angelorum, contristata cogitare cepit aliquum sine dubio existere causam, quare visitationem cōsuetam non vidisset. Crastina autem die dixit sororibus suis: Conseruæ meæ ac filij dilectissime in nocte hac præcedenti non habuimus sanctos hospites adiutores nostros qui antea soliti fuerant orationes nostras ferre libenter ad Dominum; videbam tamen nocte ista

tāquam

tanquam per extasim preces nostras tempore vigiliarum vix posse attingere usque ad culmen tectorum nostrorum. Vnde profecto comperi esse aliquid offensæ in nobis propter quod sancti Angeli, quibus omne peccatum displicet, non sine culpâ nostra voluerunt se absentare à nobis. Interrogemus ergo conscientias nostras, & si quid lateat absconditum pœnitentiâ & confessione purgemus, vt possimus ad nos reducere beatos spiritus Dei. Quo factò statim redierunt Angeli.

6. die. S. Sanctus Palladius Episcopus & Scotorum velut Apostolus missus à Cœlestino Romano Pontifice in Scotiam tum ad disciplinâ Ecclesiasticam (quæ Scotorum primarijs à Maximo Tyranno victis & Scotiâ exactis multum elanguerat) pristino splendori restituendam, tum etiam ad Pelagianam hæresim præcauendam. De eius missione agunt Prosper Aquitanicus aduersus Collatorem in fine, Ado in sexta ætate, Sigibertus in chronico ad annum 432. Beda in hystoria, Baxoni, Tritemius, & alij. Porro sanctum Palladium ad nostros Scotos non Ilandos seu Hibernos Irlandicos missum fuisse, omnes omnium gentium ætatumque scriptores consentiunt, quia illi ad quos missus, in Christum iam credebant, vt testantur Ado, Prosper Aquitanicus, Beda, & alij iam citati, at Hiberni Irlandi vix 100. annis post in Christum credebant. Vide Sigibertum, Adonem, Bedam, Hermannum Contractum, Comitem Aueringem, Mathæum Vvestimonafteriensem anno 433. Florentium Vigorniensem anno 421. Polidorum Virgilium lib. 3. Frecul. Lexouiense lib. 5. cap. 33. Primus enim Hibernorum Sinellius baptizatus a sancto Patricio fuit vt minus 80. annos post hunc Palladij in Scotiam appulsum. Deinde vita, imò ipsa vestigia illius sancti viri in Scotia ostendi possunt, & pretiosæ reliquiæ olim Forduni colebântur, Polydorus in hystoria Anglicâ lib. 1. & c. Imò ante 150. annos capse ipsius auro argentoque & gemmis ditissimæ sunt reparatæ à Guillelmo Scheueues sancti Andreæ Archiepiscopo. Vide Bœtium & alios.

7. die. S. Sanctus Dysibodus. De eo Ioannes Lesæus lib. 4. Hildegardis Bingenfis Abbatissa, & alij.

8. die. S. Sanctus Kilianus Episcopus & martyr ac Franconiæ Apostolus. De eo Tritemius his verbis. *Kilianus ex monacho Herbigolensi in Franconia Episcopus natione Scotus.* Vide Democharem lib. de missæ sacrificio in catalogo Episcoporum Herbigolensium, Egilualdum monachum in vita sancti Burchardi, Renatum Choppinum, Munsterum Arnoldum, Panthaleonem, & Passeuinum qui in apparatu sacro testatur ob eius memoriam fundatum fuisse monasterium Herbigoli pro

Scotis. Vide etiam Petrum de natalibus in hystoriâ Sanctorum, Maiorem de gestis Scotorum lib. 2. Regium in Calendario & alios.

Hoc eodem die sanctus Colmannus monachus Martyr sancti Kili-
ani discipulus. De eo plurimi.

9. die **S**ancta Kunera Virgo. Vide hystoriâ Vrsulanam.

10. die **S**ancta Kunegundis virgo. Vide eandem hystoriam.

Hoc eodem die sanctus Donatus Martyr Apostolus Franconiæ. Vi-
de Anonymum Aichstadianum tom. 4. Antiq. lect. pag. 643

Sanctus Drastanus Abbas & Confessor. De eo plerique, præ-
sertim Lessius lib. 4. hystoriæ, & Maior lib. 2.

Sanctus Doneualdus aliter Donaldus cum nouem filiabus. Vi-
de Lessium libro 4. Boëtium lib. 9. Regium in Calendario.
vitam cum filiabus sanctissimam transegit in solitudine Ogiluy, ipso
autem defuncto Abernethi monasterium ingressæ sunt.

Sanctus Ioannes Episcopus Dumkeldensis, & sancti Andree
13. die Archiepiscopus. De eo literæ Alexandri tertij, Scotichroni-
con, Houeden, & alij

Sanctus Libertus Martyr. Brechini in Scotia asseruabantur
14. die. reliquæ.

Sanctus Plechelinus Episcopus Candidæ Casæ. Comes fuit
15. die. sancti Vironis dum Romam profisceretur. De eo lege Be-
dam lib. 5. cap. 24. Surium, Tritermum, Molanum, & alios.

Sancta Macra virgo Regis Scotiæ filia, & sancti Guthagonij
16. die. soror. Vide Veremundi hystoriam.

Hoc eodem die sanctus Harruchus Abbas Amarbaticensis, &
octauus Episcopus Verdentis. De eo vide Democharem, & Crant-
zium, Dèmpsterum & alios.

Sanctus Golgus Abbas. De eo Adamannus libro 3. & alij.
17. die. **H**oc eodem die sanctus Petranus Confessor in Campaniâ
Galliæ prouincia celebris. Fuit hic Dei famulus vnus ex fratribus san-
cti Gibriani.

Sancta Thannetis, alijs Thennat Scotorum Regina, & in
18. die. Glottiana præsertim Scotiæ prouincia celeberrima. Fuit hæc
mater sancti Kentigerni. In medijs licet colicata dilitijs assidua tamē
abstinentia, crebris ieiunijs, diuturnisque vigilijs tenellum corpus
subdere animæ non destitit. Proxima morti cum esset dixisse fertur:
Domine lesu regnum quod a te accepi tui causa deserui (Post mo. tem-
enim mariti omni se cura regni abdicauit, & se totam diuinis rebus

contemplandis dedit) colloca me quæso in regno tuo. Vide Hunterum in lib. de Sanctis Scotiæ, Regium in Calendario & alios.

Hoc eodem die sanctus Clarus Regis Scotiæ filius. De eo Vnion lib. 3. & alij.

Sanctus Dimannus Abbas. Cælo ipsum dedit Strathnauernia 19. die. Scotiæ provincia sub Christi annum 670. De eo Regius in Calendario, & alij.

Hoc eodem die sanctus Blanus Episcopus Dumblanensis. Vide Georgium Neutronum in hystoriâ, acta Dumblanensia, &c.

Sanctus Onanus Diaconus Rossensis. De eo Boëtius & alij.

Sanctus Arbogastus Episcopus Argentoratensis. De eo vide Surium ad 7. Nouembris, fragmentum hystoricum quod præfigitur chronico Alberti Argentinensis, Eifengrenium in catalogo testium veritatis, Vthonem Episcopum in eius vita, hystoriam Lumbardicam, Pantaleonem, Naclerum, Democharem & alios.

Sancta Verena Virgo & Martyr sanctæ Vrsulæ socia.

Sanctus Innocentius primus Pontifex Romanus hoc nomine. De eo vide Brunij collectanea, Sinclarum, Millum, Dempsterum in catalogo, qui omnes eum Scotum esse testantur. Quidam Albanum dixerunt decepti affinitate vocum Albion & Albanus.

Sanctus Celsus. De eo Cratepolius, & Chronica Belgij, & versus ille antiquus.

Vulganij & Celsi, quos Belgis Scotia misit.

Sanctus Abranus vel Abramus Confessor in Campania Galliz celebris. Fuit sancti Gibriani frater.

Sanctus Chamnecus Confessor, sancto Columbæ charissimus. Vide vitam sancti Columbæ scriptam à sancto Adamanno, quam habet Henricus Canisius tomo 5. antiquæ lectionis. Vide etiam chronica Sconensia. Celebris habetur in Hebridibus Insulis.

Hoc eodem die sanctus Colmocus Confessor & Episcopus in Scotiâ. De eo Scotichronicon & alij.

Sancta Pumicia Virgo. De eâ Dempsterus, & alij plerique præsertim ex nostris.

Sanctus Sampso Episcopus Dolensis in Britannia Galliz. De eo Sigebertus in chronico, Tritemius & alij.

Hoc eodem die sanctus Tessanus frater sancti Gibriani.

Sanctus Virgilius Episcopus. De eo varij.

Sanctus Melchiades Confessor. De eo varij.

30. die S Anctus Saranits. De eo Decretum Honorij primi Pontificis
tom. 3. Concil. general. & alij auctores.

AVGVSTVS.

1. die S Anctus Diuna, Duima, Diuna, Dina, vel Diurnas. De eo
Union lib. 2. Florentius Vigornienfis. Beda & alij.

2. die. S Anctus Dermittus præbyter & Confessor. Magna fuit
in sanctitatis opinione apud sanctum Columbam. In Iona
Insula Abbatem egit. Vide Adamannum in vitâ sancti Columbæ, Sco-
ticiæ chronica. Celebris erat in Hebridibus insulis.

3. die. S Anctus Hildebrandus Martyr. Fuit hic sancto Bonifacio Ar-
chiepiscopo & Martyri in prædicando Christi Euangelio, &
in effundendo pro eiusdem veritate apud Frisones sanguine socius &
comes. Celebris habebatur hoc die (licet quinto Iunii Martyrium
fuerit passus) in illa Scotiæ prouincia cui Lorna nomen, quæque Ar-
gatheliæ proxima est. Vide Bedam in Epitome, ubi asserit habuisse
sanctum Bonifacium socios 53. Vide præterea Hugbaldum in sancto
Leuino.

4. die. S Anctus Andreas Archidiaconus, Fesularum Abbas, Cœnobij
conditor. De eo Sylvanus Raz, Franciottus, Diacetus, Tabulæ
Florentinæ & Fesulanæ Ecclesiæ,

5. die. S Anctus Hildulphus Archiepiscopus Treuirensis. De eo Vel-
cerus lib. 3. rerum Boicarum, Hunterus in libro de Sanctis
Scotiæ.

6. die. S Anctus Alexander Scotorum Regis filius, & sanctæ Mathil-
dis frater. Ad primum Ianuarij in vitâ sanctæ Mathildis di-
ximus quomodo ex Scotiâ vnâ cum sancta Mathilde aufergerit & in
Galliam venerit, atque Cisteriensem ordinem ingressus fuerit, ubi
omnibus vsque ad obitum permanfit ignotus, & tunc obstrictus obedi-
entia Prioris sui, se fratrem sanctæ Mathildis de Lapione & filium Re-
gis Scotiæ reuelauit. Fecerat autem eum in nobilitate suspectum fa-
ctum quoddam, quod multum postea doluit euenisse. Vn enim no-
bilissimus Dominus Hugo de Bimennio, vel de Rumenia aptum im-
manis magnitudinis venatu lassauerat: & vt natura bestię est, stare
coegerat ad resistendum. Equo autem Nobilis ille descendens, aptato
pugione cum bestiam vellet impetere, & tamen eius truculentiam for-
midaret, frater Alexander, qui vaccas in vicino pascibat arripit pu-

pione de manibus formidantis, bestiam audacter impetuit, & occidit. Quo viro Nobilis ille in oscula fratris Alexandri illico ruens, vere (inquit) nunquam vaccarum custos, nunquam rusticus etiam vndeunque veneris increuisti. Cum Monachus quidam fistulatum ex ulcere pectus haberet, oraretque ad tumulum iam defuncti, apparuit eidem Alexander sanctus Sole lucidior, coronam gestans in manibus, & corona capite insignitus. Cum ergo Monachus quæreretur, quid corona duplicata significaret. Corona (inquit) quam gesto manibus, corona est temporalis, quam pro Christo deterui: illa vero quam gesto in capite, corona est, quam communem cum Sanctis accepi, & ut tibi fidenti in hac visione credatur, secundum fidem tuam sanus eris ab omni incommodo quo torqueris. Vide Thomam Cantipratensem lib. 1. Spinellum libro de Maria Deipara tractatu de virginibus sectione 7. numero 62. Boëtium, & alios.

7. die. **S**ANCTUS Cibthacus Episcopus in Scotia, Apostolus Pictorum; ne pos sancti Columbae. De eo Leslaus lib. 4. Boëtius libro 9. Vnlon lib. 3. & alij.

8. die. **C**Oelestia petiit David Duchlasiis nobilissimo ortu, qui cum in Anglia Eboraci Catholicus deprehenderetur, capite amputato Coelestium cœtus meruit anno. 1575.

9. die. **S**AUCTUS Suibertus primus Abbas Amarbaricensis, Deinde Episcopus Verdentis à Carolo magno inauguratus obortem Scotorum in bello Saxonico operam. Vide Belforestum lib. 1. hyst. Carol. Dempsterum, & alios.

10. die. **S**AUCTUS Blanus Episcopus Sodorensis. Ab illo ciuitas illa, cui Dumblan nomen in Scotia, indigitatur. De eo Leslaus lib. 5. in Kennetho tertio, Regius in Calendario & alij.

11. die. **S**AUCTUS Vasmulphus Episcopus & Confessor, & sancti Liuinii in prædicatione socius. De eo Molanus & alij plurimi.

12. die. **S**AUCTA Modesta Virgo & Abbatissa. Fuit hæc sanctissima Virgo sancti Villebrordi Scoti Episcopi Trafectensis soror. Celebris habetur in Treuirensi territorio.

13. die. **S**AUCTUS Sanctinus Abbas Scotorum Viennæ. Vide vitam ipsius.

14. die. **S**AUCTUS Syluester, sanctum Patricium sequutus in Hiberniam eo ibi relicto in Scotiam rediit, & monasterio Inhibbouinde præfuit. Vide Scotichronicon. Reliquiæ eius sanctæ in monasterio sancti Germani prope Setonan. custodiebantur teste Gilberto Bruno

5 die **S**anctus Cormachus vel Cormacus Episcopus Murthlacensis vel Aberdonensis. De eo Leſſæus lib. 6. in Malcolmſo, Boëtius in vitis Episcoporum Aberdonensium.

16. die. **S**anctus Arnulphus Episcopus Metensis. Scotum eſſe ex eo probatur quod ab aliquibus apud Vnionem lib. 3. pag. 346. dicatur frater sancti Vandalini.

17. die. **S**anctus Iero vel Hiero Martyr, & Apostolus Hollandorum: Ibi enim alacriter fidem Christi prædicans à Danis & Nor-
mannis capite plexus Martyrio eſt coronatus. Caput eius eſt in Nor-
ruik loco martyrij: corpus verò translatus fuit à Theodorico secun-
do Comite Hollandiæ Egmondam in sancti Adelberti monasterium
præmiſſo triduo ieiunio. Multi eius beneficio res deperditas recu-
perare ſolent. Vnde verſus ille,

Rebus in amiſſis Ieron ſapiſſime ſulget.

De eo vide Molanum in indiculo & additionibus, Hunterum in libro
de Sanctis Scotis, Regium in Calendario, Vnionem libro 3. ligni vitæ,
Guillelmum Gondanum in eius vitæ quæ ſic incipit.

Gēſta virumque cano, Scotus qui rectus ahoris,

In Barauos ſaro proſuſus, Hollandaque venit

Littora, &c.

18. die. **S**anctus Saluſtius ſanctum Dyſibodium è Scotiâ ſequutus.
Vide vitam ipſius & alios.

19. die. **S**anctus Donotius Episcopus Aberdonensis. 42. annos egit
Pontificatum, in vita & poſt mortem miraculorum gloria
clarus. Hic inter cætera pietatis monumenta inſtituendæ iuuentutis,
ſuis veſtigalibus ac fortunis in Aberdonenſi Diœceſi iecit primordia,
eoque hoc pium opus Dei gratia creuiſſe cernitur vt in hodiernum
uſque diem celebris in eadem Aberdonenſi ciuitate habeatur vniuer-
ſitas; quam Beatus Guillelmus Elphiftonius Aberdonenſis Episcopus
non modò agris & Eccleſiaſticis reſiditibus ornanit, ſed velut de nouo
erexit. Vide Boëtium in vitis Episcoporum Aberdonensium.

20. die. **S**anctus Stolbrandus Episcopus & Martyr à Danis in Maia
Inſula. De eo Leſſæus lib. 5. hystoriæ & alij.

21. die. **S**ancta Fincana Virgo Eremita filia sancti Doneualdi, de quo
ſupra.

22. die. **C**œleſtia petijt Quintinus Kennedius Comitſ Calſiliæ
frater, & Abbas Crucis Regalis, poſt varios cum Hæreſicis

congressus, superatoque publica disputatione hostes, ab inferni alleclis medicato pocu o tublatus vitam cum morte commutauit anno Christi 1564. Huius multa sunt & doctissima de Fidei dogmatis monumenta.

23. die. **S** Sanctus Nectanus Episcopus Aberdonensis, apud Davidem Scotorum Regem tanta valuit gratia vt omnium in republica negotiorum momenta ab illius nutu & consilio Rex merito pendere voluerit. Episcopatum Aberdonensem pius Rex sancti Nectani causa multis donauit prouentibus, atque pradiis veteris Aberdoniae, de Sclary, Goul, Murocroft, Kynmundy, Marmelach, Clat, Tulgnestlin, Raiu, Damot, &c.

24. die. **S** Sanctus Erchadus vel Erthadus Episcopus in Scotia. Vide breuiarium Scoticum, Regium, Boetium & alios.

25. die. **S** Sanctus Ronnanus. Vide Dempsterum in Mendicabilisrepressis, & alios.

26. die. **S** Sanctus Peregrinus sancti Romani Scotorum Regis filij famulus. Vide vitam eius per Peregrinum Carpium, Tabulas Lucenses & Mutinenses.

27. die. **S** Sanctus Malrubius Martyr à Noruegis. Celebris habetur in Mernia. De eo Regius in Calendario, & alij.

28. die. **S** Sanctus Tolmannus Martyr in Germania post varios ibidem in praedicando Christi Euangelio labores. De eo Lessius. lib. 4. hystorie, Demochares de missae sacrificio, & alij.

29. die. **S** Sanctus Fiacrius Eugenii Scotorum Regis hoc nomine quartus filius. Hic patre Eugenio defuncto ex Scotia aufugit in Galliam, vbi Anachoreticam vitam diu egit. Postquam Nobilitas Scotica illum in Gallia versari intellexisset, Legatos misit ad Clotarium Galliae Regem, qui quo in statu res Scotiae essent, exponerent, rogaurentque vt Fiacrius ad paternum regnum haereditario iure possidendum ipsius auctoritate in Scotiam reduceretur: Annuit Rex, tenuit Fiacrius, qui quod nihil in terrenis rebus inesse constantiae, nihil certi, nihil vera laude dignum exploratè cognosceret, ab iis animum suum ad diuina se traduxisse asseruit. Omnia ergo patriae suae fausta precatur: se vero solitudinem suam longè regno chariorem & potius habere constantissime respondit. Factum est etiam (teste breuiario Lemo-picensi) vt aduenientibus ad Fiacrium Legatis Leproso simillimus apparuerit, vt leproae foetore territi à precibus se continerint. Cum igitur rogaretur velle patriam repetere, Scitote [inquit] hanc leg-

pram non tam naturæ esse maleficium, quam humilitatis incitamentum: Credite hanc cellulam amplissimo quouis regno mihi potiore esse. Sicque repulsam passi in Scotiam reuersi sunt Legati. Vir autem sanctus recuperata postmodum sanitate reliquum vitæ in eremo transiegit, donec regni cælorum non Scotiæ consors fieret, omnium infirmorum & languentium consolator. Celebrabatur itaque vbique Fiacrius eiusque sanctitatis fama longè latèque effundebat sese, vnde ad miraculorum multitudinem quæ Deus per suum operabatur famulum, aduolabant multi, seque in Discipulos à Fiacrio instituendos dabant. Sed cum aucto numero seruorum Dei angustior esset locus, quàm ut pro comoda tot discipulorum habitatione sufficeret, rogauit Fiacrius Faronem Meldensium Episcopum, ut locum laxiorem reddere sibi liceret, permisisse fertur Episcopum, ut quantum terræ vnus diei spatio disiectis arboribus repurgaret, ductaque in orbem linea fodiens circulo clauderet, id totum sibi suisque in habitationis locum vsurparet: Post diuinam igitur opem imploratam operi se accinxit Fiacrius, fodendoque auxiliarem Dei manum continud persensit, nam cuiuscunque tandem arboris radici palam admoisset, illa subito suo mox pondere in terram ruebat, ipsaque terra absque omni mortalium coaceruatione, vltro sese in aggerem erigebat. Hunc in modum opem ferente Christo quantum fundi spatium sibi suisque vsui fore existimabat, nullo prorsus negotio arboribus pro voto nudauit, aggereque circumdedit. In cuius miraculi perpetuam memoriâ Fiacrium palam (est hodie fodientum terram instrumentum quoddam) manu tenentem vbique depictum cernimus. Adeiat tum mulier paupercula colligendis fortè in sylua lignis occupata, quæ quod sua sponte arbores decidisse vidisset, Fiacrium præstigiatores veneficumque vbique dictitabat; In iudicium igitur vir sanctus vocatus cum ad iudicem dicturus causam proficisceretur nouo seruum suum miraculo Deus decorauit. Fatigatus quippe ex itinere dum saxo infedisset, ad vestimenti eius contactum ad instar cere mollis subito cessit saxum, in quo etiamnum apud Meldenses reseruatō vestimentorum cernere est impressa vestigia. Atque hinc effectum ut sine numinis offensa præsentique vltione, quod sanctus adeo obnixè postulauerat monasterium Fiacrij in hodiernum diem ingredi non audeat mulier. Longum esset miracula recensere, quibus cum in Flandria, tum in Gallia tota Christus ornarit seruum suum Fiacrium, cui & in facie inerat angelicus decor, & in ore latitia, & quasi quædam ex animi beatitudine redundans hilaritas, ut eo satiari animi oculique non possent.

non possent. Fiacrius autem, vt adfuit hora ex hoc sæculo migrandi tum preces intendere, tum crebros ante Deum gemitus edere, & inis ex præcordijs mixta precibus suspiria ducere, suisque discipulis mutam charitatem, & in Christum dominum tenerimum amorem vnicè commendare, Iam demum viribus destitutus has voces subinde in geminans, Iesu fili Dauid miserere mei, extremum spiritum edidit. Augusti trigesimo, circiter annum 668. De eo agunt Lessus libro 4. hystoriz, Boëtius lib. 9. hystoriz, Gagninus lib. 3. hystoriz Franciz, Dupreau ad annum 648. & alij. Vnum tantum hic de sancto Fiacrio addi n quod referunt Lessus & Duchesne. Sub Christi annum 1411. bellum exortum est grauissimum inter Carolum 6. Gallorum & Henricum 5. Anglorum Reges. Carolus Legatis in Scotiam missis auxiliũ contra Anglos postulat, vnde septem armatorum millia cum Archibaldo Duglasio Comite Vintoniensi, ac Ioanne Stuardo Comite Buchaniz, egregijs ducibus in Galliam statim transmittuntur. Quorum copiis & consilijs plurimæ Anglis calamitates illatz fuerunt. Etenim praelio ad Baugæum vicum inito, Clarentio duce Henrici regis germano, multisque alijs nobilibus occisis Anglorum exercitum totum in fugam compulerunt. Quibus rebus permotus Henricus Rex Iacobum primum Scotorum Regem enixissime precatur, vt Scotos à Francorum subsidio reuocaret. Id quod Henricus à Iacobo nullo modo elicere potuit. Quare Henricus Rex ægerrimè hoc ferens, sancti Fiacrij Scoti & Regis Scotie olim filij agros & vicinas ditiones in meldonensi tractu sædè populatus in morbũ Diui Fiacrij incidit, qui nullà adhibita medicinà curari potuit. Henricus verò morbi vehementia acerrimè afflictus, quis esset Fiacrius percunctatur: cùmque Scotum fuisse intellexisset, in hanc vocem prorupisse dicitur: Scotos eò vsque adhærere Gallis contra Anglos, Anglisque aduersari, vt non solum in hac mortalitate viui, sed etiam mortui ac in Diuorum numerum repositi eos aliquo semper detrimento afficiant. Et quidem Henricum breui post morbo sancti Fiacrij extinctum ad Vicenarum saltum magno Gallorum gaudio constat. De hac hystorià vide præterea Boëtium lib. 17. hyst.

30 die. **S** Sanctus Aidanus Confessor, Lindisfernen's Episcopus & Anglorum Apostolus ex Hoy insulã vna Hebridum ad Anglos ad Christi fidem conuertendos missus. Cùm autem Aidanus sanctus linguam Saxonica (que tum in vsu apud Anglos erat) ignoraret. & Scotice concionari fasisset ad populum, Osualdus Rex quicquid Aidanus præconatione ad populum Scotice dixerat, ascenso è regione

(O Regis animarum zelum & humilitatem] suggestu Saxonice statim, Apostolico planè spiritu afflatus, reddebat. Vnde tantos progressus vterq; Aidanus sincerè cõcionando, Osuualdus piè interpretando (didicerat enim apud Scotos dū ibi exularet linguā Scoticam) in Euangelio promulgando fecerunt, vt septem dierum spatio 15. hominum millia sacro fonte perfuderit Aidanus. Et sanè fuit Aidanus vir planè Apostolicus, cuius animi submissio, erga Deum amor, animarum zelus, magnanimitas in rebus aggrediendis, fortitudo in prosequendis, patientia in superandis earumdem difficultatibus, vitæ asperitas, perpetuum orationis studium, Eangelicæ paupertatis amor, erga inopes misericordiæ viscera, magnam apud omnes tum gratiam, tum auctoritatem sibi conciliauerunt. Et quidem erga pauperes liberalitatem testatur Beda in Epitome, & lib. 3. hystoriæ cap. 14. his verbis. Donauerat equum optimum Antistiti Aidano Osuuius Rex & Osuualdi frater, in quo ille quamuis ambulare solitus vel amnium fluenta transire, vel si alia quælibet necessitas insisteret viam peragere posset. Cui cum paruo interiecto tempore pauper quidam occurreret eleemosynam petens, desiliens ille præcepit equum, ita vt erat, stratum regaliter, pauperi dari, erat enim multum misericors & cultor pauperum, ac velut pater misericordiæ. Hoc cum Regi Osuuius esset relatum dicebat Episcopo cum fortè ingressuri essent ad prandium, Quid voluisti. Domine Antistes equum regium quem te conueniebat proprium habere, pauperi dare? nunquid non habuimus equos viliores plurimos & alias species quæ ad pauperum dona sufficerent, quamuis illum equum non dares, quem tibi specialiter possidendum elegi. Cui statim Episcopus. Quid loqueris (inquit) Rex? num tibi charior est filius equæ; quam ille filius Dei? quibus dictis intrabant ad prandium, & Episcopus quidem residebat in suo loco. Porro Rex venerat de venatu & cœpit consistens ad focum calefieri cum ministris, & repente inter calefaciendum recordans verbi quod dixerat illi Antistes discinxit se gladio suo, & dedit illum ministro, festinusque accedens ante pedes Episcopi corruit, postulans vt sibi placatus esset; quia nunquam (inquit] deinceps aliquid loquar de hoc aut indicabo quid vel quantum de pecuniâ nostra filijs Dei tribuas. Quod videns Episcopus multum pertimuit, ac statim exurgens leuauit eum, promittens se multum illi placatum esse, dummodo ille residens ad epulas tristitiam deponeret. Dumque Rex iubente ac postulante Episcopo lætitiâ reciperet, cœpit contra Episcop⁹ tristis esse vsque ad lacrymarum profusionem fieri.

quem dum præbyter suus linguâ patria (id est Scoticâ) quare lacrymaretur in terrogasset; scio (inquit) quod non multo tempore victur^{us} est Rex. Nunquam enim vidi antehac similem Regem: unde animaduerto citius illum ex hac vita rapiendum; non enim digna est hæc gens talem habere rectorem: Plura de hoc Sancto vide apud Bedam lococitao, & lib. 3. cap. 5. & cap. 6. & cap. 15. Tritermum de viris illustribus ordinis sancti Benedicti lib. 4. Sigebertum in chronico, Hermannum Contractum in chronico, Lessum lib. 4. Boëtium, Polidorum, Virgilium, Arnoldum, Mermannium, Baronjum & alios.

11. die. **S** Sanctus Vulgifus pater sancti Vvillibrordi. De eo vide Molanum in chronica recapitulatione Sanctorum Belgij in appendice ad 7. Nouembris, Dempsterum, & alios.

SEPTEMBER.

1. die. **S** Sanctus Glasgianus Episcopus & Confessor in Moravia Scotiæ prouinciâ celebris, insignis Christianæ fidei concionator, De eo vide Boëtium lib. 10. hystoriæ, Lessum lib. 5. hystoriæ.

2. die. **S** Sanctus Odranus. De eo in vitâ sancti Patricij.

3. die. **S** Sanctus Mansuetus Episcopus. & Tullensium Apostolus à sancto Petro Apostolorum principe Tullum missus ad fidem Christi prædicandam. Vide eius vitam, Eifengrenium de Gallicanis Pontificibus, Arnoldum, Mermannium in Theatro conuersionis Gentium, Franciscum de Rosier tomo 2. stemmatum Lotharingæ ad annum 62. Democharem in catalogo Episcoporum Tullensium, breuiarium Tullense ad hunc diem, qui omnes testantur esse ipsum natione Scotum, & à sancto Petro Tullum missum.

4. die. **S** Sanctus Veranus Confessor apud Remenses in Galliâ cum fratribus Gibriano, Petrano & cæteris sanctitate clarus. Vide Flodoardum lib. 4. hystoriæ Remensis cap. 9. & alios.

5. die. **A** ttho Abbas Altomunsterij in Germania. Vide Hundium in Metropoli, Vvingarteum in Guelphis pag. 181. Velcerum lib. 5. rerum Boicarum, Vnionem lib. 3. ligni vitæ & alios.

6. die. **S** Sanctus Bertinus abbas Sithium, Vide Theodoricum Abbatem in vitâ sancti Rumoldi.

7. die. **S** Sanctus Magnus Abbas. Vide Pantaleonem parte primâ topographiæ an. 780. & alios.

8. die. **S** Sancta Bega virgo, Vide hystoriam Sinclari & alios.

9. die. **S** Sanctus Babolenus Confessor & Abbas, qui in Scotiâ vna

cum Columbano sancto egressus Fossatenſi monasterio in Burgundiâ à se extructo in sanctissimo illo Monachorum instituto, perpetuaque ſui in rebus omnibus abdicatione multum excelluit.

10. die. **S**ancta Odilia. Vide hystoriam sanctę Vrſulę, Calendarium Germanicum, & alios.

11. die. **S**anctus Queranus Abbas Foilenſis in Scotia. De ipſo vide Martyrologium Romanum ad 9. Septembris, Vnionem lib. 3. ligni vitę, Vſuardum & alios.

12. die. **S**anctus Otgerus Leuita, de quo ita Molanus, *Venerunt prætereæ ex Scotiâ ad Pipinum sanctus Viro Episcopus, sanctus Plechelmus Episcopus, uterque Romę ordinatus, & sanctus Otgerus Lenita.* Vids Molanum in chron. cap. 7. in indiculo & in additionibus & alios,

13. die. **S**anctus Batheneus Confessor. De eo agitur in vitâ sancti Columbę à sancto Adamanno ante mille circiter annos conscripta. De eo etiam agit Boëtius lib. 9. hystorię

14. die. **S**anctus Conuallus Monachus qui à renella ætate in nobili illo monasterio, cui Crux Regalis nomen, prima iecit fundamenta virtutis, vnde & celebris habebatur ob sanctitatis famam, in illa Scotię prouincia, cui Caricta (quam à Carictonia populosissima quondam ciuitate dictum putant) nomen. De eo Boëtius lib. 9. hyst. & Lessaſum lib. 4.

Hoc eodem die celebratur translatio sancti Blani Episcopi Dumblanenſis in Scotiâ, de quo diximus ad 19. Iulij.

15. die. **S**anctus Adam Episcopus Cathenensis in Scotia. De eo vide Scotichronicon, Cælestini quarti Pontificis bullam.

16. die. **S**anctus Mombalus Confessor. Vide Dempsterum in mendiculis repressis Hibernorum.

17. die. **S**anctus Mirinus Abbas Passatenſis in Scotia, & postea Neobotelenſis in Laudonia Scotię prouincia celebris. De eo vide Regium in Calendario, Boëtium & Lessaſum in hystoria.

18. die. **S**anctus Ninianus Diui Martini nepos in Gallouidia Scotię prouincia celeberrimus, ac Candidę Casę in Scotiâ, Scoticę Quhythorne Episcopus. Et quamuis diuina Saluatoris nostri bonitas virtus, & magnificentia in omnibus quę creauit eluceat, in Niniano tamen sancto summè apparuerunt. Natus est parentibus iuxta sæculi dignitatem nobilibus, diuinis sine morâ regenerandus fontibus, vt viuere inciperet iustitię in acquisitionem beatitudinis æternę: Suggerente autem spiritu sancto, qui eum sibi vas electionis præſcierat futu-

rum, in baptismo sacro Ninianus Scotiæ Ringen est appellatus. Cum maxima parentum nutritus diligentia annos transiret pueritia, non ut solet illa ætas puerilibus operam dedit lusibus, sed totum se diuinis gestiens mancipare obsequijs, cum sui corporis incremento interiorum hominem perficere elaborauit sanctarum copia virtutum. Erant enim in iuuenili eius pectore matura studia, & assiduis Deum exorabat gemitibus, ut eum in viam mandatorum suorum dirigeret. Interea dum promptæ voluntati merita religiosa succrescerent, prudenti, diu celatū piæ deuotionis affectū parentib⁹ decreuit aperire, velle se videlicet transitoria omnia declinare ac Deo se omnino mancipare, eò quod audiuiisset illud Domini, *Qui sequitur me non ambulat in tenebris, sed habebit lumen vite.* Ut piam eius voluntatem cognouere parentes, ut erant pij ac Deum timentes tantum abest ut illum eam deserere viderent, ut potius eum in arrepto proposito confirmarent fluxam & transitoriam mundi huius gloriam & caducos honores illi sæpe proponentes, asserentes insuper cum Paulo Apostolo non esse condignas passionem huius temporis ad futuram gloriam quæ reuelabitur in nobis. Ninianus ut vidit parentes sibi non resistere, sed potius in tam sancto proposito confirmare: existimans, ut par erat, hoc à virtute dextræ Excelsi prouenire summo animi affectu Deo Creatori suo gratias agebat, ac simul perseuerantiam petebat, ut desideria illi immissa ad felicem exitum perducere posset. Florebant tunc in Scotiâ Culdæi patres plurimi & sanctissimi: horum institutum amplexus Ninianus, mirum est quanto desiderio teneretur conuersionis animarum. Verum quia mos tunc erat inter Culdæos patres ut non prius subiret aliquis onus Euangelicum & Apostolicum, quin prius limina sanctorum Apostolorum visitasset, Romam proficiscitur Ninianus: quam, ut in eius venit conspectum, eminus venerabundus, eximio pietatis affectu salutari: quod vrbs esset sancta, quodque tot sanctorum corporum acervus, tot Martyrum sanguine redundaret. Mox ad limina sanctorum Principū Apostolorum animo corporeque prostratus pro re bene gerenda (hic fuit animarum zelus) Dei clementiam prece assidua cum flagitasset, visitatis de more templis, suæque sanctitatis & innocentie editis exemplis in Scotiam per Galliam & Belgium, in quibus mirabiles animarum conuersiones fecisse legitur, rediens ad conuertendas Deo creatori suo animas se totum intendit. Quod cum strenuè diu præstitisset, & simillimam angelorum vitam inter mortales egisset, Candidæ Casæ primus Episcopus nominatus, & nominatim acceptare cogitur. Fa-

Atus Episcopus creditum sibi à Deo populum non neglexit, sed gnauiter ad pietatem erudiuit, noctes & dies in hoc sancto munere siue vlla corporis quiete insomnes ducens: imò nec contentus intra suæ Diocesis fines, & per loca vicina pietatem promouere ad Britannorum siue Britonum terras sæpissimè excurrebat. In sacrarum scripturarum lectione cum per tempusliceret, assiduus erat, in Orphanos, viduas, & pauperes semper pius, Candidæ Casæ ædem condidit Diuo Martino auunculo suo sacram. Scripsit meditationes in Psalmos, & sententias selectas ex Patribus. Denique multorum annorum spatio, Angelicam vitam inter homines cum egisset, delapsus in morbum occurrit Christo Domino sub annum 496. suisque apud Christum precibus Gallouidiænis sæpissime suffragatum communis fama est. Singulari in illum deuotione ferebatur Iacobus quartus Scotorum Rex ac frequenter ad sacrum illius corpus peregrinabatur, nec frustra, nam sæpe illum propitium sibi sensit. Inter alia contigit semel vt Margareta Regina eius vxor (fuit hæc Henrici septimi Anglorum Regis filia) grauissimis morbi doloribus post partum tentaretur, nec vllâ consolatione humana permulceri posset. Quod videns Rex omni spe de vxoris valetudine in Deum collocatâ ad ædem Diui Niniani in Gallouidiâ summa animi submissione pedes proficiscitur. Regis deuotionem Deo gratissimam fuisse ex eo liquet, quod Regina paulo post omni vehementia morbi abiterfa conualuerit, & mariti sui pietati, Diuique Niniani auxilio suam salutem proximè secundum Deum acceptam retulit: integris verò viribus effecta cum Rege ad eandem Niniani ædem sequenti Iulio mense anni 1507, profecta est Deo & famulo eius Diuo Niniano gratias actura. Sub annum Christi 1608. accidit miraculum, quod, omnibus alijs omisiss, hic subiungam. Erat sacellum Diuo Niniano sacrum non longè à Spea fluuiò vbi in Oceanum influit. Quidam anno vno aut altero ægrotus decubuerat: destitutus iam viribus, curauit vxor vt transferretur in dictum sacellum quamuis tecto priuatum, vt Deo creatori suo ibi pietatis causa spiritum redderet. Tota nocte remansit sub dio æger mortem expectans, sed ecce tibi circa galli cantum obdormiscit: In l. omno adit senex venerabilis admodum, qui crura ipsius stringens, surgere iubet, & domum repetere. Fecit quod imperabatur, occurrit vxor, turbatur, spectrum se videre existimat. Loquitur æger vxori se esse, non spectrum clamat, rem narrat, tandem simul Deo & Niniano sancto gratias agunt. De Niniano sancto agunt Vsuardus in Martyrologio, Molanus in additionibus ad Vsuardum, Sixtus Senensis lib.

4. Bibliot. Regius in Calendario, Lellæus Episcopus in hyst. Dempsterus & alij: ex quibus facillè refellitur præposterus zelus Hirlandicorum contententium sanctum Ninianum: Hirlandum esse: vt enim ex prædictis & alijs cõstat, Scotus est & Candidæ Casæ in Scotiâ Episcopus; nec vllus vnquam author præter paucos Hirlandos illum Hirlandum esse somniauit. Natus est in Scotiâ, vt diximus, in illa vixit, in illa spiritum Creatori suo reddidit, in illa eius sacræ reliquiæ vsque ad hæc nostra tempora fuere, in illa denique ante paucos annos repertum est eius brachium, quod iam asseruari audio in seminario nostro Scotico Duaci in Belgio.

H Oc eodem die cælestia petijt Iacobus quartus Scotorum Rex. Quantum virtutum cumulus huius Regis animo iniecerit humanam fere superat fidem; nam diuinæ gratiæ conseruandæ pœnitentiæque agendæ causa ferreâ catena se semper cinxisse auctor est Ioannes Lellæus Episcopus Rossensis lib. 8. hystoriæ. Dei Diuorumque cura ita illius animum tangebatur, vt quod erat illi à Reipublicæ curis necessarijs vacuum tempus, id Deo ac diuinis dabat. Vnde vix cogitari potest vtrum regnum sub illo fuerit in pace affluentius, an in summa affluentia paucius. Fidei Catholicæ & Romanæ defensor fuit acerrimus, vnde Iulius secundus Pontifex maximus Legatum ad Regem Iacobum decreuit anno Christi 1507. qui Regem (quod hæresi à suis finibus arcendæ gnauiter operam daret, Christianæ fidei protectorem declarauit. In cuius rei signum misit ad illum purpureum diadema aureis floribus intextum, ac gladium vagina atque manubrio aureis insignem gemmisque egregiè stellatum: quæ quod Ecclesiæ propugnata monumenta erant, in Ecclesia Sanctæ Crucis à Legato & Abbate Dumfermlingensi frequentissima nobilitate Regi donata sunt. Vide Lellæum Episcopum lib. 8. citato, Boëtium & alios,

19. die **S** Sanctus Plebæus, De eo Dempsterus & alij.
20. die. **S** Sancta Richarda, vel Richardis Imperatrix, & Gregorij Scotorum Regis filia, ac Caroli Crassi Imperatoris vxor. Scribunt multi ipsam accusatam fuisse adulterij cum Lintuuarda Episcopo Vercellensi, sed Aquino iudicio se ab omni virorum commixtione integrâ & virginem comprobasse quamuis iam 12. annis in coniugio Imperatoris vixisset ab Imperatore separata in Andaliense Cœnobium virginum in Alfatia à se extructum anno 887. secessit, ibique sacro sumpto velamine Deo seruies ac virgo permanens ita se gessit vt in Abbatissam postmodum eligi & post mortem Sanctarum catalogo adscribi merue-

rit. De hac Sancta vide Paradinum in suis Genealogicis affinitatibus ad annum 886. Vnionem lib. 4. ligni vitæ, Cratopolium pag. 97. Rhegino Abbatem in chronico, & alios.

21. die. **S** Sancta Lucia Virgo & Scotorum Regis filia in Barroduensi Ducatu ob peregrinantium ad eisdem sacra pignora multitudinem celeberrima. In officio quodam perantiquo de hac virgine hæc reperi. Virgo venerabilis beata Lucia ancilla Dei deuota, Regis Scotiæ filia deuotissima, à primæ ætatis infantia in palatio parentum honorifice fuit nutrita ac elemosynis larga, in vigilijs & orationibus continua, in ieiunijs & bonorum operum exhibitionibus perfecta: Ecclesias Dei frequentans, iugiter in laude Christi permanens, à sacerdotibus ac ministris Dei frequenter requirebat tota dilectione mandatorum Dei & perfectionis viam. Quadam die dum esset in Ecclesia audiuit verba sancti Euangelij prædicare: si vis perfectus esse vade & vende omnia quæ habes, & veni, sequere me. Qua de re toto corde succensa totam se subiecit seruitio Christi, vt tantæ consors mereretur esse promissionis: ab illo ergo die cogitauit abnegare se, patriam relinquere, & alienam patriam adire. In nomine igitur Dei iter arripuit, & in Lotharingiam Domino ducente peruenit. Factum est autem dum super Mosam in Episcopatu Virdunensi staret, quasi ex miraculo diuino aquæ creuerunt in tantum, quod ultra transire nequens in monte ibi propinquo hospitari voluit. Ibidem verò quemdam virum Deo deuotum nomine Theobaldum inuenit, qui eam benigne recepit, ac illi de bonis à Deo collatis abundanter distribuit: & beata Virgo Lucia cum bono viro per longa tempora remansit, necnon in bonis operibus semper intenta extitit iuxta verba Apostoli dicentis, qui non laborat non manducet. Nam gloriosa puella de die oues semper tamen coniuncta Deo per orationes pascebat, nocte verò cælestium rerum considerationi maximè intenta erat. Lucia igitur dilecta Dei sponsa (quæ regum antea afflicta palatijs delitijsque) consultò casam humilem & ab interuentoribus liberam delegit. Porro post multa miracula in vita peracta defuncta est, & in Basilica præclara in monte sita in medio eiusdem Basilicæ iacet.

22. die. **S** Sanctus Domitius præbyter, sancti Columbæ discipulus, qui in Septentrionalibus Pictis Christo reconciliandis strenuè operam dicauit suam. Animum felicem Deo reddidit in Insula Hoyensi in Hebridibus. De eo vide Lessum lib. 4. in Aidano.

23. die. Sanctus Diocorianus Martyr. De eo varij.

Sanctus

14. die. **S**ANCTUS Lolanus Episcopus & Confessor apud Duncanum Scotorum Regem magnâ in auctoritate & gratiâ, quem & consilio & sanctis apud Deum precibus iuuisse fertur, cum Danorum Rex infidelis Scotiam nauali & terrestri aggrediretur exercitu, qui partim ad Kingkornum (vbi Danorum deuictorum adhuc supersunt monumenta) partim ad Culrossanum oppidum profligatus est. Celebris habetur hic sanctus in Strilingensi prouinciâ, De eo vide Regium in Calendario & alios.

15. die. **S**ANCTUS Adamannus Episcopus, Northumbrorum Apostolus. De eo plurimi.

16. die. **S**ANCTUS Thevuanus Abbas & Confessor, quem post operam benepositam cum in diuinis litteris, tum in varijs regni negotijs fœliciter obeundis Eugenius sextus Scotorum Rex ad sua adhibuit consilia. Monasterio Mailrossensi diu præfuit hic Sanctus. De eo vide Regium in Calendario.

17. die. **S**ANCTUS Marcellus. De eo vide Ekerhardum in eius vitâ.

18. die. **S**ANCTUS Maldulphus, Maidulphus, aut Meydulphus. Vide Guillelmum Malmesburiensem, Capgrauium, Lelandum, & alios.

19. die. **S**ANCTUS Barrus seu Finlarrus Confessor, & primus Episcopus Cathanetæ. De eo Regius in Calendario & alij.

HOC eodem die sanctus Firminus Episcopus Ambianensis Martyr. De eo vide Scotchronicon libro 4. cap. 9. Errorem Democharis Constantinus Ghinius detexit.

HOC eodem die Ceolfridus Abbas Glastouienfis. De eo Sergij. P. literæ, & alij.

30. die. **S**ANCTUS Machanus Episcopus & Confessor, qui sub Kennetho Rege multa & magna suæ sanctitatis & prudentiæ documenta dedit. Kennetho auctor fuit vt exactis tota Scotiâ Pictis leges conderet, quibus subditos prudenter & Christianè regeret, collapsasque vb frequentia cum Pictis bella sacras ædes redintegraret, nouasque prioribus adderet: qui hæc omnia diligenter præstitit, certè leges ab ipso conditæ summo in honore apud Scotos ad nostra tempora fuere quarum quæ religionem spectant aliquas subijcio. 1. Aras, templa Diuorum, litatus, oratoria, sacella, sacerdotes, omnesque sacræ familiæ viros ex animo venerato. 2. Festos & solemnes dies, ieiunia, vigilias, & omnifaria: ceremonias quas Christo Regi & sacratissimæ eius militiæ decreuit humana pietas, multo honore obseruato. 3. Lædere Christi sacerdotem dicto factoue exitiale esto. 4. Sepulchrum omne sacrum

habeto, idque Crucis signo adornato, quod ne pede aliquando concules caueto. 5. Defuncti funera habita ratione facultatum curato. 6. Qui Dei numen Diuorumque blasphemiâ læserit, ei linguam abscindito. Vide Regium & alios.

Hoc eodem die sanctus Malchus Episcopus Sodorensis in Scotiâ. Hoc eodem etiam die sanctus Coganus Abbas in Lochabria Scotiæ prouinciâ celebris. De eo Lessæus lib. 4. hystoriæ & alij.

OCTOBER.

1. die. **S**anctus Priscus Episcopus, in Canteira præsertim prouinciâ celebris, & Regi Conrano perfamiliaris. De eo Lessæus lib. 4. Boëtius lib. 6. & alij.
2. die. **S**anctus Annalis P. discipulus sancti Kiliani. De eo Henricus Canisius & alij.
3. die. **S**anctus Edmundus M. sancti Malcolmi ex sancta Margareta filius. De eo Vnion lib. 3. Lessæus & alij.
4. die. **S**anctus Malcallinus. De eo Tabulæ. Viridunenses. Rexerat ante suum à Scotia egressum monasterium Rathmelfigi.
5. die. **S**anctus Conuallanus Abbas Ionæ, Episcopus in Scotia Ferguhardi Regis præceptor. De eo Vnion libro 3. & 2. ij.
6. die. **S**anctus Cominus Abbas Deiræ familiaris sancti Columbæ. De eo Lessæus libro quarto in Aidano, Boëtius lib. 9. hystoriæ.
7. die. **S**anctus Maccæus cum sancto Patricio Scotiâ egressus. De eo varij, vide ipsius vitam.
8. die. **S**ancta Triduana Virgo sanctissima apud Scotos celeberrima. Hæc admirando stratagemate mundum carnemque superauit. Cum enim esset natalium splendore illustris, elegantis formæ, & eximia ad virtutes indole prædita, varij fuere Nobiles adolescentesque primarij, qui virginis specie illecti matrimonium cum eadem inire postulabant. Verum illa voti castitatis iamdudum emissi conscia, se postulantibus pro virili resistit. Et quidem inter huiusmodi adolescentes vnus erat opibus & genere clarus, qui Virgini præ cæteris omnibus plus satis erat importunus, ad quem Triduana Christi sponsa: Cum scias, ó adolescens, me Christum Iesum in sponsum selegisse, mundique visibilia contempsisse, vt subtracta visibilibus inuisibilia clarius conspiciam, & repleta inuisibilibus visibilia perfecte contemnam, quid causâ est cur cæteris qui hoc responso accepto mihi facessere ne-

gotium desiere, tu solus, importune, & frustra instas, quid in me cer-
nis, quod alij non videre? Cui ille, tuorum (inquit) oculorum tam
decorus & supra modum blandiens aspectus me in tui admirationem
& amorem vel inuitum rapit. Quod ubi castissima Virgo intellexisset,
adolescensque valedixisset, virili prorsus & supra naturam spiritu,
vtumque oculum (res admiranda) sibi eruendum curauit, atque eod-
em per famulum pyxidi inclusos vnà cum literis, quarum hic tenor,
misit. En, ô adolescens, accipe & tuæ in me irritamenta vanitatis, &
domesticos mex pudicitæ, sanctiorisque propositi hostes, eisque pro
libidine vttere, ac mihi iam in posterum esse define molestus, & caue
ne tu internos mentis oculos amittas, dum ita corporalium irritamen-
tis delectaris. Ego verò cælum ingredi me malim orbatam licet oculis,
quàm oculos habentem mitti in gehennam ignis, à qua te dulcis Iesus
custodiat, Vale. Postea verò Triduana sancta mundo parentibusque
derelictis se totam diuino consecrauit obsequio, virginemque corpus
omni, qua potuit via, rationi subdebat, non quidem in molli culcitra
lectoure, aut in læui dolatoue, vt solebat, robore, sed in ipsa soli duritie
cum diurno amictu sæpe lenes carpebat somnos. In statis verò preci-
bus & cõtemplationibus tanta vi rapiebatur in cœlestia, vt sæpe dies
integros auocaretur à sensibus. Nihil ardentius auebat quàm ad Chri-
sti Iesu vitam & mores gressus accommodare suos, cum sponso dulcia
miscere colloquia, pro eo pati, pro magno existimans beneficio posse
sui sponsi obedire nutui, signa sequi, vestigia premere, & insignibus
decorari. Magno fuisse in honore hanc sanctissimam Virginem apud
Scotos ob vitæ sanctitatem & miraculorum gloriam testatur Hunterus
Dominicanus, sacellaque varia in eiusdem honorem extructa fidem
faciunt. Cœlestem adiit sponsum sub annum Christi 538. Eugenio ter-
tio regnante. Vide Regium in Calendario, & alios.

9. die. **S** Sanctus Mathilla, induit sanctam Brigiddam. Vide mendica-
bula repressa Dempsteri.

10. die. **S** Sancta Lupita soror sancti Patricij. Vide Dempsterum in men-
dicabilis repressis.

11. die. **S** Sanctus Canicus siue Kenicus Abbas De eo Vnion lib. 3. ligni
vitæ, Petrus de Natalibus in catalogo, Martyrologium Ro-
manum ad hunc diem, Vsuarius ad hunc etiam diem, & alij.

12. die. **S** Sancta Liberta. Vide vitam sancti Eliphij & alios.

13. die. **S** Sanctus Colmannus Martyr & Austriz in Germania Tute-
laris ex progenie Regum Scotiæ ortus. Hic postquam iterum atque

G g 2.

iterum peregrinatus esset Hierosolymam pietatis ergo, ubi in Austriam peruenisset ab impijs in arbore suspensus occiditur, cultus ut Martyr quamplurimis miraculis illustratus & ipsa arbor diu arida in qua suspensus fuerat floruit. Colomanni laudes & martyrium recenset Stabius apud Surium ad 15. Octobris. Vide de hoc Sancto Baronium tomo 11. ad annum 1012. Volsangum Lazium lib. 8. de Sueuis, Cuspinum in Austria, Vnionem lib. 3. ligni vitæ, Verdierum in prosopographia tomo 3. Naclerum in chronico, Pantaleonem parte 2. prosopographiæ ad annum 1012. Auentinum lib. 5. Annalium & alios.

14. die. **S** Sanctus Korulla, Korilla, Körtyla, Cortyla, aut Cortylas. De eo Vnion lib. 2. Suffridus & alij.

15. die. **S** Sancta Aurelia Virgo & Martyr, sanctæ Ursulæ socia. De ea plurimi.

16. die. **S** Sanctus Gallus Abbas sancti Columbani discipulus apud Heluetios miraculorum gloria in hodiernum diem celeberrimus. Vitam eius habet Surius ad hunc diem. Vide de ipso Lessæum libro 4. hystoriæ, Ægilualdum in vita sancti Buchardi, Sigebertum de viris illustribus, Panthaleonem parte prima prosopographiæ, Iodocum Metflerum apud Henricum Canisium tomo 5. Possleuinum in apparatu sacro, Miræum cap. 19. orig. Benedictin. & alios.

17. die. **S** Sanctus Regulus Abbas, qui sancti Andræ reliquias in Scotiam detulit. Vide Boëtium lib. 6. folio 108. Maiorem lib. 1. hyst. cap. 15. Regiū in Calendario, Hunterū in libro de Sanctis Scotis.

H Oc eodē die cælestia petijt Ioannes de Sacro-Bosco, sic dictus à loco in quo educatus est in Scotia, Haly Vood quasi sacer Boscus, vir in omni literatura præsertim in mathematicis scientijs doctissimus, simul ac pius. Lutetiæ sepultus est in sodalium Maturalium claustris: cuius medio tumulo insculpta sphaera ac circum illam hoc Epitaphium.

De Sacro Bosco qui Compotista Ioannes.

Tempora disceuit, iacet hic à tempore raptus,

Tempora qui sequeris, memor esto quod morieris,

Si miser es plora, miserans pro me precor ora.

18. die. **S** Sanctus Monon Martyr siue Mommon. Vide de ipso Molanum in additionibus ad Vsuardum & in chronica recapitulatione Sanctorum Belgij, Regium in Calendario & alios.

19. die. **S** Sancta Vdilina Scotorum Regina & Martyr Regis Eugenij à Maximo occisi vxor magnæ virtutis & animi mulier. Testatur

Hunterus Dominicanæ familiæ insignis Theologus vidisse se Colonix Agrippinæ peruetustum monumentum huius sanctissimæ Reginæ. Vide ipsum in tractatu de sanctis feminis Scotis.

20. dic. **S** Sanctus Donatus Episcopus Fesularum. Vide Sylvanum Raz. pag. 167. Franciscum Diacetti, Cattanium & alios.

21. dic. **S** Sancta Vrsula cum sociis. Fuisse illam Regis Scotiæ filiam tradunt complures auctores, in primis Ioannes Maldonatus in vitis SS. his verbis. *Vrsula Mauri Christianissimi Regis Scotiæ filia, doctissima, virtutisque indole, pulchritudine quin etiam admirabili cunctas illius tempestatis feminas antebat & c.* Subscribit Petrus de Natalibus in catalogo his verbis: *Vndecim mille virgines cum socijs earum apud Coloniam passæ sunt sub Hunnorum Principe Iuliano, quarum omnium principalior auctrix & signifera fuit Beata Vrsula. Hæc filia vnica Regis Scotiæ Christianissimi nomine Mauri sapientiâ mirabili & pulchritudine insigni pollebat & c.* Idem habet Iacobus de Voragine in hystoria Lumbardica in Legendis Sanctorum. Eadem enim verbâ habet quæ Petrus de Natalibus, nisi quod dicit Regem Scotiæ sanctæ Vrsulæ Patrem, Maurum vel Nothum appellatum fuisse. Idem denique (vt alios omitam) habent ex nostris Dempsterus in dedicatoria epistola Dissertationis de patria sancti Bonifacii, Grynzus, Andersonus, & alij. Hic vnum aduerte multa fabulosa inserta esse ferè omnibus vitis harum sanctarum Virginum, quæ propterea habita ratione temporum &c. reiicienda sunt. Quod attinet ad patrem sanctæ Vrsulæ variant authores, vt ex dictis constat: Alij Nothum, alij Maurum vocant. Sed hac in re decipiuntur nisi nomina hæc ab externis olim imposita sint (quod ego vehementer suspicor) ad aliud nomen Scoticum Patris significandum, vt in simili factum fuisse infra ostendemus quando de sancti Liutini patria disputabimus.

H Oc eodem die sancta Benedicta Virgo. Vide Sinclarum, hystoriam Vrsulanam & alios.

22. dic. **S** Sanctus Kieranus. De eo vide vitam sancti Patricij per Iocelinum cap. 113. & alios.

23. dic. **S** Sancta Gotha. De ea martyrologium Petri Canisij, & alios.

24. dic. **S** Sancta Maxentia Virgo & martyr, Mordaci Scotorum Regis filia. Spfeto coniugio Regali quod sese per id tempus offerebat, in Galliam aufugit, vno famulo, cui nomen Barbensius, sine Brabantius, & vna famula, cui nomen Rosebia, comitantibus. Venit igitur ad Osarim fluvium (quem sicco pede cum comitibus transisse

Gg3

fertur) ubi erecto tuguriolo tenellum corpus spiritui subdere; superna cogitare, ac sese sapius in conspectu Dei serio introspicere, omnes postremo perfectæ virtutis numeros implere satagebat. Porro postquâ sanctissima virgo annos aliquot in cœlesti vita transegerat, accidit ut Saracenorum quidam Princeps (horum quippe infinita propemodum multitudo ex Hispanijs in Gallias sub Carolo Martello circiter annum Christi, 736. transierant) Maxentiam ob formæ elegantiam in sponsam sibi peteret. Illa sanctioris propositi memor dum Tyrannum vim sibi inferre molientem acrius increparet, vita ab eodem priuatur, duplicatoque Martyrij & virginitatis diademate in cœlum transmittitur. Cumque cœlestis Ille sponsus innumeris ornaret Maxentiam post mortem miraculis, Syluaneæ Episcopus sacras Martyris reliquias in Capsam reponendas curauit. Vide Humbertum de fœminis sanctis Scotiæ, Regium in Calendario, & alios.

15. die. **S** Sanctus Hiluaris comes sanctæ Oddæ Regis Scotiæ filix. Vide Petrum Tausanum, vitam sanctæ Oddæ & alios.

16. die. **S** Sanctus Harruchus. Vide de eo Gaspar. Brusch. in catalogo, Crantzium lib. 3. metrop. cap. 21. Vnionem lib. 2. cap. 55.

17. die. **S** Sanctus Guindibertus. Vide Tabulas Remenses, collectionem exemplorum in bibliotheca Ducis Vrbinalis Pisaurana, & alios.

18. die. **S** Sanctus Faro Episcopus Meldensis, frater sancti Chillei. Vide Surium tomo 5. pag. 344. Dempsterum & alios.

19. die. **S** Sanctus Gunibaldus frater sancti Guinifortis. Vide Mombritium tomo 4. Tabulas Cornenses, Ferrarium Alexandrinum.

20. die. **S** Sanctus Brabantius Confessor famulus sanctæ Maxentiæ. Vita illius & alij.

H Oc eodem die sanctus Guinifortis. Vide Tabulas Ticinenses, Iacobum Guallam I. C. in Sanctuario Papiz & alios.

H Oc eodem sanctus Guallaferus. De eo vide vitam sancti Rumoldi & alios.

H Oc eodem etiam die sanctus Albulnus Monachus Huenfis, Apollolus Thuringorum, Episcopus Frislariz. De eo Vnion libro 2. cap. 42. Tritemius lib. 4. virorum illustrium.

H Oc eodem denique die sanctus Vvendelinus Mordaci sexagesimi Scotorum Regis filius. Vide Cratopolium pag. 145. Ex Scotiâ (inquit) ac genere præclaro natus. Vnionem lib. 4. cap. 24. Scotiæ Regis filius. & lib. 3. pag. 346. Quicumque esset Regis Scotorum filius, oraculum vitæ

NOVEMBER.

1. die. **S**ancta Beia Virgo & Abbatisa. Magno fuit in honore apud Doualdum Scotorum Regem huius nominis sextum. De ea Regius in Calendario & alij.

Hoc eodem etiam die sanctus Duffus Scotorum Rex, qui & diuini honoris propagandi, & iustitię in suis regendis sequendę rationes omnes inierat : quo factum est vt Scotorum regnum Danorum infidelium bello recens attritum sub Duffo florere cęperit. Qui quod iustitię seruandę in omnes promiscuę tenacissimus fuerit, a nefarijs quibusdam Danorum infidelium (vt putant aliqui) dolo qui etiam pędecessori Indulpho Regi pro Catholica religione & patrię libertate dimicanti vulnus lethale inflixerant, occisus est. Quod in Regem pium facinus diuino numini adeo displicuit, vt sex continuę menses nec Sol interdiu suis radijs, nec Luna noctu suo lumine Scoticas oras illustrarint, nec caligo hęc prius a Deo semota est, quam corpus demortui Regis (quod a sicarijs illis ad duo a Forensi ciuitate in Morauia passuum millia in scrobem coniectum) inuentum fuit, nec inuentio triplici miraculo caruit. Primę quidem **CORPVS IPSVM** post sex menses ex omni parte integrum repertum est, ita vt nec vermis carnem exederit, nec tempus formam deleuerit, nec locus colorem infuscarit, illaque primũ dies densissimas nubes, quibus cęlum fuit obductum, dispulit, Solemque reduxit. Pręterea **CAMPI E PROXIMA VICINIA** corporique ascondito adiacentes pręter temporis naturam (mense quidem Nouembri frigus est intensum in illis partibus) maxima florum varietate fuerunt distincti, vnde in tanti miraculi perennem memoriam in eodem loco celebris Abbatia Cisterciensis nunc familię extructa fuit, quę in hunc diem Killfos seu Killos, id est tempus florum, aut locus sacer floribus vocatur ab omnibus, quę etiam postea a Davide Rege redditibus aucta fuit laxiorque effecta. Sunt qui scribant auerso amnis cursu, qui Killos alluit, in scrobem quidem corpus coniectum, deinde reuocato in suum alueum fluuiio, scrobem terra & aquis tectam fuisse, camposque fluuiolo adiacentes magna florum varietate & multitudine obstupescens omnibus ornatos fuisse, vt est quadruplex illud miraculum satis fidem facit Duffum Regem in syn-

Clarata tantis cur gremio fones
In lucis aurata coronam
Virginem thalamum remitte.
Astate ciues, Diuus adeft locus,
Lustrate ciues, ouem amabile,
Vernantis in regno Fauoni
Conjicio per aperta campi.
Gemmane prato floridior locus,
Stellante cælo fulgidior locus,
Flores coronatim pererrant.
O tumulum cumulum rofarum!
Albescit ore, liligera comis
Flauescit armis Ambrosij s croci
Stella hortulorum peragantur,
O tumulum cumulum pudoris!
Princps Scotorum sistitur in rosis,
Duffi sepulchrum cum violis iacet,
Florentior distat Senatus,
O tumulum cumulum honorum!
Brumale regnum ne tumuli thoro
Latos honores inuideas rosa,
Neliliorum argenteas
Regis opes fugas ab oris.
Saluete flores in tumulo sati,
Diuos odores fundite, fundite,
Bellate cancrorum minaces
Frigoris in folio labores.
Diuina posthac floribus affluens
Dicere sedes, nomine floreo
Kissos volabis, consecranda
Aula Deo precibus verendo.

2. die. **S**ancta Maura Virgo miraculis celebris à qua locus ille Kilmaure dictus in prouincia Cuninghamiz indigitatur. De ea vide Regium in Calendario & alios.

3. die. **S**anctus Gobbanus. Vide tabulas Peronenses & alios.

4. die. **S**anctus Vulganus Episcopus & confessor. Quiescit in Arthesia in oppido Lenenli. Vide Gazetum in hystoria Ecclesiastica Belgii, qui ait illum in Anglia plurimos Danos ad fidem conuertisse, ad-

apud Sarium & apud Lippeloo. Vide præterea Vnionem lib. 3. ligni vitæ, Lessum lib. 4. Munsterum lib. 3. Cosmographiæ, Molanum in additionibus, Volfangum lib. 8. de Sueuis, Pantalconem parte 1. topographiæ, Democharem & alios.

SANCTUS Morocus Abbas antiquissimi illius apud Scotos monasteriij cui Dunkel siue Duncalidonia nomen. De eo vide Regium in Calendario: & alios.

HOC eodem die mortuus fertur Ioannes Duns patria Scotus, vnde & à Theologis communiter Scorusa patriâ nominatur. Natus est hic Dei famulus in ea Scotiæ prouincia, cui Merchia nomen, in oppidulo Duns nomine. Nec procul ab oppido habitat Dunsianæ familiæ antiquissimæ, ex qua Dunsius nolter originem traxit, caput (Scoti Baronem vocant) adolescentiæ studijs in Scotia peractis duo Patres ordinis sancti Francisci ipsius viuacitatem & stupendum acumen ætate iam tenera deprehendentes Dunfrisium Dunsio secum adduxerunt, & attonsum Seraphico ordini inferuerunt, vt narrat Brunus in collectaneis. Quo tempore Eduardus primus Angliæ Rex, cui à longis tibijs cognomentum, electus inter Buisium & Balliolum de septem contententes arbyter, tyrannicæ & impie contra Bonifacij Octauij summi Pontificis mandatum libertatem tot retro sæculis inuiolatam ausus est attentare. Quod vt facilius exequeretur, optimates regni vel precio pellexit, vel carcere maceratos compulit, vel bonis mulctatos relegauit, vel morte ipsa aduersantes sibi sustulit, & ne præposteri ad populum vindices essent eruditos quosque in Angliam traduxit, & in his duodecim monachos, e quorum numero qui Scotum posuerunt, ne recte sentiant Annales nostrates omnes; atque Scotum in relegatorum numero reponit Iacobus Ballancynus doctor Sorbonicus in supplemento hystoriæ. Hi igitur vt mitius patriâ carerent iure Anglicano donati fuere, vt in vita Stephani Bruni Anglorum illustriorum scriptor auctor est. Tenerrimo fiebat Scotus affecta in sanctissimâ Dei matrem, eiusque conceptionis immaculatæ fuit defensor acerrimus: cumque Parisiis disputaturus esset in quemdam qui beatæ virginis integritati aduersabatur, pertransiens beatæ Virginis imaginem flexo poplite eandem Beatam in hæc verba orauit, *Dignare me laudare te virgo sacrata, da mihi virtutem contra hostes tuos.* Eius autem petitioni annuere visa est ipsa Virgo, & adhuc hodie videtur in imagine inclinato scilicet allquantulum capite; nec in vanum, siquidem gloriosam reportauit Scotus victoriam. Quando iter faciebat quoties pertingere ad ordinis sui

domum aliquam aut cœnobium non poterat, toties tenue aliquod sustentandæ vitæ solatium & hospitium emendicabat. O profundissimam & sæculis omnibus obstupescendam humilitatem ! Eum ad sty-
pem manum porrexisset, qui in summarum dignitatum fastigio propter
excellentiſſimas virtutes sedere debuisset ? Eum aliquando fores aliorum
pro cibo aliquo sollicitauisset, qui sapientiæ in terras omnes ambrosiam
diffundebat ? Eum hospitium vel tectum aliquod submissis precibus
ad pernoctandum quaſiuiſſe, qui celeberrimas Academiarum sedes
ac pulpita diuinâ quadam voce replebat ? Laborat posteritatis fides vt
credat, credit tamen vt extollat, extollit vt admiretur. Quoties arduam
aliquam de diuinis illis mysteriis dissertationem instituere, vel dispu-
tationis arenam calamo aut voce subire propositum erat, cœlestem
opem suis precibus implorabat. Quoties commentationibus ac lucu-
brationibus illis suis finem ac coronidem imponebat, pietatis plenissi-
mo sermone gratiarum actionem sapientiæ authori Deo persoluebat.
Ita nihil moliebatur Scotus sine Deo, imò cum nihil moliebatur sine
Deo non erat, pura illa mens à cœlo nata ita aliquando abripiebatur
vt sine sensu, sine vitâ corp^o esse videretur. Iudicabant homines iâ inter
homines eum esse desiſſe in cuius corpore otiosi sensus, motus nullus.
nullum vitæ indicium apparebat, nec hora vna aut breuissimo tempo-
ris intervallo sed longiſſimo. Tunc nimirum mens per contemplatio-
nem sursum euecta in diuina illa penetralia sese inſinuabat : Tunc cœ-
lestium mysteriorum arcana curioso quodam & pio affectu perſcruta-
batur : Tunc ad veritatis ipsius fores consistens fulgentiſſimis eius ra-
diis illustrabatur : Tunc ea perdiscebat quæ quando fœlici calamo con-
signauit, & docta in scholis voce publicauit, hauſiſſe eum è cœlo ne-
mo non affirmabat. Et sanè si dicendum est quod sentio, hic admira-
bilem & eximiam illam sapientiam suam expreſſiſſe Scotus videtur,
vt cum plura ipſe nouerit quam exiguo non longè ætatis ſpatio diſcere
ab hominibus vel vllò studio ac labore ſibi comparare potuerit, necesse
ſit eum illa omnia diuino quodam beneficio conſequutum fuiſſe. An
non cum vice quadam eâ nocte, quæ natalis Chriſto fuit, diuinum
illud admirandæ incarnationis myſterium attonita & amore plenissi-
ma mente contemplaretur benigniſſimus illi Ieſus apparuit, eius bra-
chiis dulciſſimum onus incubuit, in eius collum iterum atque iterum
repetitis amplexibus inſiſuit, eius animum ſuauiſſimis vocibus ſolatus
eſt & recreauit ? Nihil hic me fingere quiſquam arbitretur. Teſtis eſt
Marcus Oliſſipponenſis, teſtis eſt Nicolaus Vernuleus & alij, quorum

omnium fidem sæculorum assentientium consensus approbavit. Et verò dubitare de eius sanctitate quisquam posset, quem magno aliquando desiderio ipse Deus inuilit? cui se gestandum puerili specie exhibuit? Non, non amplectitur tam suauius osculis quemquam Deus nisi cuius animum Angelica puritas & cœlestes virtutum radij illustrent. Non, non tam blandè, non tam amicè, non tam beneuolè solatur quenquam Deus, nisi cuius vita nullas ab hac rerum terrenarum fece sordes contraxit. Docuit Scotus primum Oxoniæ, deinde Parisiis, denique Coloniz, vbi & sanctè mortuus est, & maxima pompa ac summa solemnitate sepultus est, teste R. P. Iacobo Fodero in hyst. provinciæ sancti Boaventuræ Ord. S. Francisci. Ex quibus omnibus facile refellitur insolens illud quorundam commentum, viuum nempe sepultum fuisse illum, & in sepulchro brachij partem comedis repertum. Coloniz ergo sanctè mortuus est, vbi & eius Epitaphium in Ecclesia Franciscanorum in hæc verba cernere est.

Ante oculos saxum doctorem deprimit ingens

Cuius ad inuictum sacra Minerva genuit.

Siste gradum Lector, fuluo dabis oscula saxo,

Corpus Ioannis hac regit vna Scoti.

Anno Millesimo tercentum cum adderet oſſo

Postremum clausit lombo agitante diem.

De eius patria nonnulli recentiores mouerunt litem quibusdam contententibus ipsum Hibernum Irlandum, aliis Anglum. Verum extra controuerſiam est tam Anglos quam Hibernos hac in re cœcutire, nam in primis Scotum esse conuincit concordia summa scriptorum. Inter hos sunt Iacobus Brullius Benedictinus Diui Germani in pratis sub muris Lutetiæ Monachus antiquitatibus Parisiensibus lib. 2. pag. 624. Ex hoc monasterio (Franciscanorum scilicet) plurimi sanctitate & doctrinâ pollentes prodierunt, in his Nicolaus Liranus Bibliothecarum Glossographus, & quidam cognomento à patriâ suâ sumpto Scotus vocatus, & doctior subtilis, cuius memoria nunquam est peritura præsertim inter Scholastica sapientiæ professores ob eruditionem, quam scriptis suis inseruit Hæreticorum impietati reſpondende opportunam. Guillelmus Eisegrenius, Spirensis in catalogo testium veritatis, Ioannes Dunſo natione Scotus, quem multi Doctorem subtilissimum vocant. Ioannes Rohenni⁹ Rothomagenſis Collegij Thesaurarii Lutetiæ præfectus culta illa oratione de laudibus Sorbonæ, *Habere etiam* (inquit) *glorioſa iſta ſaculeas Ioannem Dunſum natione Scotum, Eranſceni inſtituti ſocum, quem antiquorum optimis componat Gallia Scotiæque*

Callia me docuit,

Colonia me nunc tenet,

Ad D. Annunciatam Bononiæ foribus scholarum Scoti patres illi præfigendum curarunt hoc cultum elogium.

Scotia habet cunas, famam orbis, funera Rhenus,

Calam animam, Hic magnus spirat ima, o viri

Ioannes Tritemius libro de scriptoribus Ecclesiasticis. Ioannes Duns natione Scotus Parisijs studuit. Antonius Pelleuinus grauis & magnus scriptor in apparatu suo facto, Ioannes cognomento Duns natus in viciore Britannia ad Calydoniam syluam à patria Scoti nomen in scholis obtinuit. Iacobus Foderus Franciscanus in hystoriâ prouinciae sancti Bonauenturae Ordinis sancti Francisci pag. 126. Anno 1300. floruit Parisijs magnus doctissimus & excellentissimus vir, Frater Ioannes Duns natione Scotus, & propterea communiter dictus F. Ioannes Scotus, qui ob profundam doctrinam Doctoris subtilis nomen meritus est. Ioannes Auentinus Annal. Boiariensium opere.

Duo Peripateticorum Aristoteliorum genera esse ceperunt, vnum illud vetus in rebus procreandis, quod scientiam verum sibi vendicat, quamobrem reales nominantur: Nomen quod eam disrabit, Nominales ideo dicti, quod avari rerum, prodigi nominum atque notionum, verborum videntur esse affectores. In hisce duobus generibus dissidium & bellum civile est, illius Thomas Aquinas Italus, & Ioannes Duns Scotus. huius Vuillhelmus Occamensis Anglus antesignans. Secundò Scotum esse ex Scotia nostra demonstrat locus natalium: fuit enim locus natalium ipsius Duns oppidum Marchiae haud ignobile. Dicant qui contra sentiunt, an Duns oppidum in Anglia, aut Irlandia vllum, & non opinor dicent, cum nullum tale extet Tertiò & enidenter, nam Antonius Andreas Aragonius doctor dulcissimus, vulgò dictus sui institutoris Symmista obseruantissimus & discipulus longè amantissimus, qui quæ duodecim tantum annis post eum defunctus proditur, sic habet in commentariis in duodecimum Metaphysicæ in fine, Tam sentiendo, quam notando locutus sum doctrinam illius subtilissimam & excellentissimam Doctoris, cuius fama & memoria in benedictione est, quippe sua sacra & profunda doctrinâ totum orbem adimpleuit, & facti resonare scilicet Magister Ioannes Duns, qui fuit natione Scotus, religione minor. Ex quo loco habeo à Scoti discipulo fuisse Scotum ex Scotia oriundum: videamus iam quænam fuerit Scoti æuo Scotia: Ipsemet sit iudex, in secundo enim sententiarum distinctione 14. quaestione 3. agens de causa tardioris & celerioris Buxus maris ita loquitur, *Maria quænto propinquiora sunt Oceano, tanto citius fluunt, sicut mare Septentrionale, præcipue mare inter*

Noruegiæ & Scotiæ & inter Hiberniæ & Hispaniæ: maria autem distantia tardius. Ex quo loco habes Scoti temporibus distingui Hiberniæ Irlandicam à Scotia, & Scotiæ illam esse quæ hodie Britannicæ est pars inter quam & Noruegiæ mare intercedit, & consequenter Scotum ex nostra Scotiâ esse; Hiberniæ verò esse illam inter quam & Hispaniæ aliud intercedit mare.

Aduersa cum Dempstero diluo, & primùm ab Anglorum rationibus ordior. Primùm in Angliâ scripsit, & opus suum inscripsit, *Scriptum Oxoniense*.

Secundò Scotus non à patriâ, sed ab obscuritate nominatus.

Tertiò socius fuit Collegij Mertonensis Oxoniæ.

Quartò illustrissimus Robertus S. R. E. Cardinalis Bellarminus id disertè asseruit, quæ quàm sint ridicula ordine aperiam.

Primò, si subtili Doctore cognomentum fuit Scotus non à patriâ, sed ab obscuritate & discant linguæ Græcæ imperitissimi, cur Scotus verè quàm Scotinus vocatus? Certè enim Scotos tenebræ sunt, non tenebri-cosus scotinosis appellatum est apud Grammaticos, vnde inter Philosophiæ vetustioris mystas hoc nomine notatus Heraclitus apud L. Anneium Senecam & alios. Nec parum iniurius genti nostræ Sixtus Senensis, vt omittam summam in Scoto lucem & differendi facilitatem esse, quam tot egregij scriptores tam anxie extulerint, & solis iis obscurus est qui hæc adyta irrumpere non meruerunt.

Secundò, Tam exigui momenti est hoc argumentum Scotum esse Anglum, quia in Angliâ scripserit, vt refutatione non egeat. Sic enim & Diu^s Augustinus Thuseus esset, quia libros de ciuitate Dei prope Pisas in rupe cauâ in montibus Diui Iuliani vulgauerit, & libros de Trinitate ad ciuitatem, barbarè veterem, olim portum Traiani ediderit. sic Raimundus Lullius Pisanus foret, quia artem magnam ibi loci elucubrauit, & beatus Bernardus Scotus Patriarcha, Antiochenus haberetur, quia res in Oriente à Ducibus Christianis gloriose gestas ibidem emisit, & sanctus Donatus Scotus Fesularum Antiites Fesulanus, & sanctus Columbanus Scotus Bobij conditor Insulæ diceretur, quia opera ibi locorum scripserunt. Deinde quis iuratus testis Scotus persuadebit titulum illum alienâ manu post authoris excessum, non additum? rarò enim authores ipsi nomina sua, multò minus loca, operibus præfixerunt: hoc præstabant opere librarij, & scriptores, qui literas minio notabant, & cornuta addebant, umbilicis decorabant, pumice perpoliebant, nonne Angli inepti haberentur, & à doctis explodendî

si sic nos de-

si sic nos docerent, sanctus Augustinus Italus Benedictinus Angliæ Apostolus, & Iacobus Scotiæ Rex captius in Angliâ scripserunt, ergo sint Angli? Denique Scotus hac ratione Gallis asseretur, nam postremis in Magistrum sententiarum curishic titulus in antiquissimis codicibus præhgitur, *In Magistrum sententiarum reportationes Parisienses*. Si modeste & Christianè Angli nobiscum agere vellent, sic gloriarentur, Ioannes Duns natione Scotus diu discendo, docendo, scribendo Oxoniæ nostram illustravit: quo nomine & ipsius memoriam cum laude prosequimur, & Scotiæ Doctorum, sanctorumque virorum parenti & altici gratias agimus.

Tertiò Mertonensis Collegij socium fuisse, nec Angli nisi ex membris suis M. SS. nos docent, nec ille ipse, nec quisquam alius coævus asseruit, posset ergo fides non visorum monumentorum iure negari, refellique. Sed demus sponte ijs, quod probare idoneis testibus haud quaquam possunt: videamus deinde an & Scotus quispiam gente ei collegio adscribi potuerit, aut socius haberi. Ante omnia ego aio monasticæ professionis homines, & religiosarum familiarum alumnos nullius Academiæ legibus teneri, cum ipsi nec Sæculares nec Clerici reputentur, sed Monachi, qui à Clero secernuntur ex iure civili & Synodo Chalcedonensi, sed & sub annum DCCCLXXVII in Synodo Ticinensi apud Aimonis continuatorem, mirum non est si a Clericis priuilegia, alijsque ac longè diuersis ab illis statutis obligentur & viuant. Lex itaque, vt falsò causantur Angli, Academiæ Oxoniensis est, ne quis Exotici sanguinis admittatur, quæ ad sæcularis aut Clericalis conditionis viros se extendit, Monachos non obligat, qui præscripto sacroque superiorum mandato obtemperantes profiteri vbique possunt legibus non violatis. Sic Bononiæ ius Academiarum omnium matris est, idem cum fictitiâ illa Oxoniensis Academiæ institutione, ne quis peregrinus publicè, nisi eminenti loco profiteatur, & tamen V.C.L.D.N. Hieronymum Onuphrium sancti Hieronymi socium, ordinis visitatorem, sanctæ Theologiæ professorem, licet Romanum gente sustineat leges Bononienses, frequentant cum fructu auditores numerosi, & similia vbi regnorum gentiumque exempla. Deinde Dunsij nostri ætas in calamitosum planè sæculum incidit, cum regno Scotiæ Eduardus inhians, cui à longis tibijs cognomentum, electus inter Brusium & Baliolum de sceptro contententes arbyter tyrannicè & impiè libertatem tot retrò sæculis inuiolatam ausus esset attentare, quod vt facilius exequeretur optimates regni vel pretio pellexit, vel carcere

maceratos compulit, vel bonis multandos relegauit, vel morte ipsa aduersantes sibi sustulit, & ne pręposterius ad populum vindices essent eruditos quosque in Angliam traduxit, & in his *XX.* Monachos memorant, e quorum numero qui Scotum posuerunt ne rectę sentiunt *Annales* nostrates omnes, atque Scotum in relegatorum numero reponit *Iacobus Ballantynus* doctor *Sorbonicus* in supplemento *hystorię*. Hi igitur *Scoti* vt mitius patriā carerent, iure *Anglicano* donati fuere, vt in vitā *Stephani Bruni* *Anglorum illustriorum scriptor* author est.

Quartò *Ficta* planē & maleuolē ab *Anglis* huiusmodi decreta supposita, neque nuper cum *Banckanqual* & *Ransæus* alij *Scoti* Rege iubente in *Academias Anglicanas* contranitentibus pro virili *Anglis*, & se talibus defendentibus, etiam scripto exceptionibus quidpiam huius generis ostendere potuerunt, argumento liquido inuidiosum hoc esse commentum, & humanę societati commercioque literario inimicum, cūm florentior sit *Academia* aduenarum concursu, eaque de causā *Roma* exerto vberē, brachijsque expansis omnes ad se gentes aduocatura depingebatur, vt ex *L. Aurelio Symmacho V. L.* repetit *M. Cassiodorus* Senator, nec aliud augustiorem æternę illius vrbs maiestatem notat quā quia communis toti mundo patriā est, vt à *Iurisconsultis* obseruatum meminij. Esset ergo *Anglis* honoratius ingenuē quod rerum est vtro profiteri, peregrinis in *Acemijs* suis locum esse quā in *ficiari*.

Quintò *Ælfredus* Rex *Oxoniz* fundator, tanta tunc barbarie regnū illud occuparat, vt ciuem suum magistrum sibi futurum non inueniret. Verba sunt *Alferis Meneuensis* in vitā Regis illius, & ex eo *Samuēlis Purchasij* *Angli* in peregrinatione illa celebri, licet mihi minus probata: oportuit itaque Regem ex *Scotiā* Doctorem petere *Ioannem* Scotum qui postea *Sanctorum* tabulis adscriptus ad 10. *Novembris*, expunctus est albo martyrologij ab illustrissimo *Baronio*, sed lumen illi à Principe illo purpurato negatum cœli rependerunt ad tumulum eius iugi fulgore radiantes, vt loquitur *Rogerus Houedenus* in *Annalibus*, iste est qui *Dionisij Hierarchiam* Latine transtulit, ac postea fundauit scholam *Oxoniensem*, & in cœnobio *Malinesburienſi* graphijs discipulorum confossus in cœlum martyr euolauit. Hoc ipsi *Angli*, & qui omnium vltimus scripsit *Guillelmus Cambdenus*, admittunt: aut ergo inane est quo se tuentur *Angli* aut magistris suis *Scotis* ingratiſſimi hominum sunt *Scotos* literarum communione arcere, à quibus literas ipsi hauissent.

Sextò; falsum hoc non modo friuolum esse priuilegium ostendam siquidem eam Academiam communem toti Insulæ diu constat, & probat decretum sacrosancti concilij Viennensis, præsentè & sedente S. D. N. Clemente V. vt ex tomis Conciliorum generalium liquet, & referatur lib. 5. Clementinar. titulo vn. de Scol. & Magist. quibus professoribus scilicet Chaldaicæ, Hebraicæ, & Arabicæ linguarum. *In curiâ Romanâ, legentibus per sedem Apostolicam, in studijs verò Parisiensi, per Regem Francia, in Oxoniensi Angliæ, Scotia, Hibernia, Vuallia: in Bononiensi per Italia: in Salamanticensi, per Hispania Prælatos, monasteria, capitula, conuentus, Collegia exempta & non exempta, & Ecclesiarum rectores in stipendijs competentibus, & sumptibus volumus prouideri, contributionis onera singulis iuxta facultatum exigentiam imponendo.* Ius ergo in ea Academia Scotis discendi docendique Rege Scotiæ Minerualia constituyente.

Septimò denique coniectura est non leuis Scoto Oxoniensis Academia iure gauisus ex ipsorum virorum illustrium numero, Pitheus enim quem dixi, Oxonienses scriptores CCCLXXX. enumerat. Cantabrigenses verò nonnisi CX quia quicumque inibi studuissent Angli, Scoti, Hiberni, Valli promiscuè in Anglorum nomina transferunt, cū illi auidè sibi eos præcipuè, nostri nō repererēt oscitantes famèq; suæ prodigi.

Octauò, quod obiectum illustrissimum Bellarminum Angliæ Scotum donasse, vim sanè apud me & pondus maximum tanti viri & tam bene de Ecclesiâ meriti fortiretur auctoritas, nisi ipse sponte suâ ante sexennium mentem mutasset, & in altera eiusdem operis editione sic simpliciter prodidisset *Ioannes Duns Scotus.*

Profligatis Anglis arma vlticia in Hibernos Irlandicos verto, à quibus minus titmendum quod leuioris momenti sint ea quibus honori suo præpostero sanè studio velitantur: qualia sunt tamen illa, si iuuat, Lector accipe.

Primò, Scotus idem ac Hibernus.

II. Duns idem ac Dunensis.

III. Dæmoniacus vocauit illum *Ioannem de Duno.*

IV. Anglicus scriptor id ait.

V Ipse in Metaphysicâ sanctum Patricium Apostolum gentis suæ nominat.

VI. Vtitur voce quadam Hibernica in scriptis suis.

Ego sine felle, & candidè ago. Et primùm ostendant Hiberni vllum scriptorem qui ante triginta annos id asseruerit, & causam vincunt, vnicus quod sciam Mauritius à Portâ Hibernus ante annos LXXX.

frigidè nec fidenter vt nunc sæculi id commentus in expositione super Vniuersalia Scoti. Nomen (inquit) authoris spiritali regeneratione est Ioannes, cuius nomen & omen non deseruit, dicitur verò Duns cognomento, vel potius à loco generationis sic dictus patriâ Scotus, sed vt reor de maiori. Ecce ille disertè Duns locum Gentilitium facit nec audet Irlandum asseuerare, sed cum cautione, vt reor. Verùm apud vllum omnino scriptorem præter M. SS. suorum hominum adhuc viuentium indicent hanc diuisionem Scotiæ in maiorem & minorem, & secundùm eos litem damus. Atque illius quidem gentis illiteratissimi simul, & doctiores (si vnum Fitzimon excipias) fatentur nomen Scotorum quod commune antea Scotis Irlandisque fuisset post excisum pictorum regnum, solis Scotis vt ipsi scurriliter & barbarè loquuntur, Albienfibus aptatum, qui ergo fieri potuit vt Ioannes Duns quingentis totis post deletos Pictos annis natus, si Hibernus fuisset Scoti gentilitium nomen assumpserit. Sed hæc communionis nominis Scotici figmenta plenè refutabimus infra.

Secundò, quod Duns contra dè Dunensis sit, ingeniosa omnino est sapientiæ Irlandicæ occultatio, & ò diuitè suis arcanis notis Irlandum! ò ineruditos alios omnes vbique rerum viros qui arguta ista mysteria non assequuntur! ò inferiorem longè hieroglificis suis Ægyptum Irlandia! pudeat inscitie sue nostram ætatem, in quâ nullus Tyro Tullius Seneca aut Maro qui notas istas præpetes Irlandiæ immensitatis custodes explicet: denique ò fatum tuum graue Dunum memoriamque illethabilem! cuius contractionem ipsi illi Mystæ Scoto coxui intelligere non valuerunt. Dicam vno verbo Duns pro Dunensi Irlandi obtrudunt, sed nullus mortalium vnquam credidit.

Tertiò, Sacerdos quidam Dæmoniacus exclamauit victus eximîa Ioannis Duns subtilitate, Aut Angelus est de Paradiso, aut Ioannes de Duno, ante omnia Scoti omnes quippiam simile accidisse pernegant, nec Irlandi aliâ id auctoritate probatis quàm quâ reliquas gentis vestræ antiquitates, hoc est fabellis fictis & anilibus traditionibus, Quis rei gestæ aut conspectus illius cum Dæmoniaci author? Traditio, inquires, Irlandica. Sed quis fidem adhibebit? nec Dominicanus ordo sanctitate florens in sui præiudicium tantum flagitij admitter vnquam, nec Franciscani pari merito pollentes cum pietatis iacturâ id asserent, nec vllus scriptor è tam multis qui res sæculi illius posteritati commendauit, nec acta vlla priuata aut publica meminere. Et quâ ratione verò Ioannes Duns Româ Patribus viginti quatuor horarum spatio ferri potuit, vt disputationi illi intercellet quod tamen hystoriæ vestræ apocryphæ

caput est & pedes, aut illud omnino confirmandum, aut illud negandum. Sed per me verum sit, nihil moror, quin Dæmoniaci sint verba illa, ego scio cacodæmonem mendaciorum patrem esse. Denique Dæniensem esse Scotum non statim Irlandum conuincit, sed Hungarum, Moldauum, aut Bulgarum, nam in Mæsiâ II. oppidum Dunum est celeberrimum, ut nostras ille Scotus scribit: licet corruptè Dunum ab altero Scoto vocetur in Itinerario quod falsò Antonini habetur Augusti: aut certè Ioannes de Duno erit Gallus, est enim Dunum in Carnutensi agro oppidum non ignobile, si credimus sancto Gregorio Turonensi in hyltoriâ patriâ. Vides lector quàm malè mendacia cohereant.

Quartò, Anglici hystorici id firmatur testimonio, sed quis ille? vbi dicitur? quod nomen authoris? ego vidi historias Anglorum patrio idiomate scriptas ab Hookero, Harifono, Holinshedo, ac Stoo, nec in ijs ea pagina quippiam, nec toto opere alibi extat quod in Hilandorum cedat commodum, aut Scotiæ hac saltem in re præiudicet. Deinde Anglum scriptorem credibile est non Irlandiæ Ioannem Duns sed Angliæ adiudicasse, & sic ego concipio Ioannes Duns Scotus est Anglus, ergo non Irlandus. Sed si verum fieri volumus, non magis Anglis aut Irlandis in Scotos credendum, quàm Scotis in Anglos & Irlandos scribentibus sine idoneis testibus fidendum, & ideo nulla popularium æorum testimonia huc aduocanda censui, nec Anglorum, Irlandorumque veteri odio suspectorum hostium fidem æstimo, quoties de gentis meæ gloriâ agetur: quare ex solemni formulâ pilam nouam subfortior, iudices reiicio.

pag 457.

Quintò, Ex ipso Doctore subtili, quod deducunt tam verum est, ut inde litem addici parati simus: sic nos illi impugnant. *Ipse Scotus in Metaphysicâ utitur exemplis sanctorum Patricij & Francisci illius tanquam protectoris gentis, istius religionis sue.*

lib. 7.
com. 17.

Malâ fide nobis, Dunsio, orbi literatorum imponunt. Primùm, Metaphysica, quam Scotus scripsit, periit, nec vllibi hodie extat, huius collector & author est Antonius Andreas Aragonius, ut patet disertis ipsius verbis, quæ supra hic à me posita repetantur; sic ergo concludendum foret, *Andreas Aragonius utitur exemplo sancti Patricij* (qui est protector patriæ suæ, hoc est enim Irlandicorum glossema) *ergo Patricius est Aragonius protector.* Iudica mi Lector: deinde etsi ponatur verum esse exemplum ab ore Scoti ipsius desumptum, quod inficias non eo, quid inde probatur? nam Patricius fuit gente Scotus, ut multis ijsque irre-

lib. 22.
in fine.

fragabilibus authorum testimonijs deduxi, & nullus Sanctorum aut plura, aut magnificentiora Scotiæ in regno templa Deo sub inuocatione ipsius dedicata habet, Demum Ecclesia oppidi Marchiæ Scoticæ Dunlij diuo Patricio est sacrâ, vt ex libro notitiarum parochiarum Scotiæ clarum.

Argumentum ab ipso Scoto Irlandi capiunt, qui in quartum sententiarum editionis Venetæ quæ prodijt sub anuum MCXV. die XXIII. Aprilis sic vtitur voce *Troanos*, vt appareat inde Hibernum gente esse, quia vocem Hibernam vsurpet. Sed ô tuam fidem Veritas aurea! ibi loci non *Troanos* sed *Trusani* legitur, nec facilè antiquior editio reperitur. Deinde quis ignorat Scotos pæne omnes consueuisse linguam Irlandicam loqui quando omnes môrâna Scotiæ inhabitantes prisca Scotorum linguâ, quæ verè est Irlandiæ loquantur. Denique idem Scotus eodem loco vtitur voce Gallicâ *Régratiers*, inferendum ergo est, Scotus est Gallus. Inò Nauarrus est, quia vocem Cantabricam, idem ipse alicubi vsurpare voluit; scilicet *Trusa* eodem laudato opere in quartum sententiarum: sed & Italus per me sit quia voce Italica delectatus videtur eodem scripto, videlicet *Briga*. Vnde verius argumentari liceat Scotum polyglotton fuisse, quod nostratibus est valde familiare. Iacobus Bonauentura Hepburnus Diui Francisci Pauliani socius LXXII. linguas callebat; Georgius Strachanus, qui adhuc superest, totidem; paucos ex ea genteliteratos reperies, qui non plura idiomatica exactè calleant: multi sunt societatis Iesv patres Scoti, quibus plurimarum linguarum peritia, non tamen illi Hispani, Galli, Itali, Græci, aut Hebræi censentur sed Scoti. *Trusas* etiam aduocatus Aquitanici Fisci Gallus vsurpat libro de recuperatione terræ sanctæ. an ideo ille Italus putida brobandi ratio.

Denique Scotum esse patet ab odio Anglorum in eum, nam inter veteres Guillelmus Okamus ita ei intensus perhibetur, vt nullum non lapidem mouerit ad eius doctrinam impugnandam, famam eleuandam, quales inter Scotos & Anglos per omnes ferè ætates dissensiones pleræque obseruauit. Inter recentiores Ioannes Casus Oxoniensis damnatæ impietatis fuscifer sic stylum in eum exacuit. *Quibus velim addere duos Scotum & Burlanum si elegantulæ huius ætatis aures non offenderem. Sed ferunt Scotum in sepulchrum suum ipsius excussisse cerebrum, suæque curiositatis iustam luisse pœnam. Quare illum vt spinam, aut viticam, quæ nuda ingens pungunt, aut cantus trahendum, aut potius à catalogo veterum delendum esse spondeo. Quisquamne Scotus de Scoto sic sentiret? aut tam acerbè popu-*

laris quispiam de populari suo tam indignè loqueretur? Scoti de illo vt de ciue suo honorificè scribunt; Anglus fatali in nostram gentem odio impiè & ad insaniam lasciuienti calamo proscribit.

9. die. **S** Sanctus Gernadius Episcopus Morauiensis, qui ab ipsa adolescentiâ à turbis secessum ad solitudinem, quò melius studia pietatis coleret ardentè amauit, vnde & prouectior factus in speluncam non procul Elgena se contulit vbi dies traducere in oratione integros, & cœlestibus inhærere cogitationibus cœpit strenuè. Iecisse creditur Gernadius sanctus celeberrimæ Elginensis Ecclesiæ cathedralem, quam iure optimo, si structuræ magnificentiam & laxitatem spectes, præcipuis Europæ Ecclesijs certare dixeris: & vt erat Gernadius sanctus singulari in sanctissimam Trinitatem affectu, sic eandem Ecclesiam sanctæ Trinitati dicatam voluit. De eo Lessæus lib. 5. hystoriæ. Regius in Calendario, Boëtius lib. 10. hystoriæ, & alij.

10. die. **S** Sanctus Ioannes Scotus Martyr, de quo Tritemius Abbas lib. 2. de viris illustribus ordinis sancti Benedicti, his verbis, *Ioannes Scotus monachus Malmesburiensis in Angliâ, vir doctus ac religiose conversationis, post mortem multis claruit miraculis & signis.* Expunctus est albo Martyrologij ab illustrissimo Cardinali Baronio, sed (vt bene notauit Dempsterus noster in dissertatione de patriâ Ioannis Duns Scoti) lumen illi à Principe illo purpurato negatum cœli rependerunt ad tumulum eius iugi fulgore radiantes teste Rogero Houedeno in suis Annalibus. Et (vt ingenuè fatear) semper miratus sum factum hoc Cardinalis Baronij, nec excusari posse exitimo. Quâ enim auctoritate expungere potuit aliquem Sanctorum catalogo, summorum Pontificum auctoritate eidè adscriptum? at sanctum hunc Martyrè adscriptum fuisse testantur plurimi grauissimique scriptores, præsertim Ioannes Lessæus Rossensis Episcopus in hist. lib. 5. *Quem (inquit) inter Christi Martyres summi Pontificis auctoritate Rex numerari, & eidem insigne monumentum in eodem cœnobio erigi piè curauit.* Molanus in appendice, *Ioannes (inquit) Scotus Martyr transfusus Dionisij Hierarchiam Ecclesiasticam, inter Christi Martyres Pontificum auctoritate postea numeratus.* Videri possunt Ioannes Maior summus Theologus & Doctor Parisiensis, qui in hyst. Scot. libro 3. mortem ipsius comparat morti sancti Felicis, Hector Boëtius, & ipse Doctor Parisiensis qui in hist. lib. 10. Martyrem & virum sanctissimum appellat. Martyrologium Gallicum, quod ad hunc diem ita de illo loquitur, *Amesme iour deceda saint Iean L'Escoffois qui fut accablé de coups de plumes & gannisues desquels se seruient les enfans.* Omitto breuitatis

causâ alios authores recensere. At malè sensit (inquies) de reali præsentia Christi in sanctissimo Sacramento; Itane verò? Tu malè eam sensisse asseris? sed qui pobas? Religiosa vsque ad mortem professio contrarium probat: omnes authores citati id pernegant: cum illis Ecclesia semper huc vsque sensit, quæ eius diem festum in hodiernum vsque diem celebrat; sensit etiam & Ecclesiæ caput summus eius Antistes, cuius auctoritate inter Martyres relatum vidimus, sensit denique & ipse Deus qui eius sanctitatem miraculis testatus est teste Tritemio de viris illutribus ordinis sancti Benedicti lib. 3. cap. 212. Vnde ergo factum est (inquies) quod aliqui illum erroris de reali præsentia Christi insinulauerint? Respondeo ex eo factum esse, quod Hæretici more suo semper mendaces inuenientes in scriptis huius Martyris sententias aliquas perperam intellectas, in speciem tamen apparentes quibus realem Christi præsentiam oppugnare videbatur, sparserunt proterui pro ipsorum sententia stare sanctum Martyrem, eodem planè modo quo impudenter hodie hac eadem in re mentiuntur Calvinistæ asserentes Diuum Augustinum Catholicæ sententiæ aduersari propter verba aliqua eiusdem sancti Doctoris malè intellecta: Hæreticorum autem mendacia non adeo à Catholicis quibusdam nihil de impostura suspicantibus examinata, sed quasi vera credita effecerunt vt aliqui verè illum in ea fuisse sententia existimarent. Addo denique non esse improbabile, quod aliqui sentiunt, Hæreticos nempe librum contra realem Christi præsentiam sub nomine Martyris impressisse, vel certè librum ipsius Martyris hac de re scriptum peruertisse; quod nouum non videbitur consideranti mores Hæreticorum nostri temporis. Vide authores supra citatos qui in Angliam inuitatum dicunt ab Alfredo Anglorum Rege. Sepultus est in sinistro altaris latere, eiusque sepulchro additum sequens Epitaphium.

Clauditur hoc tumulo sanctus Sophista Ioannes,

Qui ditatus erat iam viuens dogmate miro,

Martyrio tandem Christi conscendere regnum

Quo, meruit, Sancti regnant per sacula cuncti.

Hoc eodem die sanctus Ioannes Scotus Episcopus Magnopolensis & Martyr, qui vt refert Vnion lib. 3. ligni vitæ Rethræ in Vandalia pro confessione Christi fustibus cæsus, deinde per Vandalorum ciuitates ad ludibrium ductus, cum à confessione nominis Christi deterreret non posset manuum pedumque & capitis abscissione palmam martyrij promeruit: eius martyrium ad hunc diem reponitur ab Alberto

Abbate

Abbate Stadenſi in chronico. De eo præter eundem Albertum vide Vnionem loco citato, Helmoldum in chronico Sclauonum lib. 1. cap. 23. Crantzium in Metrop. lib. 4. & alios.

11. die. **S**anctus Bertuinus Abbas Apoſtolus Gallorum. De eo Sigebertus in chronico ad annum 651. & alij.

12. die. **S**anctus Emilianus Episcopus Fauentinus, qui Domino à puerilibus annis militauit. Eius vitam habet Petrus de Natalibus. Alij eius diem festum ponunt 21. Nouembris.

Hoc eodem die celebratur Gandani depositio sancti Leuini, de quo supra egimus. Vide Gazetum in hystoriâ Ecclesiastica Belgij, Regium, Molanum, & alios.

23. die. **S**anctus Macarius Episcopus Aberdonensis. Hic animarum verus pastor, nullis inflatus diuitijs, nullo fastu tumidus, sed potius in paupertatis studijs & humilitatis se exercens, gregem Domini singulari modestiâ & charitate regebat. Magno fuit in honore apud Soluatium Scotorum Regem. In eius honorem primaria & Cathedralis Ecclesia Aberdonensis excitata est, quæ ante maximæ eius partis à nefarijs hæreticis demolitionem paucis Europæ Ecclesijs cedebat. De eo vide Lessum lib. 4. hystoriæ, Regium in Calendario, & alios.

Hoc eodem die sanctus Deulnicus Episcopus in Anglia. Vide Adami Regij Calendarium & alios.

Hoc eodem etiam die sanctus Chilenus Episcopus & Confessor, de quo Genebrardus in chronico ad annum 618. Auentinus lib. 23. cap. 17. Chronicon Cameracense, Ioannes Maior de gestis Scotorum lib. 2. cap. 7. Tritermus lib. 3. cap. 75. Molanus & alij.

24. die. **S**anctus Medanus Episcopus & Confessor. Celebris habetur in Buchania Scotiæ prouincia illo præsertim loco, cui Fillorth nomen, cuius etiam tutelaris habetur. Magno fuit in honore apud Conranum Scotorum Regem, cuius negotijs licet maximè distineretur Medanus sanctus, nihil tamen vnquam (quod solidæ, & non adumbratæ virtutis certissimum est indicium) de studio & conatu proficiendi in virtutibus remittebat, sed sibi potius semper similis eodem pede in via virtutis incedebat, in qua non progredi retrogredi esse sciebat. De eo Regius in Calendario, Lessus lib. 4. Boëtius libro 9. & alij.

25. die. **S**anctus Maclouius siue Machutus Episcopus & Confessor. Hic nobilibus ortus in Scotia parentibus, Comite scilicet de Guincastel & matre Comitissa, cui nomen Darnal, longè nobilior solæ.

darum virtutum cumulo euasit., in quibus sub Brandano sancto eos progressus fecit, vt eas inter se copularit, quas difficile fuerit simul iunctas reperire, singularem scilicet prudentiam cum rara simplicitate, morum eximiam grauitatem cum summa lenitate, orationis studium cum charitatis operibus, sui denique in omnibus contemptum cum præclara apud omnes ob vitæ sanctitatem existimatione. Vitam ipsius fuscè describit Ribadeneira in tomo de vitis Sanctorum. Vide eundem, Regium in Calendario & alios.

16. die. **S** Sanctus Elifius Martyr cum 32. socijs. Fuit hic Dei famulus Crathlinti Regis filius. De eo Cratopolius pag. 52. sanctus Bruno Archiepiscopus Colonienfis, Eifengrenius & alij.

17. die. **S** Sanctus Egbertus, qui patriam parentesque deferens in Irlandiam secessit, ibique Christum prædicauit, De eo Hermanus Contractus ad annum 710. Surius tomo 3. vlgésimo quinto Iunij, Madelocensis in vita sancti Adalberti, & alij.

18. die. **S** Sanctus Tergusius Episcopus & Confessor. Magno fuit in honore apud Conranum Regem. De eo Regius in Calendario, & alij.

19. die. **S** Sanctus Egdbertus Abbas Fuldensis. De eo Vnion lib. 3. pag. 414. Lessæus & alij.

20. die. **S** Sanctus Autbodus Abbas, Apostolus Galliarum. De eo Mi-reus, Tabulæ Lugduni, Clauati, &c.

21. die. **S** Sanctus Columbanus Abbas Luxouij, & Bobij fundator. Vitam habent Surius, Lippeloo & alij. De eo Genebrardus in chronico, Poisseuinus in apparatu sacro, Tritemius de scriptoribus Ecclesiasticis, Sigebertus in chronico, Ioannes Maior lib. 2. de gestis Scottorum, Boëtius, Lessæus & alij.

22. die. **S** Sanctus Columbanus Monachus sancti Columbani Abbatis discipulus. Magnæ sanctitatis & innocentie vir, qui que in in omnibus (ait Vnion) magistri sui sancti Columbani Abbatis vitam & mores studuit imitari. Eiusdem meminit Calendarium quoddam manu scriptum in monasterio sancti Benedicti de Mantua, vt testatur idem Vnion.

23. die. **S** Sanctus Tromberinus Monachus Stremelhalensis, sed postea Episcopus & Confessor in Laudania Scotiæ prouincia celebris. Plurima apud Pictos (quorum Episcopus fuit) strenuè pro Christo gessit. De eo Tritemius libro 4. de viris illustribus ordinis sancti Benedicti.

17. die. **S**anctus Dicitodius. De eo Hildegardis Bingenſis Abbatiffa, Leſſus, & alii.

18. die. **S**anctus Marnochus Episcopus & Confessor. Magna fuit is auctoritate & gratia apud Crathlinthum Scotorum Regem, Magna fuit in Cyningamiâ veneratione & sanctitatis fama. De eo Leſſus lib. 3. Regius in Calendario & alij.

19. die. **S**anctus Eattanus siue Eatta Abbas Mailrossensis monasterij. De eo Tritemius lib. 3. de viris illustribus ordinis sancti Benedicti, & alij.

Hoc eodem die Echarius sancti Elifij frater. De eo Cratepolius pag. 52. & alij.

20. die. **S**anctus Albinus Confessor & Episcopus, qui in Huenſi Scotiæ Insula Diui Columbe monasterium ingressus sanctitate vitæ & miraculis omnibus præluxit. De eo Tritemius de viris illustribus ordinis sancti Benedicti lib. 4. & alij.

Hoc eodem die sancta Oda Virgo & Eugenij sancti Regis Scotiæ filia, tam in Scotiâ quàm in Flandria ob vitæ sanctitatem & miraculorum multitudinem celebris. De ea Molanus in indiculo & in additionibus ad Vſuardum, Constantinus Ghinnius & alij.

21. die. **S**anctus Patricianus Episcopus celebris in ea Scotiæ prouincia, cui Sutherlandia nomen. De eo Boëtius lib. 8. & alij.

22. die. **S**ancta Kenneira, vel Kenneua, vel Kunera sanctæ Vrsulæ socia. De ea Hunterus de formis Scotiæ, hystoria Vrsulana, Regius in Calendario & alij.

23. die. **S**anctus Tarkinus Episcopus & Confessor. De eo breuiarium Aberdonense, Regius in Calendario, & alij. Celebris habetur in Aberdonensi Diocesi, vnde non procul Aberdonia insignem Ecclesiam sancto Tarkino dicatam cernere est.

Hoc eodem die sancti Andreas Christi discipulus & Scotiæ Apostolus, qui & magna religione in hodiernum diem ab ipsis colitur. Vide quæ in principio huius libri diximus dum de professione Apostolorum ad varias mundi plagas ad Euangelium prædicandum agerem.

24. die. **S**anctus Foillanus Episcopus & Martyr. Fuit hic Furci & Vltanifrater. De eo Molanus in indiculo & alij.

DECEMBER.

1. die. **S**ancta Dardulacha. Vide Tabulas Frisingenses & alios.

2. die. **S**anctus Iuanus Confessor. Apud Kennethum secundum

hoc nomine Scotiæ Regem gratia & auctoritate plurimum valuit. De eo Regius in Calendario & alij.

3. die. **S** Sanctus Malcolmus hoc nomine quartus Scotorum Rex, qui sob Angelicam corporis castitatem quam à tenera ætate Deo consecratam constantissimè coluit, virgo dictus est. Fuit hic Davidis Regis sanctissimi nepos, Plurimum vltus est sanctus hic Rex consilio Eduardi Episcopi Aberdonensis tum in multis negociis tum in primis in castitate seruanda. Malcolmus iam maturo ad matrimonium, communi consensu Proceres (qui castitatis votum à Malcolmus emissum ignorabant) in comitiis ab eodem petierunt, vt quoniam iam pridem matrimonio esset maturus de nuptiis cogitaret propter commune regni bonum, quibus respondit sanctus Rex se ab eo vsque tempore, quovitz suæ rationem inire potuisset continentiam Deo sanctè promissi se: eamque Deo propitio, dum viueret obseruaturum, quod & fecit. De hoc sancto Rege vide Lessæum lib. 6. hystoriz & alios ex nostris, ex Anglis Neubrigensem lib. 2. hystoriz cap. 18. vbi ait, hominem fuisse Malcolmum Angelicæ inter homines sinceritatis, eumque tanquam terrenum Angelum, quo dignus non erat mundus, cælestes Angelos rapuisse è mundo. Vide eundem libro primo hystoriz cap. 25. Duche sine lib. 11. hystoriz, Sigebertum & alios.

4. die. **S** Sanctus Eloquentius Abbas, Apostolus Galliz Belgicæ. De eo Lessæus & alij.

5. die. **S** Sanctus Amphibalus Cildæus Scotorum syluestriam Apostolus. De eo Boëtius lib. 6. & alij.

6. die. **S** Sanctus Blathmacus Martyr. De eo Dempsterus & alij.

7. die. **S** Sanctus Gallanus Monachus & Confessor. Celebris habetur in Insula Iona & adiacentibus. De eo Lessæus lib. 4. & alij.

8. die. **B** Eatus Franciscus ordinis sanctæ Trinitatis monachus, Hereticis irreuerenter & nefariè in monasterium suum Aberdonense irruentibus obstare cupiens, vulneratus, per scalas detractus, donec eliso cerebro animam victimam cælo reddidit.

9. die. **S** Sanctus Coninanus Abbas Huenfis. De eo Vnion & alij, qui tradunt ipsum fuisse Ferguhardi Regis præceptorem.

10. die. **S** Sanctus Anatolius Confessor & Abbas, vir planè apostolicus. De illo multa apud Bedam habes lib. 3. hystoriz, & alios. Præfuit Anatolius abbatis officio in Iona insula.

11. die. **S** Sanctus Coganus. De eo Vnion lib. 3. Fordanus lib. 6. Boëtius lib. 9. & alij,

11. die. **S**anctus Canicus. De eo Arnoidus, Union lib. 3. Petrus in catalogo, Maurolycus, Galefinus, Martyrologium Romanum. Fundamenta Episcopatus Oseriensis iecit, mutavitque nomen, & Kilkenniam appellavit.

12. die. **H**odie cœlestia petit Ioannes Grayus ex sacra sancti Francisci familia, qui turbatam Hæreticorum furore patriam deserens Bruxelias contendit, ubi Geuziis latè grassantibus ante ipsam Eucharistiam septuagenarius Martyrij palmam pugione confossus meruit. De eo Sedulius Corol. hyst. Seraphicæ pag. 693. Gonzaga parte prima & alij.

14. die. **S**anctus Mimborinus Abbas & Confessor. Gessit officium Abbatis in monasterio Scotorum Colonia sancto Martino dicato. De quo Tritemius in hystoria monasterij Hursam ad annum 974. & alij.

15. die. **B**eatus Ioannes Blak ex præclaro ordine sancti Dominici. Postquam Aberdoniæ plurima pietatis & doctrinæ argumenta exhibuisset, raptus Edimburgum, hæreticos omnes, & in his Apostatam Villoxium superavit, confudit, ad ultimum ab iisdem raptus in publicam plateam, lapidibus obrutus gloriosum vitæ finem sortitus est. Alii eius diem festum reponunt ad septimum Ianuarii.

16. die. **S**anctus Beatus Episcopus Murthlacensis Diœcesis, quam annis 32. administravit ea prudentia, integritate, cæterisque quæ verum animarum pastorem decent virtutibus, ut cum neque honor à sui despectione, neque rerum occupatio externarum à continuæ cum Deo familiaritate unquam retardarint. Licet Murthlacensis Diœcesis fuerit Episcopus, quia tamen sedes illa à Dauide Rege translata fuit Aberdonium, Aberdonensis merito vocatur Episcopus. De hoc sancto vide Romanum martyrologium ad 16. Decembris, Boëtium in libro de Episcopis Aberdonensibus.

17. die. **S**anctus Annianus Archidiaconus, Martyr in Bavaria. De eo Dempsterus, & alij.

Hoc eodem die Toparcha Ladilandix à satanz ministris ad martyrium petitus, & in mare actus non simplici defunctus est exitu plumbeis glandibus transfolius & demersus Ailzenæ.

18. die. **S**anctus Mauerus Episcopus & Confessor. Adolescentulus multum solitaria vitæ addictus fuit: quo factum ut liberius studiis vacaret: unde & literis egregie eruditus, & rerum gerendarum prudentia maturus in Episcopum electus est, in quo munere excelluit,

præsertim populum verbo Dei pascendi vigilantia, & in pauperes liberalitate non vulgari. Celebris habebatur in ea Scotiæ prouincia, cui Baluenia nomen. Vitam hanc cum cœlesti mutauit sub annum Christi 824.

SANCTUS Macarius primus Abbas monasterii Scotorum in Germania apud Herbigopolim. Fuit Macarius sanctus vir per omnia Deo dilectus, vita & conuersatione sanctissimus, quippe qui ab infantia sua Omnipotentis seruitio mancipatus fuerat. Post aliquod tempus in officio Abbatis prope Herbigopolim elapsus acquirendis indulgentiis & reliquiis sanctorum statuit Romam proficisci. Sæcepit sanctum cum ingenti lætitia Pontifex Eugenius nempe tertius. Factum est autem in quadam feria sexta sedente ad mensam summi Pontificis sancto Macario turris Ecclesiæ sancti Iacobi Herbigopolensis Aquilonaris impulsu turbinis mota corruit & quasi funditus collapsa fuit: quod cernens vir Dei in spiritu, non considerans ad cuius mensam sederet, cum gemitu exclamauit, Deus patce misellis ne deuotio fidelium pereat, quem manu contingens. Pontifex dixit, Quid habes frater? & quare ingemiscis? qui verecundia tactus nihil respondit. Iterum postea interrogatus, turris ruinam monasterii sui tam longè distantis aperuit, & quomodo hoc viderit in spiritu Pontifici reuelauit. Nota uerunt horam qui fuerunt præsentis & reuersi Herbigopolim omnia sicut dixerat, contigisse inuenerunt: Erat homo in ciuitate Herbigopolensi nomine Dudo, qui febrium diuturno langore exhaustus iam prope videbatur moriturus, verum aquam à sancto Macario benedictam bibens plena deuotione ac fide, mox ut bibit, omnis ab eo infirmitas recessit. Vide Triterium in chronico monasterii sancti Iacobi Scotorum & alios.

SANCTUS Comogellus Abbas. De eo Martyrologium Anglicanum, & alii.

SANCTUS Ethernanus Abbas & Confessor, sancti Columbæ ex fratre nepos. De eo Leslus lib. 4. Regius in Calendario, breuiarii Aberdonensis pars hyemalis & alii. Celebris habetur in Buchania prouincia. Episcopum fuisse testatur per antiqua illa ad sanctum Ethernanum oratio.

DEUS qui per sanctos tuos quæcunque poscimus benignè concedis, da quæsumus, ut intercedente beato Ethernano Confessore tuo atque Pontifice, quæ iussu postulauerimus apud te misericorditer obtinere valeamus. Per Christum Dominum nostrum.

12. die **C**onstantinus Rex huius nominis tertius humanæ vitæ odio inflammatus regno se abdicauit, vitamque suam Deo in cœnobio D. Andræ consecrauit, in quo postea gloriosam mortem consecit. De eo Lessæus lib. 5. hystoriæ, Boëtius lib. 11. Vnion libro 4. & alii.

23. die **S**anctus Caranus Episcopus & Confessor. De eo varii.

24. die. **S**cælestia petiit Thomas Robertsonus, qui Glasgæ inter ipsa augustissimi consecrati corporis mysteria deprehensus ad forum, ut erat indutus à Barone Bodlo raptus, unà cum sacerdotibus indu, mentis fidei causa exustus est.

Sanctus Bathanus Episcopus & Confessor in Scotia vniuersa; sed præsertim in Schetlandia & Thule Insulis celebris. Eius fit mentio in epistola quæ ad Scotos à Ioanne Pontifice scripta fuit sub annum Christi 639. De eo etiam alii.

26. die. **S**anctus Mofutacus Confessor. Celebris habebatur in Aberdonensi Diœcesi, extatque non procul à Torrey insignis Ecclesia sancto Mofutaco dicata.

Sanctus Tuda Episcopus Northumbrorum apud quos post sanctum Colmannum Episcopum egit. Vide de eo Tritermum lib. 4. de viris illustribus ordinis sancti Benedicti, Goduinum in Episcopis Dunelmensibus.

28. die. **B**eatus Daniel Carthusianus, demolito pulcherrimo ordinis sui monasterio Perthano, cum prælata cruce hæreticis conuionaretur, in flammis coniectus viuus exustus est, sed cum aliquandiu mediis ignibus facie angelica colluxisset, longis hastis transixus, ne simplici quidem martyrio defunctus.

Sanctus Onanus Sacerdos & Eremita celebris in ea Scotia; parte, cui The Cars Of Gaurie nomen. De eo Lessæus lib. 5. in Kennetho, Boëtius & alii.

Sanctus Erhbinus, qui in hiberniam ad Christi fidem prædicandam profectus mirabilia ibi apud Barbaros gessit. De eo varii. Eius vitam habes apud Petrum de Natalibus quamuis alio die.

31. die. **S**ancta Brigida Vigo & Soror sancti Andræ Archidiaconi. De ea Diacetius in præfatione ad vitas Sanctorum Fesulanorum & alii. Atque hæc breuiter de Sanctis nostris dicta sint.

§ 3.^{us}DEFENDITVR NOMINATOS SANCTOS FVISSE
NATIONE SCOTOS.

DEdimus superiori paragraggo Sanctorum synopsis quo Scotia nostra (bona aliorum pace dixerim) suo sibi iure vindicat; cum vt illis tantillum saltem habeatur honoris, quantum per temporum iniquitatem licebit, tum vt iuuentus nostra quæ in subsidium patriæ iacentis apud exteros virtutem & idoneas ad eiusmodi facinus disciplinas capescit, illorum intuitu crescat animis maiorem in modum. Nunc hoc paragrapho, quoniam intelligo esse, qui nescio quo pretextu plerisque fraudare nos satagant, atque ex albo nostro facturum me putauit, vt suis fastis transcribant, operæ pretium & saluti laboro, periucundum, si firmamenta è multis pauca attexerem, quibus ea maximè stabiliantur de quibus controuersia est. Qua in re dabo operam vt me quisuis intelligat esse veritatis indagatorem, non gentis meæ importunum propugnatorem. Sanè alienū est & Christianæ modestiæ minimè consentaneum, cūm de Sanctis eorumque virtutibus scribere quis instituat, non modò contentiosum (quod aiunt) funem trahere, sed texere maledictorum paremias, nec vnum aliquem quocumq; simultas illi & offensio intercedat, sed gentem vniuersam atro contumeliarum carbone notare & facere vulgi fabulam. Quanquam scriptor eiusmodi non inurit maculam genti, quam malè accipit, sic enim insons æquè ac flagitiosus vapulet, sed suam ipse animi impotentiam prodit, qui longè à Christo Sanctisque diuersus angusto suo animo nescit complecti nisi penates suos, nescit, inquam, blaterando suam Deo & æternitati proteruiam se commendare. Apage effrenem illam & insolentem maledicendi licentiam: id ago sanè, vt solidis rationum momentis veritatem asseram. Sint aliis sarta tecta sua decora, per me licet, dum falcem in alienam messiem ne immiserint. Atque vt res de qua disseptatur euadat magis perspicua, docebo primò quando Scoti in Albionem venerint: secundo quo tempore Christi fidem susceperint, quàm in ea retinenda constantes fuerint: 3. quo nomine sit olim appellata Scotia: 4. deniq; num à Christi tēporibus Hibernia appellata fuerit Scotia: ex his enim aduersarii nostri assumēdi sibi quod ad nos pertingeret ansā acceperūt: sed perperā illos facere sigillatī demonstrabo.

QUANDO

QUANDO SCOTI IN ALBIONEM

VENERINT.

Scotiam iuxta & Angliam, quam communi vocabulo Britanniam vulgò indigitamus, duobus duntaxat fluminibus discreta regna cæterum vndique Oceano circumuallata tres præcipuè gentes primum incoluerunt, Scoti, Britones siue Britanni, & Picti: Et quidem Scotorum antiquam sanè originem ex patrijs scriptorum monumentis hanc esse contendit Hectòr Boëtius: Gathelum Cecropis primi Atheniensium Regis filium cum patris imperia detrectaret, & ipsam adeo Macedoniam atque Achaiam vagus obuiisset, collecta iuuenum validà manu in Ægyptum venisse, seque Moyfi expeditionis Æthiopicæ, de quâ Iosephus meminit, còsortem exhibuisse, Pharaonis filiam Scotam nomine, illius sororem qui mari obrutus fuit, vxorem accepisse, Ægyptiacis exinde plagis territum vnà cum vxore, liberis, & promiscuâ Græcorum Ægyptiorumq; multitudine anno ante Christi aduentum 1536. appulisse in Numidiam, sed inde repulsum transmississe in eam regionem, quæ postea Portugallia, quasi Gatheli portus dicta est, ibidemque condidisse Bracharam, tum inito cum Iberis pacto in Galatiam, sic enim modò appellamus, sedes transulisse, & constituto istic regno suos ab vxore Scotos vocasse, Brigantiam hodie Compostellam extruxisse. Addit Boëtius misisse ex eo loco Gathelum Coloniã in Hiberniã quæ ab Hiberio illius filio, & Coloniæ duce, nomen accepit, Eam Insulam iam tum ab agrestibus & incultis hominibus inhabitatam, quæ inualecentibus quâ multitudine, quâ potentiâ Scotis & Gathelo Simonem Brechum eiusdem cum illo profapiz primum Regem accepit anno ante Christum natum 695. Ex his Scotorum gentem itidem ante Christi aduentum propagatam anno circiter 561. In Albionis Septentrionalẽ plagam deuenisse demùm anno 333. accessisse Pictos ac regnum cum illis partiros fuisse. Verùm Pictis profligatis Scotos vniuersam eam regionem, quam nunc Scotiam dicimus solos obtinuisse. Ex his faciliè datur intelligi cum Beda primum gentis nostræ in Albione Renterem authorem facit id de reditu (pulsus enim à Britonibus in Hiberniam fugit multis annis post ea tempora de quibus hic meminimus ac deinde rediens Britones subegit, eo loco quo etiamnum Rhenterdũ ab eo appellatur) non de primo aduentu esse intelligendum. Item quod à nonnullis de Fergulio 2. circumfertur primum Scotorum Regem fuisse, id accidisse post eorum reditum in Albionem

lib. 2.
Ant. G. 10.

hoc idem
de Scoto-
rum ori-
gine tra-
dunt Ve-
remund⁹
& B. Tur.
getus in
Scotorũ
hystoriã,
floruerũt
autem an-
no Chrī
Mxcviii.
Combust-
bellus in
eadẽ hist.
& alij. &
ex Anglis
Thomas
Valsinga
in Opo-
digmare
Neustriæ

posteaquam à Piccis Duce Maximo Romano Legato expulsi fuissent.

Equidem Camdenus homo hæreticus quod de Scota Pharaonis filia scribitur fabulam reputat, item Scotos in Albionem ante Constantini Magni tempora venisse. Verum nemini mirum videri debet si primum illud de Scota, quod à maioribus traditione dūtaxat, accepimus flocci faciat, cū eius farinæ homines ne ipsas quidē traditiones diuinas & Ecclesiasticas habent in pretio. Hoc profectō apud sapientes pondus habere debet, quod ab antiquissimis scriptoribus perscriptum passim & euulgatum fuerit, maxime cū nulla ratio alicuius momenti oppositum euincat. Quā de re contentiosum funem trahere non est instituti mei: esto penes auctores fides. De eo quod asserit Scotos ante Constantini Magni tempora in Albionem non penetrasse, hoc verō mihi cū illo controuersum est. Nemo (inquit) Scotorum nomen ante Constantini Magni tempora in probatis authoribus vel legit, vel eruit. Fecerat quidem Scaliger in notis Propertianis, vbi emendat hunc Senecæ locū.

*Ille Britannos vltra noti littora ponti
Et caruleos Scuta Brigantes dare Romuleis
Colla catenis insit, & ipsum noua Romana
Iura securis tremere Oceanum, &c.*

Legit ille Scoto-Brigantes, ex quo colligit Scotos Senecæ, qui vixit tempore Claudij Cæsaris, non ignotos fuisse: ea lectio hominis nostro sæculo his in rebus eruditissimi non placet, sed profectō ille se tuetur egregie in suis animaduersionibus in Eusebium & aduersarium suum confutat, neque enim Brigantibus scuta pingerē vsquam legimus singulare fuisse, quale quid apud Poëtam legimus,

Et Picis scuta Labici.

Nec sanè vana est Buchananī coniectura hoc loco Scoto-Brigantes à Brigantibus Hispanis atque alijs de industria distingui. Adrianus Iunius cū lectionem communem videret non satis consistere, legit Cute. Brigantas; sed nihilo melius quàm Camdenus ei loco consuluit. nam vt rectè Scaliger de falso modulo syllabæ ad tribunal grammaticum postulatur.

Porro Scotorum nomen ex vetustissimis authoribus eruit vir hoc sæculo perquam eruditus Thomas Dempsterus, citat enim hunc locum ex Floro antiquo poëta qui Adriani Cæsaris æuo sic in eum ludit.

*Ego volo Cæsar esse
Ambulare per Britannos.
Scoticas pati pruinat.*

Plura in hanc rem afferemus infra ubi probabimus Scotos ante Constantini Magni tempora fidem suscepisse.

Concludo cum Iacobo Gordonio Lesmoreo societatis Iesu Theologo 2. tomo Chronologiæ in catalogo Regum Scotiæ ad annum 422. Camdenum hoc nunquam euicturum nec grauissimis scriptoribus à quibus gratis dissentire voluit fidem abrogaturum.

QVO TEMPORE SCOTI FIDEM
SVSCEPERINT.

SANè ab ipsis Apostolis Scotos fidem accepisse Nicephorus luculentè testatur: sic enim de Apostolis loquitur lib. 3. cap. 1. *Aliis item extremas Oceani regiones & Insulas Britannicas sortitus est.* Theodoretus verò Nicephoro antiquior de Cur. Græc. olf. lib. 9. *Inter gentes (inquît) quæ Romani imperij frenum acceperant non pauca secundum leges eorum viuere voluerunt, at nostris illi piscatores ac Publicani, sutorque ille noster cum cælis nationibus legem Euangelicam detulerunt.* Neque solum Romanos quique sub Rom. viuerent imperio, sed Schyts quoque ac Sauromatas, Indos præterea, Aethiops, Persas, Seras, Hircanos, Britannos, Cimmerias, & Hermannos, &c. Et paulò post ait Paulum Apostolum Britannis Christum prædicasse; quod ipsum Venantius Fortunatus Pictauiensis Episcopus, qui anno 560. floruit, Paulique peregrinationes carmine prosequutus est, sanctitate & doctrina celebris de l'aulo manifestè docet.

*Transiit Oceanum vel quâ facit Insula portum,
Quasque Britannus habet terras, quasque vltima Thule.*

Porro Sophronius Patriarcha Hierosolymitanus serm. de Natiuitate Apostolorum disertis verbis asserit inuississe Paulum Apostolum Britanniam. Idem de B. Petro Bonifacius 8. Papa qui apud Thomam Valsingham in hist. Angl. in Eduardo 1. testatur Scotiam per B. Petri venerandas reliquias non sine supremi dono numinis conuersam fuisse. Quin & sanctum Mansuetum natione Scotum se in discipulum sibi asciauisse apud Scotos & Tullenses (quorum in hodiernū diē tutelarijs habetur) testantur, antiquissima est traditio & scribunt non pauci.

Haftenus de primâ Scotiæ conuersione per Apostolos factâ, à quibus tota tamen conuersa non fuit, sed tum primum cùm Donaldus eius nominis primus Scotiæ Rex à sancto Victore primo Romano Pontifice per Legatos suppliciter petiisset viros doctrinâ & religione insignes, qui se domumque suam Christianis imbuerent præceptis & aquis san-

lutaribus expiarent. Regis enī exemplo commoti nobiles populiq; certatim Christo nomina dederunt, vt plurimi grauissimique authores testantur, inter alios Cardinalis Bellarminus in Apologiā pro responsione ad librum Iacobi magnæ Britannię Regis, cuius titulus est *Triplici nodo triplex cuneus*, Cardinalis Baronius in Annalibus ad annum Christi 429. Azorius tom. 2. instit. Moralium parte 2. lib. 11. cap. 5. Sebastianus Veronius in chronico, Bpzius lib. 8. de signis Ecclesiæ cap. 7. Antonius Posseuinus in bibliothecā selecta lib. 16. de hystoricis, Genebrardus lib. 3. chron. Sanderus lib. 4. de claue Dauid, Spondanus in compendio Annal. Cardinalis Baronij, Franciscus de Rozier tom. 6. stemmatum Lotharingiæ & Barri Ducum, Gualterius in chron. sæculq; 3. Petrus Cudsemius in Apologetico pro desperata Caluini causā, Besciola primā parte compendij Annal. Cardinalis Baronij, Gretserus in commentario exegetico in serenissimum Iacobum magnæ Britannię Regem pag. 38. & pag. 78. Arnoldus Mermannius in Theatro conuersionis Gentium, Michaël ab Isselt in hystoriā sui temporis, Aubertus Miræus in præfatione lib. quem scripsit de bello Bohemico Ferdinandi secundi Cæsaris, Iacobus Charronius in hystoriā sua vniuersali pag. 499. Ex nostris Lessæus lib. 3. hyst. Hector Boëtius lib. 6. eiusdem hyst. Guillelmus Chrisolmus in libro contra Ministros Scotiæ, Gordonius tom. 2. chronol. Duræus, Tyrius, Coluillus & alij.

Porro eam quam semel susceperant fidem ita mordicus Scoti tenuerunt, vt octoginta & plures Catholicos Reges regnum illud numeret ab omni hæresis suspicione immunes, eorumque plurimos vel suā vel liberorum sanctitate illustres. Qua re prouocati duo summi Ecclesiæ Antistites, duos Scotiæ Reges catholice fidei protectores nominarunt. Lucius tertius sanctum Guillelmum Regem, Iulius secundus Iacobum eius nominis quartum. Hoc verò admirandum pietatis argumentum est, quod inter Scotiæ Reges inuenti fuerint (præ cæteris Conuallus) qui Christi crucifixi effigiem quocunque pergerent præ se ferri volebant & priusquā equos conscenderent deuotè cum proceribus excolabantur: curauerat verò Conuallus hæc verba cruci inscribi, *Gloria Christianorum*. hæc de Regibus summatim. Illud verò de regno vniuersim dici potest non satis fuisse Scotis nostris Christi fidem conseruare nisi & apud exterarum gentes eandem summo studio propagarent. Huius rei testes locupletissimi sunt illi ipsi, quos variarum nationes pro Apostolis habent. Verum quia de hac re superius sat multa dicta sunt, vbi de antiquitate religionis apud Scotos egimus, hoc loco tantum pietatem

Scotorum ex probatis authoribus confirmabimus. Luculentum testimonium est illustrissimi Baronij tom. 5. in supplementis ad annum 429. ubi de Scotis nostris loquens hæc habet. Qui igitur Euangelium primò à Victore Pontifice Maximo accepere, & à Cælestino Papa primum Episcopum à quo sunt omnes penitus redditi Christiani ea cænis Christi gratiâ profecere, ut postea omnium præstantissimi euaserint Christiani, Christianamque fidem summâ diligentia excolentes Apostolico munere (ut suo loco dicturi sumus) in exteras gentes longè positas latissimè atque locupletissimè propagarint. Porro eandem Ecclesiam nobilissimam hoc nostro sæculo Deus tentari permisit, ut Christiana constantia præclarissimum specimen ederet, cum inter alios Martyres habere etiam meruit (quod nulla hætenus Christiana gens habuit) ipsam Reginam Catholica fidei eximium decus & ornamentum, diutissimâ confessione in carcere ante probatam & nobiliori coronâ Martyrij auctam. Bozsius lib. 8. de signis Ecclesiæ cap. 7. enumerans singularia euenta regni Scotiæ, Secundum (inquit) sit Scotica nationis admirandum, nulla gens è Borealibus tamdiu perstitit in vnanimi religionis vnus consensu, ut Scotica. Cõstat ex Annalibus Prosperi anno 434. missum à Cælestino Pontifice Palladium Episcopum ad Scotos, sed adijcit Prosper iam credentes in Christum. Quocirca tradunt in Scotiâ, quæ tunc erat Hibernia Christi cultum disseminatum eodem tempore, quo in Britannia sub annum scilicet 203. Victore sedente. Agitur itaque annus Millesimus Tercentesimus & quinquagesimus, ex quo Scoti Christi cultum sunt amplexati, & in eo constantes fuisse. At hoc nulli alij genti è Borealibus euenit. Et paulò post de irruptionibus Danorum in Scotiam agens ita loquitur. Sit igitur hoc Scotiæ proprium ut nunquam succubuerit barbaris irruptionibus: & iure, nam hæreticis opinionibus locum nunquam dedit, populo ac Rege Catholica sentiente, neque par erat ut barbaris cederet vllò modo. Et libro 22. de signis Ecclesiæ cap. 3. signo 21. Christus hoc maximum laudabilissimumque bonum dedit Septentrioni, ut Scotia haberet Reginam Martyrem, Regis filiam, coniugem & matrem, hoc sane bono nullum regnum sese efferre toto orbe potest, Surius ad 8. Maij in vitâ sancti Vironis. Scotia fertilis sanctorum virorum insula, & stellarum numerum prope æquans patrocinijs Sanctorum. Molanus in vitâ sancti Vironis ad 8. Maij. Produxit hunc virum Scotia fertilis sanctorum virorum Insula. Gazetus in Ecclesiasticâ hystoriâ agens de sancto Virone. Scotia fertilis sanctorum virorum patria. Beda lib. 3. cap. 27. charitatem eximiam Scotorum in docendis & erudiendis Anglis describit. Et erant (inquit) ibidem eo tempore multi nobilium simul & mediocrium de gente Anglorum qui tempore Finnani & Colmanni Episcoporum (hi erant Scoti ex Scotiâ ad Christum Anglis prædicandum missi) relictâ

De statu hominis, veteris simul ac nouæ Ecclesiæ,
 Insula patriæ vel diuinæ lectionis, vel continentioris vitæ gratiâ illo secesserant.
 siquidem quidam mox se monastica conuersationis fideliter mancipauerunt; alij
 magis circumuendo per collas magistrorum lectioni operam dare gaudebant, quos
 omnes Scoti libentissimè suscipientes, victum eis quotidianum sine pretio, libros
 quoque ad legendum & magisterium gratuitum præbere curabant. Et alibi in
 eadè hystoriâ, Gens (inquit) illa (de Scoticâ loquitur) quæ nouerat scien-
 tiâ diuinæ cognitionis libenter ac sine inuidiâ populis Anglorum communicare cu-
 rant. Et alio loco eiusdem hystoriæ, Imbuebantur (inquit) à præcepto-
 ribus Scotis paruuli Anglorum. Michaël ab Ilsest in hystoriâ sui temporis
 pagina 119, loquens de Reginâ Mariâ hæc habet. Capitur & ad pœnas
 poscitur optima potentissimaque Regina, quæ non vi, non dolo malo, sed legitimâ
 optimè de regno meritorum patrum successione imperium erat adepta. Profliga-
 tur itaque sincera, vera & sola saluifica fides, quam Victor ibidem Pontifex
 Romanus sub annum CCIII. plantauit, quam Cælestinus Papa anno Domini
 CCCCLII. à Pelagianis Anglis quibusdam in locis contaminatam, misso Palladio
 sub Duzardo Rege Scotorum XLII. reformauit, quam ipsi Scoti mille trecentos
 quinquaginta circiter annos (quod de nullâ gente Septentrionali dici potest)
 constanter defenderunt, & nouâ nunquam audita, nuper à stygijs paludibus
 emersa in eius locum intruditur. Aubertus Miræus vir grauis & doctus in
 fastis Belgicis & Burgundicis in sancto Vafnolpho ita loquitur. Non
 satis fuit Scotis doctrinam Christianam apud Hebridum, Orcadium, aliarumque
 Insularum vicinarum incolas publicasse, sed suis minimè contenti angustijs apud
 exteras etiam gentes summo eam studio propagarunt. Huius rei testes sunt san-
 ctus Mansuetus primus Tullensium in Lotharingiâ Episcopus, sanctus Rumoldus
 Machlinsium Patronus, sanctus Colmannus Martyr, sanctus Vafnolphus &
 alij innumerabiles. Idem testantur plurima Scotorum olim per Germaniam mo-
 nasteria, in his Ratisbonense sancti Iacobi in vrbe, & alterum Ratisbonense san-
 cti Petri extra muros & rrbis, Erfodiense sancti Iacobi &c. Petrus Cudsemius
 in Apologetico pro tractatu de desperata Caluini causâ sic loquitur.
 Scotia quæ Angliâ cõsigna est & vnam cum ea Insulam nomine Magnam Bri-
 tanniam facit, Reges circiter nonaginta magna Dei benedictione per annos 1300.
 & amplius sibi inuicem succedentes à Donaldo primo Scotorum Principe Chri-
 stiano, qui à sancto Victore Papâ & Martyre in fidem Christi baptizatus est
 anno Christi 197. vsque ad Iacobum sextum hodie Magna Britannia Regem, qui
 tamen & ipse prouidâ matris Catholica, & sanctæ Martyris Mariæ cura, Ca-
 tholicè baptizatus est, sed hæreticè à præfatis & præceptoribus institutus fuit,
 Apostolicam religionem Romanæ Ecclesiæ constanter & mordicus tenuerunt.
 Inter quos sanctitatis & martyrij gloriâ splendet sanctus Rumoldus Davidis

Scotia Regis filius, Mechliniensis in Brabantia Apostolus, & primus Episcopus, &c. Middendorpius lib. 8. Academiarum, cum de Culdæis patribus Scotis egisset, subiicit. Quorum discipuli Kentigerius, Columbus, Patricius, Sernanus, Ternanus, Aidanus & alij multi tantos progressus in Christiana fide fecere ut subsequenti ætate Scotticis Monachis nihil sanctius, nihil eruditius fuerit, & in uniuersam Europam sanctissimorum virorum examina emisissent, quibus Fulda Germania, sanctus Gallus Heluetia, aliæque vrbes & monasteria originem debent suam.

QVIBVS NOMINIBVS FVERIT OLIM
SCOTIA APPELLATA.

Scotiam nostram olim nominibus Caledoniæ, Albionis, similibus insignitam fuisse nemo est qui dubitet, olim tamen Scotiam appellatam negant Capgranius Anglus, Geraldus Cambrensis, Canellus, Roirk, Fizimon, Stanihustus, & alij Hiberni, solam Irlandiam suam ita nominatam fuisse contendentes. Hi tamen inter se non conveniunt quamdiu ipsorum Irlandia fuerit appellata Scotia. Fizimon in suo catalogo Sanctorum Hibernicorum ita appellatam vult usque ad annum Christi 1000. & amplius, & in epistola ad librum contra Rodericum existimat tempore sancti Bernardi adhuc ita vocatam. Donatus Roirk in sua Hiberniâ resurgente vult illud nomen retinuisse solum usque ad extinctionem Pictici Principatus, quo exciso partem illam Britannicæ, quæ nunc Scotia vocatur incœpisse hoc pacto appellari. Alij alia, & consentientia non dicunt.

Verum hæc omnia falsa sunt nullaque ratione cum veritate consistere possunt, & sanè discordia ipsorum aduersariorum de tempore manifestè ostendit falsitatem sententiæ ipsorum. Nos ex autoribus primò ostendemus Scotiam nostram à Christi temporibus ita appellatam, deinde probabimus fuisse etiam appellatam Hiberniam. Incipiamus à primo. Sæculo 13 Irlandiam non fuisse appellatam Scotiam, sed eam Britannicæ partem, quam iam Scotiam appellamus, patet manifestè ex Capgranio, qui eodem sæculo vel paulò post floruit, quique ipsorum sententiæ patrocinatur, qui in vitâ sancti Columbani ita loquitur. *Beatus Columbanus in Hiberniâ Insula in Oceano sita, quam Scotorum gens inhabitat ortus est. Hibernia enim antiquitus Scotia dicta est.* Vides hic ex Capgranio Hiberniam siue Irlandiam non suo tempore, sed olim iuxta ipsius sententiam ita fuisse appellatam. A Capgrauio pergamus ad

Richardum de sancto Victore, qui floruit eodem quo sanctus Bernardus tempore. Is ergo lib. 3. excep. cap. 7. de Insulis agens expresse distinguit Hiberniam Irlandicam, siue Irlandiam à Scotiâ atq; si Irlandia siue ipsorum Hibernia fuit tunc appellata Scotia non ita fecisset, audimus ipsum loquentem. *In Oceano Septentrionali ab Oriente in Occidentem, Insula Phæliorum, Albatia, Hyperborea. &c. Orcades, Tile, Scotia, Britannia, Hibernia &c.* Quid clarius? distinguit hic Angliam à Britonibus Britanniam appellatam, Scotiam, Hiberniam seu Irlandiam secundum propria ipsorum nomina. Post Richardum de sancto Victore uti possumus contra aduersarios testimonio Giraldi Cambrensis qui quamuis in ipsorum sit sententiâ, Irlandiam nempe olim appellatam Scotiam, tamen ut fatetur Stanihustus Hibernus in annotationibus suis in caput 17. eiusdem Giraldi expresse vult tantum olim ita appellatam. Vixit autem Giraldus teste eodem Stanihusto in vita sancti Patricij, circa annum salutis 1176. A Giraldo pergamus ad Sigebertum, qui obiit anno Christi 1112. hic in chronico ad annum Christi 394. de sancto Patricio ita loquitur. *Sanctus Patricius Scotus in Hiberniâ cum suis sororibus venditur, ubi cum esset Regis portarius Angeli alloquio sepe fruitur.* Quid clarius à quopiam dici potuit? Homo Gallus secernit Scotum ab Hiberno Irlando, & Scotiam ab Hiberniâ Irlandicâ. Post Sigebertum accedat Beda qui clarissimè ostendit Scotiam nostram hoc nomine dum ipse viueret appellatam: libro enim 3. hystoriz cap. 3. ita loquitur. *Misit (nempe Osualdus Rex) ad maiores natu Scotorum inter quos exulans ipse baptismatis sacramenta cum his qui secum erant, misissibus consequutus erat, petens ut sibi mitteretur Antistes cuius doctrina & ministerio gens, quam regebat Anglorum dominica fidei dona disceret & susciperet sacramenta.* Neque aliquando tardius quod petiji impetrauit. *Accepit namque Pontificem Aidanum summa Mansuetudinis & pietatis ac moderaminis virum.* Et paulò post *Exinde [inquit] cæpere plures per dies de Scotorum regione venire in Britanniam atque illis Anglorum prouincijs, quibus regnauit Osualdus magna deuotione verbum Dei predicare.* Ex hoc loco clarissimè habemus nostros Bedæ temporibus Scotos vocatos. Alit enim Beda misisse Osualdum ad maiores natu Scotorum & exinde cœpisse plures de Scotorum regione in Britanniam, hoc est terram Britonum, vel Angliam ad Christum prædicandum venire, atque Osualdus non misit ad Hibernos Irlandicos, sed ad nostros; nostri igitur non Hiberni Irlandici ab ipso Scoti vocantur: non misisse autem Osualdum ad Hibernos Irlandicos clarum est; nam ab illis ad quos misit, habuit sanctum Aidanum, sed

Aidanum

Aidanum sanctum non habuit ab Hibernis Irlandicis, sed à nostris ut ex ipso Beda evidens est: ait enim, *Monachi erant qui ad predicandum venerant, Monachus ipse Aidanus, ut pote Insula quæ dicitur Hoy destinatus, cuius monasterium in cunctis pene Septentrionalium Scotorum & omnium Pictorum monasterijs non paruo tempore arcem tenebat.* Vides Bedam asserere Aidanum sanctum missum fuisse ex Insula Hoy, quæ Hebridibus una est, alio nomine Iona appellata adhuc una cum aliis Hebridibus sub Scotorum imperio manens, ut bene testatur Ioannes Camertis in enarrationibus suis in Solinum, ubi de Hebridibus agens, *Hæ omnes Insule (inquit) Scotia Christianissimo Regi subesse dicuntur.* Nec tantum fuit Insula Hoy sub Scotorum imperio, verum etiam 48. Regum sepultura insignis; constat namque usque ad Malcolmii tertij tempora, Scotorum Regum funera sumptuosissimo apparatu in hanc Insulam atratis classibus deducta fuisse. Accedit quod Beda ait monasterium Insulæ Hoy, ex quo profectus est Aidanus in cunctis pene Septentrionalium Scotorum & omnium Pictorum monasterijs non paruo tempore arcem tenuisse; Pictos verò cohabitasse Scotis duntaxat, qui in eâ Britannia parte quæ nunc Scotia, omnium vox una. Denique hæc Bedæ verba de nostra Scotia dicta intellexerunt illustrissimus Cardinalis Baronius tomo 8. ad annum 634. Arnoldus Mermannius in theatro conversionis Gentium, Polydorus Virgilius libro 4. Sigebertus in chronico ad annum 651. Hermannus Contractus in chronico ad annum 651. Nicolaus Harpsfeldius Anglus in hystoriâ sua Ecclesiastica Anglicanâ, mendacissima alioquin & apertis falsitatibus plena. Ex nostris Ioannes Maior libro 2. de gestis Scotorum capite 10. Ioannes Lessæus lib. 4. hystoriæ Scoticæ, Hector Boëtius lib. 9. eiusdem hystoriæ. Secundò nostros fuisse vocatos Scotos tempore Bedæ clarissimum redditur ex capite primo libri primi hystoriæ Anglicanæ eiusdem Bedæ, ubi hæc habet, *Hæc (nempe Britannia) in præsentia iuxta numerum librorum quibus lex divina scripta est, quinque gentium linguis unam eandemque summe versutis & veræ sublimitatis scientiam scrutatur & consistetur, Anglorum videlicet, Britonum, Scotorum, Pictorum, & Latinorum, quæ meditatione scripturarum ceteris omnibus est facta communis.* Vides hic Bedam populum aliquem in Britannia suo tempore ponere, eumque Scoticum appellari. Confirmatur hoc idem, nam paulò post explicans Beda, unde hæc quatuor nationes in Britanniam venerint, ait Britones de tractu Armericano; Pictos de Scythiâ; Scotos verò duce Reuda (intellige de reditu ipsorum in Scotiam) de Hibernia egressos & ferro sibimet in Britannia

sedes vendicasse. Procedente tempore (inquit Beda) Britannia post Brito-
nes & Pictos tertiam Scotorum nationem in Pictorum parte recepit, qui duce
Reuda de Hibernia egressi, vel amicitia vel ferro sibimet inter eos sedes, quas
hætenus habent vindicarunt. Alia loca clarissima breuitatis causa omitto,
neque hæc nisi quorundam pertinacia vel potius ignorantia me coe-
gisset, attulissem.

Anno etiam Christi 596. Scotos nostros ita fuisse nuncupatos luce
clarius est ex sancto Isidoro Hispalensi Episcopo qui hoc tempore factus
est Hispalensis Episcopus; is ergo 14. originum cap. 6. agens de Insulis
hæc habet, *Scotia eadem & Hibernia proxima Britannia Insula, spatio terra-
rum angustior, sed situ sæcundior: hæc ab Africa in Boream porrigitur,
cuius partes priores in Iberiam & Cantabricum Oceanum intendunt, unde
& Hibernia dicta est. Scotia autem à Scotorum gentibus creditur appellata.*
Ex hoc testimonio duo colligo. Primum Scotiam nostram appellatam
fuisse Hiberniam, quod paulò post fusè ostendam. Secundum ipsum
existimare ita appellatam, quod in Hiberniam siue Iberiam & Can-
tabricum Oceanum partes eius priores intendant. Tertium fuisse na-
tionem aliquam Scoticam ipsius tempore distinctam ab Hibernica
Irlandica: nam patriam huius nationis Scoticæ vult appellari Hiber-
niam, eo quod in Hiberniam partes eius priores intendant: Et verò ita
intellexit sanctum Isidorum Vincentius in speculo historiali lib. 1. cap.
75. ubi sanctum Isidorum citat, verbaque ipsius citata affert: Vincentij
verba sunt hæc, *Scotia eadem & Hibernia proxima Britannia Insula, spatio
terrarum angustior, sed situ sæcundior, hæc ab Africa in Boream porrigitur,
cuius partes priores in Hiberniam & Cantabricum Oceanum intendunt, unde
& Hibernia dicta est: Scotia autem à Scotorum gentibus creditur appellata.*
Ecce ipsa sancti Isidori verba nullo prorsus mutato præter Iberiam in
Hiberniam clauitatis causa & ad æquiocationem tollendam, quæ
erat in voce Iberiæ, vt pote communi Hispaniæ & Irlandiæ. Aduerte
diligenter verba illa *partes priores intendunt*, quia nempe Hebrides ex
vna parte respiciunt Cantabriam, ex alia Hiberniam Irlandicam: hæc
autem verba nulla ratione de Irlandia intelligi possunt. Ex his habe-
mus 596. Scotos nostros ita fuisse nuncupatos, probandum mihi nunc
est tempore Adriani Cæsaris ita appellatos; hoc autem non minus cla-
rum est ex Floro Poëta qui in eum ita ludit,

*Ego volo Cæsar esse,
Ambulare per Britannos,
Scoticas pati pruinat.*

Vides in Britannia Scoticas pruinas. Tempore etiam Claudij Cæsaris ita appellatos constat ex loco Senecæ superius citato.

*Ille Britannos ultra noti littora ponti
Et cæruleos Scoto-Brigantes dare Romuleis
Colla carentis iussit, & ipsum nona Romana
Iura securis tremere Oceanum.*

Sed quia superius de hoc loco satis multa dixi non est quod in præsentì pluribus eum expendam. Ex his satis probatum manet Scotiam nostram olim hoc pacto nominatam. Videndum iam est fueritne Scotia nostra olim vocata Hibernia. Clarissimum est fuisse, primò ex loco paulò ante citato ex Isidoro & Vincentio. 2. ex Beda, qui rem ita claram reddit ut omnem dubitationem tollat, nam libro 4. suæ hystoriæ agens de Egfrido Northumbrorum Rege exercituque ipsius duce Berto in Scotiam contra Scotos misso ita loquitur ut aliquando Scotiam aliquando Hiberniam nominet. Anno (ait Beda lib. 4. cap. 26.) Dominica Incarnationis 634. Egfridus Northumbrorum Rex, misso in Hiberniam cum exercitu Duce Berto, vastavit miserè gentem innoxiam & nationi Anglorum semper amicissimam (siquidem Egfridi pater Osuus Rex, & Patruì omnes Osuualdus qui & postea martyr, Vanfredus & Osuik & Ebba auita perhumaniter ab Eugenio Scotorum Rege excepti & fidem Catholicam edocti fuere) ita ut nec Ecclesijs quidem aut monasterijs manus parceret hostilis, & anno post hunc proximo idem Rex cum temerè exercitum ad vastandam Piëtorum provinciam duxisset, multum prohibentibus amicis, & maximè beatæ memoria Cuthberto, qui nuper fuerat ordinatus Episcopus, introductus est (simulantibus fugam hostibus) in angustias inaccessorum montium, & cum maxima parte copiarum, quas secum adduxerat, extinctus, anno ætatis suæ 40. Regni autem 15. die 13. calendarum Iuniarum. Et quidem, ut dixi, prohibuerunt amici ne hoc bellum iniret, sed quomodo anno præcedente noluerat audire Reuerendissimum Patrem Egbertum, ne Scotiam nihil se ledentem impugnaret, datum est illi ex pœna peccati illius ne nunc eos qui ipsum ab interitu reuocare cupiebant, audiret. Ex quo tempore spes cæpìs & virtus Anglorum fluere ac retro sublapsa referri. Nam & Piëti terram possessionis suæ: quam tenuerunt Angli, & Scoti. quierant in Britannia, & Britonum quoque pars nonnulla libertatem receperunt. Vides hic Bedam aliquando patriam nostram Hiberniam, aliquando Scotiam appellare. Quod verò illa Scotia quam Hiberniæ nomine indigitat, sit nostra pars, nam post mortem Egfridi Northumbrorum Regis ait gentem Scotticam quam ille vexaverat libertatem recepisse. Illa autem quæ recepit libertatem fuit Sco-

tica gens quæ erat in Britannia, nam verba Bedæ sunt, *Et Scoti qui erant in Britannia, & Briconum quoque pars nonnulla libertatem receperunt.* Ex quo loco pariter colliges id quod supra probauimus tempore Bedæ nostram gentem tunc Scotticam appellari consueuisse. Denique Scotiam nostram hic appellari Hiberniam existimauit Illusterrimus Cardinalis Baronius tomo 8. ad annum Christi 684. his verbis, *Vocat author (nempe Beda) Scotiam Hiberniam.* Vide Ioannem Lessæum Episcopum Rossensem lib. 4. hystoriæ Scotticæ, Boëtium lib. 9. eiusdem hystoriæ in Eugenio Buchananum lib. 5. qui referunt Egfridum Northumbriæ Regem anno Christi 684. dissuadentibus amicis & præcipuè Egberto sancto coniunctis sibi Pictorum copijs Scotiam ingressum & Eugenium Scotorum Regem hoc nomine quintum bello aggressum. Verùm cessantibus in pugna Pictis ab Eugenio superatum Egfridum, & amissis ad 20. milia Saxonibus, saucium cum paucis euasisse. Proximo autem anno æquè dissuadentibus amicis in Scotos & Pictos præcipuè duxit exercitum, sed ab ijs fugam simulantibus in insidias tractus Egfridus Rex cum suis omnibus interimitur. Atque hic sit secundus ex Beda locus longè clarissimus quem de nostra Scotia, vt vidimus, intelligunt Baronius, Boëtius, Lessæus, & alij, ipsaque Bedæ verba manifestè euincunt.

Tertiò, idem facillè ostenditur ex vita sancti Columbæ Scoti ante mille annos à sancto Adamanno Scoto conscripta, & habetur apud Henricum Canisium tom. 5. ant. lect. Loquens igitur Adamannus sanctus de sancto Columba ait, *Alio itidem tempore sanctus in Iona conuersans Insula repente inter legendum summo, cum ingenti admiratione, gemitu ingemuit mæsto, quod videns qui præsens erat, Lugens cepit ab eo percontari subiti causam mæoris, cui sanctus valde mæstificatus hanc dedit responsum, Duo quidem nunc Regij generis viri in Scotia mutuis inter se vulneribus transfixi disperierunt, haud procul à monasterio quod dicitur Cellarois, in prouincia Magdonorum (alij legunt Magdonallorum) & octaua debinc peracta hebdomada, ultra freum aliquis clamitabit, qui de Hibernia veniens hac taliter facta enarrabit. Sed hoc ò filiule, quandiu vixero nemini indices, &c. audis quam prius Scotiam vocauerat Hiberniam postea appellare. At quæ quæso regio Adamanno sancto est Scotia? Est illa cuius Rex erat Aidanus, quique precibus sancti Columbæ (quamuis amissis in prælio duobus filijs) contra Brudeum Pictorum & Ethelfredum Anglorum Reges præclaram obtinuit victoriam. Illa in qua post Aidanum Regem regnauit Eugenius eius filius, vt illi sanctus Columba prædixit.*

In tempore alio [inquit sanctus Adamannus in eadem vita] hoc est post multos annorum transcursum, cum esset vir sanctus in Iona Insula, subit dicit ad suum ministratorem, Cloccam pulsa: cuius sonitu fratres incitati ad Ecclesiam ipso sancto præsule præeunte ocyus currunt, ad quos ibidem flexis genibus dixit, nunc intente pro hoc populo & Aidano Rege Dominum oremus, hac enim hora ineunt bellum (Brudeus scilicet Pictorum Rex & Ethelfredus Anglorum in Aidanum Scotorum Regem conspirant) & post modicum intervallum egressus oratorium respiciens in cælum inquit, Nunc Barbari in fugam vertuntur, Aidanoque licet infelici (Duos quippe filios Arthurum & Dunganum in hoc prælio amisit) tamen concessa est victoria. Sed & de numero de exercitu Aidani interfectorum trecentorum & trium virorum vir beatus prophetice narravit. Alio quoque tempore ante supradictum bellum sanctus Aidanum Regem Scotorum interrogabat de regni successore. Illo respondente, nescire quis esset de tribus filiis regnaturus: sanctus consequenter hoc modo profatu nullus ex his tribus erit regnaturus; nam in bello cadent ab inimici trucidandi. Sed nunc si alios iuniores habeas, ad me veniant, & quem ex eis elegerit Dominus Regem, subito in meum irruet gremium. Quibus accitis secundum verbum sancti Eugenius [vitiose Euchodius] adueniens in sinu eius recubuit: statimque sanctus eum osculatus benedixit, & ad patrem ait: hic erit superstes & Rex post te regnaturus &c. Vides Aidanum Scotia Regem: vides Eugenium eius filium post ipsum regnaturum: At cuius Scotia Rex Aidanus? cui Scotia præfuit postea Eugenius eius filius? omnium una vox in Scotia nostra hæc facta sunt, & ignorantes docebunt hystorici nostri præsertim Lessus Episcopus lib. 4. hyst. in Aidano, Boëtius lib. 9. hystorix, Maior & alij. Multa similia loca quæ ex vita sancti Columbæ deduci possunt brevitatis causa omitto, tantum monitum volo lectorem ex eis manifestè haberi plurimos ex nostris sanctis, quos Irlandi suos esse volunt. ex nostra Scotia esse.

Quartus locus quo ad hoc idem probandum vtor, est ex martyrologio Romano, quod ad 16. Decembris ita de sancto Beano Episcopo loquitur, *Aberdon in Hibernia sancti Beani Episcopi*. Quæro hic ab aduersarijs vbinam sit Aberdonia vel Aberdo Episcopalis sedes? in Irlandiane an in Scotia nostra? in Irlandia esse, ni fallor, non dicent, clarum enim est nullam talem Episcopalem sedem in Irlandia nec esse nec fuisse. At in Scotia nostra extat celebris & antiqua ciuitas Aberdonia nuncupata supra Donam fluuium sita Episcopali sede & vniuersitate nobilis, cuius ciuitatis primum Episcopum fuisse sanctum Beannum scimus, qui præfuit sedi Episcopali Murthlacensi postea Aberdo-

niam translata. Dicent fortassis Irlandi illum non fuisse Episcopum Aberdoniæ. Respondeo falsum omnino hoc esse: nam vt bene aduertit Molanus ad 16. diem Decembris Martyrologij Archiepiscopi Adonis, fuit sanctus Beanus primus Episcopus Aberdonensis & Confessor. Ex quo colliges patriam in qua est Aberdonia vocari Hiberniam. Secundò illum fuisse primum Episcopum Aberdonensem asserit Cardinalis Baronius in annotationibus suis ad martyrologium Romanum. *Fuit hic (nempe Beanus sanctus) Episcopus Aberdonensis.* Omitto de industria nostros hystoricos.

Quinto loco hoc idem testatur manifestè Tritemius, qui ostendit Hebridas Insulas (quod valde contra Irlandos ad soluenda multa quæ ab ijs obijci solent, notandum est. aliquando vocatas fuisse Scotiam aliquando Hiberniam: nam libro de scriptoribus Ecclesiasticis de sancto Adamanno Scoto agens ita loquitur, *Adamannus presbyter & Abbas monasterij Huensis quod sanctus Columbanus quondam construxit in Insula Scotia.* Videsne velle Tritemium monasterium Hnense quod erat in Insula Huy siue Iona, esse in Insula Scotiæ: audi iam eundem Tritemium lib. 4. de viris illustribus ordinis sancti Benedicti capite 137. de sancto Aidano Scoto loquentem. *Aidanus, inquit, monachus cænobiij Huensis in Hibernia.* Quod antea in Scotia Hebridum nempe vna dixit esse iam in Hibernia collocat.

Sexto loco idem constat ex Bozio lib. 8. de signis Ecclesiæ cap. 7. vbi enumerans singularia euenta Scotiæ nostræ ita loquitur. *Secundum, inquit, sit Scotiæ nationis admirandum, nulla gens è Boicalibus tandiu perstitit in vnanimi religionis consensu vt Scotica: constat ex Annalibus Prosperi anno 434. missum à Cælestino Pontifice Palladium Episcopum ad Scotos, sed adiicit Prosper, iam credentes in Christum. Quocirca tradunt in Scotia quæ tunc erat Hibernia, Christi cultum disseminatum eodem tempore quo in Britannia.* Vides hic Scotiam nostram eo tempore quo fidem amplexa est, fuisse Hiberniam, & appellatam fuisse Hiberniam. nihil clarius.

Septimo loco idem testatur antiquus ille author vitæ sancti Kiliani Martyris apud Surium tomo 4. *Sanctus Kilianus, inquit, è Scotorum genere nobilibus ortus parentibus diuine gratiæ factus est nobilitate clarissimus. Scotia quæ & Hibernia dicitur, Insula est maris Oceani, secunda quidem glebis sed viris sanctissimis clarior: è quibus Columbano gaudet Italia, Gallo dicitur Alemannia, Kiliano Francia nobilitatur.* Quid clarius? hic Scotiam ex qua fuit Kilianus sanctus vult dici etiam Hiberniam. At ex qua precor, Scotia fuit Kilianus? ex illa, inquit Posseninus in apparatu sacro,

eius Monachis Scotis ob eius memoriam monasterium fuit erectum Herbipoli: verba Possuini sunt hæc. *Kilianus Scotus Monachus & Martyr scripsit contra peregrinos cultus, passus est anno 689. 8. idus Iulij. Beda in Martyrologio. Is Herbipolensium Episcopus ad Mœnnm fluvium Christi Domini fidem prædicans mortem subiit: ob cuius memoriam fundatum fuit pro gente Scotorum monasterium.* Ex illa Scotia fuit Kilianus, cuius Monachis ipse Herbipolensis Episcopus Embricho in gratiam Kiliani Martyris monasterium erexit & redditibus ditavit, ut idem Embricho in literis foundationis eiusdem testatur apud Tritermum in chronico monasterij sancti Iacobi Scotorum his verbis. *In nomine sanctæ & individua Trinitatis Embricho Dei gratia Vuirseburgensis Ecclesiæ Episcopus. Ratio diuinitus nobis creditæ dispensationis exposculabat omnibus nostræ speculationis præsidio ex debito suæ conditionis amplectentibus nos pro studio respondere, ac summa providentia ne in posterum à sui iuris statu sorte declinare contingat providere. Ad notitiam tam præsentium quàm futurorum Christi fidelium volumus peruenire, qualiter nos in primis, cum Dei intuitu tum pro Reuerentia pretiosi Martyris Kiliani Scotos collegerimus. Vides hic Episcopum in gratiam Kiliani Martyris Scotos colligere. At quos quæso collegit? quibus erexit monasterium? nobis certè, qui adhuc illud possidemus, nobis extra quos non solum nullus eidem præfici potuit, sed nec in eodem admitti, ut clarè testantur literæ Alexandri sexti Pontificis Maximi de reformatione eiusdem monasterij ad Laurentium Episcopum Herbipolensem his verbis. Venerabilis frater salutem & Apostolicam benedictionem. Accepimus quod in monasterio sancti Iacobi Maioris Scotorum ordinis sancti Benedicti tue Diœcesis, non longè ab arce tua Herbipoli constituto à primæua ipsius monasterij fundatione solum Monachi Scoti recipi possint &c.* Nobis quibus, cum ob penuriam Monachorum Scotorum Germanis fuisset traditum, restitutum fuit, teste Busæo loco citando ab illustrissimo Principe ac Domino D. Iulio Herbipolensi Episcopo anno M.D.XCV. Vide Tritermum loco citato, Ioannem Busæum in opera pia Tritermij, ubi hæc quæ diximus vera esse testatur. Vide præterea Ioannem Maiorem de gestis Scotorum lib. 2. Aubertum Mirzum in orig. Benedict. & alios. Quod de monasterio Herbipolensi dictum est idem omnino de alijs Scotorum monasterijs in Germania dicendum est. In particulari autem de monasterio Viennensi idem dicendum esse constat ex literis summi Pontificis Urbani Octavi nunc regnantis olim Scotiæ nostræ dignissimi ac optimi Protectoris ad Ferdinandum Cæsarem nunc etiam regnantem de restitutione eiusdem monasterij his verbis.

Insula patriâ vel diuinâ l'ctionis, vel continentioris vitæ gratiâ illo secesserant: siquidem quidam mox se monastica conuersationi fideliter mancipauerunt; alij magis circumeundo per cellas magistrorum l'ctionis operam dare gaudebant, quos omnes Scoti libentissimè suscipientes, victum eis quotidianum sine pretio, libros quoque ad legendum & magisterium gratuitum præbere curabant. Et alibi in eadē hystoriâ, Gens (inquit) illa (de Scotiâ loquitur) quæ nouerat scientiâ diuinæ cognitionis libenter ac sine inuidiâ populis Anglorum communicare curauit. Et alio loco eiusdem hystoriæ, Imbuebantur (inquit) à præceptoribus Scotis paruuli Anglorum. Michaël ab Isselt in hystoriâ sui temporis pagina 119, loquens de Reginâ Mariâ hæc habet. Capititur & ad pœnas poscitur optima potentissimaque Regina, quæ non vi, non dolo malo, sed legitimâ optimè de regno meritorum patrum successione imperium erat adeptâ. Prostrigatur itaque sincera, vera & sola saluifica fides, quam Victor ibidem Pontifex Romanus sub annum CCIII. plantauit, quam Cælestinus Papa anno Domini CCCCLII. à Pelagianis Anglis quibusdam in locis contaminatam, misso Palladio sub Dugardo Rege Scotorum XLII. reformauit, quam ipsi Scoti mille trecentos quinquaginta circiter annos (quod de nullâ gente Septentrionali dici potest) constanter defenderunt, & nouâ nunquam audita, nuper è stygij paludibus emersa in eius locum intruditur. Aubertus Miræus vir grauis & doctus in fastis Belgicis & Burgundicis in sancto Vafnolpho ita loquitur. Non satis fuit Scotis doctrinam Christianam apud Hebridos, Orcadam, aliarumque Insularum vicinarum incolas publicasse, sed suis minimè contenti angustijs apud exterâs etiam gentes summo cum studio propagarunt. Huius rei testes sunt sanctus Mansuetus primus Tullensium in Lotharingiâ Episcopus, sanctus Rumoldus Machlinensium Patronus, sanctus Colmannus Martyr, sanctus Vafnolphus & alij innumerabiles. Idem testantur plurima Scotorum olim per Germaniam monasteria, in his Ratisbonense sancti Iacobi in vrbe, & alterum Ratisbonense sancti Petri extra muros vrbis, Erfodiense sancti Iacobi &c. Petrus Cudsemius in Apologetico pro tractatu de desperata Caluini causâ sic loquitur. Scotia quæ Angliâ coniuncta est & quæ cum ea Insulam nomine Magnam Britanniam facit, Reges circiter nonaginta magna Dei benedictione per annos 1300. & amplius sibi inuicem succedentes à Donaldò primo Scotorum Principe Christiano, qui à sancto Victore Papâ & Martyre in fidem Christi baptizatus est anno Christi 197. vsque ad Iacobum sextum hodie Magnæ Britannia Regem, qui tamen & ipse prouida matris Catholice, & sanctæ Martyris Mariæ cura, Catholice baptizatus est, sed hæreticè à præfectis & præceptoribus institutus fuit, Apostolicam religionem Romanæ Ecclesiæ constanter & mordicus tenuerunt. Inter quos sanctitatem & martyrij gloriâ splendet sanctus Rumoldus Davidis

Scotia Regis filius, Mechliniensis in Brabantia Apostolus, & primus Episcopus, &c. Middendorpius lib. 8. Academiæ, cum de Culdæis patribus Scotis egisset, subiicit. *Quorum discipuli Kentigernus, Columbus, Patricius, Sernanus, Ternanus, Aidanus & alij multi tantos progressus in Christiana fide fecere ut subsequenti ætate Scotticis Monachis nihil sanctius, nihil eruditius fuerit, & in uniuersam Europam sanctissimorum virorum examina emiserunt, quibus Fulda Germaniæ, sanctus Gallus Heluetiæ, aliæque vrbes & monasteria originem debent suam.*

QUIBUS NOMINIBUS FVERIT OLIM
SCOTIA APPELLATA.

SCOTIAM nostram olim nominibus Caledoniæ, Albionis, similibus insignitam fuisse nemo est qui dubitet, olim tamen Scotiam appellatam negant Capgranius Anglus, Geraldus Cambrensis, Canellus, Roirk, Fizimon, Stanihustus, & alij Hiberni, solam Irlandiam suam ita nominatam fuisse contententes. Hi tamen inter se non conueniunt quamdiu ipsorum Irlandia fuerit appellata Scotia. Fizimon in suo catalogo Sanctorum Hibernicorum ita appellatam vult vsque ad annum Christi 1000. & amplius, & in epistola ad librum contra Ridentum existimat tempore sancti Bernardi adhuc ita vocatam. Donatus Roirk in sua Hiberniâ resurgente vult illud nomen retinuisse solum vsque ad extinctionem Pictici Principatus, quo exciso partem illam Britannicæ, quæ nunc Scotia vocatur incerpisse hoc pacto appellari. Alij alia, & consentientia non dicunt.

Verum hæc omnia falsa sunt nullaque ratione cum veritate consistere possunt, & sanè discordia ipsorum aduersariorum de tempore manifestè ostendit falsitatem sententiæ ipsorum. Nos ex authoribus primò ostendemus Scotiam nostram à Christi temporibus ita appellatam, deinde probabimus fuisse etiam appellatam Hiberniam. Incipiamus à primo. Sæculo 13 Irlandiam non fuisse appellatam Scotiam, sed eam Britannicæ partem, quam iam Scotiam appellamus, patet manifestè ex Capgranio, qui eodem sæculo vel paulò post floruit, quique ipsorum sententiæ patrocinator, qui in vitâ sancti Columbani ita loquitur. *Beatus Columbanus in Hiberniâ Insula in Oceano sita, quam Scotorum gens inhabitat ortus est. Hibernia enim antiquitus Scotia dicta est.* Vides hic ex Capgranio Hiberniam siue Irlandiam non suo tempore, sed olim iuxta ipsius sententiam ita fuisse appellatam. A Capgratio pergamus ad

Richardum de sancto Victore, qui floruit eodem quo sanctus Bernardus tempore. Is ergo lib. 3. excep. cap. 7. de Insulis agens expresse distinguit Hiberniam Irlandicam, siue Islandiam à Scotiâ atq; si Irlandia siue ipsorum Hibernia fuit tunc appellata Scotia non ita fecisset, audiamus ipsum loquentem. *In Oceano Septentrionali ab Oriente in Occidentem, Insula Phœliorum, Albatia, Hyperborea. &c. Orcades, Tile, Scotia, Britannia, Hibernia &c.* Quid clarius? distinguit hic Angliam à Britonibus Britanniam appellatam, Scotiam, Hiberniam seu Islandiam secundum propria ipsorum nomina. Post Richardum de sancto Victore uti possumus contra aduersarios testimonio Giraldi Cambrensis qui quamuis in ipsorum sit sententiâ, Islandiam nempe olim appellatam Scotiam, tamen ut fatetur Stanhustus Hibernus in annotationibus suis in caput 17. eiusdem Giraldi expressè vult tantum olim ita appellatam. Vixit autem Giraldus teste eodem Stanhusto in vita sancti Patricij, circa annum salutis 1176. A Giraldo pergamus ad Siebertum, qui obiit anno Christi 1112. hic in chronico ad annum Christi 394. de sancto Patricio ita loquitur. *Sanctus Patricius Scotia in Hiberniâ cum suis sororibus venditur, ubi cum esset Regis portarius Angeli alloquio sæpe fruitur.* Quid clarius à quopiam dici potuit? Homo Gallus secernit Scotum ab Hiberno Irlando, & Scotiam ab Hibernia Irlandicâ. Post Siebertum accedat Beda qui clarissimè ostendit Scotiam nostram hoc nomine dum ipse viueret appellatam: libro enim 3. hystoriæ cap. 3. ita loquitur. *Misit (nempe Osuualdus Rex) ad maiores natu Scotorum inter quos exulans ipse baptismatis sacramenta cum his qui secum erant militibus consequutus erat, petens ut sibi mitteretur Antistes cuius doctrina & ministerio gens, quam regebat Anglorum dominica fidei dona disceret & susciperet sacramenta.* Neque aliquando tardius quod petijt impetrauit. Accepit namque Pontificem Aidanum summæ Mansuetudinis & pietatis ac moderaminis virum. Et paulò post Exinde [inquit] cœpere plures per dies de Scotorum regione venire in Britanniam atque illis Anglorum prouincijs, quibus regnauit Osuualdus magna deuotione verbum Dei prædicare. Ex hoc loco clarissimè habemus nostros Bedæ temporibus Scotos vocatos. Alit enim Beda misisse Osuualdum ad maiores natu Scotorum & exinde cœpisse plures de Scotorum regione in Britanniam, hoc est terram Britonum, vel Angliam ad Christum prædicandum venire, atque Osuualdus non misit ad Hibernos Irlandicos, sed ad nostros; nostri igitur non Hiberni Irlandici ab ipso Scoti vocantur; non misisse autem Osuualdum ad Hibernos Irlandicos clarum est; nam ab illis ad quos misit, habuit sanctum Aidanum, sed

Aidanum

Aidanum sanctum non habuit ab Hibernis Irlandicis, sed à nostris ut ex ipso Beda evidens est: ait enim, *Monachi erant qui ad predicandum venerant, Monachus ipse Aidanus, ut pote Insula quæ dicitur Hoy destinatus, cuius monasterium in cunctis pænè Septentrionalium Scotorum & omnium Pictorum monasterijs non paruo tempore arcem tenebat.* Vides Bedam asserere Aidanum sanctum missum fuisse ex Insulâ Hoy, quæ Hebricum vna est, alio nomine Iona appellata adhuc vna cum aliis Hebridibus sub Scotorum imperio manens, ut bene testatur Ioannes Camertis in enarrationibus suis in Solinum, ubi de Hebridibus agens, *Hæ omnes Insule (inquit) Scotiæ Christianissimo Regi subesse dicuntur.* Nec tantum fuit Insula Hoy sub Scotorum imperio, verum etiam 48. Regum sepultura insignis; constat namque vsque ad Malcolmii tertij tempora, Scotorum Regum funera sumptuosissimo apparatu in hanc Insulam atratis classibus deducta fuisse. Accedit quod Beda ait monasterium Insulæ Hoy, ex quo profectus est Aidanus in cunctis pene Septentrionalium Scotorum & omnium Pictorum monasterijs non paruo tempore arcem tenuisse; Pictos verò cohabitasse Scotis duntaxat, qui in eâ Britannia parte quæ nunc Scotia, omnium vox vna. Denique hæc Bedæ verba de nostra Scotia dicta intellexerunt illustrissimus Cardinalis Baronius tomo 8. ad annum 634. Arnoldus Mermannius in theatro conuersionis Gentium, Polydorus Virgilius libro 4. Sigebertus in chronico ad annum 651. Hermannus Contractus in chronico ad annum 651. Nicolaus Harpsfeldius Anglus in hystoriâ sua Ecclesiastica Anglicanâ, mendacissima alioquin & apertis falsitatibus plena. Ex nostris Ioannes Maior libro 2. de gestis Scotorum capite 10. Ioannes Lestæus lib. 4. hystoriæ Scotiæ, Hector Boëtius lib. 9. eiusdem hystoriæ. Secundò nostros fuisse vocatos Scotos tempore Bedæ clarissimum redditur ex capite primo libri primi hystoriæ Anglicanæ eiusdem Bedæ, ubi hæc habet, *Hæc (nempe Britannia) in presenti iuxta numerum librorum quibus lex diuina scripta est, quinque gentium linguis vnâ eandemque summe veritatis & veræ sublimitatis scientiam scrutatur & confitetur, Anglorum videlicet, Britonum, Scotorum, Pictorum, & Latinorum, quæ meditatione scripturarum ceteris omnibus est facta communis.* Vides hic Bedam populum aliquem in Britannia suo tempore ponere, eumque Scotticum appellari. Confirmatur hoc idem, nam paulò post explicans Beda, vnde hæc quatuor nationes in Britanniam venerint, ait Britones de tractu Armericano; Pictos de Scythiâ; Scotos verò duce Reuda (intellige de reditu ipsorum in Scotiam) de Hibernia egressos & ferro sibimet in Britannia

sedes vendicasse. Procedente tempore (inquit Beda) Britannia post Britones & Pictos tertiam Scotorum nationem in Pictorum parte recepit, qui duce Reuda de Hibernia egressi, vel amicitia vel ferro sibi inter eos sedes, quas via flenus habent vindicarunt. Alia loca clarissima breuitatis causa omitto, neque hæc nisi quorundam pertinacia vel potius ignorantia me coegisset, attulissem.

Anno etiam Christi 596. Scotos nostros ita fuisse nuncupatos luce clarius est ex sancto Isidoro Hispalensi Episcopo qui hoc tempore factus est Hispalensis Episcopus; is ergo 14. originum cap. 6. agens de Insulis hæc habet, *Scotia eadem & Hibernia proxima Britannia Insula, spatio terrarum angustior, sed situ fecundior: hæc ab Africa in Boream porrigitur, cuius partes priores in Iberiam & Cantabricum Oceanum intendunt, unde & Hibernia dicta est. Scotia autem à Scotorum gentibus creditur appellata.* Ex hoc testimonio duo colligo. Primum Scotiam nostram appellatam fuisse Hiberniam, quod paulò post fusè ostendam. Secundum ipsum existimare ita appellatam, quod in Hiberniam siue Hiberiam & Cantabricum Oceanum partes eius priores intendant. Tertium fuisse nationem aliquam Scoticam ipsius tempore distinctam ab Hibernica Irlandica: nam patriam huius nationis Scoticæ vult appellari Hiberniam, eo quod in Hiberniam partes eius priores intendant: Et verò ita intellexit sanctum Isidorum Vincentius in speculo historiali lib. 1. cap. 75. ubi sanctum Isidorum citat, verbaque ipsius citata affert: Vincentij verba sunt hæc, *Scotia eadem & Hibernia proxima Britannia Insula, spatio terrarum angustior, sed situ fecundior, hæc ab Africa in Boream porrigitur, cuius partes priores in Hiberniam & Cantabricum Oceanum intendunt, unde & Hibernia dicta est: Scotia autem à Scotorum gentibus creditur appellata.* Ecce ipsa sancti Isidori verba nullo prorsus mutato præter Iberiam in Hiberniam claritatis causa & ad æquivocationem tollendam, quæ erat in voce Iberiæ, ut pote communi Hispaniæ & Irlandiæ. Aduerte diligenter verba illa *partes priores intendunt*, quia nempe Hebrides ex una parte respiciunt Cantabriam, ex alia Hiberniam Irlandicam: hæc autem verba nulla ratione de Irlandia intelligi possunt. Ex his habemus 596. Scotos nostros ita fuisse nuncupatos, probandum mihi nunc est tempore Adriani Cæsaris ita appellatos; hoc autem non minus clarum est ex Floro Poëta qui in eum ita lusit,

Ego volo Cæsar esse,
Ambulare per Britannos,
Scoticas pati pruinas.

Vides in Britannia Scoticas pruinas. Tempore etiam Claudij Cæsaris ita appellatos constat ex loco Senecæ superius citato.

*Ille Britannos ultra noti littora ponti
Et cæruleos Scoto-Brigantes dare Remuleis
Colla catenis iussit, & ipsum noua Romana
Iura securis tremere Oceanum.*

Sed quia superius de hoc loco satis multa dixi non est quod in præsentibus eum expendam. Ex his satis probatum manet Scotiam nostram olim hoc pacto nominatam. Videndum iam est fueritne Scotia nostra olim vocata Hibernia. Clarissimum est fuisse, primò ex loco paulò ante citato ex Isidoro & Vincentio. 2. ex Beda, qui rem ita claram reddit vt omnem dubitationem tollat, nam libro 4. suæ hystoriæ agens de Egfrido Northumbrorum Rege exercituque ipsius duce Berto in Scotiam contra Scotos misso ita loquitur vt aliquando Scotiam aliquando Hiberniam nominet. Anno (ait Beda lib. 4. cap. 26.) Dominica Incarnationis 634. Egfridus Northumbrorum Rex, misso in Hiberniam cum exercitu Duce Berto, vastauit miserè gentem innoxiam & nationi Anglorum semper amicissimam (liquidem Egfridi pater Osluus Rex, & Patruus omnes Osluualdus qui & postea martyr, Vanfredus & Osluik & Ebba auita perhumaniter ab Eugenio Scotorum Rege excepti & fidem Catholicam edocti fuere) ita vt nec Ecclesijs quidem aut monasterijs manus parceret hostilis, & anno post hunc proximo idem Rex cum temerè exercitum ad vastandam Pictorum prouinciam duxisset, multum prohibentibus amicis, & maxime beata memoria Cuthberto, qui nuper fuerat ordinatus Episcopus, introductus est (simulantibus suam hostibus) in angustias inaccessorum montium, & cum maxima parte copiarum, quas secum adduxerat, extinctus, anno atatis suæ 40. Regni autem 15. die 13. calendarum Iuniarum. Et quidem, vt dixi, prohibuerunt amici ne hoc bellum iniret, sed quomodo anno præcedente noluerat audire Reuerendissimum Patrem Egbertum, ne Scotiam nihil se ladentem impugnaret, datum est illi ex pœna peccati illius ne nunc eos qui ipsum ab interitu reuocare cupiebant, audiret. Ex quo tempore spes capis & virtus Anglorum fluere ac retro sublapsa referri. Nam & Picti terram possessionis suæ: quam tenuerunt Angli, & Scoti. quierant in Britannia, & Britonum quoque pars nonnulla libertatem receperunt. Vides hic Bedam aliquando patriam nostram Hiberniam, aliquando Scotiam appellare. Quod verò illa Scotia quam Hiberniæ nomine indigitat, sit nostra pars, nam post mortem Egfridi Northumbrorum Regis ait gentem Scoticam quam ille vexauerat libertatem recepisse. Illa autem quæ recepit libertatem fuit Sco-

tica gens quæ erat in Britannia, nam verba Bedæ sunt, *Et Scoti qui erant in Britannia, & Briconum quoque pars nonnulla libertatem receperunt.* Ex quo loco pariter colliges id quod supra probauimus tempore Bedæ nostram gentem tunc Scoticam appellari consueuisse. Denique Scotiam nostram hic appellari Hiberniam existimauit Illustrissimus Cardinalis Baronius tomo 3. ad annum Christi 684. his verbis, *Vocat author (nempe Beda) Scotiam Hiberniam.* Vide Ioannem Lessæum Episcopum Rossensem lib. 4. hystoriæ Scoticæ, Boëtium lib. 9. eiusdem hystoriæ in Eugenio Buchanano lib. 5. qui referunt Egfridum Northumbriæ Regem anno Christi 684. dissuadentibus amicis & præcipuè Egberto sancto coniunctis sibi Pictorum copijs Scotiam ingressum & Eugenium Scotorum Regem hoc nomine quintum bello aggressum. Verùm cessantibus in pugna Pictis ab Eugenio superatum Egfridum, & amissis ad 20. milia Saxonibus, saucium cum paucis euasisse. Proximo autem anno æquè dissuadentibus amicis in Scotos & Pictos præcipuè duxit exercitum, sed ab ijs fugam simulantibus in insidias tractus Egfridus Rex cum suis omnibus interimitur. Atque hic sit secundus ex Beda locus longè clarissimus quem de nostra Scotia, vt vidimus, intelligunt Baronius, Boëtius, Lessæus, & alij, ipsaque Bedæ verba manifestè euincunt.

Tertiò, idem facillè ostenditur ex vita sancti Columbæ Scoti ante mille annos à sancto Adamanno Scoto conscripta, & habetur apud Henricum Canisium tom. 5. ant. lect. Loquens igitur Adamannus sanctus de sancto Columba ait, *Alio itidem tempore sanctus in Iona conuersans Insula repente inter legendum summo, cum ingenti admiratione, gemitu ingemuit mæsto, quod videns qui præsens erat. Lugbens cepit ab eo percontari subiti causam mæroris, cui sanctus valde mæstificatus banc dedit responsum, Duo quidem nunc Regni generis viri in Scotia mutuis inter se vulneribus transfixi disperierunt, haud procul à monasterio quod dicitur Cellarois, in prouincijs Magdonorum (alij legunt Magdonallorum) & estina debinc peracta hebdomada, ultra fretum aliquis clamat, qui de Hibernia veniens hac taliter facta enarrabit. Sed hoc ò filiule, quamdiu vixero nemini indices, &c.* audis quam prius Scotiam vocauerat Hiberniam postea appellare. At quæ quæso regio Adamanno sancto est Scotia? Est illa cuius Rex erat Aidanus, quique precibus sancti Columbæ (quamuis amissis in prælio duobus filijs) contra Brudeum Pictorum & Ethelfredum Anglorum Reges præclaram obtinuit victoriam. Illa in qua post Aidanum Regem regnauit Eugenius eius filius, vt illi sanctus Columba prædixit.

In tempore alio [inquit sanctus Adamannus in eadem vita] hoc est post multos annorum transcursum, cum esset vir sanctus in Iona Insula, subitò dicit ad suum ministratorem, Cloccam pulsa: cuius sonitu fratres incitati ad Ecclesiam ipso sancto praesule praerunte ocyus currunt, ad quos ibidem flexis genibus dixit, nunc intente pro hoc populo & Aidano Rege Dominum oremus, hac enim hora ineunt bellum (Brudeus scilicet Pictorum Rex & Ethelfredus Anglorum in Aidanum Scotorum Regem conspirant) & post modicum intervallum egressus oratorium respiciens in caelum inquit, Nunc Barbari in fugam vertuntur, Aidanoque licet infelici (Duos quippe filios Arthurum & Dunganum in hoc praelio amisit) tamen concessa est victoria. Sed & de numero de exercitu Aidani interfectorum trecentorum & trium virorum tri- beatus prophetice narravit. Alio quoque tempore ante supradictum bellum sanctus Aidanum Regem Scotorum interrogabat de regni successore. Illo respondente, nescire quis esset de tribus filiis regnaturus: sanctus consequenter hoc modo profatus nullus ex his tribus erit regnaturus; nam in bello cadent ab inimicis trucidandi. Sed nunc si alios iuniores habeas, ad me veniant, & quem ex eis elegerit Dominus Regem, subitò in meum irruet gremium. Quibus accitis secundum verbum sancti Eugenius [vitiose Euchodius] adueniens in sinu eius recubuit: statimque sanctus eum osculatus benedixit, & ad patrem ait: hic eris superstes & Rex post te regnaturus &c. Vides Aidanum Scotiae Regem: vides Eugenium eius filium post ipsum regnaturum: At cuius Scotiae Rex Aidanus? cui Scotiae praefuit postea Eugenius eius filius? omnium una vox in Scotia nostra haec facta sunt, & ignorantes docebunt hystorici nostri praesertim Lessæus Episcopus lib. 4. hyst. in Aidano, Boëtius lib. 9. hystoriae, Maior & alij. Multa similia loca quae ex vita sancti Columbæ deduci possunt brevitatis causa omitto, tantum monitum volo lectorem ex eis manifestè haberi plurimos ex nostris sanctis, quos Irlandi suos esse volunt. ex nostra Scotia esse.

Quartus locus quo adhuc idem probandum utor, est ex martyrologio Romano, quod ad 16. Decembris ita de sancto Beano Episcopo loquitur, *Aberdone in Hibernia sancti Beani Episcopi*. Quaero hic ab aduersariis ubinam sit Aberdonia vel Aberdo Episcopalis sedes? in Irlandiane an in Scotia nostra? in Irlandia esse, ni fallor, non dicent, clarum enim est nullam talem Episcopalem sedem in Irlandia nec esse nec fuisse. At in Scotia nostra extat celebris & antiqua ciuitas Aberdonia nuncupata supra Donam fluuium sita Episcopali sede & vniuersitate nobilis, cuius ciuitatis primum Episcopum fuisse sanctum Beannum scimus, qui praefuit sedi Episcopali Murthlacensi postea Aberdo-

eius Monachis Scotis ob eius memoriam monasterium fuit erectum Herbipoli: verba Posseuini sunt hæc. *Kilianus Scotus Monachus & Martyr scripsit contra peregrinos cultus, passus est anno 689. 8. idus Iulij. Beda in Martyrologio. Is Herbipolensium Episcopus ad Mœnnm fluvium Christi Domini fidem prædicans mortem subiit: ob cuius memoriam fundatum fuit pro gente Scotorum monasterium.* Ex illa Scotia fuit Kilianus, cuius Monachis ipse Herbipolensis Episcopus Embricho in gratiam Killiani Martyris monasterium erexit & redditibus ditavit, ut idem Embricho in literis fundationis eiusdem testatur apud Tritemium in chronico monasterij sancti Iacobi Scotorum his verbis. *In nomine sanctæ & individua Trinitatis Embricho Dei gratia Vuirseburgensis Ecclesiæ Episcopus. Ratio diuinitus nobis credite dispensationis exposculabat omnibus nostræ speculationis præsidia ex debito suæ conditionis amplectentibus nos pro studio respondere, ac summa providentia ne in posterum à sui iuris statu sorte declinare contingat providere. Ad notitiâ tam præsentium quàm futurorum Christi fidelium volumus pervenire, qualiter nos in primis, cum Dei intuitu tum pro Reuerentia pretiosi Martyris Kiliani Scotos collegerimus. Vides hic Episcopum in gratiam Kiliani Martyris Scotos colligere. At quos quæso collegit? quibus erexit monasterium? nobis certè, qui adhuc illud possidemus, nobis extra quos non solum nullus eidem præfici potuit, sed nec in eodem admitti, ut clarè testantur literæ Alexandri sexti Pontificis Maximi de reformatione eiusdem monasterij ad Laurentium Episcopum Herbipolensem his verbis. Venerabilis frater salutem & Apostolicam benedictionem. Accepimus quod in monasterio sancti Iacobi Maioris Scotorum ordinis sancti Benedicti tue Diœcesis, non longè ab arce tua Herbipoli constituto à primæ ipsius monasterij fundatione solum Monachi Scoti recipi possint &c. Nobis quibus, cum ob penuriam Monachorum Scotorum Germanis fuisset traditum, restitutum fuit, teste Busæo loco citando ab illustrissimo Principe ac Domino D. Iulio Herbipolensi Episcopo anno M.D.XCV. Vide Tritemium loco citato, Ioannem Busæum in opera pia Tritemij, ubi hæc quæ diximus vera esse testatur. Vide præterea Ioannem Maiorem de gestis Scotorum lib. 2. Aubertum Miræum in orig. Benedict. & alios. Quod de monasterio Herbipolensi dictum est idem omnino de alijs Scotorum monasterijs in Germania dicendum est. In particulari aurem de monasterio Viennensi idem dicendum esse constat ex literis summi Pontificis Urbani Octavi nunc regnantis olim Scotiæ nostræ dignissimi ac optimi Protectoris ad Ferdinandum Cæsarem nunc etiam regnantem de restitutione eiusdem monasterij his verbis,*

De statu hominis, veteris simul ac nouæ Ecclesiæ,
 Charissime in Christo fili noster salutem & Apostolicam benedictionem. Scoti-
 canæ nationis, par est nos in Pontificatu, & dignitate facere, & rationibus
 consulere, qui illius patrociniū in Cardinalatu suscepimus. Ad id enim nos
 hortatur & iustitiæ lex, & commiserationis affectus. Non desunt Scotis, qui
 à Catholica religione desciscere noluerunt, assidue periculorum minæ in patria
 in qua perinde atque in exilio delitescere coguntur, cum identidem Hæretico-
 rum crudelitatem sanguine, & auaritiā patrimonij expleant. Quare patien-
 dum non est, quæ exteris in prouincijs bona possident de eorum possessione illos
 cuiuspiam vi disturbari. Iure ergo conquerruntur Viennense monasterium, quod
 Benedictinis Sectis tantummodo patere debet, à Germanis in præsentia occupari.
 Nos autem eorum calamitatem miserantes hortamur Maiestatem tuam, det
 operam, ut quamprimum Scoticanum illud cœnobium Scotis Monachis resti-
 tuatur. Neque enim deerunt in ea gente religiosi sacerdotes, qui pro diuini no-
 minis gloria in monastice disciplinæ restitutione in ea statione excubent. Nego-
 tium hoc differendi uuntio nostro fidem habere poterit Maiestas tua cum Aposto-
 licam benedictionem auarissime impertimur. Datum Romæ apud S. Petrum
 22. April. 1624. Pontificat. nostri anno 1.

Multa alia loca ad hoc idem probandum afferre possem ex Molano,
 Bozio, Tritemio, Mariano Scoto, & aliis, præsertim Beda, qui libro 4.
 hyst. cap. 4. ponit Magio in quo sanctus Colmannus collocauit Mona-
 chos Anglos, & monasterium crexit, in Insula Hiberniæ: at Magio in
 Orcadibus est, ibique adhuc cernuntur fundamenta illius monasterij.
 præterea lib. 5. cap. 16. ait opera sancti Adamanni plurimam partem
 Scotorum in Hibernia: nonnullam etiam partem Britonum in Britan-
 nia rationabile & Ecclesiasticum Paschalis obseruantiz tempus Do-
 mino donante suscepisse. At qui illi Scoti qui obseruantiz Paschalis
 tempus susceperunt? Illi proisus ad quorum correctionem scriptæ
 fuerunt literæ à SS. Laurentio, Mellito, & Iusto: at illas ad nostrorum
 correctionem scriptas euidenter infra euincam, At qui illi Scoti? Illi
 qui erant in Hebridibus præsertim in Insula Huy quam supra Hiber-
 niam vocari ostendimus. Vide Cardinalem Baronium tomo 8. ad an-
 num 664. ubi ostendit Scotos nostros non ex refractaria contentione
 Pascha contra morem totius Ecclesiæ celebrasse, nec fuisse propterea
 schismate aliquo ab Ecclesia separatos. Possem, inquam multa similia
 afferre, verum breuitatis gratia omitto. Tantum monitum cupio Le-
 ctorem ut si quandoque apud auctores, sanctos Scotos legat appellari
 Hibernos, ex his quæ diximus quid sentiendum sit discat, quod idem
 intelligendum est quando Scotia vocatur Hibernia: nomine enim
 Scotiæ

Scotiæ nostra intelligitur, vt ex dictis patet, & euident est in Claudiano qui Scotiæ nostræ luctum describens de strage copiarum nostrarum sic canit.

*Maduerunt Saxone fuso
Orchades, incauit Pictorum sanguine Thule,
Scotorum cumulos fletit glacialis Hiberna.*

Vides Hiberniam suorum cædem deslere. At quæ quæso Hiberniæ illa cuius populus vnà cum Pictis Britanniam vel Britonum patriam continuis bellis vexabat, quod nostros Scotos fecisse testantur omnes antiqui auctores Gildas, Beda, & alij; & satis constat ex muro & vallo Seueri de quo supra paragrapho de antiquitate Christianæ religionis apud Scotos. vnde idem Claudianus exponens apparatus bellicum gentis nostræ quæ vnà cum Pictis coniunctis copijs contra Britones arma mouerant, sic patriam Britonum inducit exultantem de Stiliconis prouidâ & strenua sollicitudine,

*Me quoque vicinis pereuntem gentibus, inquit,
Muniuit Stilico, totam cum Scotos Hiberniam
Mouit, & infesto spumaui remige Tethys,
Illius effectum curis ne bella timerem.
Scotica, ne Pictum tremere, ne litore tuto
Prospicerem dubijs venturum Saxona ventis.*

Totum hoc clarius fiet si duo aduertantur. Primum est Scotos cum quibus Romani bellum gesserunt fuisse in extrema parte Britannæ & extremos Britannos, vt loquitur Claudianus lib. de bello Getico his verbis,

*Venit & extremis legio prætenta Britannis,
Quæ Scoto dat frenâ iruci, ferroque notatas
Perlegit exanimis Pictis moriente figuras.*

Secundum est Romanos non potuisse cum Hibernis Irlandicis tanta bella gessisse quorum patriam constat ex Tacito legione vnâ obtineri facile potuisse etiam ex relatione Reguli cuiusdam Hiberni profugi legione vnâ & modicis auxilijs debellari obtinereque Hiberniam posse.

Quæres cur Scotia nostra appellata fuerit Hibernia. Respondeo sanctorum Isidorum & Vincentium, vt ex supra dictis constat existimare ita vocatam quod in Hiberniam priores eius partes intendant. Verum non placet, quare existimo ita appellatam quod Scoti ex Hiberniâ in Albionem traiecerint postquam ibi ad aliquod tempus hæsisent, vnde quodammodo Hiberni censebantur ac eorum patria Hibernia cum præsertim lingua Hibernica illis cum Hibernis communis tum esset,

Na

De statu hominis, veteris simul ac nouæ Ecclesiæ;
 & hinc est quod nos Scoti adhuc ipsos Scotos montana Scotiæ habitantes in Scotiâ Latine Hibernos nominemus, vel Hibernos Scotos, vt *Be-
 da* Sanctum Columbanum vocat.

NVM A CHRISTI TEMPORIBVS
 HIBERNIA IRLANDICA APPELLA-
 TA FVERIT SCOTIA.

HOC contendunt Capgravius Anglus, Giraldus Cambrensis, Ser-
 rarius, Cauellus, Stanihurstus & alij Hiberni conantes hoc idem
 ex varijs authoribus ostendere.

Stanihurstus probat primo ex antiquo auctore qui de sancto Patricio ita scribit.

*Qui in fisione Domini
 Missus ad Hiberniam
 Quæ plena erat Idolis
 Dura ceruice incredula;*

*Qui tenebras Idololatriæ
 Scoticæ gentis abstulit
 Et prædicauit hominibus
 Fidem præclaro lumine.*

Scoticæ gentis (inquit Stanihurstus) pro Hiberniæ gentis.

Probat secundò ex quodam alio qui de eodem sancto Patricio ita loquitur. *Tempore Theodosij & Valentini Papa Cælestinus ad Scotos in Christum credentes Palladium misit Episcopum, quo defuncto ab eodem missus est ad eos sanctus Patricius, genere Brito, filius Conches, sororis sancti Martini, qui in baptismo quidem dictus est Suchar: à sancto Germano Magonius, à Cælestino ve. d. Patricius, à quo Scotorum Archiepiscopus ordinatus est, per annos 60. sanctitate, signis & doctrinâ excellens. totam Insulam Hibernia conuertit ad Christum. Sanctus autem Patricius dum Scotorum Regi prædicaret, promiscuè (inquit Stanihurstus) nunc Hiberniæ nunc Scotorum mētio fit.*

Tertio probat ex eo quod Cælius Sedulius Poëtam nobilem, Hibernum fuisse perspicuum fit. Eius autem vita à Tritemio & Sixto Senensii ita describitur, *Cælius Sedulius presbyter natione Scotus. Idem nomen (inquit Stanihurstus) ipse Sedulius usurpat in epist. libro Sedulius Scotigena. Eius adnotationes in omnes Diui Pauli Epistolas (inquit idem ita inscribuntur. Sedulij Scoti Hibernensis*

Probat quartò quia sanctus Gallus fuit Hibernus, vt agnoscere etiam videtur Vallafridus Strabus: qui eius acta literis mandauit, in præfatione suâ, & tamen libro 2. capite 46. vocat Scotos de gente ipsius.

5. Probat ex vitâ sancti Kiliani apud Surium tomio 4, Iulij 8. vbi hæc verba reperiuntur. *B. Kilianus è Scotorum genere nobilibus orijs parentibus*

divina gratia factus est nobilitate clarissimus. Scotia quæ & Hibernia dicta est. Quid clarius, inquit Stanihurstus? quid significantius dici potuit?

6. Probat ex Iona in vitâ sancti Columbani cap. 2. qui ita loquitur. Columbanus, qui etiam Columba vocatur, in Hiberniâ ortus est, Insula in extremis Oceano, spectante Titanis occasum, dum vertitur orbis, & lux occidua ponti descendit in umbras. Insula huius situs ut ferunt, amœnus est & immunis ab armis & bellis exterarum nationum. Eam Scotorum gens incolit.

7. Probat ex vitâ sancti Columbæ cuius authorita loquitur, Sanctus Columba prædicens interitum cuiusdam impij scelevatiquè planè, hæc verba facit. Et conuersus ad fratres ait, hic homo filius est perditionis, qui, quam promissit penitentiam, non explebit, sed mox ad Scotiam reuersus ab inimicis percussus peribit. Factumque est ita, nam ad Hiberniam regressus ille miser in manus inimicorum incidens trucidatur.

8. Probat ex eodem authore qui (inquit Stanihurstus) in totius causæ arcem inuadere videtur. Eius verba hæc sunt. Beatus Columbanus in Hiberniâ, Insula in Oceano sita, quam Scotorum gens inhabitat ortus est. Hibernia enim antiquitus Scotia dicta est, de qua gens Scotorum Albaniam Britannia Majori proximam, quæ ab euentu modo Scotia dicitur, inhabitans originem duxit.

9. Probat ex eodem Capgrauio, qui in vitâ sancti Columbæ suam narrationem his verbis terminat. Est autem sciendum quod Hibernia propriè Scotorum est patria.

10. Probat ex venerabili Bedâ, quem ait in multis locis Hiberniata exprimere volentem Scotiam scripsisse. Et lib. 1. Ang. hist. cap. 1. lib. 2. cap. 4. lib. 3. cap. 4. & cap. 27.

Et hæc sunt omnia Stanihursti argumeta, quæ quantum roboris habeant in sequentibus expendendum est. Ut igitur omnia quæ dicturi sumus facilius intelligantur, recolendum est quod supra diximus ex plurimis grauissimisque scriptoribus, Scotos nimirum multis annorum centurijs ante Christi aduentum in Britannia suas fixisse sedes, Christianamque fidem amplexos sub Victore 1. Pontifice maximo & Martyre. Recolendum 2. quod ibidem diximus Scotos post longissimum cum Romanis bellum tandem patriâ pullos à Maximo Tyranno circa annum Christi trecentesium septuagesimum octauum, multosque in Irlandiam, maximam tamen partem in Daniam transmisisse, sicque extra Scotiam 44. circiter annos fuisse, tandem Duce ac Rege Fergusio huius nominis secundo anno Christi 422. honorij verò Imperatoris 28. inito cum Pictis occulto fœdere à Romanis instauratum à se

regnum recepisse. Hanc Scotorum electionem testatur Ado Vienneſis, ætate 6. Iacobus Gordonius Lesmoræus tomo 2. Chronologiæ ad annum Christi 422. Georgius Buchananus lib. 4. hystoriæ Scoticæ, Ioannes Maior, Hector Bæthus, Ioannes Fordinus & alij ex nostris in hystoriâ nostra. Ex quibus tria obiter colliges, 1. quàm falsò Donatus Roſirk in sua Hiberniâ resurgente dixerit Scotos post Fergusij secundi tempora nondum fuisse Britannix habitatores eiusque incolas. Vt enim iam vidimus ex grauissimis historicis Scoti annis ante ipsum à Romanis Duce Tyranno Maximo à suis sedibus pulsi fuerunt. Adde probasse nos superius ex authoribus omni acceptione maioribus, Italis, Germanis. Gallis, Hispanis, Belgis, Anglis, Scotis Scotos nostros vnâ cum Rege suo Donaldò sub Victore Pontifice Maximo & Martyre fidem suscepisse.

• 2. Quàm imperitè alij dicant primum Scotorum Regem fuisse Edgarum, citantes Genebrardum in chronico: vt enim rectè aduertit citatus Gordoniustomo 2. suæ Chronologiæ paulò ante seriem Regum Scotorum. *Hallucinantur plurimum qui Scottæ Reges tantum à Rege primum vnito numerant.* Errori locum fecisse potuit illa ipsa sacra Regum apud Scotos inuñtio quæ non nisi serò in Edgardo & post plures annos à primo Christiano Rege inuecta est. Quod idem alijs nobilissimis Galliæ, Angliæque regnis euenisse fatentur regni vtriusque historiarum conditores. Nec tamen propterea à serie Regum reijciuntur, qui vel à Faramundo Francis, vel à Saxonum aduentu in Britanniam Regali titulo iura dederunt. Nec est quod Genebrardum pro se citent, nam si Genebrardum legissent nunquam illum in testem suæ inſcitix attulissent. Genebrardus enim quando vult Edgarum primum fuisse, intelligit primum ex sacrâ vnctione inauguratum, vt clarissimum est cum in testem citet Hectorem Bæthum qui nihil aliud habet, & alioquin ipse Genebrardus sibi clarissimè contradiceret cum ad annum Christi 102. sub Victore Pontifice Maximo Donaldum Scotiæ Regem fidem Catholicam suscepisse scribat.

3. Non minorem esse illorum inſcitiam qui primum Scotorum Regem volunt fuisse Kenedum, de quo habetur antiquus ille vesus,

Primus in Albanis fertur regnasse Kenedus,

Filius Alſini prælia multa gerens.

Expulſis Pictis regnavit is octo bis annis.

Hoc enim intelligendum est post subactos Pictos, & in totâ illa parte quæ nunc Scotia dicitur, cuius pars tunc Pictlandia dicebatur, vt clarè

patet ex dictis & ex ipso citato versu. Fuit ergo primus Scottorum in Albione Rex, Fergusius huius nominis primus qui anno circiter 362. (vt primo capite fuis diximus) ante Christi aduentum in Britanniam traiecit, ibique ferro sibi regnum Scotticum fixit, de quo in historijs nostris antiquum hoc carmen legimus,

Albion in terris Rex primus germine Scotus;

Fergusius primus, dans iura & sceptrum Britannia.

Vide Maiorem, Boëtium, Lestrum, Fordinum, Buchananum, Elphinstonium, Veremundum & alios in principio hystoriæ Scotticæ. Et hæc breuiter datâ occasione hac de re agendi dicta sunt: sed ad rem redeam?

Sciendum 3. post Scottorum ex Daniâ in Albionem reditum Pelagiû famosum illum hæreticum (quem sanctus Hieronymus videtur velle fuisse Scotum, *Habet (inquit) progeniem Scottica gentis de Britannorum Viciniâ*) hæreses suas spargere incœpisse tum in eâ Britannia, quæ iam Anglia dicitur, tum etiam occulte in ea parte quæ Scotia dicitur. Cœlestinum verò Pontificem vt huic hæretico obuiam iret, in iliam Britannia partem quam Angliam nominamus sanctum Germanum destinasse, in nostram verò Scotiam sanctum Palladium sub annum Christi 431. tum ad Pelagianam hæresim (quam iam diximus Pelagium tum occulte spargere incœpisse) præcauendam, tum ad disciplinam Ecclesiasticam, quæ Scottorum, vt vidimus, primarijs a Maximo Tyranno Scotia exactis multum elanguerat, pristino splendori restituendam. De hac Legatione ita Prosper Aquitanicus. *Venerabilis memorie Pontifex Cœlestinus, cui ad Ecclesiæ Catholice præsidium multa Dominus gratia suæ dona largitus est, sciens damnatis non examen indiscij sed solum pœnitentiæ remedium esse præstandum: Cœlestium quasi non discussio negotio, audientiam postulanti totius Italiae finibus insit extrudi: adeo & prædecessorum suorum statuta & decreta synodalia inuiolabiliter seruanda censebat: vt quod semel mernerat abscondi, nequaquam admitteret retrahari. Nec verò segiore curâ ab eodem malo Britannia liberauit, quando quosdam inimicos gratia solum suæ originis occupantes etiam ab illo secreto exclusit Oceani, & ordinato Scottis Episcopo dum Romanam Insulam sudes seruare Catholicam, fecit etiam barbaram Christianam. Verum quia missum ad se sanctum Palladium Hiberni Irlandici contendunt acriter, hocque de Hibernia sua Irlandica dictum volunt, ostendendum breuiter est hoc nullâ ratione cum veritate consistere. Et primò quidem Scoti ad quos fuit missus Palladius credebant in Christum: at Hiberni nondum credebant in Christum, nec erant adhuc ad Christi fidem conuersi, siquidem Ipse Scanihurstus Hibernus in vitâ*

sancti Patricij testatur ante sancti Patricij in Hiberniam aduentum scatebat idolis, nec potest Donatus Roirk contrarium asserere, qui in hymno superius citato vult per Scotiam & Hiberniam ipsorum Irlandicam intelligi. Quod verò Scoti ad quos à Cælestino Pontifice missus est Palladius, fuerint Catholici, & Christi fide imbuti, testatur ipse Prosper in chronico his verbis. *Ad Scotos in Christum credentes ordinatur à Papa Cælestino Palladius, & primus Episcopus mittitur.* Vidit hoc argumentum Stanihurstus penitus euincere rem de qua agitur; sed quid fecit citans locum antiqui cuiusdem, in quo habetur hoc idem, nempe *Ad Scotos in Christum credentes*, cum Platinà addit, apposito ad marginem sicut & ad ipsam vocem credentes asterisco, forte credituros. Sed non euades Stanihurste, nec enim tantum habentur hæc verba in breui Canon. Regul. cap. de Sion, de quo ibi agis: sed vt ostendi etiam in Prospero, nec ibi tantum & in Prospero, sed & in Beda qui in Epitome hystoriæ Anglorum idem scribit. *Anno (inquit) quadringentesimo tricesimo, Palladius ad Scotos in Christum credentes à Cælestino Papâ primus mittitur Episcopus.* Idem habet Beda lib. 1. hystoriæ Angl. cap. 13. his verbis. *Palladius ad Scotos in Christum credentes à Pontifice Romano Ecclesiæ Cælestino primus mittitur Episcopus.* Idem habent Sigebertus & Eusebius Pamphylus in chronicis. Vides Stanihurste quàm vnanimi consensu omnes hi antiqui authores ponant, *Ad Scotos in Christum credentes*, Et tamen vt tuæ Hiberniæ Irlandicæ ea conuenire posse ostendas non erubescis peruertere, ad marginem addendo forte credituros? Dic sodes, quis vnquam ante te & Platinam tuum illa verba apposuit? Melius esset, mihi crede, veritati manus dare, quàm imprudenter illam respuere. Addo denique ad plenam probationem huius veritatis hæc verba de nostris Scotis intellexisse illustrissimum Baronium tomo 5. Annalium Ecclesiæ ad annum Christi 429. Thomam Bozium lib. 8. cap. 3. Polydorum Virgilium lib. 3. hystoriæ Anglicanæ, qui etiam eundem Palladium Constantinum Scotorum Regem à societate Saxonum auertisse scribit, adeo quidem vt & subsidia Britannis contra eos postea miserit. Tritemium libro de scriptoribus Ecclesiasticis, Gordonium Lefmoræum tomo 2. Chronologiæ ad annum Christi 429. Lessæum, Boëtium, Maiorem, & alios.

Sed dices, quid intelligit per Romanam Insulam Prosper, cum ait, *Et ordinato Scotis Episcopo dum Romanam Insulam studet seruare Catholicam fecit etiam barbaram Christianam.* Respondeo illum illam partem Britanniæ quæ Anglia dicitur intelligere, quæ Romana dicebatur eo quod

Romanis 400. & amplius annos paruisset, quod de Scotia dici nequit, cum constet Seuerum Imperatorem non solum Scotos subigere non potuisse, verum etiam coactum ut defenderet à Scotis illam partem quam Angliam vocamus, murum per transversam Insulam ad 132. millia passuum ducere. Atque ex his facile datur intelligi quid intelligat Prosper per illa verba fecit barbaram Christianam, Scotiam nostram intelligit quam ideo dicit ex barbara fecisse Christianam, quod Christianam & Ecclesiasticam disciplinam (quæ ob Scotorum, ut diximus, diuturnum exilium, & cum Romanis sub Maximo Tyranno bella frequentia elanguerat) restituerit, Orcadesque Scotiæ Insulas adhuc gentiles ad Christi fidem per sanctum Sernanum Scotum discipulum suum conuerterit, Vide Lessæum lib. 4. hystoriæ Scoticæ, Maiorem in sua hystoria, Arnoldum Mermannium in theatro conuerſionis Gentium, Regium in Calendario, Impios Centuriatores centuria 5. cap. 10. & alios.

Sciendum 4. post mortem sancti Palladij sanctum Patricium natione Scotum ab eodem Cælestino Pontifice in Scotiam Apostolatum accepisse; verum cum Scotia nostra Dei benignitate in fide catholica tum floreret, haberetque viros Apostolicos sancto Patricio coætaneos non paucos, Sernanum Orcadensium Apostolum, Ternanum sancti Niniani successorem, Queranum Benchorensis Abbatis & multorum monachorum patrem, Kentigernum Culrossani monasterij antiquissimi gloriam (quem monachos discipulos 964. Capgravius Anglus testatur habuisse) Columbum, Nethelmum, Fridelinum, & alios Scotorum grauer excolentes Ecclesiam Irlandis nondum ad Christum conuersis lubenti concessit animo. Confirmat hoc idem Cælestinus Pontifex, eique in Hiberniam Islandicam Apostolatum confert, quem lubenter amplexus sanctus Patricius rectè in Hiberniam contendit, ibique per annos 40. in signis atque mirabilibus prædicans illam Insulam ad fidem perduxit. Testantur hæc omnia multi graues auctores & in primis Marianus noster in chronico lib. 2. ad annum 432. his verbis. *Ad Scotos in Christum credentes. à Papa Cælestino Palladius Episcopus mittitur: post ipsum sanctus Patricius &c. Et ad Archiepiscopatum Hibernensem mittitur.* Idem testatur illustrissimus Bayonius in martyrologio ad 17. Martij his verbis. *Succesit [nempe sancto Palladio] sanctus Patricius consecratus ab eodem Cælestino Papa qui & ad Hibernos missus ibi per annos 40. in signis atque mirabilibus prædicans totam Insulam Hiberniæ conuertit ad fidem.* Idem testatur Gordonius 2. tomo suæ chronologiæ ad annum Christi 431. his

verbis. *Mortuo Palladio in Scotia Episcopo succedit sanctus Patricius Scotus, qui Apostolatum accepit in Hiberniam & Scotiam.* Porro sanctum Patricium Scotum fuisse testantur plurimi & grauissimi authores ex quibus (ut Hiberni videant nobis se suam debere conuersionem) aliquos tantum citabo. Primus sit Sigebertus in chronico ad annum Christi 394. his verbis. *Sanctus Patricius Scotus in Hibernia* (hoc factum est ipso adhuc iuvene, nam ætatis anno 22. libertate donatus est) *cum suis sororibus venditur.* Secundus sit illustrissimus Baronius qui tomo 5. *Annal. Eccles. ad annum Christi 431.* ita loquitur, *Hibernorum quidem conuersionem sancto Patricio Deus reseruauit, qui [ut tradunt] Scotus genere, natus sancti Martini Turonensis Episcopi sorore ab eo Clericus ordinatus sub eius institutione transegit.* Tertius sit Maurolic⁹ in suo martyrologio, qui idē testatur his verbis, *In Scotiâ natale sancti Patricij Episcopi qui in Hiberniâ ad edomandos barbaræ gentis animos barathrum fecit horrendum.* Quartum locum obtinebit R. P. Iacobus Tyrius olim pro Gallia societatis Iesu assistens, qui in tractatu de antiquitate religionis apud Scotos, Louisonij nomine falso edito, ita loquitur. *Testis est sanctus Patricius apud Clascensem ciuitatem in Scotiâ natus, cuius opem infantes Hiberni ex matrum pendentes vberibus implorare videbantur.* Quinto loco veniat Gordonius citatus loco etiā citato qui in hæc verba idem testatur. *Mortuo Palladio in Scotiâ Episcopo succedit sanctus Patricius Scotus qui Apostolatum accepit in Hiberniam & Scotiam.* Idem testantur multi alij quibus omiſſis vnum tantum Camdenum Anglum hæreticum hominem in gratiam Hibernorum adferam, qui ad confirmanda sua tam libenter illum citant. Hic ergo in sua Britannia ita loquitur de sancto Patricio. *Hic natione Britannus in Auidsdaliâ (est hæc Scotiæ prouincia) natus & Martino Turonensi affinitate coniunctus, & sancti Germani discipulus Palladio defuncto à Celestino subrogatus tanto successu Christianam religionem per Hiberniam propagauit, ut longè maximam Insulæ partem ad Christum conuerterit, & Hibernorum Apostolorum meruerit.*

Ex his clarè ostenditur nulla esse Stanihursti argumenta. Primum enim verissimum & facillimum habet sensum, nempe eundem sanctum Patricium, qui missus fuit in Hiberniam vel Irladiam idolis plenam abstulisse etiā tenebras Idololatriæ Scotiæ gentis, nempe Scotiæ nostræ cuius Apostolus antea fuerat. Quid certius? nam ut antea diximus, quamuis pars illa Scotiæ, quæ cum Anglia continens est, vnamque Insulam facit, in Catholica fide tempore sancti Patricij Apostoli sui floreret, tamen Orcades Insulæ Scotiæ nondum erant conuerse,

sed tunc

sed tunc conuertebantur per sanctum Sernanum Scotum & alios, quarum Insularum conuersionem quid mirum si sanctus Patricius tunc Scotiae Apostolus promeruerit, ab eisque Idololatriæ tenebras dicatur abstulisse? non quidem per se, sed per Sernanum ipso Apostolo existente; eo planè modo quo sancto Palladio earum conuersio adscribi solet, non quod Palladius per se illos conuerterit, sed quod Palladio Apostolatam in Scotiam obtinente conuersio illorum inchoata sit. Adde non videri vllum dubium quin aliqui ex Scotis aut saltem illorum filijs qui in Daniâ, Noruegiâ, Irlandiâ & alijs regnis inter Gentiles vixerant itis 44. annis quibus in exilio erant, Idololatriam istorum amplexi fuerint, nec omnes à sancto Palladio conuersos; atq; adeo hos ad Christum conuertendo sanctum Patricium dici potuisse abstulisse Idolatrias Scotiae gentis. Et certè ita intelligi debere manifestum est ex martyrologio Gallico quod ad 17. diem Martij ita de sancto Patricio loquitur. *En Irlande on Hibernie mourut saint Patrice Confesseur, lequel ayant obtenu du Pape puissance de Prescher l'Euangile, conuertit plusieurs Escoffois & Irlandois.* Vbi vides distingui Scotos ab Hibernis Irlandicis, eorumque conuersionem ab Hirlandorum conuersione. Idem etiam & clariùs patet ex Ariâ infra citando. Denique si aliam responsionem vis huiusmodi sic cane & interpunge.

*Missus ad Hiberniam
Qua plena eras Idolis
Dura ceruice incredula
Qui tenebras Idololatriæ
Scoticae gentis abstulit.*

Vltimo versu, Scotiae gentis non ad Irlandicos sed ad ipsum Patricium referendum, vt sit sensus, Patricius Scotiae gentis sacerdos Irlandicos duræ ceruicis & incredulos ad fidem reduxit.

Secundum argumentum deductum ex quodam antiquo auctore qui habet Palladium ad Scotos in Christum credentes à Cœlestino Pontifice missum contra ipsum Stanihurstum pugnat, vt ex supertus dictis constat. Ostendimus enim illa verba de Scotia nostra non ipsorum Hibernia Irlandica intelligenda esse, eò quod ipsorum Hibernia nondum esset tunc fide Christi imbuta. Adde Palladium sanctum à Cœlestino in Scotiam ad Pelagianam hæresim ibi pullulantem supprimendam missum esse; ac consequenter Scotiam ad quam missus est, non posse esse Hiberniam clarum est. Palladium verò ad Pelagianam hæresim supprimendam missum fuisse in Scotiam ex verbis Prosperi citatis con-

Burchardi apud Surium 14. Octob. testatur his verbis. Non tamen otiose prætereundum; imò pro Christi amore toto cordis acuminè speculandum &c. dum Scoti nobis lumen nostrum primum destinavit Kilianum, Burgundis Columbanum, Alemannis Gallum. Vides hic eandem Scotiam quæ Franconibus Kilianum, Burgundis Columbanum, & Alemannis Gallum destinasse, at sanctum Kilianum Hiberniam Irlandicam nullo modo Franconibus destinasse supra fusè probauimus. Egilualdo consentit Iodocus Mettlerus apud Henric. Canisium tom. 5. antiq. lect. pag. 727. his verbis, Sanctus Gallus electus & dilectus Dei famulus primus terra huius & loci incola multorum sanctorum Monachorum pater hic exstitit, qui adolescens sub obedientia & Regula sancti Columbani in Scotiâ spretis nobilibus parentibus mundique pompis pauperum vitam elegit, &c. Idem habet Aubertus Miræus in Origi. Benedict. cap. 19. his verbis. Fuit sanctus Gallus natione Scotus sancti Columbani discipulus, Brigantinorum & Arponensium Apostolus, obiitq; anno 640. Idem denique (vt multos alios omittam) Posseuinus in apparatu sacro his verbis. Gallus Scotus vir sanctus & Abbas, & sancti Columbani discipulus, Monachus antea in Scotiâ congregazione Benchorensi, (fuit hæc congregatio in Insula Hoy siue Iona Scotorum Regum, vt diximus, sepultura insigni) à quo canobium & oppidum sancti Galli in Helvetiâ nomen habuit. Scripsit orationem & formam gubernanda Ecclesiæ.

Quintum argumentum ostendimus fusè cap. 3. contra ipsum pugnare. Vide ea quæ ibi diximus, tantum hic repeto testimonium Posseuini in apparatu sacro, qui ait sanctum Kilianum Scotum fuisse, & in ipsius gratiam fundatum fuisse Herbi-poli pro gente nostra monasterium: verba Posseuini hæc sunt. Kilianus Scotus Monachus & Martyr scripsit contra peregrinos cultus, passus est anno 689. octauo idus Iulij. Is Herbi-polensium Episcopus ad Mænum fluium Christi Domini fidem prædicans morem subiit: ob cuius memoriam fundatum fuit pro gente Scotorum monasterium.

Sextum argumentum ex Iona in vita sancti Columbæ deductum, probat id quod sæpius dictum est nempe Scotiam nostram olim fuisse etiam appellatam Hiberniam. Porro Hiberniam ex qua fuit Columbanus Scotiam nostram esse constat ex dictis de sancto Gallo, & clarissimum redditur ex epistola illa ad Scotos missa SS. Laurentij, Melliti, & Iulii, qui à Gregorio Magno ad Anglos conuertendos fuere missi. Epistolæ verò partem refert Beda. Dominis charissimis fratribus Episcopis vel Abbatibus per vniuersam Scotiam, Laurentius, Mellitus, & Iulius Episcopi serui seruorum Dei. Dum nos sedes Apostolica more suo sicut in vniuerso orbe terrarum: in his occiduis partibus ad prædicandum gentibus paganis

De statu hominis, veteris simul ac nouæ Ecclesiæ, dirigere, atque in hanc Insulam, quæ Britannia nuncupatur, contigit introuisse, antequam cognosceremus credentes quod iuxta morem vniuersalis Ecclesiæ ingrederemur in magna reuerentia sanctitatis tum Britones tum Scotos reueriti sumus, sed cognoscentes Britones, Scotos meliores putauimus. Scotos vero per Dagammum Episcopum in hanc quam superius memorauimus Insulam, & Columbanum Abbatem in Galliis venientem nihil discrepare à Britonibus in eorum conuersatione didicimus. Nam Dagammus Episcopus ad nos veniens non solum cibum nobiscum, sed nec in eodem hospitio in quo vesebamur, sumere voluit. Vides hic sanctum Columbanum esse Scotum: at ex qua precor Scotia? Ex illa quæ vna cum Anglia Insulam facit, quæ magna Britannia dicitur vt manifestè ostendit particula (hanc) ex qua etiam particula euident est recitatas literas ad Scotos nostros missas non ad Irlandos, vt ipsi contendunt. Confirmatur, quia authographum illius epistolæ in Scotia nostra in Dumblanenſis Ecclesiæ Archiuijs vidit Georgius Neutonus Archidiaconus qui ante 130. annos Ecclesiæ illius acta luculento stylo post eritati commendauit. Dicant ergo Irlandi, si ea epistola ad Scotos nostros non missa, quomodo in Scotorum scrinia post mille & amplius annos reperta? Et si ad Irlandicos destinata, cur non alicubi in Irlanda extet? Sed redeamus ad sanctum Columbanum. Illum nostratem esse testatur præter citatos Tritemius de viris illustribus ord. sancti Benedicti lib. 2. cap. 5. his verbis. *Columbanus fundator & primus Abbas Luxouienſis cœnobij natione Scotus, vir eximia sanctitatis, meriti, & doctrine, pater multorum millium monachorum & monasteriorum plurimum fundator.* Tritemio consentit Sixtus Senensis in bibl. *Columbanus (inquit) primus fundator & Abbas Luxouienſis cœnobij, natione Scotus, vir eximia sanctitatis &c.* Idem testatur Genebrardus in chronico ad annum 613, his verbis. *Sanctus Columbanus Scotus Angliam, Galliam, Italiam, Germaniam (cuius multos populos ad fidem primus anno 630. conuertit partim per discipulos) monasterijs repleuit.* Idem Antonius Posseuinus in apparatu sacro his verbis. *Columbanus Scotus Monachus, monasterij & congregationis Benchorenſis, deinde Luxouienſis monasterij & congregationis primus institutor, ac deinceps Bobrenſis cœnobij in Italia primus fundator & Abbas, vir sanctus, scriptor &c.* Idem habet Franciscus Sansoninus in lib. illust. familiar. Italiæ agens de familia nobili Comitum Scotorum Placentinorum, qui originem habent ex illustrissima familia Duglaſiorum seu Anguſiæ Principis ita loquitur, *Donato Vescono di Bobio, edificio la Chiesa di sancta Brizida in Piacenza & la dono à vn monastero di frati di Bobio di sancto Columbano: non solam ente per l'amor di Dio; ma anco perche S. Columbano fu di Hi-*

bernia Isola Della Scotia (fuit quippe Columbanus ex Iona insula, quæ Hebridum vna est, oriundus, & in eadem à Congallo Abbate educatus) quanto poi alla parentela degli Spertini, &c. Omitto hic Ioannem Lessæum Episcopum, Boëtium & alios breuitatis causa.

Septimum argumentum, octauum & nonum Stanihursti nil prorsus vrgent, sicuti neque Scotistam aliquem vrgeret Thomista adferens pro se Thomistæ antiquioris authoritatem, verbi gratia Capreoli, Soncinatis, Caietani, &c. Ita neque nos vrget Stanihurstus adferens illius authoritatem quem nos concedimus in ipsius sententia esse. Vidit hoc Stanihurstus, & vt argumenta eius maiorem viderentur habere vim, apud homines hac in re minimè versatos nomen authoris (Capgrauij nempe) ex quo septimum, octauum & nonum deducit, reticet. Sed hoc est pueris imponere non intelligentibus. Quis nescit Capgrauium existimare Hiberniam vestram Irlandiam olim appellatam Scotiam? sed sicut à te Stanihurste qui eiusdem es cum illo sententiæ, vt hoc probes petimus, ita hoc idem ab illo requirimus: vt ergo has nugas relinquamus ad 10. tuum argumentum properabimus.

Decimum argumentum ab auctoritate venerabilis Bedæ deductum, neque nos vrget, & hoc in causa fuit quod ipsa verba Bedæ non attulerit, cum tamen aliorum authorum verba non omiserit. Verum ego pro ipso adferam; primò ergo citat Bedam lib. 1. hystoriæ Anglicæ cap. 1. Verba autem Bedæ quæ ipsi ibi fauere aliqua ratione possunt, sunt hæc. *Hæc autem [nempe Hibernia Irlandica] propriè patria Scotorum est.* 2. loco citat Stanihurstus Bedam lib. 2. cap. 4. vbi Beda hæc verba, quæ ipsis fauere videri possunt, habet. *Denique non solum noua, quæ de Anglis erat collecta, Ecclesia curam gerebat (nempe Laurentius, qui Augustino ad Anglos missus successit) sed & veterum Britannia Incolarum, nec non & Scotorum, qui Hiberniam, Insulam Britannia proximam incolunt.* In tertio loco Bedæ quem citat Stanihurstus, nihil video quod illi fauere possit nisi quod sanctum Columbanum dicat ex Hibernia venisse in Britanniam, & antequam in Britanniam veniret, fecisse monasterium in Hibernia, quod à copia roborum Dearmach lingua Scotica nominatur. Bedæ verba hæc sunt. *Venit de Hibernia presbyter & Abbas habitus & visâ Monachi insignis, nomine Columbanus, in Britanniam prædicaturus verbum Dei prouincijs Septentrionaliū Pictorum &c. Fecerat autem priusquam in Britanniam veniret, monasterium nobile in Hiberniâ, quod à copiâ roborum Dearmach lingua Scotorum, hoc est campus roborum cognominatur.* Quartus locus quem citat est caput 27. eiusdem lib. 3. in quo ego prorsus nihîl

inuenio quod vlla ratione possit Hiberniæ ipsorum fagere nisi quod Beda agens ibi de peste, quæ Northumbriam vexauerat, ait etiam Insulam Hiberniam vexasse & pestilentiz causa multos Anglos relicta Insula patria [nempe Anglia] continentioris vitæ studio in Hiberniam secessisse: quos omnes Scoti libentissimè susceperunt & c. Verba Bedæ sunt hæc. *Hæc autem plaga (nempe pestis) Hiberniam quoque Insulam pericula præmebat.* Erant ibidem eo tempore multi Nobilium simul & mediocrium de gente Anglorum, qui tempore Finanii & Colmanni Episcoporum, relicta Insula patria, vel diuinæ lectionis, vel continentioris vitæ gratia illò secesserant &c quos omnes Scoti libentissimè suscipientes victum eis quotidianum sine pretio, libros quoque ad legendum & magisterium gratuitum præbere curabant. Et paulò post de sancto Egberto loquens idem Beda ait illum nationibus Scotorum & Pictorum in quibus exulauerat multum profuisse, cum tamen ante initium capitis habeat illum vitam monasticam in Hibernia traduxisse. Verba Bedæ ante initium capitis hæc sunt. *Ut Egbertus vir sanctus de natione Anglorum monachicam in Hibernia vitam duxerit.. sub finem capitis tamen hæc de ipso habet. Illis in quibus exulabat nationibus Scotorum siue Pictorum & exemplo viuendi, & instantia docendi, & auctoritate corripienti, & pietate largiendi de his, quæ à diuitibus acceperat, multum profuit.*

Sed hæc Bedæ loca prorsus nihil contra nos probant, verum contra illos, ut iam videbimus. Primus ergo Bedæ locus nihil conuincit. nam aliud est Hiberniam Irlandicam esse Scotorum patriam, aliud illos qui manent in Hibernia Irlandica vocari Scotos & consequenter non licet inferre ex eo quod Hibernia Irlandica dicatur propria Scotorum patria quod inhabitatores ipsius Irlandiæ Scoti vocentur, aut ipsa Irlandia Scotia sicut ex eo quod Saxonia sit propria Anglorum patria non licet inferre, ergo Saxonia vocatur Anglia, vel ergo Saxones vocantur Angli, & tamen eodem modo Saxonia Germaniæ est Anglorum patria, quo Irlandia siue Hibernia Scotorum. Dicitur enim Hibernia Scotorum patria eo quod Scoti aliquot annis hæserint in Hibernia dum ex Hispania venirent antequam in Britanniam proficiscerentur: sicque ex Hibernia aliquo modo immediatè nempe dicimur venisse, & egressi fuisse, ac consequenter Hibernia ipsa patria nostra dicitur, nonne fortiori iure Saxonia Anglorum est patria? nam ex hac non solum immediatè sed & mediatè exiuerunt, cum re vera ipsi Saxones fuerint. Scotica verò natio longè diuersa ab Irlandica, ut patet ex dictis primo

capite. Et ut clarè videas ex authoribus qui tecum opinantur, Irlandiam tuam olim appellatam Scotiam, non valere hoc argumentum, apud Bedam Irlandia Scotorum patria, ergo ex Beda Irlandi vocatur Scoti, Irlandia vocatur Scotia. Accipe Capgrauium Anglum ex quo tu argumentum septimum, octauum, & nonum quoque (quamuis callidè, ut dixi, illum citaueris) accepisti: is ergo loco quem tu citasti in vita videlicet sancti Columbanii ita loquitur. *Beatus Columbanus in Hibernia, Insula in Oceano sita, quam Scotorum gens inhabitat, ortus est. Hibernia enim antiquitus Scotia dicta est, de qua gens Scotorum Albaniam Britannia Maiori proximam, quæ ab euentu modo Scotia dicitur, inhabitans originem duxit.* In fine verò vitæ eiusdem idem author ita loquitur. *Est autem sciendum quod Hibernia propriè Scotorum est patria.* Ex quibus sic contra te disputo. Apud Capgrauium legitur Irlandiam vel Hiberniam Irlandicam esse propriè Scotorum patriam, ergo apud Capgrauium legitur quod Hiberni vocentur Scoti, & Hibernia seu Irlandia Scotia. Vides hoc argumentum non concludere Ergo Hibernia Irlandica est Scotia. Nam ille tunc (sicut ego nunc dicere possum) dixit Hiberniam esse propriè Scotorum patriam, & tamen expressè ait, tunc Irlandiam tuam non vocari Scotiam. Deinde sit Hibernia Scotorum patria: quid inde? Ergo Scoti sunt Hiberni? O miseram consequentiam! Idem qui Scotorum patriam olim Hiberniam fuisse dicunt, ex Ægypto primùm, ac deinde ex Hispania Scotos venisse docent, sic fieret ut Ægyptij aut Hispani dicantur, quicunque Scoti habentur. Atque hæc de primo Bedæ loco.

Secundus locus nullam habet difficultatem. Ostendit enim id quod ego fusè cap. 3, probaui, nempe apud Bedam communiter Scotiam nostram vocari Hiberniam. Et verò de nobis ibi loqui Bedam clarissimum est ex ipso Beda: nam illorum Scotorum curam habebat Laurentius, ad quos scripsit, & cuius literas ad ipsos refert ibidem Beda. *Litteræ autem illæ fuerunt ad nos scriptæ non ad Irlandos, ut sæpius ostendimus.* Quod verò illorum curam habuerit ad quos scripsit, patet ex Beda qui ubi dixisset illum Scotorum curam habuisse, statim subiicit, curam quam habebat ostendens. *Siquidem (inquit) ubi Scotorum in præfata ipsorum patria quomodo & Britonum in ipsa Britannia vitam ac professionem minus in multis esse cognouit, maximè quod Pascha solemnitatem non suo tempore celebrarent, sed ut supra docuimus a. 14. Luna usque ad viciniam Dominice resurrectionis diem obseruandam esse putarent, scripsit cum Coepiscopis suis exhortatoriam ad eos Epistolam, obsecrans eos & contestans unitatem pacis &*

Tertius locus ex Beda adductus pugnat contra illos sicut & præcedens: nam quod ex Hibernia dicat sanctum Columbam (quem ille Columbanum vocat) in Britanniam ad verbum Dei Septentrionalium Pictorum prouincijs prædicandum venisse, & antequam veniret in Hiberniam monasterium linguâ Scotorum Dearmach appellatum ædificasse, probat id quod nos cap. 5. fusè ex Beda & alijs probauimus, Hebrides nempe Insulas sæpius Hiberniæ nomine appellari. Vnde illum ex Hibernia venisse in Britanniam nil aliud est quàm ex Hebridibus venisse in Britanniam. Venisse verò sanctum Columbam ex Hebridibus testatur Boëtius lib. 9. hystoriæ his verbis. *Venerè ex Hebridibus Insulis cum Columba in Albionem viri 12. sanctissimis decorati moribus, &c.* In hebridibus verò multorum monachorum patrem fuisse ex vita ipsius à sancto Adamanno Scoto ante mille annos scripta clarum est. Idem etiam testatur Hermannus Contractus in chronico antiquo ad annum 596. & in recentiori impresso Francofurti anno 1585. Eum denique nostratem esse patet ex membranæ M. S. monasterij Vvindbergenlis, ubi in principio eius vitæ habentur hæc verba. *Sancti Adamanni Scoti libri tres de sancto Columba Scoto.* Idem habet Arnoldus Vvion lib. 3. ligni vitæ his verbis. *In Scotia sancti Columbi præsbyteri & Confessoris, magnæ & admirandæ virtutis viri.* Vide apud hunc alios authores, qui idem testantur; quos ego breuitatis causa omitto.

Quartus locus facit etiam contra illum, nam probat Scotiam nostram & Hebrides olim appellatas Hiberniam, quod verum esse fusè probatum est cap. 3. Et verò vt videas Hiberniam in quâ moratus est Egbertus sanctus, esse Scotiam nostram & Hebrides Insulas, audi Molanum. *In Huenfi Insula quam alluit mare Scoticum B. Egberti Monachi &c.* Vides hic loqui illum de Insula Huy quæ Hebridum vna est. audi si placet eundem alibi loquentem. *In Hibernia beati Egberti Monachi & Confessoris.* Arnoldus Vvion lib. 4. ligni vitæ, *Monasterium (inquit) Huenfis Insule quod est in Hibernia.* Hermannus Contractus in chronico impresso Francofurti anno 1585. loquens de sãcto Columba hæc habet. *Sanctus Columbanus præsbyter & Abbas post multa miracula in Insula Huy iuxta Hiberniam migravit ad Dominum.* Vides Insulam Huensem quæ est in Hebridibus hic ab illis vocari Hiberniam. Vide Ioannem Lestæum Episcopum Rossensem qui lib. 4. hystoriæ Scotiæ testatur eius suasu Mordacum Scotiæ Regem inter cætera pietatis monimenta cornobium illud, cui

illud cui Candida-Casa (*Vrouhaic Horue*) nomen in Gallouidia Diui Niniani quondam præsencia nobilitatum, restaurasse. Et hæc de Stan-
nihilurli argumentis dicta sint. Audiamus iam aliorum argumenta.

Præter hæc argumenta deducta Donatus Roirk in sua Hiberniâ re-
surgente, Hiberniam suam Irlandicam Scotiam appellatam fuisse co-
natu probare ex Cæsario qui de purgatorio sancti Patricij agens ita
loquitur. *Qui de purgatorio dubitat, Scotiam peregrat, purgatorium sancti Pa-
triciij intret, & de purgatorij pœnis amplius non dubitat.* Atqui purgatorium
sancti Patricij non fuit in nostra Scotiâ, ergo dicendum est Irlandiam
à Cæsario appellatam fuisse Scotiam.

2. Probat ex eo quod Scotia apud multos antiquos authores dicatur
Insula, inter alios affert Egesippum qui de Romanis loquens, *Tremis*
(inquit) *hos Scotia qua terris nihil debet.* Hoc autem ait non posse Sco-
tiæ nostræ conuenire, quæ multum debet Angliæ, ut pote ei con-
tinens. Bene tamen conuenit Hiberniæ, *Quæ* (inquit) *terris adempta
sedet in Oceano, circumsepta fluctibus, nulli prorsus telluri obnoxia, nulli om-
nino debens, vel continuationem vel contiguitatem.* Adde Scotiam à Prospero
poni diuersam Insulam à Britannia quod de nostrâ dici non potest.

3. Probat ex eo quod antiqui authores Scotos à Britannis tanquam
diuersam nationem secernant, inter alios sanctus Hieronymus de suo
quodam obtrektatore loquens, *Habet* (inquit) *(progeniem Scotica gentis
de Britannorum Viciniâ.* Vbi nota (inquit Roirk) non de ipsa Britannia
fuisse ipsum Scotigenam, sed de Vicinia Britannicæ, nempe de Irlan-
diâ. Affert etiam pro se Ammianum Marcellinum, quem ait ponere
Scotos diuersam gentem à Pictis, &c.

His argumentis addi potest vnum aliud nempe multos Sanctos dici
Scotorum Archiepiscopos (inter quos sanctus Liuinus) quorum ta-
men tempore Scotia nostra Archiepiscopos non habuit: vnde conse-
quens videtur fuisse illos alterius Scotiæ Archiepiscopos, Irlandiæ
nempe. Adde sanctam Brigiddam virginem Scotam vocari, cum tamen
de Irlanda fuerit.

Verum hæc nullius momenti sunt. Et primum quidem, probat qui-
dem authorem illum existimasse sancti Patricij purgatorium in nostra
Scotiâ fuisse, non autem Irlandiam appellatam fuisse Scotiam: vnde
bene quidam ad marginem illius hystoriæ addidit, *Videtur hic author
confundere Scotiam & Hiberniam.* Confundere quidem, quia existimasse
videtur Cæsarium sancti Patricij purgatorium in nostrâ Scotiâ fuisse,
quam supra probauimus Cæsarij tempore appellatam fuisse Hiberniâ.

Et sanè mirum non est talem virum sancti Patricij purgatorium in nostra fuisse Scotiâ existimasse, cum tamen in Irlandiâ esset: nam vt alia exempla omittam, hoc nostro tempore viri graues & alioquin docti in rebus quibusdam clarioribus grauius quàm par erat, peccarunt. Vnum vel alterum tantum exemplum apponam. Baptista Cyfatus societatis Iesu in Ingolstadiensi Academia Matheseos professor in sillabo Martyrum societatis Iesu ait sanctum Martyrem Ioannem Ogilbæum in Angliâ passum esse. *Ioannes Ogilbæus* [inquit] *in Angliâ*. Et tamen quid clarius quàm in Scotiâ passum præsertim vni eiusdem societatis esse debuit? potissimum cum ante tam paucos annos eius martyrium acciderit. Non absimile quid fecit ante paucos annos Anglus quidam (cuius nomini iustas ob causas parco) qui dominum Ballandenum grauem & doctum virum Anglum facit cum tamen Scotus sit, & adhuc Parisijs viuat. Omitto. R. P. Burgesium Belgam societatis Iesu in libro quodam in quo de deuotione societatis erga Deiparam Virgineum agit, affirmare Patrem quemdam Anglum eiusdem societatis ante paucos annos defunctum Scotum esse: nomen Patris, si rectè memini, est Dalbischer.

Secundum argumentum puerile planè est: nam quamuis Scotia nostra & Anglia strictè loquendo duæ Insulæ non sint, tamen cui non constat Scotos nostros & Pictos à Beda transmarinas gentes appellari? quod si transmarinæ respectu Angliæ, certè terra, quam inhabitant diuersa erit Insula ab eadem Angliâ. Verùm audiamus, si placet, ipsius Bedæ verba. *Exin Britannia omni armato milite, militaribus copijs vniuersis, tota floridæ inuentutis alacritate spoliata. quæ Tyrannorum temeritate adducta nusquam ultra domum redijt, prædæ tamen patuit, vt pote omnis bellici usus, prorsus ignara. Denique subito duabus gentibus transmarinis vehementer senis, Scotorum à Circio, Pictorum ab Aquilone multos stupet gemetque annos. Vides hic Bedam nos & Pictos non solum à Britannis secernere, verùm etiam transmarinas gentes appellare. Iam Bedam loqui de nostrâ Scotiâ patet: nam hæc verba statim subiungit. Transmarinas autem dicimus has gentes, non quod extra Britanniam essent posite, sed quia à parte Britonum erant remotæ, duobus sinibus mare interiacentibus, quorum vnus ab Orientali mari, alter ab Occidentali Britannia terras longè latèque irrupit, quamuis ad se inuicem attingere possint. Vides hic Scotos & Pictos, de quibus loquutus est Beda, non esse extra Britanniam, at Hibernia vestra Britannia nihil debet (vt tuâ phrasi vtar mi Donatè) terris adempta sedet in Oceano circumsepta fluctibus nulli prorsus telluri obnoxia, nulli om-*

nino debens vel continuationem vel contiguitatem. 2. eodem modo Scotia nostra est Insula quo Anglia: at Anglia vocatur Insula ab authoribus, ergo &c. Quod utraque sit eodem planè modo Insula clarum est. Quod verò Anglia ab authoribus vocetur Insula, probatur ex Ioanne Boëmo Aubano Teutonico, qui lib. 3. morum & rituum omnium gentium de Angliā loquens hæc habet. *Anglia quæ & Britannia ab eruditis dicitur, insignis in Oceano Insula triangulari formā Sicilia similis. Hæc undique à circumfuso mari complexa est nusquam iuncta continenti, sed ab omni orbe nostro diuisa.* Videsne Donate hic Angliam vocari Insulam, quæ tamen appellari non potest nisi eo modo quo Scotia, & consequenter si Anglia Insula appellatur, potest pariter Scotia nostra dici. Audiisti mi Donate ex Ioanne Boëmo Angliam vocari Insulam, audi idem ex Ioanne Maldonato in glossā ad vitam sancti Thomæ Santuarenfis Archiepiscopi vbi ita loquitur, *Anglia* [inquit] *Insula clarissima in Oceano Septentrionali quæ primò Albion dicebatur.* Vides pariter & hic Angliam vocari. Iam verò Scotiam nostram habitam fuisse ab authoribus diuersam ab Angliā Insulam probatur ex Richardo de sancto Victore, qui (vt diximus lib. 3. exceptionum de Insulis agens ita loquitur, *In Oceano Septentrionali ab Oriente in Occidente in Insula Phæliorum &c. Scotia, Britannia, Hibernia, &c.* Præterea Franciscus Alumnus Ferrariensis Italus in fabricā mundi Scotiam nostram Insulam appellat: nam verbo *Scotia* ita habet. *Scotia Latine & Inuentia è prouinciā & Isola.* Et verbo *Cacearia.* Prope finem *Scotia* (inquit) *nella est rema parte d'Inghilterra & da Lei poco intervallo di mare digiunta & già diuisa.* Tertiò notum est apud aucthores inueniri hæc verba, *Insule Britannica.* At quomodo Insulæ nisi apud illos Scotia faciat vnā ab Angliā diuersam. Denique vt multos alios omittam, adducam tantum duos recentiores qui Scotiam nostram Insulam faciunt. Primus est R. P. Franciscus Arias societatis Iesu vir doctus & pius. Is igitur primo tomo de imitatione Christi tractatu 2. cap. 26. agens de Insulis remotis ad Christi regnum vocatis ita loquitur. *Inter has Insulas possunt numerari Insula Anglia & Scotia, nam antequam ille Christi fidem amplecterentur &c.* In Gallicā editione ita habetur. *Entre ces Isles peuent estre cõtes celles d'Angleterre & d'Ecosse. Car auant qu'elles recussent la foy de Iesus Christ &c.* Quid clariùs dici potuit? Præterea cap. 12. eiusdem tractatus agens de viris Apostolicis qui Christi fidem per varias mundi plagas prædicarunt, ita loquitur. *Quinto secolo id est anno quāringentesimo vsque ad quingentesimum sanctus Patricius conuerit Insulam Hibernia quæ Islandia est, & partem Insule Scotia, &c.* Gallicè

ita habetur. *Au cinquiesme siecle de l'an quatre cent iusques à cinq cent sainte Patrice conuertit L'Isle d'Hibernie, qui est l'Irlande, & partie de l'Isle d'Ecosse.* Vides hic Ariam Scotiam nostram Insulam nominare. Secundus sit Thomas à Iesu Carmelita lib. 3. de conuersione omnium gentium cap. 2. ubi Scotiam nostram & Angliam tanquam diuersas Insulas enumerat. agens enim de regionibus quas sanctus Vincentius ex sacra sancti Dominici familiâ, Christi causâ ad Euangelium prædicandum peragrat, ita loquitur. *Deinde ab Henrico Anglia Rege humanissimis literis ac nuncijs & navi ad hoc ipsum missa, inuitatus, eam prius Insulam totam, mox Scotiam, postremò etiam Hiberniam lustrauit &c.* Nimis clara hæc sunt. Quid ad illa Irlandi? nihil. Quod si quærat aliquis vnde factum sit vt Scotia & Anglia vocentur Insulæ diuersæ, cum re verâ vnâ tantum faciant Insulam. Respondeo à Beda rationem indicatam fuisse lococitato; propter duos nempe sinus maris interiacentes, quorum vnus (inquit Beda) ab Orientali mari, alter ab Occidentali Britanniarum longè latèque irrumpit.

3. Argumentum nihil probat, nam cui non est notum nostros Scotos ab authoribus, à Britannis tanquam diuersam nationem secerni, non quod non simus verè Britanni, sed quod communius apud authores Britanni dicantur, qui habitant terras Britonum, vt faciunt Angli, & Britannia illa pars Insulæ dicatur, quæ à Britonibus habitata fuit. hoc clarum est ex Christiano Massæo, qui in chronico mundi lib. 12. ita loquitur. *Britannia sit Anglia.* Iam quæ Britannia facta est Anglia? totane? minimè verò, sed illa tantum pars quæ à Britonibus habitabatur. Addo mirari me quomodo audeant hoc argumento contra nos vti Hiberni, qui volunt Irlandiam suam poni inter Britannicas Insulas ab authoribus: quamuis & hoc quoque falsum sit. Nam Solinus qui ex instituto agit de Irlandiâ ipsorum manifestè distinguit à Britannia. Verba Solini sunt hæc, dum de Britannia loquitur in memorabilibus mundi. *Multis Insulis nec ignobilibus circumdatur (nempe Britannia) quarum Hibernia ei proximat magnitudine inhumana est, ritu incolarum aspero, &c.* Eodem modo Irlandiam distinguit Pomponius Mela lib. 3. *Supra Britanniam (inquit) Iuuerna est &c.* Vides hic distinctionem: vnde si aliquando Hiberniam inter Britannicas insulas numeratam inuenias, de nostra Scotia dictum puta. Idem reperiri est non solum apud veteres, sed etiam apud recentiores passim, Bellarminum, Gretserum &c. quorum loca breuitatis causa omitto.

Quartum argumentum leuissimum est. Falsum enim est tales Sæ-

atos non esse nostrates, neque fuisse ipsorum tempore in Scotia Episcopos & Archiepiscopos. Ac in primis ut à sancto Liuvino incipiamus, clarum est illum esse nostratem. Probemus hoc primò ex grauissimis authoribus. Veniat Molanus, qui ita de ipso scribit. *Sanctus Liuvinus Archiepiscopus & Martyr adhuc puer in Scotiâ non modo eximiâ pietate, verum etiam miraculis clarus fuit.* Aubertus Miræus vir omnino doctus in fastis Belgicis & Burgundicis ita loquitur. *Liuvinus in Scotiâ nobili genere natus, &c.* His suffragatur Gazetus in hystoria Ecclesiastica Belgij, Maslæus in chronico lib. 13. Hunterus lib. 3. de viris sanctis Scotis, Reginus in calendario, & alij. 2. probatur, nam ut constat ex vita ipsius sancti Liuvini habuit susceptorem è sacro fonte magnum illum Augustinum Anglorum primum Episcopum: at quomodo habuit illum susceptorem si ipse in Hibernia natus fuit, quæ Angliæ nil debet &c. 3. in eadem vita habetur illum relicta administratione Archiepiscopatus Syluano Archidiacono, discessisse ex Scotia cum sanctis Foillano, Kiliano & Elia: at constat hos nostrates esse, & in primis de sancto Foillano res est clara. Fuit enim sanctorum Fursæi & Vltani frater & Eugenij Scotorum Regis hoc nomine quarti nepos. Vide Bedam qui sanctum Fursæum ait fuisse de nobilissimo genere Scotorum. Idem testatur Ioannes Tritemius lib. 3. de viris illustribus ordinis sancti Benedicti his verbis. *Sanctus Fursæus Abbas monasterij quod Charbhesburg dicitur in provincia Orientalium Anglorum natione Scotus, genere nobilissimus, verbo & actibus clarus, & signis atque miraculis egregius.* Idem denique (ut alios omittam) habet Molanus in indiculo sanctorum Belgij his verbis. *Fursæus multis annis in Scotiâ patriâ Insula verbum Dei nunciauit.* De sancto Kiliano siue Chileno (est hic diuersus ab altero Kiliano Franconiæ Apostolo) idem constat ex antiquo chronico Cameracensi Balderici, quod ita de ipso loquitur. *In vico Albiniaco est monasterium Canonicorum, sancti videlicet Kiliani, qui Scotus fuisse traditur.* Idem habet Tritemius, *Challenus monachus & discipulus sancti Columbani, & Eustasij eius successoris, natione Scotus, vir magna & incomparabilis sanctitatis, &c.* Idem habet Ioannes Maior de gestis Scotorum lib. 2. cap. 7. his verbis. *Eugenij Scotorum Regis tempore sanctus Challenus Scotus in Galliâ miraculis & virtutibus clarus.* Sanctum Eliam denique Scotum fuisse probatur: nam fuit Abbas monasterij Scotorum Coloniz sancto Pantaleoni dicati, in quo sicut in alijs non solum nullus Hibernus Abbatis officio fungi potuit, sed nec recipi. Vide quæ superius diximus agentes de sancto Kiliano Franconiæ Apostolo. Vltimò hoc idem probari potest ex vita san-

& Liuii quam scripsit sanctus Bonifacius Scotus Moguntinensium
 Apostolus, quæ sic se habet. *Tempore quo Calo Magnus inclytus Rex Scoto-*
rum in Christiana religionis vir magnificus p. lleret virtutibus & scepra regni,
Imperialis Monarchia columnæ supernâ providentiâ auspiciabiliter gubernaret,
erat quidam Senator Scorigena nomine Theaginus ex spectabili stemmate nativæ
nobilitatis excellentissimus, ipsius Regis optimatum Princeps, & præ cunctis
Audicis suis Archialiter apicem gerens, vir strenuus, &c. Vides hic patrem
 sancti Liuii fuisse Calo Magni Scotorum Regis optimatum Princi-
 pem, & consequenter sanctum Liuinum eius filium esse Scotum Adde
 ex Huntero Dominicani ordinis insigni Theologo lib. de Sanctis Sco-
 tis, Capsam in qua olim sacrum corpus sancti Liuii quieuit (vt à cæ-
 teris, quæ ibi erant distingueretur, & vt etiam ipsa patria vnde origi-
 nem traxit, indicaretur) Leonem Scotorum stemma impressum ha-
 buisse. Quod verò obijciunt nobis Hiberni, in vita ipsius à sancto Bo-
 nifacio scripta haberi Calo-Magnum fuisse illius Scotiæ Regem, ex
 qua fuit sanctus Liuius; inter omnes verò Scotiæ nostræ Reges nul-
 lum talem inueniri, nullam vim habet apud eos qui vel minimum au-
 thores legerunt. Quis enim nescit apud authores nomina sæpius
 inueniri ita mutata & inuersa, imò etiam impressoris vel scriptoris ne-
 gligentia corrupta, vt prorsus videantur scriptores de alijs loqui, quàm
 re vera loquantur. Plurima eius rei exempla habemus, sed ne longior
 sim tria vel quatuor tantum apponam. Et primum quidem ex eadem
 vita ex qua ipsi hoc argumentum desumunt. Nam longè à principio
 ait Agaliniam fuisse sancti Liuii matrem, post tamen dicit Agalu-
 niam fuisse eius matrem. Vides quàm faciliè mutantur nomina. Se-
 cundum exemplum sit de sancto Romualdo, quem Lippeloo, Mer-
 mannus, & alij, filium Davidis Regis Scotiæ faciunt, cum tamen re-
 vera pater eius fuerit Donaldus siue Donoualdus Rex Scotiæ, vt rectè
 aduertit Cuperus Carmelita in hystoria Barbantiæ. Et certè nullus Rex
 inuenitur huius nominis tunc apud Scotos regnans, cum tamen certò
 constet sanctum Romualdum Scotorum Regis filium fuisse. Hoc enim
 non solùm asserit Vsuardi martyrologium cum Romano, verùm etiam
 authores passim, R. pater Arias societatis Iesu de imitatione Christi
 tractatu 5. cap. 30. Arnoldus Mermannus in theatro conuersionis gen-
 tium. Lippeloo in eius vita, Regius in calendario, Baldericus Torna-
 censis Episcopus lib. 2. cap. 47. in chronico Cameracensi, ante 600.
 annos scripto his verbis. *Apud Maslinas monasterium est Canonicorum, vbi*
quiescit preiussus Dei Martyr Runoldus genere Scotus, qui vitam Eremiticam

ducens inibi martyrizatus est, & c. R. Dominus Aubertus Miræus in factis Belgicis & Burgundicis pagina 358. & alij passim. Hoc etiam ratio ipsa suadet, nam Archiepiscopi Mechlinienses (vt rectè notat doctissimus Miræus citatus loco etiam citato) *Insignia sua gentilitia cum insignibus regni Scotia mixta, vno in scuto gestant, in honorem ac memoriam sui sancti Rumoldi natione Scotti.* At in quem finem sua gentilitia cum insignibus nostræ Scotia mixta vno in scuto gestarent, si sanctus Rumoldus sit Hibernus. Hinc corriges illos qui sanctum Rumoldum eunt fuisse Dublinensem Episcopum. Legendum enim est Dumblinensem, vt rectè notat in factis Belgicis & Burgundicis Miræus. Idem etiam aduertit in geographia Ecclesiastica. *Dumblanum, ò Dumblani, (inquit) Vrbs est Scotia sub Archiepiscopo Andreapolitano.* Sanctus Rumoldus Machliniensis in Belgio patronus fuit Dumblanensis Episcopus in Scotia, non autem Dublinensis in Hibernia &c. Argumento sunt insignia regni Scotia, quæ suis gentilitijs in clypeo mixta: hodieque vsurpant Machlinienses Archiepiscopi. Tertium exemplum sit de sancto Malcolm Rege Scotia, quem Rosiers tom. 6. stemmatum Lotharingæ Maleonem vocat. quanta diuersitas! Quartum exemplum sit de Mariano Scoto, quem nonnulli, vt rectè notauit Dempsterus in dissertatione de sancti Bonifacii patria) Mauricum & Maurinianum vocant: & tamen Deus bone, quanta mutatio! His omnibus adde vitam sancti Liuii in Germania à sancto Bonifacio scriptam fuisse, & consequenter Germanicum nomen apponi potuisse, quod idem esset ac Scotticum. sic ipse sanctus Bonifacius, qui ante suum in Germaniam aduentum Vvinfridus dicebatur à Germanis Bonifacius est appellatus, sic etiam sanctus Fridelinus ab alijs Vvinfridus est appellatus. Multa similia adferre possem, sed breuitatis causa omitto. Et cerrè clarum est Calo Magnum, de quo loquitur sanctus Bonifacius fuisse Scotia nostræ Regem: nam in eadem vita paulò post habetur tunc Regem Irlandiæ siue Hiberniæ fuisse Ephigenium: si autem Ephigenius fuit tunc Hiberniæ Rex quomodo potuit eiusdem esse Rex Calo Magnus? Denique peto ab Irlandis, vt aliquem authorem mihi assignent, qui tunc dicat floruisse in illorum Irlandiâ aliquem Regem Calo-Magnum nomine. Quod verò obijciunt nobis secundo Hiberni in Scotia nostra tunc temporis non fuisse Archiepiscopos cum tamen sanctus Liuinus dicatur talis fuisse, ridiculum est: nam si hoc argumentum contra nos pugnat, profectò potiori iure contra ipsos pugnabit: nam neque in Hibernia Irlandica tunc temporis ulli fuerunt Archiepiscopatus. Siquidem vt

rectè docet Reuerendus Dominus Aubertus Miræus in notitia Patriarchatum & Archiepiscopatum orbis Christiani; Eugenius tertius Archiepiscopus Hiberniæ anno 1151. instituit. Idem notat idem Miræus in fastis Belgicis & Burgundicis pagina 667. Quod ergo vocetur Scotorum Archiepiscopus ita intelligendum est, quod apud Scotos primarius & præ cæteris eminens Episcopus fuerit, vt toties citatus Miræus in iisdem fastis notat his verbis. *Vocatur autem sanctus Linus Scotorum Archiepiscopus, quod apud illos primarius & præ cæteris eminens Episcopus fuerit.* Vide quæ supra diximus agentes de Sedulio.

Quod tertio loco obijciunt sanctum Liuinum debere esse Hibernum eo quod dum in Angliam iter faceret, mare traiecerit, ridiculum est, & ex crassa ignorantia profectum: nam certum est in Scotia brachium maris extare quod Forthæ æstuarium communiter vocatur, & quod transeundum est ab illis qui ex Angusia, Marria, Mernia, Buguhania, & multis alijs Scotiæ prouincijs in Angliam pergunt. Fuitque olim Roc Forthæ æstuarium communi Scotorum & Anglorum consensu appellatum mare Scoticum, vt notauit Theuetus lib. 16. Cosmog. cap. 6. Et hanc etiam ob causam inter alias, Scotos & Pictos vocat Beda transmarinas gentes, vt supra notauimus. Et hæc de sancto Liuino breuiter dicta sint.

Quæres si Hibernia Irlandica nunquam fuit appellata Scotia, vnde factum sit, vt tot viri docti hoc existimarint. Respondeo ex eo factum esse quod cum apud authores viderent Scotiam aliquando confundi cum Hibernia existimarint Hiberniam aliquando Scotiam appellatam cum tamen, vt ex dictis constat, potius colligere debuissent Scotiam nempe nostram appellatam Hiberniam, & certè (vt rem totam concludamus) si Hibernia olim Scotia appellata fuit, mirum est non ita ne semel quidem à Cæsare, Solino, & alijs ita appellari.

Quod attinet ad sanctam Brigidam, certum est illam ex Scotia nostra esse, & non ex Irelandia, hocque ita esse notarunt authores ferè omnes, de quibus ad eius diem Martyrologium Romanum his verbis. *In Scotia sanctæ Brigidæ Virginis.* Martyrium Vandelberri his verbis.

*Brigida Virgo potens Februi sibi prima calendas
Scotorum pascit miro celebrata fauore.*

Idem habent, ne longior sim, alia martyria & alij authores passim. Martyrologium Vsuardi, Petrus de Natalibus in hystoria Sanctorum, Iacobus Gretserus in præfatione commentarij exegetici in serenissimum Iacobum magnæ Britanniæ Regem, Antonius Possesinus in apparatu

quàm Irlandiam, sed quid hoc aliud est quam nugari? S. Bernardus Scotiam vltiorem de extrema Scotiæ ora dixit, ipsi de sua Irlandia dictum volunt. *O immanes iudices* (clamauit semel contra Irlandos Dempsterus dum hoc argumentum audiret) *scorbi Doctorem illudetis?*

Concludo totam hanc disputationem duo aduertendo. 1. Est prodijisse cetalogum quendam SS. Irlandiæ sub nomine P. Fitzimon, in quo Irlandiæ adscribuntur 464. Sancti. sed pace auctoris illius catalogi liceat me ad Aristarchi leges sincerè & sine offensione agere. Ex his præter 12. quos duplicauit, 143. liquidò Scoti sunt, Angli nonnulli, duo sola auctoritate Cambdeni, Gildasti, aut aliorum hæreticorum confirmati. 116. qui sanctorum virorum famuli tantùm, discipuli aut familiares fuerunt, non tamen sanctis adscripi. Et hinc est quod existinem authorem istius catalogi non esse P. Fitzimon, non enim permisissent supriores Societatis Iesu ab vno è societate fabulosum quid eiusmodi & hæreticorum testimonijs quibuldam in locis tantùm confirmatum in lucem prodire. 2. Rectè ac præclare loquutum Nicolaum Iansenium ex sacro ordine sancti Dominici in defensione Bzouij contra Cauellum in Hibernum côm conclusit, *Dicere per Scotiam intelligi Hiberniam* (Irlandicam intelligit) *tam faciliè crederetur, quàm Franciam esse Germaniam.*

**ADHORTATVR AVTHOR SCOTICAM IUVENVTEM
AVITÆ RELIGIONIS GRATIA DOMO EXTORREM.**

I Lacrymaretur Magnus Gregorius, aut alius quiuvis, cuius viscera diuini zelus honoris vtcunque morderet, si Scotiçe iuuentutis manum per clarissima literarum Emporia tota Europa diffusam hodie accuratius circumspicere. Enimuero his ipsis lætissima iadole iuuenibus de reliquis qui domi miserrima sorte detinentur, caperet coniecturam. Vtique veniret illi in mentem clarissimis omni sanctimonia maioribus procreatam sobolem, ipsa temporis iniquitate, atque in primis hæreseos prauis artibus tot iam annis ire transuersam: quanquam meliora nos sperare iubent, qui vt acceptæ à suis olim popularibus sanioris vsuram doctrinæ repetant, ab hæresium colluione aliò se abduxerunt: nimirum ominis secundi sidera, quæ suo iam ortu & inusitato quo fulgent splendore virtutis reducem Postliminio fidei serenitatem portendunt. Satis heu satis! misero mortalium sanguine litatum est in orbis. & ipsa quidem religio vestris, Lætissimi Iuuenes, olim maioribus acceptissi-

ma hæreseos libidine vapulat, iacet vsque dum flagitiosorum hominum deformata maleficijs: at qualis Virgo? quibus prædita dotibus? qua gratia, virtute, specie? Si modo situm & squallorem daretur excutere. Videtis ut errabunda inter Scopulos (neque enim prodire tutum) suo se luctu conficit? Auditis singultus? Vtinam exaudiat. queritur nullo se conuictam scelere, vinculis destinari, ad necem queri. ingemiscit vestros penates in quibus magna quondam voluntate sua, pari vestro aut parentum emolumento diuersata est, laruis occupari, violari, dehonestari. Cernit quod non sine lacrymis dici, nedum videri potest, naufragantem inter pelagi procellas, timorem numinis, disrupta pietatis vela, diuulsum atque fluctuantem clauum, prope amissas melioris spei anchoras, tantum non euersam florentissimam quondam reipublicæ carinam, susque deque omnia. Quid faciat? vocis aiuumque contentiue quanta potest maxima vestram implorat opem, obsecrat supplex & obteitatur, ut quod facitis, ad restaurandum splendorem suum, ad subleuandam iacentem patriam, ad recreandos virtutum exemplo & sustentandos parentes vestros sedulo vos accingatis. atque ut nonnullam ei spem à vobis effulgere credatis, hæc auorum stemmata & vultus immortalis dignos laurea, quos truculenta hæresis templorum ruinis, sacrorum cinere instrumentorum, ipsorum denique Christianorum sanguine cumulos & sepultos habuit, sua tandem vindicatos industria vobis restituit: quibus hanc epigraphen capitalibus inscribi præcepit. *Si feceritis sicut isti, eritis sicut isti.* Nimirum ut affixa vestri tholomusæ (si cōtingat subinde remissiùs agere vel oscitare, quæ humana est imbecillitas, suo vos aspectu ad officium, ad Spartam gnauiter adornandam reuocent. Neque verò ducem à vobis desiderari patitur, studio pietatis, quod animis vestris nouit interesse, hoc in primis curæ esse voluit cordique & statis temporibus pandat armaria imagines ostendet, præclara commemoret fortissimorum virorum facinora, adeptos honores exponat, proponat coronas atque commendet; quod caput est, vos ad pares conatus, ut parem auferatis gloriam vehementer hortetur. Scilicet componat hæreseos affeclas cum Palestritis hisce, diuersa illorum studia subijciat oculis: exinde doceat quàm diuersos sortiti sunt exitus, quomodo ingentem illi sibi apud Deum & homines collegerint gratiam: hi è diuerso summum sibi constarint odium: illi quale apud mortales sui reliquerint desiderium; hi qualem indignationem: illi reipublicæ totique terrarum orbi quàm salutare extiterint, hi quàm funesti: quantam illi sibi suoque generi peperint

gloriam, hi qua ignominia labe se suosque sordauerint: doceat, inquam & exaggeret quomodo illi summa cum laude & fructu vitæ præclara posteritati monumenta dederint: hi nullum aliud argumentum reliquerint quo se inter mortales vixisse probent, quàm quo se pariter summo dignos dedecore, sed & sempiterni reos supplicij testentur, ea ratione sibi persuasit generosos vestros animos nullo negotio imitari posse ad ea virtutis & literarum studia quorum fructus meritò speretur afflicta patriæ futurus. Vestrarum erit partium, Magnanimi iuuenes, dum in hanc rem toto pectore incumbitis, reflectere mentis aciem ad ea documenta quæ vestris animis magna illa nomina vel tacendo suggerunt: illorum aspectus eriget inclinatos animos & omnem laboris, si qua fortè inciderit, molestiam mitigabit. Esto, alij marcescent otio, sectabuntur caducos honores & auolantis elinimenta vitæ, ac profectò accipient operæ pretium: quippe breuibz illius terminis quicquid clauditur, ipsum breue sit & exiguum necesse est. Magno porro & improbo dignum labore quod in æternum sese exprigit. Hoc sacræ quas coram videtis imagines prædicant: turpe esse seruire corpori, inertis animi atque degeneris, rerum humanarum captare bullas, quas non ante consequaris quàm inanes esse deprehendas: porro nec ante inanes animaduertas, quàm eas irrisio labore sis consequutus. Itaque si quem deinceps vel laboris vel exilij pigebit, succurrat vna è multis Maria Stuarda Regina Scotorum inclita, cuius vita quot grauissimorum fluctibus periculorum iactata fuit: meminerit illam tot annis stricto mancipatam carceri vitam tolerasse duntaxat: meminerit post tot maleuolorum hominum inuidiam, post atreissimas calumnias, fraudes contumeliasque seruili eam securi subiecisse ceruices, angustiore dignas monili, quod nisi de tali catastrophe, nisi inter superos acquirere nullo modo potuit. Per me licet eius necepi singultu & lacrymis alij, ego gratulatione & lætitijs omnibus prosequar. Siquidem apud Christianos non qui patitur seæ qui facit contumeliam miser est. Si quem ut ad propositum redeam, & finem faciam, patriæ recordatio, matris blanditiæ & alia id genus crepundia ad defectionem sollicitauerint, subibunt Regum filij qui deponita purpura nihil habuerunt antiquius quàm ut ad vilissima quæque descenderent, atque alienas plagas obirent peregrinando, quo in eum quem summo studio quæsebant beatitatis portum feliciùs inueherentur. Non est consilium reliqua persequi: quando nec vos magnopere egetis, & ut egetis non est, arduum ex intrudissimo Pharmacopæo, quæ sit vsui medelam depromere.

tantum merito fraudatos honore iam inde a tot annis Scotiæ diuos tot
vndique sanctimoni notis celeberrimos colite pro vestra virili, & pro-
pria virtute labore, atque constantia eorum munerum auctorem facile.
Quid enim est ventitare profapiam & suæ stirpis ornamenta iactare,
nisi de generem animum prodere & girate purgare non possit supinam
ignauiam iuertiamque confiteri, si non respondeas, morum integrita-
te & tacita vitæ sanctimonia affectare cum laboribus coronas auorum
hoc vero est efferre se se & illustrare; iuuare; Remp. præstare se virum,
hoc est reliquum, vulgus mortalium longe transcendere, cæterum sic
habere, quo remotius a parentum focis diuitiæ abitis gloriæ velificatū,
eo vos magis diuis omnibus atque in primis benignissimo assertori
vestro similes euadere, quin & illius ad amplexus, & intimam amicitia-
am proprius accedere.

FINIS.

INDEX CAPITVM ET PARAGRAFORVM HVIVS Primi Libri.

Prima pars.

CAPVT I § Primus.

De mundi creatione eiusdē auctore Deo. iusdem haresis in Scotia.	74
§ 2. Quo anni tempore mundi conditor Iacobus quintus Rex Scotorum Panto 3. mundum produxerit	2 Pontificis maximo. 75
§ 2. Annundus sit creatus spacio 6. die- §. 1. cap. 2. De religionibus haretico- rum ubi etiam hominis creatione.	3 Vm in suos Principes, praesertim in
§ 4. De dignitate creati hominis creati Scotia contra Severissimam Reginam tam quo ad animā quā quo ad corpus. ● Mariā, inclinatam Ecclesiam Martirē	79
cap. 2. § 2. De bonis in peccatū lapsis. 12 §. 2. De ministrorum & predicantium	
§ 3. De primis parentibus eorūque portell Scotorū moribus viteq; ratione.	106
ritatis propter peccatum inflictiis.	14 cap. 3. §. 1. Antiquitas religionis ca-
cap. 3. §. 1. Quā origo & causa fuerit tholica apud Scotos, eorūque in cadē	108
idololatria quid proprie sit? & quando- constantia explicatur.	
nam exorta?	16 §. 2. Enumerantur praecipui Sācti do-
§. 2. Au eoq; progressa fuerit idololatria Eligue viri qui suis natalibus Scotā,	
re Dei Ecclesiam euerterit & quēdā sue- exteros vero Gallos, Lotaringos, Ger-	
rit autē Christi aduentū Dei Ecclesia. 20 manos, Belgas, Burgundos, Anglos,	
cap. 4. § 1. De incarnatione verbi Diuini, Hybernos, quā doctrinā quā virtute	
ubi etiam eiusdem veritas & Christi diuini illustrantur.	116
ritas scripturis & ratione probatur. 22	
§. 2. De praeicatione euangelij a christo	IANVARIVS.
facta & num fuerit conueniens Christum	1. Sancta Mathildis &c. 116
Iudais timere & non gentibus predicare. 25	● FEBRVARIVS.
§. 3. De vocatione gentiū apostolorumque	1. Sancta Brigida. &c. 139
in Varijs mundi plagis predicatione. 26	MARTIVS.
Libri primi pars secunda.	1. Sāctus Marrianus. &c. 156
cap. 2. § 1. De exortu haresios & schis- APRILIS.	
matum ubi etiam de haresibus nostri tēpo	1. Sanctus Gilbertus &c 171
ris earumque propagatione per Galliam, MAIVS.	
Germaniam, Bohemiam. &c. 54	1. Sanctus Vuilbaldus. &c. 187
§. 2. Specialis narratio de propagatione INNIVS.	
Haresis in Auelia.	35 1. Sanctus Dicitus. &c. 140
Clemens. Papa VII	68
§. 3. Specialis narratio de propagatione	IVLIVS.
	1. Sanctus Ramoldus. &c. 215

	AVGVSTVS.
1.	Sanctus Diuma. &c.
	SEPTEMBER.
1.	Sanctus Glasctanus &c.
	OCTOBER.
1.	Sanctus Priscus. &c.
	NOVEMBER.
1.	Sanctus Beia. &c.
	DECEMBER.
1.	Sanctus Dardulaca. &c.

INDEX.

	9. 3. Defenditur nominatos sanctos suis	
102	se natione Scotos .	264
	Quando Scoti asbionem venerint	265
227	Quo tempore Scoti fidi suscepunt.	267
	Quibus nominibus fuerit olim Scotia	
234	appellata.	271
	Num a Christi temporibus Hibernia	
239	Irlandica appellata fuerit Scotia.	282
	Adhortatur author scoticam iuventu-	
259	tem adita religionis gratia demo extor-	
	rem	306

FINIS.

APPROBATIO.

Opus istud, cui inscriptio est DE STATV HOMINIS VETERIS SIMVL AC NOVÆ ECCLESIAE, ET INFIDELIVM CONVERSIONE, non modò vel cum generali Ecclesiæ sententia, vel cum saluberimia fidei doctrina, vel cum probis moribus & vitæ sanctimonia sentit & conspirat vehemenrer; sed multa passim offenduntur in eo, quæ ad historiæ cum sacræ, tû profanæ notitiam pertinent, scitè eruditè commemorata, & acutè disceptata. Tam pius proinde labor, utilis tersus & eruditus in lucem tuto proferatur. Ita sentimus nos Doctores Theologi Parisienses.

IOANNES LAISNE'

F. Lefchans Reuerdy
Augustinensis.